

BARTHOLOMAEI TORTOLETTI

S.THEOL. DOCTORIS

IVDITHA VINDEX

E T

VINDICATA



Romae Typis Vaticanis. 1628.

Superiorum permissu.



x.3.



C.A. 16-5 6d-6

64-9

227

2130

INDEX



# VRBANO VIII. PONT. OPT. MAX.

Bartholomæus Tortolettus  
Post humillima Apostolicis impressa pedibus oscula  
felicitatem D.



**I**N castra Assyriorum  
Imperatorem obtrun-  
catura IVDITHA HEB-  
RAEA prodiuit anti-  
quitus. In conuentus  
litteratorum nemini  
mortem, sibi vitam  
quesitura IVDITHA LATINA prodit hoc  
tempore. Vouit tunc Deo caput suum;  
nunc Vindex Votum est Virgini, Vin-  
dicata obsequium Principi. Ibià Pon-  
tifice collaudata; Hic Pontificem ado-  
ratura. Ciuibus ab ea salus; Vtinàm  
ab hac mihi. Auibus, aut certè Api-  
bus





bus, BEATIS SIME PATER, vestris auspi-  
cibus hæc, inquam, prodit; lucrum in-  
gens; nam quod à se ipsa referre neuti-  
quàm potest, è maiestate Principis hau-  
riet. Ego vero quod in mea est potesta-  
te, totum exhibeo; etenim cui Deus im-  
mortalis summum in hac vita negavit  
nihil, eidem omnia tribuere mortales  
debet, meq; in primis benignè habitum,  
& beneficijs vltro affectum. Viuat diu,  
SANCTITAS VESTRA, vt nobis viuere  
feliciter liceat, & sua virtute fruatur,  
& gloria.



# AD VRBANVM VIII. PONT. OPT. MAX.

**I**mpridem IVDITHA manu caput explicat hostis,  
Inq; triumphalem tota parata viam est;  
Laurea temporibus pendet, chlamys aurea collo,  
Currus ab implacidis sollicitatur equis,  
Suspiciunt populo iuga Vaticana frequente,  
Ante pedes quando prodeat illa tuos.  
Interdicta domi tamèn est, atque ebice clausa;  
Annue, suppliciter cernua poscit opem;  
Nam si laurigeram iubeas procedere pompam,  
Hic, VRBANE, tuus magne triumphus erit.

## AD CAROLVM S. R. E. CARDINALEM PIVM.

**I**N dudum optatum Vindex IVDITHA triumphum  
Ecce tuis prodit, CAROLE, de laribus,  
Quippè domos habuisse decet, quæ fortiter arma  
Exeruit patria pro pietate, PIAS.  
A quò, si videas, ad quem deducitur illa,  
Non poterat geminis clarior esse locis.





*Imprimatur*

Si videbitur Reuerendiss. P. M. S. P.

A. Episc. Bellicastren. Vicefg.

**C**VM mihi à Reuerendissimo Patre Nicolao Rodulfo Magistro S. Palatij Apostolici demandata fuerit prouincia Epicum recolendi carmen in quinque distributum libros Bartholomæi Tortoletti V. C. de IVDITHA Vindice, & Vindicata, quò meam hoc de opere sententiã enuntiarẽ; nihilq; repererim, quod Christianam non sapiat fidem, quod insignem non redoleat cum pietate doctrinam, Typis dignissimum arbitror, ut potè rei litterariæ maximo vsui, atque ornameto futurum. Datum die 16. Aprilis 1628.

Don Io. Aloysius Cerchiarius C. R. Congr. Somaschæ.

*Imprimatur*

F. Nicolaus Rodulfus S. Pal. Mag.



LECTORES, PRVDENTES, BONI,

ADESTE.

IVDITHAM VINDICEM

NE VT ERVTAM E SACRIS LITERIS ACCIPIVNTO.

VT POESIM HABENTO:

REM PVRAM E BIBLICO FONTE HAVRIVNTO.

CVM FACTVM MIRABILE, MEMORABILE

AD MVSARVM FAVOS AVCTOR TRADVXIT,

HAVD HISTORIÆ SACROSANCTÆ

DEMERE, AVT ADDERE ANIMVM INDVXIT SVVM.

CÆTERVM

FORTVNAM, FATVM, SORTEM

IVXTA CATHOLICAS SANCTIONES INTERPRETANTOR.

VOS VTRVMQVE MONITVM OPPORTVNISVMVM

ÆQVI, BONI CONSVLVNTO.



Auctor  
IN IVDITHAM SVAM.



*Vicumque celsam mente Virtutem colit  
Huic diligenda iure IVDITHA est suo,  
Cui summa Virtus, siue plectendus foret  
Cruentus hostis, siue placandus Deus.*

*At quos amamus, diuidat si longius  
Marisue, terraeue improba à nobis via,  
Horum libenter intuemur æmulis  
Mandata signis ora, sensus anxios  
Nec non inani fallimus presentia.  
IUDITHA non apparet vsquàm gentium,  
Mortalibus videre nec Diuam potes,  
Hospes, pupillis, fulgidis Cœli procùl  
Versatur astris illa, quà laurum Dei  
Accepit altam dextera, & nunquàm aridam.  
Pictura tanta frontis, & victoriæ  
Hæc est, beato scilicèt si Heroidis  
Flagras amore fortis, & formam cupis,  
Amabis hanc, quæ paginis nostris nitet,  
Virtutibus colore quamuis impari  
Vultusq; lactabis imitato lumina.  
Sin oderis (monere te volo) caue;  
Feroci amicos ista defendit manu,  
Sed truncat hostes; quisquis es contrà, time.*





# Singulorum librorum IVDITHAE Vindicis Breuiaria.



CCIPE, optime Lector, quam tibi Argumentorum genuem faculam nostro Poëmati preferendam opera pretium existimauius; non quod in obscurum pergendum sit, sed quia iucundius videre deinde, quod antea penitus non ignoraueris.

Istiusmodi Poëma nostrum in quinque libros distribuimus, ab ouo belliq; incunabulis nequaquam exorsumus, Vnum, vniussque Iudithæ factum persecuti fuimus.

Est in Primo libro Seditio Bethuliensis populi annonæ, aquarumq; inopia laborantis, quò nimirum hostibus oppidum traderetur. Principum aduersus tumultum conatus, tum ubi nihil proficere, decretum de facienda statò die deditio. Re audita, non sine Cœlestibus monitis de Patria liberanda Iuditha cogitat, deliberat, statuit, Proceribus consilium abeundi significat, rei gerendæ modum silet. Ephraïmus ad Senatum Hierosolymam legatur. In Assyrio exercitui turbæ, ac remedia.

Secundus Iuditham orantem, complam, discedentem proponit ob oculos. Concilium apud Inferos; furiarum contentiones, & iurgia; tum aduersus Iuditham conatus irritos. Profligatis ab Angelo, monstris, atque illiso Babilonio prestigiatore, ad Holopbernem Hebræa peruenit. Ille amore captus loquentis verba ad suum sensum traducit; indemnem præstat; tentorium, Hesteris historia illustratum in contubernium tradit, cœlestis custodia Iuditha accedit.

Recensetur Tercio Bethuliæ origo; Nuntijq; ex ea Hierosolymam profectio. Mandata exponuntur; auxilia commentusq; impetrantur. Sacrificiis, cœnæq; peractis, hostium ille Catalogum, ac res gestas abortu belli Pontifici roganti narrat. Medicis co-

hortibus



horribus frumentarioq; subsidio præfectus Ionathas; armisq; donatus, in quibus Assamonæi futuri Principes præfulgebant, nec non unâ Ephræmus Bethuliam suppetias ferunt.

Habet Quartus legationem Numidaram splendidissimam ad Holofernem; Concilium in Cælo ad perficiendum opus; ac de Christo oraculum luculentum. Angeli ad euocandum ab Inferis Somnum descensum, eaq; occasione Davidis Vaticinia de rebus quoq; nostrorum temporum; Epulas Principum præsentè Iudithæ; Somnum, Cædemq; Imperatoris; Victricis Fœminæ ad suos reditum. Res à Quinto absolvitur. Iudithæ intra oppidum receptio; obtruncati capitis detectio; obseßorum catalogus, & eruptio; Hostium primò conatus, dein comperta cæde Principis metus, fugaque; suppetiarum ab Hierosolymis in ipsa persecutione aduentus; Varij casus; Iudeorum victoria. Lector candide, vtere, & Vale.

### Eadem contractiùs.

**I**VDITHA ad Persas statuit descendere primo.  
Comit, itq; Herebo frustrà aduersante secundo.  
Tertius auxilium Solymos rogat, actaq; narrat.  
Immanem Quarto IVDITHA interficit hostem:  
Assyrios Quintus fugientes demerit ense.





D.

O.

M.

# VIRGINI MATRI

QVÆ VERBI ÆTERNI GLADIO TARTAREVM HOLOPHERNEM

QBTRVNCAVIT

## IVDITHAM VINDICEM,

PRÆNVNTIAM EIVSDEM, AC TYPVM

BARTHOLOMÆVS TORTOLETTVS,

QVOD AB INGENITIBVS PERICVLIS IPSIVS PRÆSIDIO EREPTVS

MAXVMIS BENEFICIIS EIVS CLEMENTIA AFFECTVS FVERIT,

VOTI REVS

NON TAM MEMORIS ANIMI TESTIMONIUM,

QVAM CENSVM INGENII DEBITVM, PACTVMQ;

SOLVIT, DICAT, CONSECRAT,

SVPPLEXQ; ORAT, NE COELESTIBVS MVNIS ASSVETA

TERRESTRES NVMEROS DEDIGNETVR.

QVOD VTINAM VALIDVM, MVLTVMQ; SIT

AD EXCITANDAS IN EIVS PRÆCONIA MELIORVM VOCES,

NAM ET PARVA SÆPE SCINTILLA SATIS EST

AD AMPLISSVMVM CONFLANDVM INCENDIVM.

ARÆ SACRO LVXX OPEROSÆ, BASILICÆ COELO ÆMVLÆ

EIDEM A LOCVPLETIBVS ERIGVNTOR;

AB EGESTATE SVPPPLICIS

HÆ PARIETINÆ VELVTI NOTÆ

NE CONTEMNVNTOR,

TANTÆ HOMINVM, ANGELORVM, RERVM REGINÆ,

DEI DELICIIIS

VTRAMQ; VITAM DOMVM I LABORES IPSE SVOS

PERPETVO COMMENDAT,


NEC NON SEMPITERNI NVMINIS VIVVM TEMPLVM

PRONVS ADORAT.




D. O. F. L. G. M. M. A. T. H.

THE L. G. M. M. A. T. H.














BARTHOLOMAEI  
TORTOLETTI  
SACKÆ THEOLOGICÆ  
DOCTORIS  
IUDITHAE VINDICIS

Liber Primus.



RMA cano, Abrami quorum virtute  
nepotes

Fœmina ab obsidio soluit, cum se in-  
tulit hostes

In medios, strauitq; Ducem, tùm cæ-  
de cruenta

Afsyrium latè cecidere immania castra.

Constitit imperium Solymorum, & Numinis aræ.

Tu modò, quam Cœlum tantos delegit ad orsus,

Bellatrix, ataus, nec non genus omne sequentum

Virtute anteuolans, & diæ lumine formæ,

Dùm famam egregij veterem renouare laboris

Aggredior, cœca mersum caligine vatem,

Diua, mone ex alro, & repetenti singula pande;

A

Quan-



Quandoquidem tenuem, cùm tantùm præterit ævi,  
 Rerum ipsi nunc multarum vix cernimus umbram,  
 Et multæ sub nocte latent, nec mens valet ultro  
 Quærere, & arcanis tacitas reuocare tenebris.

Iam se se Oceano tulerat bis denuſ ab Indo  
 Pulſa nocte dieſ, primaq; in luce rubebat,  
 Ex quò Bethuliam Galilææ in finibus oræ  
 Aſſyrijs vaſtæ à regnis, & littoræ rubro  
 Cingebant alæ, ac dura obſidione premebant.  
 Afflictam terrere minis crudelibus urbem.  
 Nullus erat finis; firmati milite colles  
 Haud fugiunt animo, ſpretiq; iniuria regis.  
 Non tamen obſeſſi, quamuis haud æqua periclo  
 Gens foret, innumeros nec non lethalis egeſtas  
 Perderet, humanæ nec ſpes opis vlla daretur,  
 Intereà oblitæ ſuperum, & virtutis auitæ  
 Ponebant arma, aut ſcæda ſibi pace cauebant;  
 Cum Dira, Hebrææ monſtrum implacabile genti  
 ſciſſa genas, inq; aſtra vomens conuicia ſecum  
 Hæc agitât. Num me tandem, num me ipſa reliqui?  
 Uſqueadeò nunc lenta moror; viliffimus hoſtis  
 Illudatne mihi? nec tela audacia contra  
 Proſuerit vires Orientis, & arma ciere  
 Vltima? nam quorſum populis indicere bellum  
 Niliacis? quorſum Cilices, & Caſpia regna;  
 Omnia, quæ dudum noſtris operantur in aris,  
 Subijcere Aſſyrijs, & moenia ſternere ferro?

Ni quò relliquias inuistæ denique gentis  
Auferrem, ac Solymæ delerem semina noxæ?  
Nostra sinus istos optarunt hæctenus arma.  
Ipsa tamen, quam tota domus damnata veretur,  
Formidatq; solum, palletq; afflatus Olympus,  
Pulsa pedem referam conuersis turpiter armis?  
Non faciam, scelus hûc omne, atq; hûc omnia fundam  
Tartara, me me acuam, meq; in noua tela refingam;  
Iamq; adsum, genus obscœnum, tua viscera contra  
Tecio, mortemq; fero. Sic fata colubros  
In speciem tenuare comæ, fronti; colorem  
Addere festinat, posita ferrugine discunt  
Mentiri malè candorem, exusta; colla,  
Nec non exuias superinduit, ora; nupte  
Bethulidis, macie effœtum, ac miserabile monstrum,  
Seme sumq; sinu natum gerit, atq; vbi vulgus  
Fœmineum sortem lachrymis deplorat iniquam,  
Proripit in medias vltro se, ac talia fatur.

Quid vos sollicitis incenditis astra querelis  
Nequicquàm, sociæ? nulla est iactura dolori  
Æquiparanda meo; puerum, quem pectore toto  
Dilexi quondam, iugulare, ac reddere ventri  
Ambustum flammis penuria adegit edendi.  
Regredere ad primos, fili miserande, recessus;  
Hæ sunt spes nostræ, sic magnus vincitur hostis.  
Atq; hæc omnipotens oculis Deus hauriat æquis?  
Hic pestis lachrymis sermonem abruptit abortis.



## 4 IVDITHÆ VIND.

Incendens refides animos, & inertia corda  
 Spectaclo immani; nunc has, nunc præterit illas  
 Vipereum inspirans incautis osibus ignem,  
 Ac tandem in tenues è cœtu evanuit auras.  
 Tum verò magis, atq; magis crebescere questus  
 Incipiunt matrum, & vicina accurrere turba;  
 Fama malum in maius sævis rumoribus auget.  
 Continuo viru tacta hoc subcanduit omnis  
 Bethulia, exoritur populo trepidante tumultus;  
 Quandoquidem rebus, quas multi corde premebant,  
 Motibus vt sæpe in magnis, auctore reperto  
 Quisq; suum sentire malum, & damnare loquendo.  
 Iamq; venenata quæcumq; atrocia mente  
 Concipiunt, spolia, & plagas, & funera passim,  
 Seu prædura fames turbam populetur egentem,  
 Siuè ferox hostis superatis molibus urbem  
 Diripiat, captasq; facem iaculetur in ædes.  
 Ipsæ adeò postes, & auiti limina tecti  
 Complexæ matres suprema voce salutant,  
 Et quos expectant raptari ad vulnera natos,  
 Patribus obtendunt, atque oscula tristia figunt:  
 Tantus cuiq; furor tremefacta per ossa recurSAT.  
 Ergò omnes vnà stygijs terroribus acti,  
 Atq; viri, atq; nûrus magno clamore feruntur  
 Ad proceres, posci orantes in fœdera Persas,  
 Vna salus hosti muros offerre videtur.  
 Sicut oues, quâ fortè procul sensere ferocem

Aduen-

Aduentare lupum, qui sylua egressus opaca  
Appetit impastus ieiuno pabula ventri,  
Haud mora, diffugiunt agris, & nota pauentes  
Ostia caularum turbis stipantibus arctant.  
Non aliter furij, actum concurrere vulgus  
Cernere erat, densoq; viæ se se agmine claudunt.  
At procerum primi, quæ se prætoria tollunt,  
De belli inter se rebus consulta ferebant.

Mos erat Isacidum genti, postquam arcta leuarunt  
Vincula Persarum reges, duroq; soluta  
Seruitio in patrias retulit vestigia terras,  
Ardua quæ solymis hærebat curia templis,  
Cogere concilium, patresq; à regibus orti  
Regnum exercebant luculentum, & iura ferebant.  
Ipse sacris princeps qui præsidet, astraq; placat.  
Res simul humanas, & munia regis obire  
Asolet: ast alij subiecta per oppida præsumt,  
Quorum consilium præstat, spectataq; virtus.  
Tales Bethuliam Chabris, Charmisq; regebant  
Tempestate illa, quos experientia duxit  
Longa per euentus, & rerum exercuit vsu.  
Micheades verò Ozias dux optimis armis,  
Cuiq; adeo afflictis ingens solertia rebus,  
Militiæ præerat; tunc illi cura tueri  
Obsessæ muros, & propugnacula rupis.  
Protinùs immanis strepitus diuerberat aures  
Attonitas facti nouitate, ac pectora turbat;

Nec



Nec mora, profiliunt claustris, altaq; tuentur  
 Diluuium è specula, tum facta silentia genti.  
 Primorum iussu, lingua bonus vnus Ananus  
 Constitit ante omnes senior, dein talibus infit.

Egregij procures, fortissima pectora, quorum  
 Nulla dies famam venturis auferet annis,  
 Ne nostros dammate orsus, populumq; precantem  
 Suscipite, & si qua est pietas succurrite fessis,  
 Hęc vos cura manet; quorum pendemus ab ore,  
 En quibus ad pœnas armis nos postulat hostis  
 Externus, quantisq; fames grassatur in vrbe  
 Stragibus, & ciues interno demerit ense;  
 Vna in pace salus, pacem vos poscimus vnam;  
 Nam quod iamdudum totius viribus orbis  
 Obsessi Hebræas tenui res vrbe ruemur  
 Pro patrijs sacris, pro libertate decora,  
 Hoc satis, atq; super vos tollit ad æthera fama,  
 Ast vbi perfugio vitalis ianua nulli  
 Panditur, & cladem manifesta in luce videmus,  
 Quæ laus incerto fuerit confidere bello;  
 Dum tolli populo incolumi certamina possunt?  
 Nam quid iam struimus? qua spe duramus in armis?  
 Nos si Bethuliam suadet defendere dextra  
 Et generis virtus, & laudum innata cupido,  
 Qui posse immensas acies auertere pauci  
 Speremus? pulsaq; locum osidione tueri?  
 Finitimos populos forte, atq; externa vocemus.

Auxilia? infensi nobis, victiue propinqui  
Sunt omnes, quia ne hunc aliqui potuere furorem  
Effugere? an quisquam Numen non regis adorat?  
At si cunctari, nec rem decernere ferro  
Est animus, luxu frangi quia posse putamus  
Assyrium longo, quamuis nunc omnia bello  
Territet, ac nunquam victis exultet in armis,  
Haud scio, qua vitam liceat ratione tueri  
( Ni sumus æterni, aut vanas depascimur auras )  
Interea, quando supremas horrea fruges  
Suppeditant, purosque verat custodia fontes,  
Vosque adeo aspicitis, quot vitam abrumpere cogat  
( Nec tenuistis enim lachrymas ) penuria rerum,  
Immò ne desint scelerum spectacula, mater  
Iam non infanti parcit seculissima nato,  
Deficiendum ergo nobis, nobisque cadendum  
Est primis, nos ergo prement, quæ fingimus hosti.  
His adeo ex causis vos æquum est parcere vestro  
Heroës, populo, veniamque reposcere Persas;  
Si libertatem positis amittimus armis,  
Seruamus vitam, vita est pulcherrima rerum.  
Flagitat anteactæ hoc vitæ fortasse piæ  
Conditio, atque Dei manet alta mente repositum  
Pollutum fas a patribus, violataque sacra.  
Nec quod iam grauior senio, quod frigida bello  
Dextra mihi iaceat, me me hoc suadere putandum est,  
Namque Deum testor cordis secreta tuentem

Me



## 8 IVDITHÆ VIND.

Me nullas horrere vices, ac temnere vitam,  
 Aut ferrum in mortem, aut penuria pellat edendi;  
 Sat vixi, tumulto iam debeor; haud mihi vita,  
 Si qua mihi superest, melior nil morte senecta est;  
 Hæc ego sed nuruum cætus, hæc pignora culpæ  
 Conscia nullius miseror, quæ barbarus ensis  
 (Auertant superi) iam iam vitalibus auris  
 Eximet, aut potus, atq; escæ dulcis egestas.

Talia fundebat, gemituq; extrema coorto  
 Suppressit verba, & lachrymarum flumine merfit.  
 Continuo timidæ matres, & inutile vulgus  
 Clamorem excipiunt, geminantq; infanda doloris  
 Argumenta trucidis, tum pectora mollia plangunt.  
 Et pacem sibi quisq; petit. nil flebitur ingens  
 Heroum virtus, populoq; immota resistit,  
 Quantus Atlas ventis, aut nubifer Appenninus  
 Obtendunt firmas rupes, & flamina temnunt.

Scilicet Hebræis animis, & nomine gentis  
 Indignum Assyrio regi se dedere victos,  
 Cum res de sacris agitur, rituq; paterno;  
 Ne metuant, superesse Deum, qui rebus egenis  
 Subueniat, fessisq; animum, viresq; ministret,  
 Nam cadit in mentem, Ciues, fortasse (ferebat  
 Arbiter Ozias) nos hæc latuisse pericla  
 Iamdudum? latuisse trucidis dispendia belli?  
 At non humanis opibus fiducia nostra  
 Nititur, aut rerum euentum metimur ab armis;

Cæli-

Cœlicolæ auertant à nostra talia mente;  
 Maior agit virtus, Deus est, cui fidimus; ille  
 Proh quanta exhibuit generi miracula nostro.  
 Hunc adeò & vobis lentum, quâquam ægra fathiscant,  
 Corpora paulisper, locij, pigeatq; laborum,  
 Esse velim, neq; enim obliti res estis auitas,  
 Nec compos animi quisquam diffidat Olympo.  
 Pracipue cum sit vobis sat cognita gentis  
 Perfidia Assyriæ, nullique obscura pateſcant  
 Flagitia, oppressa & iaceant promissa sub armis.  
 Propterea pacta quamquam tellure potiti  
 Pacem promittant, & sacris fœdera firment,  
 Equis erit vestrum, manibus qui speret in illis.  
 Esse locum fidei? semotusne angulus orbis  
 Immanis populi periuria nescit, & iras?  
 Vos adeò ingentes campi, vos oppida testor.  
 Quæ bigis Aurora recens surgentibus afflat  
 Cum vos oblata exciperent, linguaq; fauentes  
 Tranquilla in speciem sponderent omnia Persæ,  
 Quot tamen ingressi strages, quot strua dedere  
 Funera? casta merum cum tecto in paupere mater  
 Exuit, & cuncta à bello secura putauit,  
 Tum primum ærumnis sensit flagrare repertis  
 Hospitium, viditq; mori sub verbere natos;  
 Vidit purpureas raptari ad probra puellas,  
 Dein scelere augeri scelus, & crudelibus armis  
 Transfigi. quæ commemoret vox ferrea prædis,



Incensasq; domos, euerfaq; templa Deorum?  
 Nos verò, qui vestibulum mucrone corusco  
 Sepsimus, & caelum duri disclusimus hostem,  
 Speremus populo incolumi certamina tolli?  
 Accipite ergo, animis quæ sit sententia nostris,  
 Nos nullam horremus faciem, nulla ora malorum;  
 Vt patrias rerum Dominum veneremur ad aras,  
 Mentibus hæc eadem per cuncta pericula vestris  
 Hæreat, hæc vestris eadem sit gloria cœptis,  
 Et sperate Dei præsentia numina voto.

Nititur his adeo gentem sermonibus Heros  
 Flectere; pernicies verùm altè in mentibus hæret;  
 Ac velut ægrescit vulnus, ferrumq; medendo  
 Cuspидis infixæ stridet, quod dextra veneno  
 Aduersa infecit; sic vis est addita pesti,  
 Seditioq; auctis compressa referbuit iris.  
 Mussant attoniti tanto in discrimine patres,  
 Attolluntq; polo voces, & Numen adorant.

Flectere, summe Parens, & casus aspice nostros;  
 Heu quibus absumpti bellis, quo vulnere fracti  
 Non fuimus miseri? cuius non iussa Tyranni  
 Pertulimus patria extorres? quæ barbara tellus  
 Subiacet Auroræ vinculis incognita nostris?  
 Nunc vix attigimus patriam, sedesq; relictas,  
 Et tamen hostiles iterum, fera pectora, turmæ  
 Auectare parant prædas, & perdere gentem.  
 Si Cœlo inuisi proauita recepinus arua,

Si ritus, & sacra, tibi quæ debita soli,  
 Dijs facimus, saxiſq; tuos adolemus honores;  
 Dele adeò, & capita hæc ſub Tartaraſulmine mitte;  
 Sed cui iamdudum ſtultorum de grege Diuum  
 Delubra erigimus, ſparſoq; cruore litamus  
 Taurorum? cuius veneramur numina formæ?  
 Tu columen, tu noſtra ſalus; miſerere laborum,  
 Et cauſam defende tuam; tibi prima minantur  
 Detrimenta, tuis te trudere ſedibus audent:  
 Scilicet id ſupereſt, proprijs vt viribus exlex  
 Arroget Aſſyrius noſtræ diſpendia cladis,  
 Illudatq; Deo. cœptis immanibus obſta,  
 Atq; tuæ maneant æterna in ſecula laudes.

Talibus vnanimis onerabant æthera votis;  
 Nil tamen ad turbas validum, & conuicia vulgi  
 Sedanda, aut Cerere auxilium, lymphaq; parandum  
 Extemplò, aut pacem Perſarum ab rege petendum:  
 Sin renuant, malintq; armis defendere turres,  
 Vincula ſe omnia rupturos, vrbemq; daturus.  
 Sic inſtant turbæ, ac magno clamore minantur,  
 Tantùm dira lues agitât, flammæq; miniſtrat.  
 Ergò neq; hortatus Procerum cohibere tumultum,  
 Nec valet imperium, turbataq; pectora curis  
 In partes verſant omnes, animumq; fatigant.  
 Qualis in immani pelago ſub nocte maligna,  
 Dum ſtridunt venti, rapiuntq; ad ſydera fluctus,  
 Ac tonitru ſonat, & rapidis micat ignibus ær,



Nautica terribili pubes iactata procella  
Velum aufert Boreæ, atq; in surgit in æquora remis,  
Nec satis est, hærent animi, puppisq; soluta,  
Ni freta subsidant, demum compage fathiscit.  
Haud secus ambiguo Rectores turbine rerum  
Iactantur, dum parte alia per vulnera malunt  
Oppetere, ac summis caput obiectare periclis,  
Quam dare terga Deo, & mandata capeßere Regis,  
Parte alia miseræ spectaclum detinet vrbis;  
Cunctando interius plebem fera vexat Erynnis,  
Et gliscit rabies, gemituq; insania mixto.

Hic Deus Ozix mentem demisit ab alto,  
Ut peteret tempus, causasq; ex arte morandi  
Neckeret, hoc vnum superest, quo flectere possit  
Deceptas Herebo mentes, lymphataq; corda.  
Accessit procerum paribus sententia votis.  
Ausus propterea tacitum celare dolorem  
Aggreditur rursus. Si res committere vestras  
Persarum fidei stat vobis certa cupido,  
Esto, habeant Persæ, reliquos, quicumq; sequantur,  
Successus videant Superi: suprema laborum  
Haud tentanda tamen studio fortuna videtur  
Præcipiti, non flaua seges, non vnda cauernis  
Exhausta est penitus; pauis durate diebus.  
His aded, & vosmet veniæ seruate paternæ.

Assensit plebs consilio, placuitq; morari.  
Aspera; immanis tolerare incommoda belli,

Dum

Dum superant fruges, nec copia deficit aquarum.  
Idcirco iubet Oziás discrimine nullo  
Annonam, penitusq; caua tellure latentes  
Censeri latices; confestim testa ministri  
Omnia vestigant, auidaꝑ; indagine lustrant;  
Nec tantum non rerum Vrbi superesse repertum est,  
Quantum alat afflictas animas, dum sydera quintus  
Deducat vesper, tum, ni spes emicet vlla,  
Placabunt hostem, & victoribus ostia pendent.

At Pater æthereus, cui rerum a terna potestas,  
Sydereo è solio, populos vnde arduus omnes  
Aspicit, Isacidum lachrymas, ac tristia vota  
Audijt, & patrio gentem miseratus amore est,  
Nec non vindicibus iuste succensus ab iris  
Assyrij damnauit opus crudele Tyranni,  
Infandosq; orsus est execratus Auerni.  
Protinus electam numero vocat Arbiter omni,  
Est quæ virtutum superis fortissima castris  
Bellatrix, flammæ absistunt, iræq; decoræ  
Acribus ex oculis, & bellum in fronte coruscat.  
Præcingit lorica latus, in casside cristæ  
Aurata volitant, humerisq; patentibus alæ;  
Ipsa quidem pinum ferrata cuspide quassat  
Ingentem: auspicio tantæ virtutis in omnem  
Quisq; ferat pectus casum, mortemq; pacisci  
Egregium pro laude putet. cita Numen adorat  
Æternum Virtus, tum sic Pater ore profatur.  
Nata,



Nata, vides iam dudum hominem, cui pinguis parēt  
 Assyriæ regna, & superati milite Medi,  
 Quam tumidus sceptris exultat, & aspera miscet  
 Bella sibi fidens, ac terras sanguine foëdat;  
 Nos etiam nostris depellere nititur aris,  
 Et diuina petit, nulli feritate secundus  
 Iussa facit Ductor, Iudææq; imminet arci;  
 Ortaq; seditio trepidantia mœnia turbat.  
 Nunc immota manet nostro sententia cordi  
 Vlciſci, & pœnas dextra, minus vnde timendum,  
 Sumere: Iuditha est obſeſſa inſignis in vrbe  
 Fœmina; tu cautè aggredere, & noua ſuffice menti  
 Conſilia, vt Perſas adeat; fœdum ipſe puellæ  
 Subijciam dominum, nec caſtra infanda manebunt;  
 In caput auctoris vertetur crimen Auerni.

Dixerat, excutitur nutu tremefactus Olympus.  
 Eſt auro è ſolido limen, gemmataq; cœli  
 Ianua, quâ pulſis remeans Aurora tenebris  
 Ad nos purpureas educit lutea bigas.  
 Hæc ſimul æternæ referens mandata ſalutis  
 Itq; reditq; frequens ſtellaſq; exercitus oræ,  
 Nec non tartareis animas erroribus actas  
 Auocat exitio, & felicia tollit ad aſtra.  
 Sic vbi vere nouo gelidæ ceſſere pruinæ,  
 Aëriasq; comas ornatu ſylua recenti  
 Extulit, & croceos reparant violaria flores,  
 Protinùs agmen apum ( ſi fas mortalia Cœlo

Conferre)

Conferre) ad campos pernicibus aduolat alis,  
 Et pars egreditur celeri per inane volatu,  
 Pars redit ad cellas, & inundant alite portæ.  
 Continuò his illa è foribus volat ocyor Euro,  
 Quàq; polum liquido flammæ turbine lambit  
 Aëriæ per summa plagæ circumfluus æther,  
 Labitur, hinc oras tacitis interfecat alis  
 Nimborum grauidas, & grandia nubila tranat,  
 Vnde ignes, ac tela ruunt de mbre trifurca.  
 Iamq; adeò leuib; plantis obfessa tenebat  
 Limina, tum legit pennas, tum cognita nulli  
 Ingreditur thalamum, lecta est vbi foemina factò.

Hæc fuerat Merari, Simeon cui sanguinis auctor,  
 Filia (Iudithæ nomen dixere parentes)  
 Diues opum, formaq; nurus supereminet omnes,  
 Clara pudicitia, & virtutibus aucta decoris.  
 Illam purpureo vernantem flore iuuentæ  
 Connubijs genitor primis transmisit habendam  
 Egregio, & diti agrorum, pecorumq; Manassi,  
 Nec deerant artes iuueni, spectataq; agendis  
 Sedulitas rebus, laudisq; accensa cupido.  
 O' fortunati, ni mox concordia Parcæ  
 Heu nimium proprio secuisent stamina ferro;  
 Namq; sub æstiuo coniux dum segnibus instat  
 Agricolis, & dona legit cerealia Sole,  
 Occubuit miser, & miseram sine prole reliquit,  
 Quæ defraudatos consolaretur amores.

Iuditha



Iuditha hinc abdi foribus , nec tempore ab illo  
 Flectere coniugio mentem , tædisq; secundis.  
 Iamq; adeò ternum Sol circumuoluerat annum ,  
 Sola domo luget vacua , connubia cœli  
 Sola cupit , sanctosq; Dei suspirat amores.  
 Mos illi intereà parcis ieiunia mensis  
 Ducere , tum setis , ne membra infesta rebellent ,  
 Textilibus fœto præcingere pectus amictu .  
 Ancillæ assistunt haud vili è sanguine , quarum  
 Idem amor , atq; viam cœlo affectare voluptas .

Ergò cum subiit penetrabile interpres Olympi ,  
 Iudithæ fama anteuolans impleuerat aures  
 Dedendas arces , faciendaq; sacra Tyranno;  
 Proptereà lauit os fletu , passisq; capillis  
 Effundit vota ad superum mœstissima regem ,  
 Mittat opem , surgat melior sententia genti .  
 Tempore correpto tum Cœli filia virtus  
 Diuinam vultu faciem mutauit anili ,  
 Et crebris frontem sulcis industriis arauit  
 Os , habitumq; gerens , qualis procedere nutrix  
 Abra solet , casta versatur qualis in æde ,  
 Ira subest oculis , pietasq; ac talibus orsa est .

Heu patriam , heu primæ nobis cunabula vitæ ,  
 Dulcia tecta nimis , monumenta antiqua parentum ,  
 Mox diræ absumunt flammæ , furet æstus ad auras  
 Horribilis , iam , iamq; vias mucrone tenebunt  
 Vltore Assyrij , Lethum vndiq; & vndiq; terror ;

Nulla

Nulla fides hosti , cui sit prò lege voluntas ;  
 Gaudebit miles gemmis , & virgine rapta  
 Intactos ante ora patrum populatus honores  
 Barbarus , atq; auri spe distrahet ossa sepulchris .  
 Nam quid prætereo ? seu quò grauiora referuo ?  
 Num diuina virò facimus ? num legis auitæ  
 Interitum patimur , veritasq; amplectimur aras ?  
 Quin agè , iamdudum nostram sententia mentem  
 Insperata subit , quam sì , Iuditha , sequaris ,  
 Haud equidem à nobis vereor , quin a rina faceffant ,  
 Longiùs , & regnum liceat dotale tueri ,  
 Nec dubitem tales animos descendere Cœlo.  
 Sunt tibi florentes anni , formaq; decori ,  
 Aurea facunda labuntur flumina lingua ;  
 Maeste animo , aduersis infer vestigia castris  
 Freta Deo , atq; caput tantorum immane malorum ,  
 Ductorem aggredere alloquijs ; incautiùs illum  
 Carpet amor , tu dein correptum lumina somno  
 Audenter certis nocturna interfice plagis .  
 Ipsa adero , tecumq; viam , tecum. mne subibo  
 Discrimen , neq; tunc ( haud me fiducia fallit )  
 Percusso viduæ constabunt principe turmæ .

Sic menti pulchrum memorans inspirat amorem .  
 Illa feros ausus , subitamq; exterrita flammam  
 Obstupet , atq; animo nutricia verba volutat  
 Ancipiti , contraq; refert. Quæ te , optima nutrix ,  
 Tot maturam annis , quæ te dementia cepit ?



Quis malæ consultæ suggessit talia menti?  
 Scilicet in medijs manus hæc miserabilis armis  
 Herœem stygias tantum detrudat ad vndas?  
 Desine sic fari, non hos lachrymabile tempus  
 Postulat auctores, nec vulnere vincitur orbis  
 Fœmineo. Quidni speres (fata semine virtus  
 Ætherio reddit) generi concedere nostro  
 Quod gaudet de more Deus? non ne ipsa pererras  
 Luminibus, nostri quæ patravere parentes?

Tunc illam tristes oculos attollere iussit  
 Altiùs, atque novas adiecit sedula causas,  
 Quippè duces atavos, sacrasq; ex ordine pugnas  
 Egregia paries referebat imagine pictus.

Hæc trepidos parta iam libertate vocabat,  
 Quæ siccos aditus vasto dabat æquor hiatu,  
 Legifer indicio superum securus cundi,  
 Tendebatq; manum suspenfa in pollice virga;  
 Tempore non alio referatum immania cœte  
 Oblupuere salum, detectaq; regna natantum.  
 At populo Pharaon fugienti, Agyptus, & omnis  
 Ponè minans aderat, cum reddita rursus aquæ vis  
 Tellurem Pharijs subduxit; amara bibebant  
 Fata viri, & currus, ac tela trabalia ponto,  
 Semineces & equi, disiectaq; signa natabant,  
 Et nigro horrendum fluitabant cœrula tabo.

Parte alia aggressi collectos fœdere reges  
 Agmina delebant infestis obuia signis

Isacida sedem, promissaq; regna petentes;  
Ipse polo Iosue prohibebat pergere Solem;  
Paruit, & medio rutilus stetit æthere Titan  
Natura mirante moras, & militis ausum.

Ecce autem Gedeon ex agmine deligit omni  
Hauista manu forti lambentes flumina paucos  
Armans quemq; tuba, atq; animata lumine testa:  
Itur in aduersos, dat concors buccina signum,  
Et simul è ruptis lux circumfunditur ollis:  
Territus ex templo Madianæ exercitus oræ  
In se se mixtis conuertit pila cateruis.

Verùm finitimos obiecto in pariete Samson  
Tela manu haud crispans, nullo circumdatus ære  
Ponè Philistæos palantes feruidus vrget,  
Cunctantes Herebo maxilla damnat aselli.

Tum iuxtà armatū, & minitantē extrema Gigantem,  
Exempla aggressus properatæ turbine fundæ  
Hebræo puer imperio delectus habendo  
Sternebat, proprio victi caput ense cadebat.

Intentis oculis hæc dum Iuditha recenser,  
Virgo genus Cœli faculas sub corde tuenti  
Admouet, ac flammis animum serpentibus ambit  
Iam magis, atq; magis, tum pectore feruet anhelos.  
Nulla nūrum tamen interiùs tentauit imago,  
Quam Cinæa Iahel prædiuitis vxor Haberi;  
Quippè fuga exceptum Sisaram, somnoq; grauatum  
Vera videbatur per tempora fortitèr actos.



Figere humi clauo ; stat factò vulnere dextra ,  
 Atq; suum miratur opus ; contrà agmina Iudæ  
 Nullus Arabs , nullus tendebat signa Sabæus .  
 Iuditha immotos oculos hanc figit in vnam  
 Admirans opus artificis , viresq; colorum ,  
 Fœmina quam validè feriat , quam turpiter hostis  
 Occubet , ac picta verè sub morte laboret .  
 Inuadit pudor æqueuam , & generosa cupido  
 Augetur , patriæq; manu succurrere suadet .  
 Haud aliter nondum prædis assueta leæna ,  
 Cui primæ exiliunt iræ , necdum vbera liquit ,  
 Si quando ad nidum cæso remeare iuuenco ,  
 Deuius errabat qui luco fortè , gemellam  
 Respiciat catulam , spontè implacabilis ardet ,  
 Æmulaq; & magnis meditatur funera tauris .  
 Tum secum . Quæ me ancipitem sententia versat ?  
 Quæ flamma attonitas est importuna medullas ?  
 Me ne Deus stimulat ? seu mens sua quemq; fatigat ?  
 O'felix nurus ante alias , quæ tempora tanti  
 Principis obtriuuit , clauoq; afflixit acuto ,  
 Non illa expauit sexu , tingiuè cruore  
 Horruit ; at tu si facinus mirabile dictas ,  
 Omnipotens , adlîsq; Pater , neq; dira verebor  
 Tela , nec Assyriæ poterunt prohibere phalanges .  
 Tales illa suo mittebat pectore voces ;  
 Tum , quoniam in tenues virtus euaserat auras ,  
 Respicit , atq; Abram reuocat , dein lenibus ipsam  
Incre-

Increpat alloquijs . cur me sermone relinquis  
In medio, nutrix, dum tantos voluimus ausus.

Abra stupet iam vera, negat se se ore locutam,  
Nec pridem arcanos dominæ tetigisse recessus,  
Testaturq; polos, & non violabile Numen.  
Proinde ferat, quid forè noui, quæ monstra fatigent.

Iuditha attonito rem tantam corde volutat,  
Et venit in mentem voces, quas credidit Abræ,  
(Consilium non tale hominum) diuinitus esse.  
Tum vero, sed mater, ait, namq; vbere ab isto  
Vitales hausi latices, & parua pependi,  
Quæ rogo, quæ vultu fuit illa, & vocibus Abra,  
Horrendum quæ suasit opus, specieq; fefellit?  
Nam cum Coelicolas iusto labefacta dolore  
Orarem, ne qua Assyrijs ante omnia ab armis  
Ad nos deueniat legum iactura sacrarum,  
Tum stetit ante oculos simulachrum, humanaq; forma,  
Quæ te luminibus, gressuq; referret anili,  
Tota Abra, auderet tantum si verior Abra,  
Et me (nec vanis ludebant somnia monstis)  
Aggreditur, suadetq; vrgens, stimulatq; pauentem,  
Auxilio vt rebus subeam, & secura per hostes  
Egregium, Eois iuuenem qui præsidet armis,  
Conueniam, & stratis iugulem sub nocte profunda:  
Quodq; magis vereare, mihi, dum talia fatur,  
Nescio quid mentem ambiguam, & præcordia subter  
Incessit magnum, stimulisq; ardentibus egit,

Abra



Abra ( fatebor enim ) tales in pectore motus  
 Nunquam , nec similes sensi consurgere flammæ .  
 Id quicquid fuerit , non Orci à limine diri  
 Esse dolum credam , neq; talia signa ferebat ,  
 Sed Deus aut ille est , aut non iniussus ab illo ;  
 Tanta vi inuasit nouus , & mentem impulit ardor .  
 Quinetiam paribus stimulis pictura labelis  
 Exciuit , primisq; nouos superaddidit ignes .  
 Quid faciam , incerta pendet sententia mente :  
 Magna quidem res , pulchra tamen tentare salutem ;  
 Si pereo , iactura leuis perijsse puellam .

Miratur longæua ausus exterrita tantos :

Continuò gelida torpet formidine sanguis ,  
 Insurguntq; horrore comæ , dein semita postquam  
 Materno tandem paulùm laxata dolori est ,  
 Soluitur in flumen lachrymarum , ac nescia ferre  
 Inuehitur . Quæ dira animo sententia surgit ?  
 Quis te dementem vexat furor ? heu mihi quondam  
 Et domina , & nata , & miseræ spes vna senectæ ;  
 Hoc verò de te tandem sperare licebat ,  
 Quò tristis feris in Tartara mitterer annis ?  
 Propterea ad canum veni miserabilis æuam ?  
 Has te ego non paui in furias , neq; talia nostris  
 Haussisti vberibus , nec sunt immania nobis  
 Pectora ; quid fileo ? non Orci à limine diri  
 Esse dolum credas , neq; talia signa ferebar ;  
 Egregiùm , quasi Tartaræ tibi cuncta pateſcant

Tentamenta domus, atque obiectanda periculis  
 Sint temerè capita, & decus irreparabile fama:  
 Nam quid te fallam? quin hoc me crimine solvam?  
 Speraſti, dum blanditur tibi flamma iuuentæ,  
 Speraſti illæſum ſeruare per arma pudorem  
 Barbara? ſperaſti plagas infligere dextra;  
 Brachiaq; ad durum conuertere mollia Martem?  
 Aſſyrij ne colunt adeò, ſanctæq; tuentur  
 Iura pudicitie? quæque horrent enſibus agri,  
 Uſque adeò facili ceduntur vulnere Reges?  
 Scilicet egregiè uſurpas exempla Iahelis,  
 Quæ malè re geſta profugum, propriiſque receptum  
 In ſaribus Siſaram certa ſibi morte ſubegit;  
 Non tibi cum profugis res eſt, viget integer hoſtis,  
 Omnis & antè fores per ſomnos excubat orbis.  
 At non exactæ ſpondebant tempora vitæ,  
 Vt ſanctas oblita vias te credere velles  
 Barbarico attactu, & caſtos fœdare penates.  
 Iuditha (obteſtor Numen, quod ab æthere fortè  
 Hæc damnatq; oditq;) pios non talia iuſſa  
 Extimulant animos, nec Cœli eſt dira cupido;  
 Conſilia in melius refer, hoc rem limite ſiſte,  
 Atq; huius miſerere ſinus, qui (gratia factò  
 Si qua ſubeſt) fouit teneram, primosq; liquores  
 Qua parte exhibuit, manſurum hac hauit amorem;  
 Tute huius miſerere, iſtum qui ferre dolorem  
 Nec timuit, neq; iam poterit, miſerere iuuentē  
Iſtius



Istius, & partæ vita reminiscere laudis.

Vix ea dicta dedit, fletuq; vndabat anili  
 Vultus, & ingenti gemitu penetrale sonabat.  
 At Iuditha licet questu labefacta doloris  
 Nonnihil exhaurit, lachrymis nec parcit abortis,  
 Non tamen ardentes animo depellere curas  
 Est potis, aut Cœli stimulos arcere prementis.  
 Porro dum trepidant ambæ, paulumq; morantur,  
 Ecce insperatum subita formidine monstrum,  
 Lux nova per sudum manifesto lumine fulget,  
 Virtus, quæ nupèr Iuditham accendit ad arma,  
 Scilicet auratas liquido quatit aëre pennas.  
 Continuò conuersi animi, & mutata voluntas  
 Abre, nec superos pariter non concipit ignes.  
 Quales fatidici quondam sueuere prophetæ,  
 Pectora plena Deo, sancto stimulante furore  
 Præseferre hominum quicquam diuinius ore.  
 Non secus Abra furens animi, concussa; pectus  
 Vi superum, sequere, ò, clamat, sequere, inclyta virtus  
 Quò te cumq; vocat, Deus est, Deus ille, salutem  
 Qui parat, & regum illudit victricibus armis;  
 Parce, Pater, sine te non fas comprehendere mentē,  
 Qui tantos ausus moliri fœmina possit.  
 Nunc victas do, nata, manus, nunc casibus vllis  
 Haud piget obiectare caput, descendere tecum  
 Si licet, atq; animam salua prò lege pacisci.

Sic ait, & magnum Dominae confirmat amorem;

Quæ

Quæ nec se capit, aut vires metitur, & alto  
Præsumit palmamq; animo, factumq; futurum.

Te sequor, exclamat, Pater, ac tua iussa capeſſo;  
Tu modò cum tanti dictas exordia facti,  
Ne fortunatum famulæ bonus abnue finem,  
Et miserere animi se se maiora ferentis.

At tu chara parens ( etenim conſultiùs vlli  
Fidere non poſſum, neq; fas arcana recentis  
Conſilij plures vulgare, ac ſpargere in aures )  
Quandoquidem accedit tua nunc mihi certa voluntas

Adfore te ad Perſas ſub velo noctis eunti,  
Accipe, quæ peragenda tibi: Velamina longa  
Iam deſueta die vitæ monumenta prioris,  
Piſta auro, dudum oculis ſeruata vetuſtis  
Deprome, & Cererem condenſa in fruſta coactam,  
Tellurisq; rudes fructus, agreſtia dona,  
Inſtrue; quod reliquum eſt, in tempore deinde iubebo,  
Tu modò rumpe moras. Sic fatur, & ardua cœpta  
Perlequitur, ſeraq; parat decedere nocte:  
Propterea mandat Proceres in recta vocari  
Exemplò ſua, ne noceat mora fortibus orſis,  
Orans, & cauſas tam læuo in turbine neſtens,  
Cur veniant, pretiumq; viæ ſperare ſalutem;  
Iamq; aderant illi ancipites, limenq; tenebant,  
Tum ſic porticibus ſuſceptos Iſacis amplis  
Alloquitur, micat ore pudor, generoſaq; virtus.

Quæ vos ſeditio, populiq; inſtabilis ira



Turbauit Patrès, atq; in discrimen adegit,  
 Illius & nostros penetrauit fama penates,  
 Nec fas est tantum me dissimulare dolorem,  
 Cui ( fateor ) iamdudum impar virtute fathisco,  
 Præcipuè nostras animas, & mœnia nostra  
 Cum venit in mentem populo tradenda profano,  
 Qui sacras veri delebit Numinis aras.  
 Hinc vos acciri iussi ( quod fortè videri  
 Possit ab ancilla cœtu cum principe factum  
 Audactèr, sed nescit amor parere pudori )  
 Præsentescq; colo supplex, oroq; salutem.  
 Quid facimus miseri? qui nos agit improbus error?  
 His ergò superum domibus dominabitur hostis  
 Impius? & sacros homini soluemus honores?  
 Si ferrum horremus, præstant Cœlestia tela.  
 Nam velut incassum nemo confidit Olympo,  
 Sic hunc deferere, aut certis includere metis  
 Ipsius irarum fluctus impunè fuisse  
 Compertum est nulli. Vos omnia discite ab vno  
 Supplicia, & missos Arabum de saltibus hydros  
 In desertores, infidaq; pectora patrum  
 Mente recensete; auxilium vitale dolori  
 Anguineo supplex populus quæsiuit ab ære.  
 Si spes nulla super, si torquet inania tela  
 Arbiter ex alto, mortaliaq; extimet arma,  
 Esto, cedamus, pacemq; (ò flebile semper  
 Consilium) belli deserta sorte petamus!

Sin res integræ nobis, nulloq; tenemur  
 Vulnere, sin totum conuertere conditor Orbem  
 Obtutu valet in cineres, cur limine in ipso  
 Deficimus? saluiq; manum cur tendimus hosti?  
 Nam quòd pro segete exhausta, riuusq; laborant,  
 An defunt exempla domi? lachrymæq; recentes  
 Munera delerunt memori de mente vetusta?

Non id consilij à vobis procedere, Patres,  
 Sat mihi compertum est, celso deuota Tonanti  
 Pectora iampridem, laudisq; cupidine capta  
 Agnosco, sed vulgus (iners, & inutile pondus)  
 Conciuit turbas, tenuem nam vulgus obescam  
 Omnia missa facit diuina, humanaq; iura,  
 Nec mala perpetuis metitur parua coronis.  
 Immò nec facilis matrem mihi suadeat auctor  
 Demisisse neci puerum, quem gesserit aluo,  
 Ac tristes epulo mensas foedasse nefando;  
 Quod si quærarur solerti indagine tanti  
 Foemina flagitij compos, fortassè patebit  
 Monstra fuisse, quibus mortales territat Orcus.  
 Ergò adeò indigna, Proceres, absistite pace,  
 Neu finite hùc populum, vestro qui pendet ab ore,  
 Se dare præcipitem; non perdere nos Pater orbis  
 Cogitat, ast æqui donec reuocemus amorem,  
 Terga quatit patrio iamdudum oblita flagello.  
 Nec mihi spes animum malè suada enutrit inanem,  
 Nam lapidum cultu maiorum exempla secuti



Non fumus; hinc illi totiès commissa luerunt,  
 Et Iudas abiit varias captiuus in oras,  
 Heu quam multa ferens; tibi nos sacra debita soli,  
 Summe Pater, facimus, tu spes, tu nostra voluptas.

Hæc vbi fata, solo vultus Iuditha decoros  
 Deiecit: stupuere viri, pudor inficit ora:  
 Tum contrà Ozias referens; Te digna, tuisq;  
 Iuditha, eximijs memoras virtutibus, inquit,  
 Verùm nos etiam duræ succumbere morti  
 Possumus, & si res adeò deposcat, amamus:  
 Quod si decretum est tradendas hostibus arces,  
 Cum iam conclusos omnis defecerit esca,  
 Tunc vbi nec flecti potuit violentia vulgi,  
 Nec nostræ valere preces, placanda fuere  
 Pectora pollicitis, compescendiq; tumultus;  
 Tempore quò mentem in melius mutare valeret  
 Plebs ægra, & Cœlo auderet sperare salutem.  
 Vos superi, & superum te Rex sanctissime, testor  
 Haud posuisse fidem, & supplex tua munera posco.  
 Tuq; adeò precibus ne flectere parce Tonantem,  
 Sancta nurus, subit illa. Precum vis nulla mearum est;  
 Ne tamèn ambigua trepident formidine mentes,  
 Nescio quid iamdudum animus, nec inutile versat;  
 Si liceat, si certa mihi sit vestra voluntas,  
 Sola per noctem famula comitante fideli  
 In castra abscedam, cœloq; auctore salutem  
 Aggrediar, nullo superis discrimine habetur,

Vrbes,

Vrbes, & populos seu vir, seu fœmina seruet;  
Nec mihi vel dubijs fulserunt sydera signis.  
Omnis in angustis iacienda est alea rebus.  
Vos ergò excubijs mandata hæc mittite vestris;  
Recludant portas, ne cætera quærite, tantùm  
Cœlicolæ vt faueant humili contendite voto;  
Nondum (spero equidem) sexto nos sole renato  
Bethuliæ in salua reduces spectabitur arce.

Hic verò augetur stupor, expleriq; tuendo.  
Ausis attoniti tantis, & voce puellæ  
Haud possunt, seniorq; oculos attollit, & ambas  
Charmis ad astra manus, talesq; dat ore loquelas.  
Magne Pater, cuius nostra est sub numine tellus,  
Et genus omne atauùm, dilecti semen Abrami,  
Inuisi nondum penitus tibi ducimus annos,  
Nec delere paras, cum tanta in pectore virtus  
Fœmineo, nosco veteris vestigia curæ.  
Si tales animos nobis Iudæa tulisset  
Terra virùm, Assyrij nunc flerent agmina Regis.

Hæc dicens lachrymis perfundit mollibus ora.  
Tum pius Ozias. Dabitur, Iuditha, quod optas,  
Nulla posset claudi virtuti ianua tantæ.  
Sed quid pro tali facto, & tam fortibus ausis  
Obtulerim meritæ? Deus ipsi præmia primus  
Perfoluet, non officio, non munere deerit  
Arbiter Eliachim, celebriq; augebit honore,  
Nec desolati non seruatricis Iudææ.



# 30 IV DITHÆ VINDI

Ipse colam obsequio nomen sublime perenni  
Nunc adsit Pater Omnipotens, ac vota secundet.

Nec plura effatus portas, atq; alta reuisit  
Mœnia, subuoluens animo, quis nuntius arces  
Euolet ad Solymas, atq; his compellat amicos.

O vtinam nunc se incolumis, plagaq; leuatus  
Redderet Ephraïmus, certè sollertiùs hostem  
Fallere, nec posset patres accedere quisquam  
Incertos animi, rerumq; euenta timentes.

Callidus à tenera præ cunctis iste iuuenta:  
Cui Ruben generis princeps, & sanguinis auctor,  
Diuerfas adiit gentes, diuersaq; regna,  
Atq; vsus hominum didicit, moremq; loquendi.  
Illum seù Tyrij ciuem, seù Parrhus alumnum  
Crediderint, habitum simulat, varia induit arma,  
Omnia vestigat, memoriq; in mente recondit.  
Sic procùl Assyrias acies ignotus adiuit,  
Agnouitq; viros, numerumq; excepit equorum.  
Sed dum se nuper populis obicit Eois,  
Et consanguineum præcessit feruidus agmen,  
Saucius exhaustit telum, costasq; per ipsas  
Exijt infesto fluidus de vulnere sanguis,  
Verum dum trepidat, mortiq; propinquior hæret,  
Cœlicolas orasse ferunt, ac vota dedisse,  
Tum subitò (mirum dictu) gelida ossa calore  
Afflantur, plagaq; altum sensere leuamen.  
Ergò improuisum se se insperantibus offert

(Incer-

(Incertum, seu fama rei pulsauerit aures,  
Sive Dei missus monitu, cura; parentis)  
Atq; ait. Ephræmum ne quis vereatur ademptum,  
Ecce adsum dono Superum, solidæq; iuventa  
Antiqua, & primo consistunt robore vires.  
Dicite, quid vobis sit curæ, ego iussa capeſſo,  
Si sit opus, medios penetrabo interritus hostes.

Obstupuit chari aspectu manus omnis amici.  
Ut natum absentem longo quem tempore mater  
Crediderat vita cassum, vacuoq; sepulchro  
Dona dabat, mœsta manes & voce vocabat  
Cum lachrymis, si quâ redeuntem fortè tuetur,  
Illa quidem nequit expleri, exultatq; videndo,  
Nec sibi sat credit, colloq; immobilis hæret.  
Haud secus Ephræmum tanto in discrimine gaudent  
Accipere incolumem, dextræq; adiungere dextram.

At pius Ozias placidè complexus amicum,  
O quantis cumulat nos indulgentia cœli  
Muneribus, ciues, inquit, deponite curas,  
Non adeò immani certa est victoria Persæ.  
At tu spes rerum nostrarum haud vltima, quando  
Opportunus ades, nec te obiectare periculis  
Formidas, peragenda audi, & rem pectore conde.  
Quò res ducta loco, quantis iactemur ab vndis,  
Ipse vides, fratrumq; vicem miseraris acerbam;  
Ergò agè, perge celer Solymam patribusque reclude,  
Quàm nos dura premat dudum penuria rerum,  
Nec



Nec plebem ærumnis egram satis esse ferendo ;  
 Proptereà , superi faciles ni vota secudent ,  
 Decretum est hostes quinta iam luce peracta ,  
 Mœnibus accipere , & rerum dimittere habenas ;  
 Nec quodcumq; agitat Iuditha , Ephræme , silendum est ;  
 Illa quidem Assyrium ad cuneos accedere noctu  
 Apparat , & lapsis fudit succurrere rebus ;  
 Quid struat , ignotum , spes hinc , metus inde ; videndum ,  
 Frumentisne leuare queant , atq; addere vires .  
 Per caput oro tuum , per magnum Numen Olympi ,  
 Esto tui similis , commissaq; perforce iussa ,  
 Hæc nobis stat fortè salus , nec parua feretur  
 Fama tua , aut deerunt virtuti præmia tantæ ;  
 Sed tibi diuitias reduci , & rem ritè gerenti  
 Spondeo , nec tenues belliq; & pacis honores .  
 Tù verò ne carpe viam sub luce diei  
 Haud fida , neu murorum de limine cede ,  
 Donec tuta minùs subducat lumina vesper :  
 Nec mora longa , cadens iam iam petit Oceanum Sol .

Talibus Ozias , contra sic deinde profatur  
 Ephræmus . Non diuitias , nomenq; requiro ,  
 Nec dedit Omnipotens tales mihi surgere curas ,  
 Sed me dulcis amor patriæ , iacturaq; legis  
 Sollicitat , satis officio me parcere nulli  
 Proptereà , tantumq; meæ satis addere famæ .  
 Nunc tua me ad iussa , Ifacidum Dux optime , verto :  
 Quos animos , pectusq; mihi formidinis expers ,  
 Inge-

Ingeniumq; dedit cœli, terræq; repertor,  
Me velût in vestris æquum est adhibere periclis;  
Sic nunc conabor sceleratam eludere gentem.  
Ibo, patres Solymos discrimina nostra docebo.  
Vidisti, occiduos quâ soles inter, & austrum  
Scindunt se cautes, angusta; semita lymphis  
Pandit iter, saxo pluuius cum voluitur amnis?  
Illa humilis, syluaq; supèr defensa virenti  
Insinuat se se, atq; ambagibus exit iniquis,  
Assyrio fallendo habilis, vix cognita nostris.  
Illos per flexus, atq; horrificas conualles  
Ipse viam inueniam Solymorum ad mœnia, coecis  
Nec mihi opus tenebris, tantùm Deus adsit amicus;  
Haud patitur res nostra moram. nec plura locutus  
Assyrios habitus, hostiliaq; induit arma;  
Continuò volat ad portas, neq; segnior exit,  
Quam leuis ex arcu teretis fugit ala sagittæ.  
Illo fortè dabat iuuenem decedere tutum  
Tempore, dum castris amens noua tentat Erynnis,  
Nam circumuentam terreret vt acrius Urbem,  
Deditioq; foret commotis certior armis,  
Isacidas postquam turbauit, in agmina regis  
Irruerat, dirumq; animis afflarat amorem,  
Poscant vt pugnam, vacuiq; sedere recusent.  
Nec mora, succensæ mentes, fremit arma iuuentus;  
Ac leue principio varia statione locorum  
Exoritur murmur, dein totis agmina castris

Incusare moras turpes, & inertia ferri  
 Ocia. non aliter quando se nubibus atris  
 Inuoluit coelum, iamq; horridus imminet imber,  
 Principiò raris vix læso puluere guttis  
 Spargit humum, post ingentem magno impete nimbus  
 Soluitur in pluuiam, micat ignis, & intonat æther.

Quis pudor? Assyrios abdi munimine valli  
 Obsessæ in speciem gentis, nec vellere turres?  
 Egregium certè, ceu ferro cernere Persæ.  
 Formident, inimica fame premere oppida turpi.  
 Quantum hosti reliquo causæ, ac melioribus armis  
 Temnendi Assyrios, ægræ si moenibus Urbis  
 Abstineant inferre manum, pugnaq; ciere  
 Inualidum, & cunctis hostem iam rebus egentem;  
 Non si claustra forent solido ex adamante, manere  
 Aduersum se posse, quibus mortale resistit  
 Iam nihil; in manibus laudem, obsidionis honorem  
 Nullum; sed longo imperio de more superbos  
 Militiæ gaudere Duces, id crimen obesse.

Talia iactantes vallum clamore replebant;  
 Custodesq; ipsi coeunt statione relicta  
 Ad primos, totis concurritur vndiq; castris.

Interea Ephraemus, prærupto ex aggere nulli  
 Obseruatus abit, volucerq; elabitur hostes;  
 Mentitæ vestes, regioq; occulta viarum  
 Adiuvat, atq; noua iactata libidine pubes.  
 Protinus Assyrij volitat Ductoris ad aures.



Fama loquax, motasq; acies, turbataq; defert  
 Agmina, nec dubijs succendit pectora dictis.

Hunc inrer primos aula spectata locarat  
 Nobilitas, & opes, & aurum ingentia facta  
 Abdarus ante alios genitor, qui signa secutus  
 Regia sub teneris natum fortissimus annis  
 Duxit in Europam, bellisq; immisit Achiuis  
 Hic puero puerum cognoscere contigit Ocho  
 Nomine Holofernem, paribusq; incedere curis.  
 Ut regnum accepit iuuenis, belli arte potentem  
 Scuitiaq; sibi similem respexit, & illum  
 Extulit, atq; vnum castris praefecit Eois  
 Donatum Armenia regno, & regionibus amplis.  
 Ergo ille in medios oculis se ardentibus infert  
 Impavidum, tutamq; ausos turbare quietem,  
 Increpitat dictis, & vultu terret acerbo.

Quæ nouitas? quæ dira scelus vacordia dictat?  
 Imperiumnè datum vobis, pugnaq; iubere  
 Tempora? nempe Ducis nos nil, nisi nomen habemus?  
 Fortè piget sine vulneribus, sine sanguine fuso  
 Vincere? nunc vestro tanta est in pectore virtus?  
 Quod si feruet amor quatere urbem, & pandere muri  
 Limina, quò pecudes nequeant, vos fiditis ire?  
 Ac dextra, & vestris adeò diuellere turres  
 Posse minis? soluent poenas temeraria, soluent  
 Ingenia: auctores, famuli, compescite vinclis.  
 Talia dicta dedit, gelidumq; per ossa timorem

Sontibus iniecit, cum se improuisa furenti  
 Consilijs innixa nouis infudit Erynnis  
 Ocia causata Assyrium, atq; incommoda molli  
 Ventura ex requie, rebus ni tuta salutem  
 Sedulitas ferat, & coepti solertia belli;  
 Propterea Abdarides quæsito spontè colore  
 Indulget turbæ genio, & quâ posse videtur  
 Ad muros reperire aditum de robore mandat  
 Ingentes geminas attolli ad sydera tures.  
 Inspectæ cladem laturas desuper vrbi,  
 Ac sterni tumulos, impleriq; aggere fossas  
 Imperat, inq; viam loca molibus apta parari.


Sylua fuit procùl à castris, & limine valli,  
 Quantum quis spatij denis percurreret horis,  
 Quandoquidem eruerat solers nemora ardua circum  
 Principiò manus indigenum, & præuenerat hostem,  
 Ingens antiqua, & condensis horrida ramis,  
 Sæuis apta feris domus, occultoq; volucrum  
 Secessu, cum prolis amor dat condere nidos.  
 Itur in hanc; tum multiplici percussa bipenni  
 Dura cadit quercus, atq; æmula montibus ornus,  
 Auiq; ingenti nemoris panduntur hiatus;  
 Indoluere feræ, gemitumq; dedere volucres,  
 Arboribus quod dum pubes delecta secandis  
 Præstat, diuersi saturandis vallibus instant  
 Tercenum, glebasq; ferunt, rupesq; refringunt.  
 Præest operi Dux ipse noui pars magna laboris,

Thre-

Threijcius quem portat equus pernicios Euro,  
Donèc fera dies subducta luce recedit.











Nicolaus de la Haye in.

Val. Reguart sculp.



# IUDITHAE VINDICIS

## Liber Secundus.



T noua Iudithæ nullam sub pectore  
cura

Permittit requiem, nec venis flam-  
ma recedit:

Propterea in tacito, cui dudum at-  
sueti, sacello

Lanam de villis humero circumdat acutis;

Ille quidem teneræ nimum crudelis amictus,

Sed domuit pietas, & longo lenijt vsu;

Nec non flauentem sparso foedata capillum

Pulvere, nec lachrymis oculos non fusa rubentes

Poplite humum ferijt duplicato, ac vota profudit.

Conditor omnipotens mundi, cui nostra Sabæo

Thure calent adyta, & celsis cadit hostia templis,

Si non Hebræos omnes exosus ad vnum es,

Neù prorsum Abrami sobolem delere parasti,

Respice nos, quassasq; adeò ne absiste tueri

Reliquias duri exilij, & Babylonis iniquæ.

Auspice te Simeon, nostræ quæ stirpis origo,

Erepta pulchræ pro virginitate sororis

Barbaricas abolens maculas, & dedecus vltus

Ingenti quondam raptorem vulnere regem,

Ac fontem stygio populum demisit Auerno.

Ne,

Ne, precor, imparibus votis hoc, Arbiter, qui  
 Transeat, & nostro Assyrius de vulnere sanguis  
 Excidat, & nostris prædo sternatur ab armis;  
 Sunt satis, atq; supèr causæ, cur vertice poenas  
 Det ferus, hac nulla est melius data victima Diti.  
 Nàm quid nota feram? vocesuè, aut crimina fando  
 Enumerem, quæ tute oculis, tute auribus hauris?  
 Cum se pollicitus calamis immanis acutis  
 (Aduersæ potiùs contingant talia turbæ)  
 Aut nostros terebrare sinus, aut vrere flamma.  
 In te quinetiam versis conuicia linguis  
 Impia coniectans, aususq; laceessere bello  
 Deiecturum armis Templi conuexa minatur,  
 Templi iampridè toti venerabilis orbi  
 (Heu nimis luctus causæ) ac noua iura sacrorum,  
 Mortalesq; Deos statuit te ponere pulso.  
 Scilicèt ille opibus fidit, lateq; patenti  
 Telorum segete, ac frustra putat ignea nimbis  
 Fulmina torqueri, nec tangere posse tyrannos.  
 Ne Pater, hæc tu dissimula, cape sanguine poenas,  
 Sacrilegiq; Ducis domitos mihi sterne furores;  
 Nam si lenta manus, tenuiq; assueta Mineræ  
 Exuias tanto celebres ex hoste reporter,  
 Quis violare tuas seclis venientibus aras  
 Audeat, atq; Deo sceleratum indicere bellum?  
 Sed quid ego (infelix) tanto non æqua periculo  
 In ferum, cademq; feror? quò me mea cogit

Amen-

Amentem, seù sit pietas, seù dira cupido?  
 Vis tamèn humana præstantior ignibus vrget  
 Insolitis, sensimq; agitat, raptatq; morantem;  
 Fors facis audacem me tu, fibrisq; timorem  
 Eripis, & tantos haud frustra mittis in ausus,  
 Præ se hoc fert ingens, mea qui præcordia dudum  
 Inuasit vigor, & calefacta per ossa recurfat;  
 Parce Pater, non spontè ruo. spargebat ad altum  
 Illa Polum tales ex imo pectore voces;  
 Funditur interea tacitè per viscera Numen  
 Omnipotens, additq; animos, viresq; ministrat.

Nox erat, & requies animalia fessa fouebat  
 Implacidas mulcens facili dulcedine curas.  
 At non exardens animi Iuditha soporem  
 Accipit, aut tenebras admittunt lumina molles.  
 Extemplò ancillas è stratis surgere mandat,  
 Et quæ de niueo cælari balnea saxo  
 Curarat recti secreta in parte Manasses,  
 Impleri lymphis, & flamma feruere iussit.  
 Ipsa nigra humeris gaudet diuellere vestes  
 Infandi spoliū luctus, villosaq; texta  
 Exuit, & fluuio properat se tingere puro.  
 Addit se sociam, & pulchro subit Abra labori.  
 Quis verò eximiam speciem, nullo obice quando  
 Vel niuib. fulsit, vel lacti concolor albo,  
 Explicet? ac dignis formam sermonibus æquet?  
 Hic Paphus, hic Amathus, hic Cypri roscida regna,



Hæc Venus, hîc melius casti fulfere colores,  
 Hoc Amor in gremio cunabula malit eburno.  
 Illa solo interea vultus auersa rubentes  
 Demittit, nudamq; pudet se in luce videri.  
 Agglomerant famulæ circum, roremq; tepentem  
 Marmoreo infundunt labro, & dant flumina membris.  
 Sicut post longos si quandò luteus imbres  
 Impleuit liquidam puro Sol lumine nubem,  
 Illa nouo latè rutilans ditescit honore.  
 Sic circumfuso lucem superadidit amni  
 Aurea de roseo procedens corpore virtus.  
 At postquam tepida pectus sat fouit in vnda  
 Assyrios myrri digitis delibat odores,  
 Humentemq; sinum commixto mulcet amomo;  
 Deinde comam ( prout fortè comæ pretiosior imber  
 Iamdudùm spretus per eburnea colla fluebat )  
 Colligit in nodos, & fuluo subligat auro.  
 Arridet Pater Omnipotens, ac lumine donat  
 Ætherio, & dios oculis adspirat honores.  
 Protinùs auratos lateri circumdat amictus,  
 Purpureamq; super pallam, quam virgine dextra  
 Ipsa sibi neuit thalamo desponsa iugali,  
 Ac molles circum bacchas, ramosaq; vitis  
 Brachia pinxit acu, & discreuit desupèr auro;  
 Inter quæ laqueis, tamquam præsaga futuri,  
 Pampineis passim deuinctos fecerat angues.  
 Nec manibus teretes gemmas, colloq; monile  
Abnuit,

Abnuìt, aut niueos plantis negat illa cothurnos

Castè luxurians. Qualis reparabilis ales

Æmulus Auroræ, seù cum deleuit inertes

Reliquias veteris panchæis ignibus æui,

Seù cum mane nouo Solem de more salutat,

Et con sanguinei iubaris perfunditur auro.

Talis in egregio Merari fata fulget amictu,

Et dominæ obsequijs blanditur purpura mitis.

Et iam transierant magnæ caliginis horæ,

Ac propè tempus erat, quo nigro nox pede cursum

Decolor explerit, bigasq; educeret albas

Aurora, & piccos depelleret æmula currus.

Illa Deo fidens, nec magnis territa cœptis

Egreditur thalamis, & limina tendit ad vrbs.

Se comitem fati Nutrix, laudisue futuræ

Dilecto agglomerat lateri cerealia secum

Dona ferens, oleæ succos, & roscida mella.

Quas escas ferri idcirco Iuditha iubebat,

Noxia ne Assyriæ gustaret fercula mensæ.

Ancillæ lamenta ferunt, lachrymisq; sequuntur,

Et dolor in pulchra formosus imagine fulget.

At verò excubias, Hebrææ robora pubis,

Ducunt muros delecti, & mœnia lustrant

Cunctorum trepidi, somnus procùl, omnis in armis

Ianua, dant lucem crebri de turribus ignes.

Tunc etiam varium, facti quod fama trahebat,

Portam, quæ ad vallum recto fert tramite, vulgus

## 44 IVDITHÆ VIND.

Occupat, & belli fulgentes ære magistri  
 In primis, incerti animi, casusq; futuri.  
 Continuò Iuditha fores euasit ad altas.  
 Hic autem insolito stupefactus lumine quisq;  
 Hæret in obtutu, nec se se explere videndo  
 Est potis, aspectu fauor ortus, & aucta cupido.  
 At pater Ozias miratus, & omnia lustrans,  
 Incessumq; habitumq; nurus, vultumq; micantem;  
 O quam te celebrem, generis lux inclyta nostri  
 ( Exclamat ) Deus, ipse Deus tibi talia formæ  
 Dona, tibi dulces oculis Deus afflat amores.  
 Macte animo, fidens istud fer pectus in hostem;  
 Non ego, non rebus timeam, mortalia quando  
 Exuperas, primoq; adspirant astra labori.

Sic fatus portis geminas emittit apertis;  
 Et quantum spectare potest per noctis opacum,  
 Omnis suspensio sequitur plebs anxia visu,  
 Astraq; sollicitis onerat sublimia votis.

Trames erat flexo montana per ardua cliuo,  
 Angustus, faucesq; inter sinuosus obefas,  
 Peruius ille tamen, duras ab origine cautes  
 Extuderant quippè indigenæ, gressumq; leuarant.  
 Hæc se se Isacides sublustri nocte ferebant;  
 Nec non intereà factò deuota futuro  
 Bellatrix animis acuebat fortibus iras,  
 Aut superare parata, aut certæ occumbere morti,  
 Nec labor, aut teneras offendit semira plantas.

Sic



Sic catulus primis venando assuetus ab annis  
Vestigare feras, volucrisq; indagine saltus  
Cingere, cum signum vinclis dat turba solutis,  
Emicat impatiens, nec sylua territus aspra  
Abstulit, donec sternat fugientia victor  
Agmina, detq; noua dominum ditescere præda.

At non interea frustra spectabat Auernus  
Talia, nec positis torpebat segnius armis.  
Tempus erat cum Tartareus Cocytia monstra  
Rex audire solet, trepidosq; expendere casus,  
Namq; dies certos ollis, ac tempora fixit  
Principiò, quibus antè suam longo ordine sedem  
Omnia conueniant, & facta, infecta recludant,  
Innumeris dum corporea sub nube latentes  
Criminibus terrent animas, & verbere crebro  
Circumagunt, blandaue adeò sub imagine fallunt,  
Donèc succumbant sceleri, stellataq; claudant  
Regna sibi, regna stygiæ inuidiosa ruinæ;  
Ille suas victo pœnas, sua præmia cernit  
Victori, sceptroq; cauet, regnisq; futuris,  
Ostenditq; vias omnes, quibus æthera vincant,  
Et certis possint operis protendere fines.

Est specus horrificum, nigrantis ianua Ditis,  
Visceribus penitus piceis, terraq; sub ima,  
A quibus æternùm Sol exulat aureus oris.  
Hoc supèr è specula, vt tempestas adfuit, ingens  
Buccina, & horrissono strepuerunt cornua signo

Ob-

Obscænas acies in regna vocantia tetra.  
 Mugijt ad sonitum tellus, gemitumq; dedere  
 Quadrupedes, caueisq; metu latuere volucres.  
 Tum veluti pluuiæ cum largus ab aëre nimbus  
 Pracipitat, tortoq; noti sola turbine perflant,  
 Torrentes fracta properant de rupe sonori,  
 Iratusq; suprâ ripas exuberat amnis,  
 Qui segetes, syluasq; trahit, sonat ora fragore,  
 Ac vix agrestes audent se credere tectis.  
 Non secus ad regem crepitantia monstra ruebant.  
 Nigrantesq; domos, inamœnaq; claustra subibant.  
 At senio, turpiq; Charon squallore peresus  
 Puppe leui ad ripas horrendi fluminis actus  
 Vadentum fratrum turbam excipiebat inanem,  
 Vt ferruginea traduceret agmina cimba.  
 Hic verò innumeras atra fulgine pestes  
 Vndiq; suffusas voci parèrè timendæ,  
 Damnatissq; caput vidisses abdere regnis.  
 Quis fœdis simulacra modis horrentia fando  
 Equiparet? patiensq; mali, & lachrymabilis oræ  
 Tartareum vera describat imagine vulgus?  
 Hæc virgo matura viro lasciuia videtur  
 Pube tenus, post in turpem multo ordine caudæ,  
 Ni quod se pedibus fert vncis, desinit anguem.  
 Illius adglomerant se tristitia tempora circum  
 Ora tribus colubri lambentes ignea linguis;  
 Deq; sinu pendent patulæ grauè olente papillæ.

Respi-

Respicias alium plantis, aluoq; leonem,  
Ore referre lupum, commixtaq; semina credas,  
Nec monstra Herculeo quondam superata labore  
Musarum lusus, æuiq; inuenta putabis.  
Antiqui; certis hic constat fabula rebus.  
Tales tabifico religatus lumina somno  
Semifera formas sub imagine concipit æger,  
Dum vis atra furit morbi, penitusq; medullis  
Funditur exuperans, ac tempora pascitur igni.  
At custos aditus, fumantiaq; ostia laxat  
Cerberus, ac turbam cognatam admittit amico  
Latratu, caudaq; fauens, qua sulphur, & ingens  
Excutitur fumus, tripliciq; hiat horridus ore.  
Sic tandem ventum est in regia tecta, suisq;  
Consedere locis, vbi noctis Rector opacæ  
Concilio exceptus medio supereminet omnes,  
Mōstrum immane, ferox, quod tetrum exhalat odorem,  
Ac trucibus spirat ferales lucibus ignes.  
Sunt geminæ pestes miseri sub fornice regni,  
Quæ cum principiò tellurem, ac cœrula Nerei  
Mobilibus pennis circumfluus ambiit aër,  
Infaustos ortus cœlo duxere sereno,  
Astraq; prò blandis habuerunt aurea cunis.  
Nam cum pennatas acies, pubemq; decoram  
Virtutis specie anteuolans, & lumine formæ  
Ille pater scelerum diuinos vellet honores,  
Has genuit natas, vi quarum ambiuit amicos

Ilicet



Illicet, ac bellum turbatis intulit astris.

Exin prima mali labes mortalibus orta,

Turpius & nihil est Herebo, aut crudelius omni.

Cornigeram ambabus frontem, colubrisq; comantem,

Quorum lethiferum promanat ab ore venenum,

Auctor habere dedit primo mutatus ab illo,

Nec non arumna cumulauit pessimus omni.

Flamma vorax, fumoq; eadem suffusca maligno

Cum magno ex oculis animarum horrore coruscat,

Tota trucidis pauitatis spectando regia Ditis.

Immanes humeros alarum carbasa velant,

Et centumgeminum spiris sinuosa volumen

Cauda trahit, diramq; manus quatit horrida tædam;

Hac, & vulnifico mortalia corda flagello

Perq; dies agitant, perq; alta silentia noctis,

Nec datur vlla quies, animæ dum labe fathiscant,

Atq; eiurata à Superis pietate rebellent.

Altera tota tumens bipatenti prominet aluo,

Centenasq; manus, centenaq; bracchia iactat;

Non aliud prisca exemplar tenuere Gigantes

Ausi sacrilegis adoriri sydera telis.

Scilicet insana stimulante libidine regni

Et tennes ventos, & inanes pascitur auras.

At soror attractis membris, macieq; peresa

Pallescit, lachrymisq; perennibus ægra fathiscit,

Quippè aliena suis deuota doloribus odit

Gaudia, & euentus deflet scelerata secundos.

Hæc

Hæc colubrùm spiris, & sanguine vefcitur atro,  
 Ac vix horrendum patiuntur Tartara monſtrum.  
 His comites ſe ſe agglomerant caligine multæ  
 De Itygia furia, ac longam trahit vtraq; turbam.  
 Conſtitit ante alias, tum ſic prior illa locuta eſt.

Magne Pater, quem regna polo metuenda verentur,  
 Anteuolatq; loco tantùm ſublimior hoſtis,  
 Maxima res incepta mihi, finisq; ſequetur  
 Maximus, & fuſis hoſtilibus vna cateruis,  
 Quæcumque Oceani terras complectitur æquor,  
 Noſtris polliceor dextra hæc adiungere rebus.  
 Verùm agè, non multis molè hanc paulò altiùs omnem  
 Expediam, ne dicta nega tu mittere in aures.  
 Is me præ cunctis labor occupat, hoc mihi primum  
 Sempèr opus (neq; enim rerum iactabo mearum  
 Nomina, nec ductos numerabo ex hoſte triumphos)  
 Vt niſi vi rapta fas eſſet ab arce Tyrannum  
 Deturbare, pater qui non fuit omnibus æquus,  
 Aſſequerer, terras ſaltem ne lege teneret,  
 Nec votis, donisq; hominum gauderet ad aras,  
 Aut malè mortalem ſpolijs ditaret Auerni.  
 Regnat adhuc? regnet, vacuo ſed ſolus Olympo.  
 Nota loquor, notum qualis contra agmina vindex  
 Sydereꝝ exilij fuerim, cladiſq; vetuſtæ,  
 Æterni quoties repararim prælia belli  
 Inuidia pulſi poſtquam, regnòque carentes  
 Ætheriſt ygiaꝝ colimus confinia ripæ.

Ipſa quidem Beli ſimulacrum lumine caſſi ,  
Quod bonus excudi niueo de marmore iuſſit  
Filius , afflicte pignus lachrymabile mentis ,  
Eſſe dedi Numen , populoſq; hac labe furentes  
Mortali paſſim diuina faceſcere iuſſi .  
Nam quiſquam locus eſt , vbi non altaria Beli ?  
Cum verò nondum ſatis hoc , cauſæq; manerent ,  
Fraudibus adieci violentas inſuper artes ,  
Supplicijsq; adeò gentes ad ſacra coegi  
Infanda . Aſſyrium pepuli ſic deniq; Regem ,  
Vndiq; collectis vt formidabilis armis  
Bella ſerat , ſanctosq; adytis ſibi vendicet ignes ,  
Stent cuius , modò non ſuperis prædonibus arẽ .  
Iamq; Aſiæ ptocumbit humi gens , Africa ſupplex ,  
Aſſyrios orat tellus , pacemq; repoſcit ,  
Omnis & attonitus gelida formidine mundus ,  
Sacra viro inſtituit , templisq; imponit honorem .  
Gens inimica tibi , primisq; inſenſus ab annis  
Sanguis habet Solymam Pharia fugitiuus ab ora ;  
Hic auſus de more nefas negat omnia regi ,  
Et cenſum Aſſyrijs , & reddere ſacra recuſat ,  
Præcluſitq; vias armis , ne qua agmina poſſit  
Perſa vocare ferox , & mœnia ſternere flammis .  
At quæ vis manibus potis eſt obſiſtere noſtris ?  
Bethuliam vix aggreſſis obſidere Perſis ,  
Ille ferox populus terræ contemptor , & Orci  
Ceſſit inopſanimi , poſuitq; immania corda



Exemplò, tantusq; timor, tanta vrget egestas,  
Vt benefactorum statuunt desciscere Coelo  
Multorum immemores, vitæq; cupidine capti.  
Ipsa malum vanis etiam terroribus auxi.  
Et iam deditio, summam quæ amplectitur omnem,  
Imminet, ancipitem, genitor, tandem exue mentem,  
Nulla mora est, partes sequitur victoria nostras,  
Et debellato fumabunt sanguine campi.  
Templorum in summo nostrorum fornice opima  
Pendebunt spolia, & generi tracta arma nefando.  
Tum verò totus nostro sub iure iacebit  
Orbis, & in stygias descendet præda lacunas,  
Ipse Gubernator superum contentus Olympo,  
Debita, quæ dudum nobis, ditione recedet,  
Nec regni vltèriùs fines protendet iniqui.  
Promeritos exindè mihi decernere honores  
Est, Pater alme, tuum, tua tales exigit artes  
Iustitia, immenso veniant vt summa labori  
Præmia, quæ finem bello imposuisse perenni  
Perpetuos latè populis testentur in annos.

Talia iactantem iamdudum torua tuetur  
Dira soror proprij stimulis agitata furoris  
Nec simulare potest, aut dirè parcere voci.  
Horridus ex oculis micat ignis, & atra dolore  
Viperei (infandùm) reuolunt incendia crines.  
Nec mora, germanæ vix facta silentia foedæ,  
Cum ruit in medios implens clamore senatum;

Impia perpetuæ tremefacta est curia noctis.

Audacine adeò fidis, temeraria, lingua,  
Ut neq; præsentis socios maiora merentes,  
Nec vereare patrem? sed non sunt præmia verbis,  
Grandia quæ frustra spargis, dum dicere nemo  
Ante patrem tibi sedato nimis ore fauentem  
Audet, turaturq; tuos reuerentia fastus.  
Esto, multa tua steterit victoria dextra,  
Marmoreum Beli simulacrum lumine cassi  
Esse Deum dederis, Belo diuina faceffant.  
Esto, Asiæ procumbat humi gens, Africa supplex  
Assyrios adeat tellus, pacemq; reposcat,  
Attonitus magna trepidet formidine mundus;  
Quin rerum gestarum vnâ te fama sequatur,  
Nos residues animæ tuta sedeamus in vmbra.  
At frui, at gaude partis, dum te integer hostis  
Ludificat, se seq; suis agnoscit in aris.  
Hoc verò egregium, socij, est, hoc nobile factum,  
Infecti hæc prudens operis quòd præmia poscit,  
Quis ferat? at Solymi sua me sensere priorem  
Regna tamèn quater, ac firmas conuellere vires.  
Mitto, nascentis prima sub origine mundi,  
Quantum Cælicolis turbauerit ocia, quantas  
Nostra manus, mouitq; acies, ac prælia sequit.  
Sed quis ad inuidiam populos conciuuit, & vrbes  
Finitimas? quæ vis Arabas, & regna Moabi,  
Ammoniosq; truces, & opimam armauit Idumen?

Scili-

Scilicèt hinc ciues affixi , atq; oppida bellis,  
Inde aras , legesq; rui , templiq; vetusti  
Alta diù vetui laquearia surgere Cœlo  
(Nec longæ ambages , seriesq; antiqua dierum)  
Ne qua manus positis placaret sydera donis .  
Non tamen aut iacto palmas , aut præmia posco  
Gestis tot rebus . Sed tu miracula nobis,  
Diua , refer , tutùmq; sede , dum fœmina cœptis  
Illudens in castra ruit . Nondum horrida pestis  
Fecerat vrgendi finem , litesq; ferendi ,  
Cum soror offensę impatiens caput aspera quassat  
Anguineum , probroq; furit , nec se capit , & iam  
Atria mugitu terret Cocytia diro,  
Nec sat constanti responso turpiter hiscit .  
Istanè cunctando valeam demittere in aures ?  
Ista pati ? ò vbi sum ? quæ me tenet impia tandem  
Terra , nec ignauę , si qua est magis ima , dehiscit ?  
Tu nè meas impunè putans , fœdissima , voces  
Argueris ? quid dissimulo ? iam vincis Olympum  
(Proh pudor) & nemo sese tibi laudibus æquat .  
Quid superest ? iam sceptrâ patris sublimia posce .  
Sed quid ego ? aut quo te furiatam nomine læsi ?  
Non aliena peto , tua sint tibi , maxima victrix  
Regnorum , satis hæc decori manus apta parando est .  
Quid laceras ? quò me ipsa rapis ? sub Tartara moris  
Id nè tali ventosa noui ? num præmia nulli  
Queritis ? an cuiquam veritum sua poscere iura ?

Me



Me solam (obiectas) sedatur gloria rerum.  
 An dubitas? quia ne auxilijs, segnissima, vestris  
 Indigeo? an quisquam, nostri quod muneris, implet?  
 Sed quid ego? ad quæ me posthac non vltia referuo?  
 Quid faciant hostes, nostri si talia tentant,  
 Permittitq; Pater? mea me his merita alta, fidesq;  
 Muneribus cumulant? quid si crudeliter armis  
 Militiæ versis violassem fœdera nostræ?  
 Non sat supplicij causæ constare videntur  
 Improbitas fontis, natæq; iniuria læsæ,  
 Nec veritam Patris ora novos seuisse labores  
 Inuidiam, & turbasse armis ciuilibus Orcum?  
 Scilicet egregiè memorat, quod foemina coepris  
 Illudens in castra ruit; sibi nuntiet ista,  
 Si quid agit, metuatq; suis conatibus ipsa,  
 Cui sola audaci constat fiducia lingua,  
 Non vires, non arma valent: me nulla timoris  
 Desidia arguerit, nec mentem somnia nostram  
 Terrificant. Non illa modum positura querelis  
 Sulphureos fuerat iaculans è naribus ignes,  
 Germanæq; nefas iam dextra vltice piasset;  
 Ni genitor veter, ac dirimendas occupet iras:  
 Iamq; tonat. Quæ tanta animis insania vestris?  
 An glomerare manum, pugnamq; ciere paratis?  
 Usqueadeò vestra, audaces, de mente refugit  
 Vis mea? præclare verò certatis vtræq;,  
 Cum noua sydereus molitur damna Tyrannus;

Hunc iræ immites, formidatiq; furores,  
Armaq; vestra petant, vestras in prælia poscunt  
Altra manus; illic rebus fama inclyta magnis  
Profertur, vestrumq; illic sedet & decus, & gens,  
Ac repetenda suos expectat regia ciues.

Ipse pater cunctis æquus. tu perfice coepta,  
Filia; non incerta tibi tua dona manebunt.  
Foemina, quæ vestris illudere vitibus audet,  
Sentiat ultorem, quem fors sperauit amantem.  
Propterea sæuas duc tecum in castra sorores  
Ocyus, & poenis adeò ne parce cruentis.

Hæc vbi, compellat reliquos, auditq; vicissim,  
Expenditq; memor, mentemq; per omnia versat.  
Iamq; adeo cunctis responsum, miserat ipse  
Concilium Pater, ac folio submotus abibat,  
Cum rapidi fluere, & sua quisq; ad coepta reuerti.  
Quales Æolio laxati cardine venti  
Multa vi rumpunt, sonat Euris, & omnia turbat;  
Tempestas nigro terras obnubit amictu.  
Visceribus seu cum clauis telluris opacæ  
Exiliunt flatus, trepidant sola territa motu.  
Tales de stygia picæ ferrugine fratres  
Inuasere diem rursus, percussa maligno  
Palluit aspectu refugis lux aurea bigis.  
Emicat, & signum Persis crudelis Erynnis  
Intonat, attonitæ responsant vndiq; valles,  
Tactaq; tabifico latè loca sulphure fumant.

Tum

Tum verò Iuditha gradum de rupe ferebat .  
 Sensit iter Dira Ifacidis, suspectaq; vidit  
 Lumina, & intolitum picti velamen amictus ;  
 Nec certum est animis, quo fœmina pergat ad hostes  
 Consilio, blandanè Ducem lenire loquela ,  
 Et specie , vt parcat clausis , vtq; auferat arma ,  
 An malit fraudes serere , & premere artibus hostem .  
 His commota supèr , si qua est , occurrere cladi  
 Apparat , & dubiam manibus præuertere famam .

Fortè senex erat in castris Babylonius Hormus  
 Vrsacides Persas , victriciaq; arma secutus ,  
 Egregiamq; Duci patrias effusus in artes  
 Impendens operam , scelerum fœdissimus auctor .  
 Quandoquidem manes illi parère feruntur  
 Tartarei , verbisq; accitus tristibus Orcus  
 Pergere , nec iussus cupido responsa negare .  
 Huius carminibus tellus immota moueri  
 Visa fuit , visæ media sub luce tenebræ  
 Offundi Cœlo , descendere ab æthere Luna ,  
 Et defuncta modis attolli corpora miris  
 De tumulo , cogiq; audire , ac reddere voces .  
 Quinetiam sacris magicis effossa sepulchris  
 Ossa dicans , atq; inscribens nomina plumbo  
 Dijs animas nigri passim damnabat Auerni ,  
 Inuictisq; hominum miserorum attacta venenis  
 Corpora ( proh facinus ) crudeli morte necabat.  
 Dira sibi hunc socium rebus delegit agendis .

Con-



Continuò colubros, ac turpes occulit alas,  
 Luminibusq; trucem furialibus amouet ignem,  
 Crispatasq; niues capiti adijcit, insupèr atro  
 Promissam mento barbam, rugosaq; duri  
 Induit ora senis, qualis pater Vrsacus olim,  
 Cumq; soporiferam noctu per membra quietem  
 Mitteret Vrsacides cura semotus ab omni,  
 Hunc fœda in somnis Dea patris imagine ludit,  
 Aggrediturq; virum. Placido indulgesnè sopori,  
 Iam non nate mihi? nec mentem cura tuarum  
 Villa subit rerum? non sic, non hostis inertes  
 Soluitur in somnos, & facta immania tentat.  
 Quid prò te tantas operum me impendere curas  
 Profuit? ac tremulis signantem peruia plantis  
 Conatus docuisse meos? si rebus in aspris  
 Debueras strato segnis requiescere molli,  
 Nec Diuùm saltem supplex responsa rogare?  
 Quin surge, Abdaridiq; celer narrare memento,  
 Quæ commissa mihi fatorum arcana fuere;  
 Ille quidem speret faustos ex ordine rerum  
 Euentus, victas vrbes, & regna subacta,  
 Ne tamen Hebræi generis se credat adulter  
 Scorto, quod blanda iam iam subit ostia forma,  
 Suppliciumq; adeò scelerato è sanguine sumat,  
 Haud faustum molitur opus. sic fata iacenti  
 Implicuit furias coniecta in viscera tæda.  
 Ille manu nixus complecti, ac iungere dextram

Nēquicquam, palmas simulacrum elusit inane,  
Eripuitq; oculis se se os exuta senile.

Dira, & natiuis incessit pallida monstis.

At senior trepido similis, similisq; furenti  
Excutitur somno, & fugientem est voce secutus.

O' tu quaecumq; es furiarum ab sede sororum  
Quæ ~~vis~~is, ac tantis agitas præcordia flammis  
(Nam neq; te sanctos manes, vmbrañq; Parentis  
Crediderim, nosco incessum, nosco ora, comasq;).  
Da veniam, & miserere animi, Dea, numine pressi:  
Aggredior. nec plura refert, stratumq; relinquit.

Ecce autem vix ex oculis euasit Erynnis,  
Cum foedis subitò coeptis occurrit Auerni  
Inclytus, ætherijs Michaël qui præsidet armis,  
Tartarei vindex sceleris; quippe expulit alto  
Aligerum infensum Regi, turbamq; sequentem.  
Primus, & Infernas olim derrusit ad vmbas..  
Post immane nefas oditq; agitatq; rebelles..  
Ipse latus niueum lorica fulrus athena  
Auri feris galeam confundit crinibus auream,  
Ac teretem quassans summa vi feruidus hastam  
Insertat læuam clypeo, quo protegit orbem,  
Et vi de stygia, & furialibus asserit ausis.  
Talibus effulgens volucer bellator in armis,  
Quæ faber æthereis olim sudata caminis  
Fecerat omnipotens, pueroq; aptarat habenda,  
Labitur in terras; rutilæ venientis ab ore

Scintillæ absistunt , dant acria lumina flammæ.  
 Ipsa sub obscuram diffundunt aurea noctem  
 Remigia alarum , medijsq; è nubibus ignes  
 Præuenere diem . Solem decepta putauit  
 Terra citos adeò mirata resurgere currus ,  
 Et lucem amplexa est . Postquam ad tentoria ventum,  
 Constitit adnexus pennis , contrâq; ferocem  
 Ditigenam abrumpit vocem , horrendumq; minatur .

Ecquando acceptam superis contundere gentem  
 Absistes scelerata lues ? quo fine quiescent  
 Infacidum lachrymæ ? nondùm piget horrida tela  
 Irritare Poli , & sat nota laceßere castra ?  
 Nunc tibi quæ dicam , rerum quæ iusserit auctor ,  
 Accipe , & imperijs parere assuesce supernis .  
 Non vobis dias habitandas luminis oras  
 Rex dedit omnipotens , atq; huic dominarier Orbi ,  
 Sed cæcas longè sedes , & regna profunda  
 Sub terra , piceos amnes , ignemq; dicauit ;  
 Illuc carpe viam , liceat sæuire per illos ,  
 Et duro fontes animas vrgere flagello ,

Sic valida increpitans trepidantem verberat hasta ,  
 Insequiturq; fremens ; volat illa per aëra latum ,  
 Horrendumq; vlulat tum magno victa dolore  
 Nigrum tartareis subito caput abdit in vmbris .  
 Sic vbi per noctem tacitus præsepia circum  
 It lupus insidias tenero meditatus ouili ,  
 Si custos strato exiliat , telisq; minetur



Arreptis, fugit ille celer, fertq; irrita vota  
 Multa dolens, notisq; præcùl se condit in antris.

Est lacus horribilis, vastaq; voragine vortex  
 Palmiferæ ad fines latè porrectus Idumes,  
 Cuius inaccessa est ratibus via, nec natat æquor,  
 Sulphuream exhalat nec non grauis vnda mephytim.  
 Hùc fama est cœlo, crimen quæ turpe piarent,  
 Accensas cecidisse faces, & funditus vrbes,  
 Quas regio latè superis auersa tenebat,  
 Vssisse, ac ciues horrendis imbris atræ  
 Demisisse neci, cum lata feracibus aruis  
 Antè foret, vultuq; oculos lactaret amoeno.  
 Ex illo tabes, & lurida squallet imago,  
 Et cinerum testis locus est, ignisq; sepultus,  
 Atq; aër circum caligine tristis opaca.  
 Hac via per densam patet atra in regna paludem;  
 Hanc adit infandum fugiens in Tartara monstrum;  
 Ponè subit Michaël, qui postquam in fornice pendens  
 Vestibulum infelix infensa luce flagellat,  
 Corripuere fugam in tetras exterrita sylvas  
 Agmina, nec lumen cœleste afflata tulere.  
 Non secùs aëriæ specubus sueuere columbæ,  
 Aut Pandionæ volueres caput abdere cœcis,  
 Cum timidum ex alto fuluus Iouis ales in agmen  
 Inuehitur. Sed miles adhùc hæc intonat ore.

At vestrum nemo ex numero muliebribus orsis  
 Obsistat, stygij, nil vobis restat inausum,

Quod

Quod premat Hebræos , & auitas eruat aras ;  
Sed nulli fas , ipse viam Deus obice claudit .  
Num spes audaci , num sit fiducia cordi  
Hoc prohibere Deo ? dabitis , si temnere iussa  
Audeat hæc aliquis , dabitis , fera pectora , pœnas .

His dictis perculsi animi , totusq; remugit  
Orcus , & obscoenæ domitor labat ipse cauernæ .  
Nec vultus audet inæstos attollere coràm  
A flagris , probroq; recens fata principe noctis  
Dira , sed in clausas penitus fugit ima latebras .  
At Michaël puro volucer se reddit Olympo .

Interea parère Herebo satagebat Haruspex ,  
Causatusq; graues casus , & iussa Deorum  
Conuenit Abdaridem , somno qui fortè solutus  
Proxima præteriti meditatur probra diei ,  
Et quo saxa modo superet , captaq; potiri  
Urbe queat , certis abolere & dedecus armis .  
Talia voluenti Cocytius adstitit Hormus .

At dum Iuditham molitur crimen in ipsam ,  
Vertitur os , contraque sonat mutata loquela ,  
Quippè Deus mentem eripuit , rapidique tulerunt  
Monstra noti , lethæa dolos absorbuit vnda ,  
Et nouus illudit Balaamus Persidis armis .  
Aggreditur . Tu ne Assyrium fortissime Ductor ,  
Iam dubites ; quod non speras , tibi militat hostis ;  
Ecce erit ante pedes iam iam fugitiua Virago ,  
Qua nec consilio melior , nec lumine formæ ,

Quæ

Quæ belli ostendat finem ; vidi ora Deorum  
 Talia prodentum , vocemq; his auribus hausi .  
 Tu parce , atq; animam serua virtutis amantem :

Hæc vbi percepit Princeps , sententia versa est ;  
 Opperiensq; auidè profugam , complectitur Hormum .  
 Ergo age ( sic contra retulit ) faueamus amicæ ,  
 Et quò nos præfert regis fortuna sequamur .

Hormus vt abscessit , reputans , quæ acceperat Orco  
 Mandata in somnis , & quam contraria fatus ,  
 Horrescit , stupefacta nouus per viscera terror  
 Ingreditur , iam iamq; amens , ac turbidus hæret ,  
 Infandisq; agitur curis ; Herebumq; Polumq;  
 Incusat , seq; ipse suo pro crimine damnat ,  
 Iamq; optat reuocare gradum , & diuersa referre ;  
 Sed trepidat , vis maior adest , & inania vota  
 Opprimat , auditæ voces clamore furentis  
 Horribili , noctisq; Infernæ monstra rogantis ,  
 Quid faciat , qua suscipiat scelus arte piandum ;  
 Sed responsa negant , nulliq; oracula promunt  
 Acciti manes ; dubitat nùm pectora ferro  
 Transigat , & turpis disrumpat stamina vitæ ;  
 Spes prohibet , contraq; hostes accensa cupido .  
 Ergò ille è castris , & magni limine Valli  
 Effugit , & longè tacitis se se abdit in antris ,  
 Si quæ forte viam inueniat , qua Tartara placet ;  
 Ira , pudorq; agitant , victæq; insania mentis .

Ecce autem Cœlo se se referebat aperto

Æmu-



Æmula Iudithæ niridis Aurora capillis,  
Floribus & latè Cœlum spargebat Eois,  
Tum verò maior crebrescit fama per vrbeim  
Illius egressum memorans, atq; excitat omnes;  
Ante alios passis per eburnea colla capillis  
Mixtæ virginibus nuptæ cum mollibus ibant  
Orantes veniam, Regemq; in vota vocantes  
Sydereum. Ne summe Pater, ne desere tantis  
Ancillam insignem donis, atq; annue cœpto;  
Placa iras, cohibe arma feri prædonis, & ipsum  
Hoc auerte solo. quò te pulcherrima, quò te  
Propis, heu nostræ decus, & spes vnica gentis?  
Sic passim auditur; mœrent, sperantq; vicissim,  
Instaurantq; diem voris, pacemq; precantur.

Parte alia impatiens, monitisq; intentus amici  
Acer Holophernes magnos è diribus artus  
Extulerat stratis, humerosq; incluserat auro.  
Conueniunt primi procerum, belliq; magistri  
Mille salutantes, & regia iussa petentes,  
Mœnia vt inuadant; æquat iam machina muros.  
Ille moras dictis ferit, & sua decipit arma.

At silicem Iudith sinuosum emensa sub ipsum  
Lata propinquabat Vallum, portasq; tenebat,  
Cum gemini occurrunt, prohibentq; à limine gressum.  
Exploratores hasta, clypeoq; corusci,  
Nec subitò faciles; oculos ferit æneus umbo.  
Inuadunt. Cohibete pedem; quibus itis, ab pris

Quod

Quod vestrum est iter? illæ nil sermone moueri,  
 Nec reuocare gradum, Iudithaq; talia reddit.  
 Vos verò nulla, ò iuuenes: fortassè fatiget  
 Suspicio, quantum est animi muliebris, amicæ  
 Adsumus, & fausta Assyriæ damus omina genti.  
 Bethulia hùc gressum tulimus regione viarum  
 Ambigua, & coeca tectæ caligine noctis,  
 Quandoquidem haud dubiæ cladis formidine captæ,  
 Dum vester Dux ingenti quatit oppida bello,  
 Has vltro induimus mentes, & coepimus vltro  
 Maturare fugam, & malè fausta excedere terra.  
 Vos, precor, este duces, dominoq; admittite vestro,  
 Vt res l'acidum summas, arcanaq; discat  
 Consilia, & nostras veniat sublimis in arces.

Immò nihil domino poterat succedere nostro  
 (Excipiunt illi) felicius, ò Dea certè,  
 Nam neq; mortalis credenda es sanguinis vna,  
 Nec decuit talem flammis ardere futuris,  
 Non tamen officio concedet maximus ille,  
 Nec tibi prò meritis non grandia dona repondet.  
 Tu verò ingredere, & nobis ducentibus aude.

Talibus effati se se intra castra ferebant.  
 Postquam progressi, & cuneos delatus in omnes  
 Rumor ijt, calidis ardescunt pectora curis  
 Continuò, iam, iamq; volat captiua iuuentus.  
 Sicut noctifugi, manifesto lumine quà se  
 Flammea per patulam monstrauit tæda fenestram,  
 Agglo-

Agglomerant se se culices, circumq; supraq;  
Agmen amore nouo semiustis conuolat alis,  
Nec prius absistunt, quam victor puniat ignis  
Exitio amentes, habeantq; in luce sepulchrum.  
Non secùs ad monstrum pubes peritura ruebat,  
Inq; peregrina pascebat lumina forma.  
Accelerat vincens curas, & vota iuuentæ  
Iuditha ad magni gressum prætoria Regis,  
Aurea quæ centum medijs retinacula castris  
Surgere dant Cœlo, & caput inter condere nubes.  
Ante fores clypei pendent, hastæq; trabales,  
Et leues galeas, & grandia scuta reclinant.  
At locus interior radiabat imagine regum  
Clarorum bello, Assyria ditione potentum,  
Queis adeò fului saturabat plurimus auri  
Purpuream nimbus chlamydem, latèq; fluebat.  
Iamq; in conspectum procerum, supremaq; ventum  
Concilia, Abdarides vbi sede innixus eburna  
Opperiens belli in speciem de rebus agebat.  
Ille quidem Assyrijs opibus, luxuq; superbus  
Barbarico ardentes referebat lumine flammæ;  
Aureus est humero thorax, lateri aureus ensis,  
Cœruleamq; auro lænam variante hyacinthus  
Discolor it supra, summo quem pectore diues  
Fibula nectebat, glomeratis vndiq; vittis  
Ardua multiplices onerabant tempora gemmæ.  
Vt vidit, periit, specieq; viraginis amens



In sola hærebat, miserumq; bibebat amorem,  
Natiuasq; mali lenibat nescius iras.

Obstupuit tanto aspectu manus aurea circum  
Magnanimum heroum, totisq; hausere medullis  
Illuuiem, nec iam diro conuellere bello:  
Regna placet, quæ talis alant spectacula formæ,  
Nec decora his aiunt factis æterna parari.

Exuitur pugnae iamdudum accensa cupido;  
Dux varijs agitur curis, ancepsq; fathiscit.  
Iuditha, vt tanta cum maiestate sedentem  
Aspexit Persam, solioq; insigne corusco  
Circumfusum ingens sinuoso tegmine velum,  
Palluit aspectum verita, & pudor indè secutus,  
Prona q; decumbens in morem gentis adorat.  
Ille vetat, turba accurit, terra q; iacentem  
Iussa leuat, Ductorq; prior compellat amicè.

Iam tibi, quæcumq; es, trepidâ, pulcherrima Virgo,  
Fas omnem ex animo curam deponere, nostra  
Te non arma petunt, nec ni sumus hostibus hostes.  
Verum agè, quæ miseros demens fiducia ciues  
Nuncalit? & quæ spes confirmat inania vota,  
Orbis dum nostro totus sub verbere languet?  
Numen enim testor magni venerabile Regis,  
Qui nos successu dat subdere regna secundo,  
Inuitum me inferre viris lachrymabile bellum,  
Nec mihi mortali saturantur sanguine fauces;  
Quod ni responsis acuisent turpibus iras,

Ni patrios contrà firmassent milite muros,  
Nec tuba, nec trepidæ violarent ocia curæ.  
Causa mali vestra est. Sed quæ sententia tandem  
Altricem liquisse domum, patriosq; penates  
Impulit? effare, ac veniendi ediffere causas.  
Dixerat; illa oculos tollens pudibunda decoros  
Facunda in dulces soluebat labra loquelas.

Magnanime Assyriùm Ductor, spes maxima rerû,  
Haud minùs exuperans animos virtutis amore,  
Quàm loca vi belli, & semper victricibus armis.  
Ad te deserta, & patrijs à mœnibus exul  
Fœmina confugio supplex, oroq; salutem;  
Ne renuas, haud fama levis succurrere victis,  
Nec fortè insontes animas seruasse pigebit.  
Certè hæc spes placito patriam mutare coëgit  
Exilio, dulcemq; domum, & genus omne meorum.  
Quæ si ferre iubes, factiq; agnoscere causas  
Te iuuat, expediam, populiq; arcana recludam,  
Nam nihil immerito iam me debere fatebor.

Vt primum nostris exercitus appulit oris  
Assyrius, vidiq; locum obsidione teneri,  
Multa fugam sub nocte domo suasere relictâ  
Moliri, & furtim misera decedere terra;  
Id verò in primis, quod tela rebellia dextra  
Stringimus, & iusto regi parere negamus;  
Hæc loca nam regum Assyriæ virtute priorum  
Capta bono nunc iure nouus sibi vindicat hæres;

Scilicet exemplis testatur pluribus orbis,  
Iustitiam iniusto vinci nescire duello,  
Taliaq; aggressas semper succumbere gentes.

Me quoq; non latuit, fugiendiq; auxit amorem,  
Qui numerus Cœli stellas, maris equat arenas,  
Bellantum, & moles, & ouantes puluere currus,  
Castraq; militiæ vel formidanda magistris  
Bellonæ, & fratri, verax si fama fuisset;  
Tuq; prior, cuius nutu, auspicijsq; vocata  
Obsequio plaudens, miro Victoria paret.  
Norunt percussi reges, & regna subacta,  
Agmina; in præceps collatis tradita signis.  
Iamq; adeò Auroræ, iam vincla tepentibus Austris  
Iniectas; tua Dij paribus sensere ruinis.

Arma, nec euerfis cunctatur Iuppiter aris.  
Nos, autem genus exiguum, nullius & vsus,  
Militiamq; pati indociles, & inertia corda.

Verum quod superat, quodq; est impensius æquum  
Consilio amplecti, geminatq; in corde timorem,  
Crimina sunt huius populi, scelerataq; vitæ  
Præ cunctis ratio seclis, quam certa sequetur  
Pœna modo, frustra; petunt ab Numine pacem  
Nec si telluri illudunt, cœlestia fallunt.

Nam velut ille Deus, cui nostra altaria fumant,  
Defendit, cum recta fuit sententia, patres,  
Ac siccis duxit suspensa per æquora plantis,  
Solq; pedem tenuit mortali iussus ab ore;



Degeneri sic ipse frequens de sanguine sumpsit  
Supplicium ( vos Assyrij pars maxima pœnæ )  
Cum dolus eripuit mentem , & malefuada libido ,  
Istaq; viridici cecinerunt omnia vates .  
Iamq; vides , quò res ductę , penuria quandò  
Nos ingens premit , & potum negat arida tellus ,  
Pręsentemq; necem manifesta in luce tuentur .  
Ne verò auersę gentis commissã require ;  
Num quemquam lateant ? ex vno tu tamen ausu  
Disce genus , nam concilio paulò ante coacto  
Hos inter motus belli statuere lebetes  
Religionẽ sacros , quos atrectare profano  
Haud vlli fas est vsu , atque auertere templo ,  
Sacilega violare manu , raptoq; potiri ;  
Nec sanctas leges , diuinaq; temnere iura  
Horrescunt , impunè Deus num talia cernat ?  
Hęc dubios potuere animos accendere causę ,  
Inuisam vt superis optarem linquere gentem .  
Magna feram , sed vera ; Deus , Deus ipse putanti  
Adfuit , ac sensim stimulos admouit acutos ,  
Ipsa nec incertis fulserunt sydera signis .  
Parui , & obscura demùm sub nocte profugi ,  
Ac multa simulans custodes arte fefelli .  
Scilicèt ille mihi semper Deus , illius vsq;  
Numina magna colam , lachrymisq; in vota vocabo ;  
Si tamèn in vallem tacita descendere nocte  
Annueris , precibusq; dabis diuinitus æquę

Vesti-

Vestigare diem pugnae, cladisq; futurae.  
 Ipsa tibi demum diuina oracula pandam,  
 Ut Solymis nullo potiaris sanguine regnis.  
 Neu dictis auerte fidem, victoria quando  
 Spondetur sine caede virum, me me ætheris alti  
 (Rursus enim repeto, atq; vlticia sydera testor)  
 Ipse Pater misit; sic iustas arsit in iras,  
 Sic adeo poenas scelerata est stirpe reposcit.

Talia commemorans regem lenibat amore.  
 Obstupuit, faustoq; excepit murmure coetus.  
 Sic res assensu meliorum est credita vulgo  
 Vnius ingenio, facundaq; arte puellæ.  
 At coeco Abdarides iam pridem captus ab igni,  
 O quantum huic (addit) memoras quem, Virgo, Deorum,  
 Ille loci vel sit genius, vel ab æthere Numen,  
 Prò specie oblata, prò rebus ritè reiectis.  
 Debemus, tantis fas dona rependere donis,  
 Obsequitur quibus ille Deo, cui ponimus aras.  
 Tu quoq; prò meritis dextra ditabere nostra.  
 Interea è castris liceat vestigia in omnes  
 Ferre locos, noctuq; Deum regionis adire;  
 Nec quisquam audebit, quando hæc est nostra voluntas,  
 Aut prohibere iter, aut gradiendi poscere causas.

Sic fatus laqueis se se miser implicat vltro,  
 Immemor, ingenio quid foemina possit, & ore:  
 Tanta amor humanas heberat caligine mentes.  
 Extemplò famulum numero delegit ab omni

Semiuirum Bagoam, quem tellus humida Nilo  
Edidit, ac fidum nurui dedit esse ministrum,  
Designatq; locum rectis, vbi scilicet haustu  
Nectareo, & mensæ dapibus vescatur herilis.  
Non tamen assensit peregrinis Isacis escis,  
Quamuis instarent contra Ductorq; patresq;,  
Relligione sua quas, & pro rebus agendis  
Attrectare nefas; patria se ex vrbe tulisse,  
Quæ sat erunt, neq; deficient absumpta, priusquam  
Imponat rebus diuino munere finem.

Nec fata vlteriùs Bagoam sectatur in ædes.  
Est locus, eductum Cœlo penetrabile corusco,  
Castrorum spatio in medio, quo Persica gaza  
Tutò asseruari fuerat; scriptiq; talenta  
Argenti, atque auri (belli vis summa) latebant.  
Huc etiam tractæ exuuiæ, captiuâq; vestis,  
Quodq; per euersas rapuerunt ditiùs vrbes.  
Intrant Isacides, hæc illis regia tectum.

Hic oblata nouam subito res mira salutis  
Spem dedit, & visa est latum promittere finem;  
Nam dum regificis penetralibus omnia lustrat  
Iuditha, ornatu in vario, atq; taperibus aureis,  
Seu casu acciderit, seu Cœli numine, pictæ  
Isacidum sortes, & pulchra apparuit Hester.  
Tunc illi ardenti per vultum, & nota tuenti  
Lætitiæ effusæ lachrymæ, & quisnam locus, inquit,  
Hostibus & medijs n ostris vacat Abra triumphis,  
Spe-



Speremus, non frustrà oculis hæc reddita nostris.  
 Sic loquitur, pictisq; animum successibus explet;  
 Namq; tuebatur, quà Rex orientis opimi  
 Reginae auferret sceptrum parere neganti;  
 Atria formosis quà ductis vndiq; Regi  
 Virginibus fluerent, & tantum vinceret Hester  
 Æquæuas iam lecta viro, iam regia coniux,  
 Quantum Luna facies per noctem plena minores.  
 Parte alia insanis odijs accensus, & ira  
 Sævit Aman, tempusq; necis sortitur iniquæ  
 Abrami in semen, captiuæq; perdere ferro  
 Colla iubet, penitusq; genus delere superstes.  
 Stant armis Persæ accincti, lux imminet atrox.  
 Insomnem interea noctem Rex magnus agebat,  
 Annalesq; legi, & rerum monumenta reuolui,  
 Ornariq; virum Hebrææ de gente iubebat,  
 Qui coniuratae deprendit fœdera noxæ.  
 Ille insperato victor splendore potitus  
 Regius ibat equo mœrenti ductus ab hoste,  
 Purpureusq; super gemmis radiabat, & auro.  
 At Regina suis metuens mœstissima Regem  
 Lenibat, supplexq; pedes amplexa tenebat.  
 Has te ego per lachrymas oro, per si qua salutis  
 Cura meæ tangit, coniux, miserere dolorum,  
 Parce meo generi, sedet in penetralibus hostis,  
 Ad lethumq; rapit, meq; ipsam in funera poscit  
 Nil veritus thalamos: in te committere tantum

Quid

Quid miseri? quid ego potui? Pro talibus ardet  
Regnator, neq; supplicium differtur Amano;  
Ille pati, immerito capiti quod triste pararat;  
Isacida in Persas vlti mucrone ruebant.

Hoc ergo in tecto rebus deuota gerendis,  
Persica securos dum captant agmina somnos,  
Euigilans ignem sopitum Hebræa ciebat,  
Atq; abiens liquido lustrabat flumine corpus,  
Pronaq; supplicibus votis ambibat Olympum.  
Me rege, summe Pater, cuius pro laude pacisci  
Hoc placuit caput; egregium defende laborem,  
Ne pudor ancillæ nutet, ne vita tuorum,  
Nam quem das finem? miseros quo tempore soluis?

Hæc effundebat lachrymans, tristesq; suorum  
Ærumnas animo recolens, mollissima qualis  
Daulias, vt nido pernicibus auia pennis  
Auolat, & natis præsentem quærirat escas,  
Hos solos animo voluit, metuitq; relictis.  
Ast vbi sat precibus tactum, atq; in castra reuerti  
Tempus erat, rebusq; color sub luce redibat,  
Condebat se se in tectis, ac sede remota  
Dum nox atra polo rueret, terrasq; teneret.  
Tum Cererem, & duræ expediens obsonia coenæ  
Paulum instaurabat vires, somnoq; fouebat.  
Non tamen attactu interea polluta profano  
Iura pudicitiae soluit, vetuere supernæ  
Virtutes, foedosq; Deus compescuit ausus.

Fama est Aligerum, Cœli genus, additus ipsi  
 Qui fuerat custos nitenti matris ab aluo,  
 Cum primùm gressus Iuditha in castra tetendit,  
 Ex adytis longè æternis, vbi Martia gaza  
 Militiæ in magnos cœlestis conditur vsus,  
 Mucronem ingnuum retulisse, acieq; timendum  
 Fulminea; hoc dextram valido munimine fultus  
 Venerat, & lateri solers adstabat amico,  
 Ne qui vim niueo possent inferre pudori  
 Interea, magnisq; (nefas) illudere cœptis.  
 Vestibulum arcanus tenuit timor, ipsaq; casso  
 Conatu abstinuit retrò conuersa iuuentus.  
 Fors idem hic ille est gladius, quem miles Olympi  
 Distrinxit prima nascentis origine Mundi,  
 Cum doctus versare dolos fatalia serpens  
 Incautæ suasit matri decerpere poma,  
 Et dubiam pepulit mentem, soluitq; timorem.  
 Tum Deus obseruans vnà peccasse maritum  
 Continuo iussit geminos absistere septis  
 Fortunatorum nemorum, foribusq; beatissimis  
 Maturare fugam, mansuraq; ostia lera  
 Munijt; horrescunt scabra rubigine postes,  
 Et tacitæ torpent effœcto cardine valvæ.  
 Hic quoq; flammiferum crispans stetit Aliger enses,  
 Obseditq; fores, ac nulli deinde meandum  
 Interclusit iter. Lasso pro cortice terras  
 Et mors, & legio tenet importuna malorum,  
 Primaq; peiores luimus commissa Nepotes.







# IVDITHAE VINDICIS

## Liber Tertius.



INTEREA Ephraemus Solymas emis-  
sus ad arces  
Cunctandi impatiens inimicum eua-  
serat agmen.  
Nunc agè, Bethuliae quam sur-  
gentis origo,

Quique status, viresq; forent, cum Persidis armis  
Tempestate illa vallauit Barbarus urbem,  
Diua refer, qua deinde pedem regione locorum  
Detulit, inq; altæ peruenit septa Syonis  
Nuntius Oziæ facturus iussa, reclude.

Arboreis patet alta iugis, atq; vberè aquarum  
Lata Palæstino tellus pulcherrima regno,  
Quæ cultu pecorum pingui, & cerealibus aruis  
Oppida centum alit. Isacidæ coluere frequentes,  
Et famam dedèrunt. Galilæam nomine dicunt.  
Quà celsos tollunt humeros, cœloq; minantur  
Ceruice aëria montes, & rupibus horret  
Saltus inaccessis, & planis imminet amplis,  
Chananio armipotens de sanguine Bethulus olim  
Vertice delecto fundauit desuper urbem,  
Bethuliamq; suo dici de nomine iussit;  
Quippè loco fidens, trucibus dum personat armis



Circùm omnis regio, & sua quivis iura tuetur,  
 Hùc aduexit opes, sedemq; à limine primo  
 Transtulit, & regno cavit consultus auito.  
 At postquàm Agypti dura ditione soluto  
 Abrami celsit generi feliciter ora,  
 Rectaq; barbaricas diuinitùs arma cateruas  
 Fudere, atq; arces latè obtinuere superbas,  
 Hæc Ephraimigenis tellus habitanda colonis  
 Obtigit; illi auctam porrò crescentibus annis  
 Firmauere minis murorum, ac turribus urbem.  
 Ductilibus riuis intus, lymphaq; frequenti,  
 Aduena quæ multum terræ perlabitur æquor,  
 Utuntur, foris irrigui per deuia fontes;  
 Nec latus per rupem aditus, nec semita mollis,  
 Et valles circùm alternæ, collesq; coronant.  
 Quà roscos Aurora recens lauit æquore vultus,  
 Est lacus, & vortex iam fama notus ubiq;  
 Bissenî, quem deindè, Deo comes addita pubes,  
 Sulcauere viri, totum qui legibus orbem  
 Formarunt sanctis, diuinusq; ipse magister;  
 Ij pisces captare plagis, hic spargere voces,  
 In vulgum eximias, ignaraq; corda docere.  
 Quà Sol occiduas descendit fessus ad vndas,  
 Sudantes, & amat curru soluisse iugales,  
 Nazareæ surgunt turres, vbi lapsus in aluum  
 Virginis intactæ nostros Deus induit artus,  
 Arcana Aligero referente oracula summo.

Ad Boream Tyrij resident, & pingua culta  
Phoenicum; Solyma exoritur, qua sibilat Auster;  
Hoc caput imperij, hic solium Deus annuit esse  
Isacidis, latissq; dedit dominarier oris:  
Felices, magni nossent si dona Tonantis.

Ergò Bethulia cedebant moenia retrò  
Ephra mo celerante gradus, atque arua secante;  
Ille autem, vt primum licuit, velamina Persis  
Detracha abiecit longè progressus ab hoste.  
Diffugiunt etiam fastigia celsa Taboris,  
O quibus ornanda ostentis, æquandaque coelo,  
Cum Christus, qualis supera versatur in aula,  
Et quantus, dabit hoc instar se in monte videri,  
Et verum Numen mortali in carne patebit.  
Iamque adeò fines tetigit Samaritidis oræ,  
Regnaque non tenui quondam gaudentia fama,  
Linquitur occisi tellus antiqua Nabothi  
Prò cultis regi ( demens, qui talia regi )  
Prò patrijs agris cum libertate negatis;  
Infamisque Bethel; manet omni mente repositum  
Dedecus, & culti non cessat fama iuuenti;  
Scilicèt vt regni Pharijs reuocatus ab oris  
In partem venit famulus, terraque rebellis  
Hac sedit, veterem ad dominum ne regna redirent,  
Turpe nefas posuit, statuitque altaria tauro  
Impius, & gentem Solymis auertit ab aris.  
Prætereunt alię haud tenues, famaue minores

Tunc

Tunc sedes Iudæ innumeræ ; nunc oppida sæui  
 Thraces habent, Arabesq; , & barbara nomina tellus  
 Induis, his te nostra malis discordia pressit .  
 Dextram semper habet Syrium mare, & æquora longè,  
 Iordanis læuam puris interluit vndis .

Iam totum superarat iter , iamq; ampla tenebat  
 Mœnia, & ingentes summis in collibus arces  
 Regnatas olim egregiè, celsæq; Syonis  
 Æquatam cælo molem , & fastigia templi;  
 Ingreditur, fama attonitam rumoribus urbem  
 Implet, conciliumq; vocat Pater , altaq; pandit  
 Atria, quæ rerum nouitas, quid venerit ille,  
 Scitari, & si fas, ardet succurrere rebus :  
 Nec mora, conueniunt in limina celsa frequentes :  
 Adstitit Ephremus , simul has dedit ore loquelas.

Bethulia afflictæ, Proceres, & mœnibus adsum  
 Iussus ab obsessis, magno me instante periculo  
 Scilicet Ozias Solymas emisit ad arces .  
 Quæ nos circumstent acies , eductaq; longè  
 Agmina purpurei magnis Orientis ab oris,  
 Haud memorem, tulit huc certè se fama minorem ;  
 Propterea si sola mouent mortalia mentem ,  
 Haud nostrum à tantis opibus defendere muros ;  
 Vel si tergeminum distringat quilibet ensen .  
 Nec verò spes vlla moræ, Cerealia quando  
 Auxilia absistunt , ablataq; copia lymphæ est;  
 Iamq; aliquis passim rebus deficit in arctis ,



Et matres scindunt scelerata in fercula natos.  
Hoc tremefacta malo, mutata denique mente  
Plebs noua concepit studia, & bacchata per urbem  
Magnis optauit dedi victoribus arces,  
Et pacem quauis sub conditione rogari;  
Nec valuit pius Ozias, flagrante tumultu,  
Mutare in melius populum, casuq; coactus  
Promisit, quinis adsit ni forte diebus  
Subsidium, atq; salus placidis affulgeat alis,  
Vltro cum Syrio feriturum Principe fœdus.  
At quia nos decuit soli confidere cœlo,  
Suadere Isacidis nec quisquam debuit auctor  
Ætherium propriæ rectorem defore causæ,  
Propterea, quorum sani sub pectore sensus,  
Degeneres plebis damnarunt protinùs orsus;  
Quamquàm quis plebi legem præscribat inerti?  
Dissenit populo in primis lat cognita vobis  
Iuditha, imperij lumen mirabile vestri;  
Quodq; magis mentes nouitatis imagine pulsat,  
Nescio quid secum reputans in castra parabat  
Ferre pedem, iamque illa viam fortassè peregit,  
Nec quid consilij, quæ sit fiducia cœptis,  
Hactenùs ignari assequimur, sensuue tenemus.  
Si spes est animum precibus mutare Tyranni,  
Haud scio, quid mentes mollis facundia formæ  
Possit in immanes, nec sermo auditur in armis.  
Hic urbis miseræ status, hæc incommoda torquent;  
Nunc

Nunc vestrum est rerum tantarum expendere casus,  
 Quæque animo surgat vobis sententia, ferre,  
 Frumentis placeatne leuare, atque addere vires,  
 Vnica quæ obsessos dulci spes vberè pascit,  
 An Persas Ductor sibi deditiōne feroces  
 Conciliet. si forte iuuat succurrere fessis,  
 Atque nouas acies, & spīcea mittere dona,  
 Consulite in medium celeres, quæcumque paratis,  
 Ipse modum inueni subeant quo moenia nostra,  
 Et magna Assyrij fallant tentoria regis.

Hæc ille, at solio Eliachim sic infit ab alto,  
 Compellatque viros dictis, adimitque timorem.

Dura quidem, Patres, cum primum adiecimus armis  
 Consilium, & bello placuit defendere fines,  
 Vidimus hæc, casusque animo præcepimus omnes,  
 Nec satis ille sui (si quis) sibi conscius esset  
 Qui vinci nostris sperasset viribus hostem.  
 At freti rerum domino, qui vindice dextra  
 Fulmineos ruptis iaculatus nubibus ignes  
 Aduersas delet facili virtute phalanges,  
 Has vltro ærumnas, hæc durè incommoda Martis  
 Induimus, caput inq; vices deuouimus omnes.  
 Scilicet haud agitur de re, seu sanguine tantum,  
 Sed pietas, dum Persa adytis crudele minatur,  
 Diuinæque labant leges, antiqua coëgit,  
 Spemque dedit trepidis, firmavitque vna Senatum.

His adeò ex causis vobis immota manere

Crediderim consulta eadem, & præsentia quamvis  
Detrimenta premant, nullo discrimine haberi.  
Non est confessus, animiq; ignauia vestri,  
Nec vos indignè vitam præponitis æquo,  
Ergò animo hæc dudum subiit sententia nostro,  
Vndiq; collectis afflictæ vt protinùs armis  
Bethulix mittamus opem, flauaq; iuuenus  
Muneribus ciues Cereris. Producere bellum  
Si fas, quis scit, qua præstet Deus arte salutem?  
An temerè ad magnos Iuditha accesserit h ostes?  
Sin veniam sauo Persarum ab Rege petendum,  
Saluis id videant superiq; hominesq; fuisse  
Legibus; est vestrum, Procures, incumbere causæ  
Communi, & qui sint animis, euoluere sensus.

Talia voce dabat, totusq; ardebat in arma  
Sacrificus senior flammis afflatus Olympi.  
Nec discors, aut sera fuit sententia patrum.  
Tum Phineus pius ante alios, cui plurima virtus  
Mentis erat, quamquam premeret longæua senectus;  
Quod deceat, quodq; est æquum, Pater optime, dixit,  
Consulis, & septa auxilijs obfessa leuando  
Hortaris tentare moras, & fidere Cælo.  
Verum cum tempus populos accersere desit,  
Quidnam confieri præstet me iudice, dicam.  
Custodes arcem delecti, & claustra Syonis  
Quingenti seruant, vigilesq; ex ordine ducunt  
Excubias, duro pubes assueta duello.



Ægræ festinent illi succurrere genti,  
 Arci præsideant ciues, atque intima pubes  
 Intereâ, atq; dies, noctesq; ad limina sistat,  
 Dum populum acciri liceat, regnoq; coactas  
 Iungere opes; quin nos etiam diuisa vicissim  
 Munia sortitos fas est proferre laborem;  
 Ipse meas senio partes effœtus obibo.

Qualem purpurei veris spirantibus auris  
 Frondea dat sonitum sylua, & fremit ora susurris  
 Lenibus; haud minor in sancto vox orta senatu est,  
 Et Phineum laudant, assensuq; atria plaudunt.

Ergo erit iste labor tecum, tu pergere cura,  
 (Respondit Phineo Eliachim) Spectata Syonis  
 Agmina Bethulix obsessas inœrentis ad arces,  
 Et vitæ auxilio messem. tibi munera porro  
 Prò meritis, Ephræme, tuis dare digna nequimus,  
 Illa tamen quæ fert præsens fortuna, manebunt  
 Mox immota tibi, nec prorsum inglorius ibis.  
 Nunc ad Bethulidas, qualem brevis hora ministrat  
 Deportabis opem solers, animoq; iubebis  
 Esse bono Oziam, speret, spemq; addat inertis  
 Non vanam populo, nec deditioe pudenda  
 Polluat Ifacidum nomen, famamq; parentum,  
 Nam bene non emitur deserto vita Tonante.  
 Tu verò nostris, Phineus dum cœtera curat,  
 Confides mensis, mitteq; in membra quietem  
 His adeò expletis templum sublime Sacerdos

Eximius tota procerum stipante caterua  
Ingreditur, quò thure Deum, sacrisq; litatis  
Ante operas omnes, terrenaq; munera placet.  
Accingunt se se celeres, pateraſq; miniſtri  
Expediunt, ſyluiſq; onerant præſentibus aram;  
Victima conſpicuus iuxtà eſt delecta iuencus;  
Festinant, operiſq; frequentibus atria feruent.  
Ipſe Sacerdotum puro ſe flumine princeps  
Abluit, ac ſpeculo maculas rimatur inertes,  
Albentemq; humeris veſtem, velamina prima,  
Circumdat latis, plantas it limbus ad imas.  
Coeruleus ſupèr, ac diuerſicoloribus alter  
Velleribus textus, dein alter, & alter amictus  
Aptatur; pectus gemmis, humeriq; refulgent  
Biſſena inſcriptis Hebrææ nomina gentis;  
Purpura connubio iungit ſibi læta Hyacinthum;  
Nec levis, aut opere ex alio latera ardua circum  
Baltheus, & duplici decurrunt cingula cocco;  
Aſt ordo extremas argenti pendulus æris  
Antè animat, retròq; globis vocalibus oras,  
Mixtaq; purpureos abrupto cortice produnt  
Mala ſinus, limbumq; alterna luce coronant.  
Poſtremum capiti ſuperadditur ornamentum  
Infula lunatis hinc, atq; hinc aurea pinnis;  
Celant diuino ſacram ſub nomine frontem.  
Iamq; Deo ſtabat ſimilis, iam ritè pararat  
Rem ſenior, longèque ſilens intentà tenebat.

Ora ingens turbæ numerus, cum feruidus ille  
 Antè aram stetit, ac tauri ceruicibus instat,  
 Imponitq; manus. Hanc tu Pater optime mundi,  
 Accipe ait, nostra quæ nunc cadit hostia dextra,  
 Parce pijs placidus, præsentiq; eripe cladi  
 Relligione tua fontes, & Numine vero.  
 Sic cadat Assyrius, sic terram sanguine fœdet.  
 Vincendi tibi mille viæ, neq; multa veremur  
 Agmina, multiplici nec virtus agmine constat,  
 Sat voluisse tibi. postquam lustralibus ardens  
 Imposuit finem votis Pater, ecce iuuenus  
 Sternitur, & sacri conduntur gutture cultri,  
 Ille necem properam mugitu deflet amaro  
 Vitam per vulnus alterno sanguine fundens.  
 Subijciunt alij pateras, calidumq; cruorem  
 Suscipiunt, aramq; rubenti flumine lustrant,  
 Viscera dein alij nudant, ac tergora costis  
 Diripiunt, artusq; sacros in frustra recidunt,  
 Suppliciterq; Deo lectas altaria suprà  
 Exurunt epulas, cœsiq; abdomina tauri.  
 Concepere ignem trunci, flammæq; micantes  
 Dant crepitum, cœloq; Pater iam mitis ab alto  
 Nidorem excepit, nec tempore latior vllò  
 Ipse Polus veniæ signum dedit, atraq; vertit  
 Nubila in auroram, occiduisq; refulsit ab oris.  
 Addit liba sacris senior, thurisq; Sabæi,  
 Respersaq; oleo cereris, donatq; Sacerdos.



Ignibus , & grato Coelum perfundit odore.

Sparguntur vota , & tacitis clamoribus orant .

Postquam congeries cecidit, flammæq; quierunt,

In summas arces graditur, belloq; cateruas

Euecat , & validis Phineus celer instruit armis .

At non oblitus Senior , qui summa tenebat ,  
Ephræmi, instratis dat fessum accumbere mensis.

Nec non ingentem dapibus lenire laborem ,

Multa super bello rogicans , quibus impius armis

Assyrius fidat , quæ damna inuexerit vrbi .

Conueniunt multi procerum , mensasq; coronant .

Postquam instaurata vires , epulisq; refectioni ,

Ephræmus cœpit . Longi sermonis egentem

Rem , Pater , ac duos mandas memorare labores ;

Summa tamen capita ore legam , paucisq; docebo .

Iam Persæ Euphratis ripis , iam Tigridis amni

Victores vincla indiderant , longèq; rubentis

Auroræ populos vasta ditione premebant ,

Cum pingues adeò ad colles frondentis Idumæ

Assyrias acies , & regnis sparsa propinquis

Agmina cogeat Ductor . mihi credita cura est

Vadendi , atq; hostis vires , atq; arma tuendi .

Ipse quidem ignotus varium mentita per agmen

Tela gerens humero vestigia tuta ferebam .

At nostro insensus generi , qui præsidet Heros

Assyrium castris , nimias exarsit in iras ,

Quod tenues , Syriæq; adeò brevis angulus ora

Obruit, ac reduci currus absorbuit æstu.

His illi vltices debellauere cateruas

Præsidij, gressumq; procûl per tuta tulere.

Inde alacres longo deserta per auia tractu

Ad Sinæ venere locos, vbi lustra ferarum

Sola, nec humanæ scribunt vestigia plantæ.

Illic continuò latices mutare malignos

Ipse Deus, nubes epulas præbere ministræ,

Omnes aduersi conuertere terga manipuli.

Ex illo prognatus honos, & gloria genti;

Hosq; adeò fouit præsentî Numen amore,

Horrida vt assiduis fulgerent castra trophæis.

Sic ipsi oraclo superiorum in debita sceptris

Regnæ suis ibant, legemq; Deumq; ferebant.

Non tamen æterno risit fortuna fauore

Isacidis, nam terga Deo si forte dedissent,

Et verito patrias violassent crimine leges

Horribilis merito repetebat sanguine pœnas,

Factaq; vindicibus mulctabat praua flagellis.

Non aliter cum iura daret Rex aureus ollis,

Atq; opibus latè iamdudum, armisq; valerent,

Externis dum Numinibus diuina faceffunt,

Ecce ferox armis Solymam vastauit opimam,

Captiuumq; tulit Babylon miserabile vulgus;

Hæc deserta fuit regio, scclerumq; piamen-

Testata est longum tristi squallore locorum:

At culpas dein pertæsi, vitæq; prioris,

Impuras ignominias, veniamq; precati  
 Placato ad patrias remeant aethere terras.  
 Nunc nec habent regem, nec multum extendere fines  
 Imperij possunt; senior ditio Senatus  
 Cuncta tenet, summusq; super dat iura Sacerdos.  
 Tu vero genti crimen si forte piandum  
 Comperias, auersa Dei si forte voluntas,  
 Ne dubites inferre manum, victoria namq;  
 Certa tibi est, Deus ille tuos comitabitur ictus.  
 Sin fas observant patrium, nullaq; supersunt  
 Irarum causae, nec mentem audacia mutat,  
 Quam vereor, ne nostra ferant se se irrita vota,  
 Quamvis sub signa huc totum collegeris orbem.  
 Talibus Ammonius succendit pectora dictis,  
 Nam simul auditæ voces, cuncti ore fremebant  
 Assyrij, furit Abdarides, iuuenique superbus  
 Imminet, ac torua suspensum luce pererrat  
 Numinis invidia nostri iactatus, & altis  
 Nostrorum titulis operum, fama; parentum.  
 Ceu qui improuisum densæ pro limine Syluæ  
 Aspexit stantem Massyla per arua leonem,  
 Horrescit pauitans, via nec patet vlla salutis.  
 Haud secus Ammonio coit in præcordia sanguis.  
 Ima metu, reperit trepidas vox frigida fauces;  
 Ille armis iubet exutum, manibulq; reuinctis  
 Bethuliam post terga trahi, frustra; precantem  
 Increpat aggrediens. Speraisti'n, perfide, tantum,



Sperasti'n scelus à Persis impunè futurum ?  
 Sic tibi mentiri , atq; hostem laudare putasti  
 Inuentis tutum ? nunc verò , maxime vates ,  
 Tu quoque Bethuliam victricem victor habeto ,  
 Parcere tùm nobis libeat . Quis te occupat horror ?  
 Quid metuis ? quæcumq; urbem fortuna sequatur ,  
 Hæc erit ipsa tibi ; nulla est iniuria facti ;  
 Maeste animo , feret ecce Deus , Deus ille salutem .

Hæc Princeps ; famuli properant , & ferrea nectunt  
 Vincula nil contrà audenti ; contemptus , inermis  
 Ille per ingratos montes , atq; aspera saxa  
 Bethuliam inuito rapitur pede , iussa sed vrgent .  
 Extemplò nostri, Assyrium procul agnita postquàm  
 Aduentare cohors , vrbiq; propinqua tenere ,  
 Dum dubitant incerti, acies an tota sequatur ,  
 Connitiq; velit , portasq; reuellere ferro ,  
 Arma citi expediunt , telisq; frequentibus aptam  
 Instruxere manum , seq; extra parua ferebant  
 Moenia, nec sæuos hostes accedere passi  
 Proturbant nixi coniectis eminùs armis .  
 Sed non Assyrijs suadet tentare duelli  
 Imparitas aleam , neque talia iussa tulere ;  
 Sat reuocare gradum : confestim brachia trunco  
 Arb oris excisse iuuenem liquere reuinctum ,  
 Corripiuntq; fugam ; conuersus cum tamèn vnus  
 Haud siluit . pulchram vos certè ex agmine laudem  
 Quæritis , Isacidæ , tenui ; sperate cateruæ

Mox

Mox aderunt æquæ, nec pugnae cōpia deerit.  
Armis interea fortem hunc adiungite vestris.

Bethulidæ miro capti nouitatis amore  
Accurrunt, raptumq; iugis in mœnia ducunt.  
Hic varij sensus animis, variusque per ora  
Rumor ijt, studio volitat gens tota videndi;  
Ipsi primores, quæ sit fors aspera capto,  
Scire inhiant, metuuntq; dolos: mœstissimus ille  
Lumina circumagit, lachrymisq; ita cœpit obortis.

Quid vos, Isacidæ, miseri nouisse iuuabit  
Ærumnas hominis? satis hoc, quod cernitis hostem;  
Sumite iam meritas inimico è sanguine pœnas;  
Nam quid adhuc sperare licet? me vota meorum  
Exagitant, vestroque reum pro nomine damnant.  
Quid statis? tædet Cœlum, lucemq; tueri.

Tum verò causas ardent exquirere luctus,  
Fortunasq;, genusq; viri; poscentibus ille  
Paruit, & repetit proprios ab origine casus;  
Addit & Assyrius quantis exercitus armis  
Horreat, immanemq; Ducem, & crudelia dicit  
Agmina. Si bellum tali cum gente gerendum  
Sumitis, & pectus victricia fertis in arma,  
Heu tædet fari, sed habebunt fortè salutem,  
Quæ memoro; euerfas aras, incensa; tecta  
Aspicio, latèque truce[m] dominarier ignem,  
Et vestra immiti transfigi pectora ferro.  
Nec mora, cras aderunt, noua lux feret aurea vento

Signa, nec antiquos permittent classica somnos.  
 Quarè agitè (ignoto, & misero si credere dignum est)  
 Ne Medis conferte manus, neu fidite bello,  
 Sed pacem orate, ac foedus sancite volentes.  
 Sic hostis vestras accedet mitior arces,  
 Nec ferro inuadet, Regi si ponitis aras.

Hæc ait, ambiguusq; animi, quò se sua vertant  
 Expectat fata, & quæ sit sententia nostris.  
 Formidant illi, gelidusq; per ima recurfat  
 Ossa timor, quid iusta Dei desideret ira,  
 Incerti, ac Coelum votis, fletuq; fatigant.  
 At vincla Ozias (afflatu Numinis alti  
 Illum sensit enim haud simulata mente locutum)  
 Extemplò tolli iubet, atque hæc addidit ore.

At nostris optem pedibus, quæcumq; sequantur,  
 Eripiat tellus se se, atq; in Tartara trudat  
 Antè, Deum quàm deferere, & pia sacra velimus.  
 Ipse aderit, certamq; manu dabit ipse salutem.  
 Pone metum, iuuenis, nec magni dona Tonantis  
 Despice, delapsamq; Polo complectere lucem;  
 Eijce mente Deos, insanaq; thura relinque.  
 Nulla salus lapidum, nec ligni numen, & auri est;  
 Quem colimus, Deus, ille Deus, quemq; inscius ornas  
 Laudibus, ecce tibi se se fert obuius ultro;  
 Ex hoc iam populi pars non eris vltima nostri.

Sic loquitur, verbisq; virum solatur amicis.  
 Ceu flores, quos læsit hyems, aut Solis iniqui.



Æstus agit, colla attollunt, campoq; resurgunt,  
Vt roris sensere vicem; non aduena curas  
Lenijt in gentes aliter, fletumq; repressit.  
Dein generi adscribi nostro, si regna tuemur,  
Pollicitus, tectis, ac mensa exceptus amicè est  
Ab Duce, & insomnem saturant multa prece noctem.

Interea campo Assyrius collecta patenti  
Arma recenserebat Princeps, atq; ordine longo  
Per gere spectabat diuersis agmina signis.  
Ipse loco, solioq; omnes supereminet aureo,  
Cui via per centum pictis illusa tapetis  
Facta gradus, caput assurgunt umbracula suprâ  
Gemmea, tum dextra haltati, læuaq; frequentes  
Stipantur latè, custodia fida, manipuli.  
Forsàn auus tali cum maiestate sedebat  
Contemptor superum Nembrothus, & improba sauo  
Iura dabat populo, scelerataq; bella iubebat,  
Cum primum regno telis ingressus iniquis  
Affectare viam Martem sub signa coëgit,  
Nec timuit saxis tentare audacibus astra.  
Non ego si totum fando dimetiar aurei  
Solis iter, possim magnas æquore cateruas.

Primus agit castris è fortibus agmina Torgus,  
Qui quondam ante alios acer, nunc maximus annis,  
Verùm habilis, nec lenta viro, frigensq; senectus.  
Non fuit hoc domitor præstantior vllus equorum;  
Egregiam his operam prima nauasse iuuenta

Dici-

Dicitur , aut celeri vellet submittere curru  
 Colla superborum , atque iugo fera neſtere duro ;  
 Aut equiti æripedem frænantibus ora lupatis  
 Subdere , cum cœpit ſe noſcere ; verbera diſcit  
 Ille pati , & grefſus patulum rotat acer in orbem ,  
 Compoſitisq; leues irritat calcibus auras ;  
 Nec datur vlla quies , donec palantia bello  
 Signa fugat , victumq; ſonans terit vngula campum ,  
 Hinnituq; ferox , & abactò naribus igni  
 Fulgura ſuccenſi , tonitruq; imitatur Olympi .  
 Aſt vbi virtuti maturior adfuit ætas ,  
 Cura data eſt turmas equitum deducere Torgo ,  
 Conſilijſq; valet : non multo cingitur ère  
 Miles , & auerſis gaudet certare ſagittis  
 Parthus ; habet pretium pugnaſ fuga , fictaq; gentis  
 Formido volucris ; ſonat arcus , & ærea caſſis ,  
 Ac teneris durant artus ad bella ſub annis .

Continuò ſequitur , quæ ſydera verberat haſtis ,  
 Perſarum numeroſa phalanx , & pondere ferri  
 Atteritur , criſtatus apex , lateriq; recurvus  
 Dependet gladius , phaleris armantur ahenis  
 Pectus equi , frontemq; feram , dux agminis Vſbo ,  
 Cui genus egregium materna , paupere patre ,  
 Nobilitate fuit , ſpreto patre , Sole creatum  
 Propterea iactat ſe ſe , ac de ſemine diuùm .  
 Sole micant ſigna auricomò , pulchramq; parentem  
 Cernuus Vſbonis reflexa luce coronat .

Haud illo quisquam fuluo magis enitet auro,  
Flam miserisque rotis imitatur Solis honores.

Dein Graius patria profugus, cellisq; Mycœnis  
Suspensione graui, Danaum quòd venderet vrbes,  
Callidus antè alios Theramas, fraudumq; magister  
Excit ab Euphratis ripis, & flumine magno,  
Chaldæum in primis genus, & Babylonis iniquæ,  
Sexcentum lectos equites, atque ære coruscos,  
Chaldæam indutus chlamydem, sed cætera Graius,  
Et cristas capiti, & patrium lateri alligat ensẽ.  
Prædunt signa Herculeum (quippe Hercule ab ipso  
Prædicat antiqua se ductum stirpe) Leonem  
Inuictis manibus, fato & victoris ahenò  
Frustrà luctantem, mortiq; in morte minantem.

Proximus insignis genere, atq; acerrimus armis,  
Aurea nec melius cuiquam rubet ore iuuenta,  
Accedit Dorcas, acies quem regia bello  
Prosequitur, cuncti Heroes, & lumina Martis,  
Diuersisq; orbis delecti è partibus omnes.

Ille tamẽ graditur tacito mœstissimus ore  
(Demens, fœmineas famæ qui præferat vlnas)  
Silicet Euricalen pulchram, & florentibus annis,  
Coniugiumq; recens Ocho mandante reliquit  
Inuitus; chlamys Aillyrios spirabat odores  
Coniugis egregiæ donum, & monumenta dolentis,  
Ac tenero flauos vellentis vertice crines:  
Infert se hos inter, clarum quibus emicat agmen  
Hinc



Hinc Cedraſtus Arabs, quem nemo corporis æquat  
 Viribus, aut curſu rapidas præteruolet auras,  
 Aut Verſum ſternat, ſeu preſſa fauce leonem.  
 Ille etiam Ægyptum domuit, Phariosq; rebelles  
 Nupèr, & adiectis titulis Ægyptius Heros  
 Dicitur. hinc ſolis pulchra ſatus Abride ſyluis,  
 Abride, quæ Albani ſclerati filia regis,  
 It Rabus; ipſe pater cum natæ accenſus amore  
 Scilicet irrueret, virgo ſub nocte ſilenti  
 Effugit, nemore & furtim ſe ſe abdidit alto  
 Canthoris auxilijs, patrisq; incepra ſefellit:  
 Canthoris inde toros non aſpernata iugales  
 Hunc tulit, exilij, & luctus ſolatia longi.  
 It bellator Ider valida fortiffimus haſta,  
 Murorumq; metus Dodras, germana propago  
 Auruntis Perſæ, curis quæ incedit eiſdem.  
 Sunt alij, quos haud noſtrum numerare, celebri  
 Inſignes fama, & generis ſplendore ſuperbi.

Quò me adeò rapitis noſtri decus, altaq; ſeculi  
 Gloria, vos nullo morituræ Heroïdes æuo,  
 Si non ignaræ veri, experteſq; ſalutis  
 Thura laboratis accenderetis Idolis?  
 Gaudet Amazonidum Regina ferocibus alis,  
 Aſſyrioq; volens iungit ſocia arma Tyranno  
 Harpalice; in medijs Venerem ſi quæritis iris,  
 Bellipotens eadem, atq; eadem pulcherrima Virgo eſt.  
 Non illa, vt ſexu mos eſt illius, ad uſus

Degeneres demissa manum, molliq; Hymenæum  
 Custodirè toro, & refides habitare penates  
 Assueta; at campos percurrere Martis apertos,  
 Atq; acies regere, & pictis splendescere in armis  
 Virgini erant artes; studiumq; æquare labores;  
 Et famam Heroum, tum dicere iura subactis  
 Æqua foro gestit populis, ac figere leges  
 Hic verò ancipitem quassabat læua bipennem;  
 Virgineumq; latus sociæ de more sonanti  
 Castigant pharetra, componunt ære capillos;  
 Sub non exerto pender ferus vberè mucro;  
 Cornipedumq; citæ dorso portantur equorum;  
 Et palla ad furas altè deuincta fluebat.  
 Magna tibi hinc belli moles, multumq; cauendum  
 Militia ex bifida, cum lumine captus, & ore  
 Vim demum, & curas dextra experiare viriles.

Nec vos præteream populi, qui ditia regna  
 Auroræ incolitis, Gangemq; hauritis; & Indum  
 Hic aliud genus est belli, atq; simillima monstro  
 Militia, Eoum multus firmauerat agmen  
 Quippè Elephas, tergo & cuneos gestabat, & arces  
 Pinnatas, iaculisq; instructas; credere quisquam  
 Ire vrbes poterat, tanta se mole ferebant.  
 Arduus it, longèq; humero supereminet omnes  
 Indus Amalcænes, legio cui maxima parèt  
 Rex idem, ac Regi socius dudum additus Ocho.  
 Hic sinè relligione, aspernatorq; Deorum,

N

Atq;

Atq; hominum nulla formidine flectitur, armis  
 Arrogat omnia, nec leges supèr accipit vllas,  
 Immaniq; instar procedit pectore nemo.  
 Non hic auxilio Persis venturus in arma;  
 Vt mos Eoum, tumulo Brachmanas in Indo  
 Consuluit, belloque supèr responsa rogauit.  
 Atria tum coeunt procères in magna frequentes;  
 Sublimis, mediusq; sedet grandæuus larchas  
 (Summa superstitio) & scelerata oracula promit.  
 Aureus huic lateri squammis horrebat ahenis  
 Thorax, & colubrum referebat imagine dirum.  
 Ast apicem galeæ Solis tenet vnica cura  
 Nescia mortis auis gemmato discolor auro,  
 Seu fastu, seu quod perhibet iactantior Indus  
 Non Arabum, vt fama est, regnis, tractuq; Sabæo,  
 Sed regione sua, primiq; sub ostia Solis  
 Phœnicem vitæ memorem, formæq; futuræ  
 Expletis annis animata morte renasci.  
 Vndiq; odoratos nimirum congerit ignes,  
 Attraq; fœcundo condemnat membra sepulchro,  
 Idq; poli cineri præstant, vt vita superstes  
 In vili seruetur humo, vermisq; renatus  
 Ludificet Parcas, redimatq; à morte volucrum.  
 Iamq; illa ad Solem plumas explorat adultas  
 Æmula, & ardenti redimit diademate frontem.  
 Maior turba virum, quam possim æquare loquendo,  
 It pedes, & latè campis incedit iniquis,



Centum ductores, centenum mille sequuntur  
 Quemq; habiles bello; veniunt molliſſima pascit  
 Quos Niniue, ac tellus quos circumfuſa creauit,  
 Medorumq; ingens numerus; qui Caſpia ſulcant.  
 Equora, qui Tygrim potant, iuxtaq; Niphaten  
 Teſta colunt; it nudus Arabs, felicia regna,  
 Quà fluctus inter geminos, pontumq; bicornem  
 Semper vernat humus, teneroſq; effundit odores,  
 Et pingues caſias, & ſtaſten parturit arboſ.  
 Procedunt ſimul innumeri, quos littora mittunt  
 Perſica, non aptum bellis, & inutile vulguſ,  
 Sed pelago aſſuetum rapere, atq; abducere prædaſ;  
 Fallereq; haud illis æquum, aut curatur iniquum.  
 Agmen agit Phorcus; quo non inſignior alter  
 Aut verſare dolos, aut aurum auertere furto.  
 Ducit & Ægyptum magnam, pharetriſq; ſonantem  
 Niliaciſ Cencres à faucibus uſq; Syenem,  
 It ſignum bello boſ, & latrator Anubis.  
 Ipſe augur Cencres trepidantia conſulit exta;  
 Atq; auum obſeruat cantuſ, plumamq; volantem;  
 Coeca ſuperſtitio terras illata per omneſ  
 Heu nimium, nec quondam orbi non indita noſtro.  
 Ille ſimul Cœlo per noctem lumina figit  
 (Vana fideſ) Lunæq; viaſ, & ſydera ſeruat,  
 Rimaturq; viciſ, quando peſtemq; famemque  
 Horribilem, ac dirum portendant ignea bellum,  
 Et regum cædeſ, foedataq; ſanguine clauſtra.

Ponè instar nimbi subeunt victa agmina nuper  
 Ammonidum, multusq; Moab, quos pulcher Orontes  
 Irrorat, Lybico nec deerat miles ab Austro.

Non adeò super vllus erat, noxq; atra cadebat,  
 Cum folio exurgens densis comitantibus armis,  
 Infert se medium gemmis, ostroq; superbus  
 Abdarides albis remeans in castra quadrigis;  
 Ingens seruatorum it numerus, generosaq; circum  
 Arma gerit pubes, galeam tenet ille comantem,  
 Cuius apex Vrsam frangentem hastilia gestat  
 Morsibus, & grauidas voluentem sanguine lucas,  
 Ille hastam, clypeumq;, atq; intonsus Dorilus ensen;  
 Præcedunt vacui æripedes, quorum optimus ille,  
 Deliciumq; Ducis, quem magni munere regis  
 Accepit, gaudet partu natura venusto.  
 Hic olim rapido natiuum flumine Tygrim  
 Tranauit catulus, nec summas diffidit vndas;  
 Dein miro gens illa feri correpta decore  
 Admisit regis stabulis, atque addidit armis.  
 Luxuriant per colla iubæ, quatit ardua ceruix  
 Condensos imbres crispæ nuvis, atq; cruento  
 Ore vomens spumas hinnitu prouocat auras,  
 Nec facilis sessorem, excepto corpore herili,  
 Accipit, & sparsa in ventos exultat arenâ.

Postera sole dies terras redeunte tenebat,  
 Tum castra auertunt, omnisq; Orientis opimi  
 Procedit legio campis, dat buccina signum;

**Arma**

Arma micant, ludunt blandis insignia ventis.  
Quales ardenti condensæ æstate locustæ  
Eripiunt oculis sata pinguis, & omnia vastant;  
Esuriem tereti solatur glande colonus.  
Tales incedunt Persæ, tantisq; feruntur  
Agminibus, fama anteuolat; famæ additus ipse  
Nuntio certa meis, turbatisq; impiger adsum.  
Interea in montem, qui plurimus imminet vrbi,  
Nomine quam dicunt Dothaim, venere, cateruæ  
Planitie ex ampla, vicinaq; saxa tenebant.  
Hic nouus attonitos ferijt formidine terror,  
Namq; vrbes, & regna rotis aduecta subibant;  
Barbaricæ portantur opes; exercitus alter  
Institui (tanta referunt se mole) videtur.  
Iamq; adeò media patulum conuale relicta  
Inuenerè locum castris, omnesq; parabant.  
Auxilij prohibere vias, & cingere vallo.  
Hi fossas nixi fodiunt, hi mœnia ducunt  
Ardua, constituuntq; fores, & machina summis  
Æquatur stellis, ac propugnacula surgunt.  
Pars fossa tellure manu tentoria figunt,  
Ædificantq; domos, decus, & solatia fessis.  
Præcludunt aditus alij, & custode coronant.  
Diuiditur pugnae opera in fabrilia vulgus.  
Nos cinere in spersi superum focia arma precamur,  
Telaque corripimus properi, duosq; tenemus  
Anfractus, alij muros, arcemq; tueri;

Cun-



Cuncta timor miscet, nullam dat cura quietem.  
 Ipse quoq; Assyrium dum coepris obuius obsto,  
 Vix lethum effugi, & perculsus vulnere cessi,

Ibat Holophernes Urbis munimina circum,  
 Exesiq; iugum saxi lustrabat, & arcem;  
 Tum purum aspexit laticem, riuusq; fluentem  
 Ductilibus, tepidos quâ flatus accipit Austri.  
 Bethuli, atq; sinu placido sicca arua rigantem;  
 Illo quippè sitim fuerant restinguere fonte  
 Indigenæ, ac duri lenire incommoda belli.  
 Diuidi Holophernes riuos, amnemq; secari,  
 Et spargi in valles, ac noto flexier alueo  
 Imperat; Assyrij parent, mora tollitur omnis;  
 Nec prohibent nostri rem, nec prohibere potestas.  
 Iamq; dies adeò processerat ynus, & alter,  
 Nos verò iussa immanis contemnimus Ochi,  
 Nam de natiuis manabant fontibus vndæ  
 Haud procul à muris, nec potus cura premebat  
 Cætera securos, cum murum imperuia saxi.  
 Muniret moles, adituq, pateret iniquo.

Fortè Riphax infensa aderat de stirpe Moabi  
 Syluicola, agrestem duris in montibus ipsa  
 A prima vitam solitus ductare iuuenta.  
 Non ille abruptas cautes, & peruia nulli  
 Saxa timet, quales pendent è rupe capelle,  
 Hunc videas errare iugo, atq; illudere morti.  
 Offert Abdaridi se se hic, dein talibus infit.

Acci-

Accipe, Dux magne Assyrium, quæ conscius ultro  
Polliceor, neuè illa meo tu despice ab ore;  
Præruptos qua parte vides se attollere montes,  
Exitiumq; loci præcepta natura minatur,  
Securi potum veniunt, murisq; vagantur  
Egressi Isacidæ, vidi matresq; virosq; ,  
Tanquàm de specula nifus contemnere nostros,  
Si liber, accessumq; finis tentare per umbras  
Difficilem, summo iuuenes in vertice sistam,  
Qui inuadant Urbem, aut saltem de fontibus undas  
Vitales haurire vetent; egò saxa notavi  
Nuper, circumeo dum murum, & singula lustro,  
Quà pateant aditus, miles tentare laborem  
Ni renuat. tales sæuus dedit ille loquelas.  
Annuit Assyrium domitor, lectoq; locuto  
Adiungit comites; illi sub nocte sopora  
Scuta ligant, gladiosq; habiles, humeroq; reponunt,  
Actuto superant tum palma, tum pede nixi  
Ascensu silices, aditum monstrante Riphace,  
Iamq; inimica phalanx in rupem etiaferat altam;  
Continuò tela ex humeris, Martemq; reuinctum  
Expediunt, tacitumq; parant inuadere limen:  
Ecce autem aggressos custodia fida fefellit,  
Reiecitq; viros, ac vertere terga coëgit  
Præcipientes, donec vires sunt hostibus auctæ  
Armorum numero, & sociorum mole nouorum;  
Fit via vi, validiq; instant, fontemq; vicissim  
Armati

Armati vigiles centeni quinque tuentur.  
 Hinc animos verti cœptum est, neq; fidere rebus  
 Bethulidæ, velût antè, suis, atq; omnium egere;  
 In primis bacchata fitis, seruataq; lymphæ  
 Stagna cadis, caueisq; modum fecere fluendi;  
 Seditio exoritur, Iuditham mirus etundi  
 Cepit amor, præceps Solymas ego mittere ad arces.

Sic memorat, nectitq; moras Ephræmus, amicta  
 Dum ferro pubes adsit, Phineusq; parari  
 Mittenda obsessis cerealia munera curæ  
 At pater Eliachim veniendi munere functus  
 Ærumnasq; via perpeffo, ac talia fato  
 Donat equum Ephræmo, vegeta cui prima inuenta  
 Ora rubent, cursuq; valet præuerrere ventos  
 Arguto crure, atq; angustis ilibus vrgens,  
 Igneus, impariens oei, quatit vngue resultans  
 Puluereum crebro campum, fossaq; frequenti  
 Signat humum. hic primùm Scythica deductus ab ora  
 Nimbiferis partu mirando Aquilonibus ortus  
 Creditur, & generis deflectere ab aëre semen  
 Namq; ferunt illic vultus sibi nectere equinos  
 (Vana superstitio, & stygij dolus improbus Orci)  
 Nubiugum Boream, & Veneri seruire furenti  
 Vere nouo, cum cœcus equas inuaserit ignis  
 Huic nostro non more cibis, commixta cruori  
 Crusta Scythæ fuerunt contusi farris equino  
 Per gelidas adhibere vias, camposq; niuales,



Instaurant & equis præsentia pabula semper  
Ignari stabuli, & nullum præsepe colentes.  
Addit equo Senior chlamydis fulgentia dona,  
Contextus, Ægypte, tuos, & signa Canopi,  
Quippè ibi diuersis vates diuersa figuris  
Sensa norant animi, res rem, non littera signat.

Ecce autem auxilijs aderat iam ritè paratis  
Et iam cuncta suo Phineus constare docebat  
Ordine; tum numero Eliachim delegit ab omni  
Egregium bello iuuenem, formaq; decorum  
Antè alios Ionatham, ducis atq; insigne superbum  
Tradidit, ac publi summo præfecit honore.

Tu iuuenes istos acres acerrimus ipse  
Duc, ait, ò Ionatha, quàm forti robore, tantus  
Consilio; in te spes omnis; tu barbara castra,  
Quamuis tota chalybs, totus simul adforet orbis,  
Ne timeas, Deus, & virtus sunt omnia bello.

His animum dictis alacrem inflammavit amore  
Complexus placidè, fulgentemq; insupèr ensen  
Donat habere viro, quo non præstantior alter,  
Atq; grauem adiungit galeam, crittisq; rubentem.  
Miratur ferrum iuuenis, vitandaq; nulli  
Vulnera, miratur spirantem castide pubem  
Fatidica, & docto surgentes ære figuras.  
Tum cœpit. Quando, alme pater, me munere tanto  
Prouehis, ecqui sunt, oro, quorum inclyta fulgent  
Hic facta, & signis galeam radiantibus ornant?

O

Namq;

Namq; equidem haud tales memini me noscere casus.  
 Dixerat, ecce autem diuina luce repentè  
 Afflatus mentem Eliachim responsa ferebat.

Macte animo, nate, hos stimulos tibi mittit Olympus;  
 Non hic maiores, proauitaque gesta recenses,  
 Sed nondum Heroas genitos, decora alta Syonis,  
 Aspicias, ac proprios oculis percurris honores;  
 Quandoquidem tua progenies hæc omnis, & auctor  
 Effinxit vates venturi conscius æui,  
 Et clausit spatijs solers opera ardua paruis.  
 Hæ sunt res Solymæ, ludæorumq; triumphï,  
 Et clades infligendæ Graijsq; Syrisq;,  
 Illo nam rerum potentur tempore Graij.  
 Hunc nè vides, cui dira furor malus inficit ora?  
 Rex est Ægypto Romanis pulsus ab armis,  
 Propterea in nostros conuertit flammeus iras.  
 Aspice tollentem leges, ritumq; sacrorum,  
 Fœdantemq; pias templi venerabilis aras;  
 Ifacidas cogi diuina facessere saxis,  
 Atq; adeò vetita per legem vescier esca  
 Aspice; tum senior magnus parere negabit,  
 Suppliciumq; vltro confestim immane subibit;  
 Ille quidem crebris miserantum interritus, ardens  
 Haud cedit precibus, nec vitam fraude tuetur,  
 Et famæ accepto supremæ consulit ictu.  
 Dein septem fratres oculis cum matre sub ipsis  
 (Proh quantas illi flammæ, & verbera passi)

Antiochi se se pro relligione vouebunt.  
Nec dum ille adspectat manantes corpore vermes.  
At Dijs suppliciter flectentem, ac thure litantem  
Ecce Matathias, (hic primus, nate, tuorum est,  
Qui sceleri occurrit) ciuem mucrone trucidat,  
Immanemq; Syrum, crimen qui turpe iubebit.  
Spes oblata bonis duce demum, ac patre reperto est.  
Hunc vita excipiet functum, & sceptrum aurea sumet  
Natorum Iudas fortissimus, armaq; cogens  
Aduersas acies nec vi, nec molibus equus  
Fundet humi; quater ille suos in prælia ducet  
Collatis ausus campo configere signis,  
Vlcisci, Deum, quater (admirabile dictu)  
Victor ab aduerso clarum feret orbe triumphum.  
Hic & Apolloni caput auferet; agmine Seron  
Quassato fugiet, fractus conuersa Nicanor  
(Nomina quæ hostiles inter metuenda cateruas)  
Terga dabit, Græcos fors indignata relinquet:  
Nec iuuenis patrij non regni, & nominis hæres  
Orabit pacem, licet illi militet omnis  
Collectis Oriens, Auroraque discolor armis.  
At Iudas vltus leges, & sacra Tonantis  
Templum instaurabit superis, aramque locabit  
Ingentem, & vallo pulchram circumdabit arcem;  
Multæ bouum puri macræbunt corpora patres;  
Isacidas socios conscribent ære Quirites.  
Res etiam Iudæ collapsas morte leuabit



Germanus Ionathas , murosq; arcesq; nouabit  
 Pacatus; post auxilio , studiisq; fouebit  
 Iactantem inuenem , genus , & sua regna petentem ;  
 Ille sacra gratus vitta donabit amicum ,  
 Nec non purpureo decorabit victor amictu .  
 Rebus mutatis , & rege hostilia ferro  
 Agmina prosternet , dein rursus pace reperta  
 Egregio Ionathas seruabit milite regem ,  
 Confligetq; iterum victor , regnumq; vetabit  
 Affectare ferox obiecta mole Tryphonem .  
 Hæc quæq; desertus rem sustinet , & fugat hostem .  
 In libertatem priscam sub rege benigno  
 Vindicat ecce Simon populum , iugaq; eripit arte :  
 Tum primum haud Graijs parere , aui iue talenta  
 Pendere ; conspicuas etiam de marmore viuo  
 Germanis tumuli moles , patriq; locabit .  
 At nato adiiciet superata Hircania nomen .  
 Dein alii titulos , regisq; insignia primus  
 Induet , ingentum & renouabit iura parentum .

Talibus hærebat , mirisq; intenta tenebat  
 Lumina munibus Ionathas , gratesq; ferebat .  
 Nec mora , sollicitum iuuenis mouet igneus agmen .  
 Qualis abit pulcher taurus , turmamq; virentem  
 In campum ducit , niuæ quem fortè iuuenæ  
 Vrit amor , pariterq; accensum fertur in hostem  
 Exultans , hinc percussi palearibus armi ,  
 Frons inde attollit se se ardua , cornibus auras

Prouocat , & bifido volucrem pede fpargit arenam.  
Haud fecùs ardefcit Ionathas , feq; arduus infert.  
It comes Ephràmus nota regione viarum ;  
Fausta rogant Solymi ; Senior ieiunia mandat .












# IVDITHAE VINDICIS

## Liber Quartus.



ARTE alia legati aderant, & dona-  
ferebant  
Sulussæ Nomadum regis, castrisque  
recepti  
Assyrijs, magniq; alto munimine  
valli

Orabant veniam, pacisq; imponere leges  
Tergemini cultu, & peregrinæ vestis amictu  
Spectandi, insignes opibus, famaue parentum,  
Supplicibusq; oleæ præcincti tempora ramis.  
Ibant stipati famulis ad limina centum  
Regia barbarica chlamydem ferrogine pictis,  
Postquam introgressi, & fandi concessa potestas,  
Degeneri curæ incumbens, & mollior igni  
Illos Assyrium Dux sede excepit ab alta.  
Tum flexo Numidæ venerantur poplite regem,  
Massulesq; potens dicendi ita farier orsus.  
E Lybia, & penè extremis è partibus orbis,  
Quà calidis tellus afflatur fertilis Austris,  
Nos ad te, Princeps, Nomadum Rex magnus iniqua  
Eremos maria, & diuersis casibus actos,  
Queis tamèn empta benè est oris præsentia tanti,  
Ite iubet, vastique manum venerarier Orbis.



Victtricem ; ingenti quando correptus amore  
 Persarum augusti Regis , summasq; patentis  
 Imperij miratus opes , famamq; Tyranni,  
 Inuictamq; tuam virtutem , ac robur in armis,  
 Et nomen quod iam factis se se æquat Olympo ,  
 Pacem orat , seq; ipse tibi, suaq; exhibet ultro ,  
 Pax rebus , bellum uè cadat , mandatq; perrenem  
 Accipere , ac præstare fidem , & coniungere dextras,  
 Seraq; perpetuum firmari in sæcula tædus ,  
 Huius amicitia non te fortasse pigebit ,  
 Sunt olli reges famuli , sunt oppida forti  
 Plurima capta manu , paret Getulus , & omnis  
 Massylum regio , nat vastis æquore classis  
 Puppibus , atq; infecti auri , factiq; talenta  
 Sunt multa , & bello floret delecta iuuentus ;  
 Si libeat , non indecores , nec inutile vulgus ,  
 Hos poteris socios bellacibus addere Persis .  
 Præterea Regi , quò nos tendemus , & ipsum  
 Suppliciter iussi donis venerabimur amplis ,  
 Instituet sacra Assyrio , penderq; quotannis .  
 Auri magna volens inscripti pondera centum ,  
 Et consanguineæ persoluet debita genti .  
 Quandoquidem genus hinc nostrum , & natalis origo ,  
 Et sumus antiquum vestro de sanguine creti ;  
 Nam victa Hesperia , cæsoq; tricorpore rege  
 Cum pater Alcides populis stipatus Lois  
 Occiduis olim remeans de finibus iret ,

Has sedes legere sibi, Nomadesq; vocati  
 Sunt patres, cepitq; lubens terra hospita Persas  
 Nunc quoq; facta manent tantorum, ac nomen auorū,  
 Famaq; perpetuis describitur alta sepulchris.  
 Hoc etiam meritis, Ductor fortissime, vestris  
 Additur, hoc pacem Persarum ab Rege rogamus.  
 Talia Massules fatus, dein pocula magno  
 Aurea bina Duci donant, quibus arduus Atlas  
 Enitet, atq; humero fulgentia sustinet astra;  
 Tum draco, & Hesperidum rutilant poma aurea septis.  
 Hic etiam dat facta manu Tirynthius Heros  
 Eximia, Herculeiq; micant multa arte labores,  
 Addunt lorica, galeamq; , atq; ærea scuti  
 Texta auro, parte ex omni radiantia fuluo,  
 Tutamenq; , decusq; viro, si prælia poscant,  
 Nec dictu facilem, Maurusia regmina, vestem.  
 Dona manu versant Persæ, ac mirantur honorem.  
 Nulla tamen mouere auidas magè munera mentes,  
 Quàm gemini iuuenes, captiuq; corpora bina,  
 Sulussa euicto pridem quæ ceperat hoste  
 (Machlyas appellant patrio cognomine gentem).  
 Hi sexu gaudent ab origine stirpis utroq;  
 Semiuitq; sinu, nam mascula dextra, sinistrum  
 Fœmineo sed læua latus grauat ybere mamma,  
 Insigni, Assyrijsq; ignoto obrutibus antè  
 Spectaculo explebant oculos, monstroq; trahebant.  
 Pectora nudi ambo, tum barbara vestis utriq;

Præcipitat se se ad furas, lambitq; cothurnos.  
 Abdarides donis, dictisq; intentus amicis.  
 Legatos placidè amplectens hæc reddidit ore.

Fecit perpetuò quod se fecisse iuuabit,  
 Rex vester, nec mente dies hoc auferet vlla  
 Officium, Numida, mansuro foedere quippè.  
 Ipse in amicitiam coëo, lociosq; saluto,  
 Et iam nunc pacis do certa in pignora dextram.  
 Ad regem verò, quem regna immensa verentur,  
 Templaq; constituent, cumulantq; altaria donis,  
 Dimittam egregiè, & comites abeuntibus addam,  
 Ne qua viæ officiant variorum errore locorum.  
 Ille Deum os, humeros referens parère volentes  
 Excipiet facilis, dominique admittere vestri  
 Obsequium haud reuert, quin vos in regna, domosq;  
 Donatos largè patrias, lætosque remittet.  
 Interea hospitij, iuuenes, succedite nostris,  
 Et fessos artus placida curate quiete.

Vix ea dicta dedit, cum se malè sanus ab amplo  
 Confessu eripuit populi moderator Eoi.  
 Scilicèt infando iam pridem saucius ictu  
 Haud sufferre valet, ferus ossibus æstuat ignis;  
 Sunt olli antè oculos semper mirandaq; formæ  
 Gratia, nec voces non blanda in verba soluta:  
 Protinùs, vt nullam capto dat flamma quietem,  
 Se partes rapit in varias, ac tota pererrat  
 Castra mali impatiens, si fas lenire furorem



Vadendo, qualis magicis corrupta venenis  
It fera, vel qualis pastus mala gramina taurus;  
Ille quidem latè syluis fugit æger opacis  
Nequicquam, sauit miserum sub pectore virus  
Interdum solo in thalamo se se abdit, & omnem  
Conspectum fugit, & curis immobilis hæret;  
Nil decus egregium belli, nil turpis amantem  
Fama mouet, totum tenet importuna libido.  
Sic leo, cui magnos dudum furor igneus artus  
Corripuit, sensimq; domat, non vassa peragrat  
Arua ferox, sed cum gemitu pendentibus ægro  
Solus pumicei sub rupibus accubat antri;  
Pascitur in latis agris secunda iuuenca.  
Ipse etiam totis exercitus ocia campis  
Fœda terit, nulli pugne sub pectore cura est,  
Nec pudet eximijs nil famam extendere factis,  
Nec premere Ifacidam, ac regnum ditione tenere.  
Dudum cœpta silent opera interrupta, nec vllæ  
Assurgunt moles, solus mouet arma Cupido.  
Tempus erat, quo Sol nostris auersus ab oris  
Flectit equos procul, & iaculis fugientia terga  
Autumni figit cristati doctor Achillis,  
Et populatur agros, ac syluis demit honorem.  
Et iam contractum iuuenis venatibus æquo  
Exercet sub Sole diem, & squallentia raucis  
Arua terit canibus, longaq; ambage viarum  
Persequitur leporem, figituè interritus aprum.

Tecta senex colit, & gaudet iam frigidus igni,  
 Dum ludunt gremio pueri, paruumq; nepotem  
 Ante focum pleno festiua alit vbera nutrix.  
 Iamq; adeò per inane dies se quartus agebat,  
 Ex quo Bethuliam turbauit inutilis armis  
 Diffidens populus, veniamque ab rege petendam  
 Obtinuit, mediumq; viæ dimensus Apollo:  
 Auricomus liquidas pingebat clariùs auras:  
 Interea latè castris effusa iuuentus  
 Pars vino indulgent, nec non crateras ahenos  
 Vertunt, pars dulci curas auertere somno,  
 Non alij ludo parcunt, vac tempora fallunt,  
 Immemores; vacui languent in puluere currus.  
 At non Assyrius, belli cui summa potestas  
 Latitiæ vacat, aut somno deponit amorem,  
 Sed gemitum ciet, atque imo suspiria corde  
 Ingeminat; veluti sonitum dat fumeus annis  
 Ære cauo inclusus, cum sæua incensæ subter  
 Stridunt, & mittit Vulcanus ad astra favillam.  
 Tum Bagoam aggreditur. Mēris pars maxima nostræ,  
 Haud æquum est tibi crudelenti celare dolorem,  
 Qui me iam dudum exagitat, tu fortè furentem  
 Vidisti, & miserum penetrasti in pectore vulnus.  
 Heu quantos ignes hæc nobis subiicit hospes,  
 Quæ flammæ absument animam; nil tale (fatebor)  
 Postquam prima dies liquidis me prodidit auris;  
 Senti equidem, specie nec flecti posse verebar;

Nunc

Nunc cedo, superet certè, spoliūq; Cupido.  
Egregium templi summa ad fastigia figat.  
Tunè vides, quæ vis oculis? qui gressus eunti?  
Quales purpureo diffundat ab ore loquelas?  
Quem pigeat tanta vinci, ni solus amorem  
Oderit, aut pudeat victum virtute fateri?  
Vel Dea, crede mihi, est, vel sanguinis vna Dearum,  
Nunc tu, per si qua est pietas, quæ plurima tecum est,  
Nec fortè haud merui, nostro succurre labori,  
Tantum oro, tibi Iudithæ custodia curæ,  
Te facilitè alloquitur, tu tanta corda precando,  
Pollicitis suade, causasq; haud desine amandi  
Nectere; quid neget hîc vlti d captiua virago?  
Quæ patriam prodit, curabit nè illa pudorem?  
Affer opem, nostra incumbit spes te omnis in vno.  
Sic rogat, amplexusq; hominē pro munere habendo  
Spondet opes largè, & seruilia pectora mulcet.  
Quid non cogit Amor? vix appellare superbos  
Abdarides proceres, summoque assurgere Regi  
Asper, acerba tuens, & non placabilis vlli.  
Nunc vbi sensus hebet, premiturq; cupidine coeca,  
Haud famuli pudet, & tantum non pronus adorat.  
Non siluit Bagoas, & contrà talibus infit.  
Vni equidem immanes animo tibi surgere curas  
Nec venit in mentem, quæ te crudelis inire  
Pernicies posset; nunc quando, maximè Ductor,  
Te quoque percussit formosæ Cypridis Ales,

Hoc



Hoc vno mecum domini solabor amores ,  
 Quod forma , & tantis virtutibus Ifacis aucta est ,  
 Ut tibi non æstus huius sit fama pudori .  
 Nunc mandare tuum est, me fas ( absiste precari )  
 Iussa sequi , Dominoque alacrem parere merenti .  
 Tu mihi prima salus , tu summos mitis honores  
 Largiris , videorq; aliquis tecum esse Deorum .  
 Accipe nunc , quænam subito sententia nobis  
 Insurgat , nec verba nega demittere in aures  
 Ipse intentatum nil linquam , animumque movebo  
 Lenibus alloquijs , adituq; haud vtar iniquo  
 Tempore correpto fandi , meus iste labor sit :  
 Tu tamen interea , quando fortuna salutem  
 Attulit, hospitibus largas sub vespere menfas  
 Apponi , & nostra acciri de gente iubero  
 Egregios simul Heroas , simul ipse vocabo  
 Iuditham , & luxu audebo prætere tædas ;  
 Haud decus abnuerit , ni leua est mente virago .  
 Quinetiam ad victum latarum copia rerum  
 Deficit , & vacuo squallent ieiunia disco .  
 Indè epulæ, Bacchi & liquor , interiectaq; cœnæ  
 Carmina suadebunt , magno ne pugnet amori ,  
 Atque lubens Domini contingat serua cubile .  
 Tum victor fuere , & placitis ne parce Hymenæis .

Annuit Assyrius monitis ( custodia Regis  
 Ætherei vetuit , ne quid violentia magni  
 Conaretur heri , Bagoasque haud saua superbo

Con-

Consilia instrueret) nec non conuiuia luxu  
 Institui iubet ingenti, mentemq; resumit.  
 Horrificum sicut residet mare, & alta quierunt  
 Equora, cum venti fugiunt; ac tristis Orion  
 Noctem, hyememq; trahens, & Cœlo innecta serens  
 Pura dies rebus deiectum reddit honorem.  
 Haud secus Abdarides Pharij sermone leuatus  
 Et tristes animos, & vultus exiit ægros.  
 Nec mora, festinant famuli, mensasq; reponunt,  
 Accelerantq; dapes; centum strauere iuuenços,  
 Centum lanigero raptos ex ubere foetus,  
 Dantq; auium immensam stragem, quæsitæq; syluis  
 Fercula disponunt; verubusq; infecta refigunt.  
 Ipsæ iam teretes hastæ, iam mollibus enses  
 Obliti bellum dapibus seruire parandis  
 Latantur, factoque; (nefas) mitescere turpi;  
 It Bacchus castris, & cœci mater Amoris  
 Rectores, ignesq; regunt, & fumus Olympum.  
 Nocturna expectant acciti tempora patres.  
 Hæc super è muris Hebræi, ac turribus altis  
 Prospectant dubij, quæ totis gaudia castris,  
 Quid vè parent, an forte animos, viresq; refecti  
 Assyrij sub luce velint pugnare sequenti  
 Molibus aggressi murum, & quaterie ariete portas,  
 Extremumq; manu contrà tentare laborem.  
 Iamq; adeò superesse nihil succurrit alendo  
 Semianimi populo, & pacem, veniamq; precandi  
 Esse

Esse diem, nondum lucis splendescere quicquam  
 Tot tenebras inter, nec iter prodesse, nec aula  
 Iudithæ, ac multo miscentur moenia luctu.

Tunc Pater omnipotens stellato è vertice mundi  
 Eoi luxum populi, tristesq; suorum  
 Spectabat curas, & corda infracta labore,  
 Cum puer ætheriæ cuius pulcherrimus arcis  
 Aureolo intonsus flauentes vertice crines,  
 Qui genus Abrami, dilectaq; regna tuetur,  
 Isacidum obsessis remeans de mœnibus ibat  
 Obsequio alarum, cecidit Polus, anxius ille  
 Hac Regem supplex orauit voce tonantem.

O Pater, ò superumq; hominumq; immensa potestas,  
 Quandoquidem auxilijs cœlestibus arma leuari  
 Nostra iubes, adsum, atq; æternum Numen adoro;  
 Scilicet occiduum in pelagus iam quærta ruit lux,  
 Ex quo decretum Assyrios admittere muris.  
 Ni prohibes, proh quanta ferent incendia victis,  
 Qualia de Cœli nitida spectabimus arce  
 Sernitia, & cædes, turpesq; libidinis ausus;  
 Singula quid memorem? factum cras imminet atrox.  
 Quinetiam dudum media inter barbara castra  
 Gente sub immani fœdo Iuditha periclo  
 (Nam quò adeò se tanti operis conuiuia vertant?)  
 Subiacet; an sobolem, tuæ quæ tot dicta per annos,  
 Oblitus tandem, Pater, es, nec pignora curas?  
 Certè hanc exiguis vexisti ad sydera natam



Principijs, summaq; in maiestate locasti,  
Æternum imperium, æterni gestamina sceptri  
Pollicitus; certè casum miseratus iniquum  
Bethulix pridem sine re, sine fruge salutem  
Annueras miram populo, dextraq; ferendam  
Fœminea; vlla potest sententia vertere mentem?  
Ast ipse, infando scelere cum deditus esset,  
Marmoribus cultusq; tuos adhiberet, eundem  
Seruasti tamen, & patrio tutatus amore es;  
Nunc, quandò iustis vni tibi fidus in aris  
Sacra facit, primisq; manum compescit ab actis,  
Destitues? nullisq; adeò placabere votis?  
Hoc equidem amissos regum solabar honores,  
Auectas & opes, captiuaq; colla meorum.  
Scilicèt hinc illum seclis voluentibus olim  
Adfore sperabam diuino è semine, gentes,  
Restituens altè prima collapsa ruina,  
Qui regat, & regnum nullis qui terminet annis,  
Et famam, legesq; suas, moremq; sacrorum  
Vltrà Indum, Gangemq; vltrà, & vassa æquora ponti  
Protendat, penetretq; ignotas nomine terras,  
Quamquam nulla mihi spem dement dura, nec ipse  
Fœdera veridicus frangis, captouè recedis  
Consilio, quæ pollicitus, Rex magne, manebunt.  
Sic memorat, præsens cum fortè hic substitit Ales  
Assyrij generis decus, & tutela, precesq;  
Principis Hebræi percepit, & auribus hausit;

Q

Nec

Nec mora. Non equidem fratris rationibus obsto  
 ( Excipit ) ò bone Rex , tibiq; haud parere recuso;  
 Tu tamèn , immerito quamuis , ignoscere mundo  
 Non refugis , tibi nec laus vltima parcere iniquis ;  
 Propterea seclis mittes voluentibus illum ,  
 Vnus restituat prima qui lapsa ruina ;  
 Quarè animas etiam Pe sarum , & nescia veri  
 Respice corda , Pater , queis vitam , animumq; dedisti  
 Nempè tui similem , atq; æterna ad gaudia natum .  
 Non peto , vt Ifacidas valeant depellere regno ,  
 Aut delere genus ; superent ( debetur ) amici ;  
 Haud cadit in nostram talis sententia mentem :  
 Sed tantam segetem ne Ditis in horrea mittas  
 Vrendam atei nùm coeco crudeliter igni ,  
 Id cupio , id supplex te toto pectore posco ,  
 Neu lethum acceleres , tua donec numina tandem  
 Nossè queant , vitæq; capi melioris amore ,  
 Atq; viam affectare Polo , & contendere ad astra ;  
 Profuit ambigua non rarò in sorte morari .  
 Bethuliæ haud ratio deerit , qua soluere possis  
 Obsidium , & manibus Iuditham auferre profanis .  
 At , Pater , Assyrios ( dictu miserabile ) nuper  
 Fulminea tot te dextra fuisse memento  
 Ad Styga compulsos , flammæq; æterna fluenta  
 Per noctem : Assyrij poenas dent scilicèt vni ?  
 Sis facilis precor , & præsentibus annue votis .  
 Hæc ille , hæc Genitor sedato pectore reddit .

Nulla

Nulla potest nostram sententia vertere mentem  
(Nostis enim pueri) & prius ima in Tartara Cœlum  
Corruet; ergò animo accipite, & deponite curas,  
Tuq; adeò, Iudæa salus cui plurima cordi est,  
Ne querere hostiles dudum impendere phalanges  
Bethuliæ; Huic pressæ dura obsidione salutem  
Pollicitus castris Iuditham illudere Eois  
Decreui, haud aliud mutato pectore voluo,  
O quanto hæc luctu conuiuia læta rependent  
Mane nouo amentes; memorabitur id quoq; factum  
Per populos, seriq; stupebunt ausa minores.  
Macte, meo absolui facinus de numine cura.  
Quinetiam speras, neq; spes te (absiste vereri)  
Fallet ab Abrami venturum semine, gentes  
Qui regat, & regnum nullo qui terminet auro  
Diuinum genus, & mea summa, & sola voluptas;  
Certè aderit, certè, vt pluuius de nubibus humor,  
Manabit niueum in vellus, lucemq; sub ipsam  
Auroræ in teneras vt ros delabitur herbas,  
Descendet, diosq; oculis prætendet honores.  
Tempestate illa desertas vndiq; terras  
Ridere, ac læto plausu loca sola sonare  
Aspicias, Mars, & bellum delebitur orbe  
Et pax tranquillos populos secura tenebit,  
Mucronemq; opifex in curuum finget aratrum;  
Et versa in falcem curabit lancea messem.  
Ast ætas hunc firma virum cum fecerit, & se



Për medias gentes feret, ac dabit ore loquelas,  
Tunc saliet, cursu & poterit prauertere ceruos  
Claudus, & arentes in verba sonantia soluent  
Hi linguas, illi coecas liquisse tenebras  
Gaudebunt, tandemq; data res luce tueri:  
Audire hinc alij poterunt, auresq; patebunt  
Præclusa, atq; iterum defuncta cadauera Solem  
Spectabunt; sed enim stygijs infensa cateruis  
Cum vita occumbet, parietq; in morte salutem,  
Probraq; erunt decori, melior nascetur imago  
Tum rerum, æternumq; colent secla aurea terras;  
Quippè meo generi super & sola cuncta, superq;  
Æquoris vndosi tractus, coelumq; beatum  
Imperium immortale dedi, nullamq; tenebit  
Regnandi metam, & populos simul inferet astris,  
Iustitiaq; latus præcinget, balthæus olli  
Cana fides, penitusq; animas rimatus apertas  
Ius dicet, priscaq; ruet vestigia fraudis.  
Ille doli, scelerumq; faber deiectus Olympo,  
Qui laxis bacchatur humi metuendus habenis,  
In loca foeta malis, atra squalientia nocte  
Ibit in æternum præceps, centumq; premetur  
Indignans nodis, nec regnum proferet vltra,  
Ad te nunc, qui castra foues aduersa, reuertor.  
Si genus hoc vlla sub tempestate viderem  
Id fore, criminibus saturum quod deniq; foedis  
Abstineat, mundiq; Patrem cognoscere discat,  
Haud

Haud frustra orares, summa est mihi parcere cura:  
Sed quid sperandum? vel quæ meliora profanis.  
Expectemus ab his, scelerato sacra tyranno  
Qui faciunt, nostrasque aras, & nomina nostra  
Omnibus inuadunt opibus? num Persica tela  
Opperiare Polo, & permittas fontibus astra?  
Assyrij poenas vni dant, scilicet vni  
Crebrius in nostram surgunt legemq; genusq;  
Quarè agè, ne nostris, ne nate, obsistere perge  
Imperijs, neu te pigeat cecidisse merentes,  
Non deerunt, qui sacrilego pietatis amantes,  
Succedant generi, & conscendant astra nepotes.  
Sic ait, & finem tremefacto rebus Olympo  
Hunc statuit Pater omnipotens: diuina quiescunt  
Aligeri ad mandata, pares virtutibus ambo,  
Luce pares, nempè à Superis discordia campis  
Exulat, & reditum nequiquam affectat ad astra.  
Ipse Hebræorum descendit ab æthere victor  
Princeps, & iuxtà comitantem ex agmine pulchro  
Alloquitur puerum. Si fas, discrimine tanto  
Te socium optarim, generis lux maxima nostri,  
Huc ades, hoc tibi erit non vilis gloria factò;  
Quippè ego dum reliquis insudo rebus, & ipsi  
Foemineo lateri, atq; obsessis moenibus adsto,  
Abs te quid cupiam, mentem huc aduerte, recludam.  
Mox cum purpureo, procedet vespè Olympo,  
Humentemq; polo tellus insperferit vmbra.

Iudithæ Assyrius misero correptus amore  
 Dux oratores Numidas, belliq; magistros  
 Persarum primos epulis iam ritè paratis  
 Expleri dabit, & mensis accumbere opimis,  
 Illa aderit simulans, premet altas pectore curas.  
 Vadè agè nunc ergo, ac tellurem labere subter,  
 Infandosq; lacus, & regna horrentia quære,  
 Lethæus quâ latè ingens immurmurat amnis,  
 Illic per ripas, interq; papauera dulci,  
 Inuenies Somnum sopitum membra quiete;  
 Hunc cape, pulsatumq; adeò de sedibus atris  
 Erue, ni facias, nunquam, tardusue sequetur,  
 Atq; afferre iube cognati fluminis vndam  
 Assyrium intrà castra, soporiferumq; liquorem;  
 Tum Baccho, & pateris latè exitiale venenum  
 Misceat, & miserum spargat per vina soporem.  
 Quæ deindè eueniant, curare haud temporis huius,  
 Hoc instat nunc, tu volucrem, puer, arripe cursum,  
 Vnum oro, nostrisq; celer succurre periclis.  
 Dixerat: is roseo contrà sic excipit ore.

Immò ego sollicitus vestris me adiungere rebus  
 Optabam dudum, nunc quandò nota voluntas  
 Est tua, parçe puer precibus, mandata capeffo.  
 Conticuit, socio & celeri parere volatur  
 Festinat, liquidasq; fuga præteruolat auras,  
 Et subit obscurum terræ, caueasq; latentes  
 Ingressus primum fluuiorum, ignotaq; Nili

Princi-



Principia, & cunas, fumantibus inde caminis  
Argentumq; aurumq;, & stagna liquentia ferri  
Vasta videt, studiumq; hominum execratur inane,  
Talia qui terra, & tetra caligine mersa  
Vestigant, putribusq; inhiant ditescere rebus.  
Ventum erat ad limen, graditur nil segnior ille,  
Squallentesq; domos Herebi, semperq; carentes.  
Luce locos adit, & furuum tenet aureus Orcum.  
Hinc via diuiditur duplex, & semita calles  
Partitur geminos, fert læua Acherontis ad amnem,  
Cocitiq; sinum, Phlegetontaq;, sulphure fumant.  
Horrendo loca, nec requies datur vlla malorum.  
Hic animæ fontes, crimen quæ triste piare  
Abnuerant, vana seu religione Deorum,  
Siue odijs pressæ expletis, fusoq; cruore,  
Et quas in fanda dulcedine cœca voluptas  
Impulit in scelus, & maculare aliena subegit  
Hospitia, in fontisq; torum violare mariti,  
Gausæ aut furto sunt, nec dum vita manebat,  
Pertæsum est culpæ, metis sinè temporis vllis  
Durum exercentur pœnis, pars vnguibus artus  
Vncis diripitur, pars flammis acribus vsta  
Taurinis piceas mugitibus incitat auras,  
Hi feruent ære impositi, calidisq; coquuntur  
Fluctibus, ast alij subiecto ad lumina collo  
Frigenti mulctantur aqua, gelidoq; premuntur  
Flumine, foeda manus circum, formæq; pererrant  
Horri-

Horribiles, stimulantq; ignes, & verbera donant.  
 Hic & qui terras humano sanguine primus  
 Tinxit, & in fratrem docuit læuire minores,  
 Æstuat, atq; ausi superos imponere contra  
 Saxum immane solo, turrimq; attollere ad astra,  
 Torquentur, dux antè alios Nembrothus in imo  
 Tunditur, & magni dat poenas impius ausi,  
 Quem moles super impositæ, & pro crimine saxi  
 Saxa premunt, premitur vox, & sub pondere anhelat.  
 Spirat adhuc ignem Pharaon, vultuq; minatur  
 Horrifico, Isacidas qualis, Molenq; secutus;  
 Interea iactatur aquis, & sulphure fædo  
 Mergitur: hic & Achab crepitante exurit igni;  
 Nec procùl infandæ coniux læuissima culpæ  
 Supplicia exhaurit, raptisq; affligitur agris;  
 Innumeriq; luunt poenas, capita ardua quondam,  
 Nunc turba infelix, spretum, execrabile vulgus.  
 Fortunati inopes, rerum quos nulla fluentum  
 Cura premit, nec amor stimulat malè suadus habendi;  
 Palla sed scissa fulgent, & simplice crusta  
 Gaudent, ac tecto quærunt sub purpure regnum;  
 Illis non luxur misero mutabitur igni  
 Ambrosia ætheria saturis, & nectare puro,  
 Non hæc pro auratis horrentia claustra subibunt.

At dextram tenuere boni, pars ignea cuius,  
 Scilicet infletis acies ubi plurima culpis  
 Reliquias scelerum, leuia & commissa piare

Consuevit flammis ; sæuos spes mitigat ignes.  
Pars autem impatiens pœnarum , expersq; doloris,  
Florentes luci , nec non mollissima Tempe  
Haud procùl , & sedes intacto vere patescunt .  
Hic animæ insontes habitant , sanctoq; fruuntur  
Elysio ( sinus Abrami cognomine dictus )  
Tam quæ principiò recta venere relicto  
Corpore culparum exortes , quam carcere ductæ  
Contiguo , & mediæ flammis lustralibus oræ  
Temperiem nixæ in placidam ; simul atq; piarant  
Hæ labem ; quippè hæc alacres loca læta subibant ,  
Donèc ab æterno promissus Numine Vindex  
Adforet , & clausi seras laxaret Auerni ,  
Inferretq; Polo socios . sermonibus illi  
O quibus exiliij fallebant tædia longi ;  
Carmina venturo quæ non humana canebant  
Ardentes Regi , conuexaq; mente petebant .  
Hic gemini patres humanæ stirpis origo ,  
Hic demissa neci soboles , & victor aquarum  
Vitifator , simul Abramus , simul ordine longo  
Abrami genus innumerum , vatesq; sedebant ,  
Moses antè alios , cani Samuelis imago  
Proxima , tum Dauid cythara donatus olympi .  
Intereà aligeræ labuntur ab æthere mentes ,  
Solanturq; inoras , & diæ lucis amorem .  
Nec minus ad Lethen iuuenis demissus ab alto ,  
Vt propius stetit , alloquio compellat amicos



Præcipiti, mulcetq; animos, factiq; propinqui  
 Summa legit capita, & ventis velocior exit.  
 Illo autem auertente pedem, & spatia ampla secante,  
 Pollice percussit chordas, qui regia vates  
 Sceptra tulit, dum vita fuit, vocemq;, animumq;  
 Multa Deo plenus cecinit, dixitq; futura.

Salve, magna virum domitrix, quam Rector Olympi  
 Dat regum præstare armis, lateq; patentem  
 Auroram premere, atq; orbem sub signa coactum;  
 Fortunata nimis, neq; enim sine laude Tonantis  
 Eximia factum hoc adeò, & tua fama feretur,  
 Quà Sol cumq; micat, rutilo dum sydera cælo  
 Labentur, dum Luna suum vaga circuet orbem,  
 Grandiaq; attoniti celebrabunt ausa nepotes.  
 Iamque adeò nostræ laudes, atq; inclyta facta,  
 Magnorumq; tuis concedant nomina regum.  
 Tempus erit, quando tantæ virtutis amore  
 Incensus Vates Musarum haud vltima cura,  
 Patre Athesi vates satus, & Benacidè Nympha,  
 Magnanimum iuxta Tyberim, sacroq; superbum  
 Imperio, & latè cæloq; Hereboq; verendo,  
 Te canat, & curis interdum ereptus iniquis  
 Gesta peregrinis mandet tua fortia chartis,  
 Ac stimulet resides animos, & inertia corda,  
 Scilicèt vt tandem memores virtutis auitæ,  
 Atq; tui in primis ausus exempla secuti,  
 Compositis postquam rebus pax aurea reges

Lenierit dono Diuùm, & Patris artè Latini,  
 Ipsi opibus simul vnanimè, & fœdere iuncti  
 Acceptis inhient extingui dedecus armis,  
 Et ditem Ægyptum, ac Solymùm pulcherrima regna  
 Connixi eripiant vinculis, duroq; Tyranni  
 Seruitio, effœtum senio qui deniq; mundum  
 Viribus inuadet vastis, latèq; tenebit  
 Littora, vè nimium Latijs vicina colonis,  
 Et suspirata dent libertate potiri,  
 Sacraq; restituant, arasq; ac vota reponant.  
 Illum non Bactra excipiant, non vltima Thule,  
 Sed coniurata depellant vndiq; gentes,  
 Crudeles vt nuda manus post terga reuinctus  
 Spectetur celebres Capitoli implere triumphos,  
 Vindicibus pœnas nec non persolvere flagris.

Te decus hoc, speciesq; olim Pater Urbis, & Orbis,  
 Magne V R B A N E, manet, cum tu virtutibus aureo  
 Fœcundum caput eximijs diademate cinges,  
 Et per septenos aluearia B A R B A R A colles  
 Mella dabunt. te rerum adèd potiente, reducat  
 Bella licèt Mauors, & ab alpibus inferat arma  
 Deiecturum vrbes minitans, tamen alta patebit  
 Ianua tum Sophiæ, atq; atrollet regia Musas,  
 Quarum laus ingens tute ipse, ornere priusquam  
 Auro tergemino, Parnasi augebis honores,  
 Et nostro ætherius plestro latabere Vates,  
 Rerum inter curas magnarum, & grandia legum

Pondera, quò interdum raptus super astra quiescas.

At vis consilij tua postquam, & conscia virtus

Æquora trans ponti validis discissa carinis

Bellorum Italia tristes auerterit iras,

Et de barbarico denexerit orbe triumphum,

Vno tùm populi gaudebunt denique ouili,

Et solo vnanimis sub te Pastore cubabunt.

Hæc prodit, ferisq; hilarat successibus aures

Fatidicus Vates, latè loca murmure plaudunt:

Responsant nemora, & vocem docta auia reddunt.

Hos igitur, manesq; inter, qui ad tempora certa

Dant pœnas, medius Lethæus diffluit amnis,

Nec prius egressis igni fas ora videre

Sanctorum heroum, dulcesq; intrare recessus,

Quàm se se abluerint, & lento flumine mergant

Obliti noxas, veterisq; piacula vitæ.

Hos iuxta latices squalentis margine ripæ

Torpentem de more Puer coelestis, & omnium

Immemorem reperit Somnium, cui pallida semper

Ora, graues oculi, deses premit ilia penna:

Constitit ille super, neq; segnius excitat virgens

Cunctantem, lateri & calces elidit inertii.

Surge agè, rumpe moras, non hæc sibi commoda poscit,

Quod gerere est opus, exclamat; dein cornuâ rote

Lethæo implere, ac virgam deferre iubebat

Somniferam, longè curas quæ auertit iniquas

Amne madens illo, atq; obliuia mentibus infert.

Iamq;



Iamq; iter arripiunt, superas quod ducit ad auras,  
 Egredi, sed tarda inbuet vestigia Somnus.  
 Vt fessus sonipes, male sana aut gramina pastus  
 Lentus agit se se; ac medio cadit aggere, quippe  
 Ni desertus eques calcaribus virgeat armos,  
 Ne quicquam patrias properè desiderat edes.  
 Haud secus intonsas itellati cuius olympi  
 Irruit, & comitis capiti crudele minatur.  
 Iamq; solis connexa tenent, dant moenia tangunt  
 Castrorum, liquidamq; ferunt in limina mortem,  
 Ecce sub ingressu portas albert patent  
 Respiciunt; dant vina cadis, & pocula potunt  
 Ardentes famuli, lychnosq; in sera superbo  
 Tempora suspendant; cellus intermitur ostro  
 Ipse soporata Lethæo flumine iungam  
 Excutit in plenis arrepto tempore Somnus  
 Euigilans vires, miscerq; papavera Baccho.  
 Miles adest acia ex superâ, remq; ordine curat  
 Ille autem oblitus ipaq; Herbiq; soporem  
 Accipit, & castris medius requiescit in amplis  
 Interea haud Bagoas miseri Ductoris amorem  
 Immemor affatu molli lenire puellam  
 Tendeat, sanctumq; animis abolere pudorem  
 Virgo genus Diuorum (inquit) per quâ aurea nostræ  
 Secula nunc pabi redierunt æthere, sola  
 Quid resides? quid te spernentem hæc lumina cernis?  
 Dulciaq; egregiæ violantem iura iuuentæ?

134 IV DITHÆ VIND.

Vita fugit; generi morientum lata voluptas  
 Sola bonum, tenero dum gratia ridet in ore,  
 Nec tenuere niues effæro in vertice crinem.  
 Aspice, vt vnus spatia rosa pulchra dici  
 Orta micet, pereatq; eadem, haud secus aureus æui  
 Flos cadit, & spretos nequit quam flemus amores;  
 Nec te crediderim superos fecisse beatam  
 Vni Diua tibi; Solis niter omnibus astrum,  
 Quare agè, quæ mentem subeat sententia nostram,  
 Percipe. Te totis dudum sine lege medullis  
 Ardet amans Princeps, vultumq; absentis adorat;  
 Si libeat, vinclo stabili connubia iungam;  
 Quas (equidem credam) non temnes conscia tædas,  
 Et tibi erit curæ thalamum subiisse potentem  
 Illius, è cuius nutu nunc maximus orbis  
 Pendet, consilio quo nemo est maior, & armis,  
 Et claro eximiam sobolem de Rege referre.  
 Non titulos, & opes memoro; Regina tenebis  
 Auroræ thalamos, spolijsq; tuebere postes  
 Illufos, victæq; aderunt cum munere gentes.  
 Quid dubitas? nec dum tanto, Dea, cedis amori?  
 Nec tibi quod donum referat fortuna tueris?  
 Tædarum at si pertæsum, quis regibus obftet?  
 Sed quid ego causas necto, & rationibus vrgeo?  
 Quis mores, & fensa feris aliena nec ipsi  
 Diuina in forma, pulchroq; in corpore credat?  
 Id quæ confieri possit ratione, docebo.

Pacem

Pacem Oratores Numidarum ab rege precantes  
Abdarides missos, Heroasq; ordine longo  
Præcepit secum Assyrios accumbere coenæ;  
Iamq; adeò vesper fuscis vocat impiger auris,  
Et Cererem poluere, epulisq; onerare ministri  
Festinant mēsas; hūc te Dux optimus, hūc te  
Accersunt cupidi proceres; conuiuia sancto  
Coniugio vnanimēs generosa ornabitis ambo.  
Ergò age carpe viam, & votis, precor, annue nostris,  
Atq; animos vultu coràm solare beato:  
Et iam Persarum quòd amica ingentibus armis  
Fugisti genere à scelerato, hæc præmia sume.  
Hæc Bagoas, contrà hæc roseis dedit illa, labellis.  
Ambiguum affectans, sensitq; instare salutem.  
O tibi quas, mundi Rector, prò munere grates  
Per soluam, mihi qui tantum nil tale merenti  
Placasti Heroem? tu custos optime nostri  
Communis Domini interpres, decus addite Persis,  
Magna refers, tali haud dignam me rebar honore  
Ipsa quidem, sed quis renuat, Dominoq; resistat?  
Tantis frustra oras, & causas nectis inanes,  
Nulla mora in nobis, & iam mandata capessens  
Te sequor. ò qualis Iudithæ hinc fama paratur.  
Hæc dicens humeros aurato insternit amictu  
Insertans ostro furas, festinaq; recto  
Egreditur; stratum Ilacidis putat ille pudorem  
Arte sua, vanoq; amens exultat honore.



Ceu canibus postquam iuuenum manus vndiq; cinxit;  
 Ac telis nemus; & tota quam luce secuta est  
 Inclusit ceruam præda gauisa propinqua;  
 Ecce per occultos aditus interrita furtim  
 Labitur, & longè campum tenet illa patentem,  
 Armaq; , & illam temnit secura cæteruam;  
 Illi abeunt, diraq; inculant vocelaborem  
 Non aliter Bagoam gaudentem, & vana iumentem  
 Iuditha elusit, palmaq; fefellit inani.  
 Protinùs imparibus curis in recta feruntur  
 Regia, damnantemq; moras, & amore furentem  
 Inuenere Ducein, placitos vbi fulgere, vultus  
 Ille videt, præsensq; furit crudelius ignis,  
 Optato cum posse siui se retur amore,  
 Latitiaq; stupore simul contreritus, amens  
 Effari nequit, ac trepidat, nec se capio ipse,  
 Nec iam diuinum patitur præsentis honorem  
 Frontis in obtutu primo. vir qualis in auras  
 Eductus, longum latebris, & carcere cæco  
 Qui iacuit, non ferre diem, Solemq; sub ipso  
 Egressu valeat; dat lux insueta tenebras.  
 Tandem illam, quicunq; potest, affatur, & omni  
 Abdarides colere officio, atq; ornare laborat.  
 Nec mora, dant manibus lympham, mensasq; coronant  
 Heroës, strato circum discumbitur auro.  
 Quisnam epulas memoret, malesani atq; hausta Lyei  
 Pocula ab incautis eadem corrupta iuuentus

Arma mouet castris, dapibusq; epulatur opimis.  
Non tamen illa sui, legisq; oblita paternæ  
Ora peregrinæ contactu polluit escæ,  
Continuitq; manus, & Persas arte fefellit;  
Reliquias patriæ Cereris, puriq; liquores  
Nam fontis furtim dominæ suggesserat Abra.  
Huc omnes conuersi oculi, Dux vniùs ore  
Pendere, ac iuxta positam sine fine pererrat  
Luminibus tacitis, & se se in funera mittit.  
Sic cantu illectæ volucres, aut farre per herbam  
Disposito, pubes quæ retia tendit agrestis,  
Dum se circumagunt repetito saepe volatu,  
Tandem hærent captæ. Quò te ipse miserrime, resq;  
Proijcis Assyrias? quanti (breuis est mora) quanti  
Te blandi exortem mercari optaueris ignis.

Hic noua pro cœnam perituro pestis amanti  
Additur, & miserum geminat sub corde furorem;  
Namq; Dionæus, peperit quem Gnoſſia tellus,  
Carmina in Isacidis iampridem inuenta ruinam  
Dulcè refert, curuiq; eboris fila aurea pulsat.  
Vndè Amor exortus memorat, quo tempore lucem  
Hauserit, vt fratrem tulerit, quò crescere posset,  
Cypria fatidici scitata oracula Phœbi:  
Vtq; puer sit mollis Amor, crudelis & idem  
Puniat ingrata passim fastidia mentis.  
Addit vim pueri magnam omnipotentis, & vno  
Immensam mundi molem consistere Amore,

Atq; elementa modis connubia nectere miris.  
 Indè facem , ac sæuo flagrantis igne sagittas  
 Concelebrat , victosq; Deos puerilibus armis,  
 Et subiisse louem nec dignas sæpe figuras.  
 Quas verò ingeminat labefacta in viscera plagas,  
 Sanat Hymen frater ; pulchræ duo lumina vitæ.  
 Improbe Amor , quid non cogas hominesq; , Deosq;  
 Immemoresq; sui quoties facis ? attamen vno  
 Te sinè dulce nihil , tu pulchræ pacis amicus  
 Immanes animos media inter proelia placas ,  
 Et iuuenum flectis rigidas ad vota puellas.  
 Hymen ades , prolemq; serat Cytheræa beatam.  
 Sic canit , & cytharæ digitos catus admouet aureæ ;  
 Pulsa sonant castra è plausu , vallesq; relultant ,  
 Et Mars Assyrius sub molli carmine languet .  
 Iamq; adeò expleti dapibus , mensasq; mouebant .

Grandis erat patera antè alias , atq; aspera signis  
 Ex auro solido moles , regalia dona ;  
 Hic Persæ imperium primi , atq; horrentia bella  
 Egregius præclara opifex cælauerat arte .  
 Vidisses puerum eiectum canis vbera blandæ  
 Sugere per syluas , nec non crescentibus annis  
 Præcingi telis , seq; in sua regna referre ;  
 At qui terga prius dederant cita turpiter hosti ,  
 Persæ , conuersis abolebant dedecus armis ,  
 Urgebant calidæ nudato pectore matres .  
 Hinc fluvium multo mittebat in æquora cornu



Scindens, & lautas inter Babylonia mensas  
In septa insiliens per aperti gurgitis alueum  
Regem obtruncabat, cui lapsus ab æthere durum  
Scribebat digitus lasciui in pariete carmen.  
Hinc ditem Cræsum, atq; vrbes vastabat opimas;  
Regia iam grandis soboles (mirabile dictu)  
Non audita prius promebat verba timore.  
Felix ille quidem, sua si connubia tantum  
Despecta ulturus nunquam transset Araxem;  
Namq; cadebat humi cæsus, regione locorum  
Deceptus, famulæq; acies (dux fœmina) fusa.  
Illa caput victi mersabat sanguine regis.  
Craterem hunc adeò (sed enim sæpè alta malorum  
Indicia occurrunt, nec mens insana mouetur)  
Abdarides multo spumantem munere Bacchi  
Accipiens, Vos nostro (inquit) vos addite voto,  
Assyrij, Persæq; omnes tibi, maxime Diuum,  
Hanc pateram libo, Assyriæ dominator opimæ,  
Tu modò, si tecum hoc aliqua pietate meremur,  
Hanc noctem hospitibus nostris, nobisq; beatam  
Annue. Sic memorans hausit, seq; abdidit auro;  
Excipiunt alij circum, regemq; sequuntur,  
Et medicata vorant Lethæo flumine vina.  
Pulchra velut taurorum acies, florentia prata  
Cum tondet, quâ se tulerat sæuissimus anguis.  
Et malè sana suæ vestigia liquerat iræ,  
Nescia fallaces auidis depascitur herbas

Morsibus, atq; famem saturat moritura veneno.  
 Sic Persæ ignari fraudum sua fata bibebant;  
 Nec iam ulli mentem vinum, somnusq; reliquit,  
 Excedunt alacres, & claudunt ostia serui.  
 Ipsa manet sola in thalamis Iuditha Tyranni,  
 Vestibulum nutrix incerto pectore seruat.

Nox erat, & furuo tenebrarum horrebat amictu:  
 Curriculo in medio properans; non verba, nec ullus  
 Sensus erat rerum, aut operosi industria mundi:  
 Omne adeò pecudumq; genus, genus atq; volucrum  
 Quæ fluuios, quæ stagna tenent, potumq; fouebant  
 Corpora tum somno vires, curisq; soluta  
 Carpebant dulcem mortalia corda soporem,  
 In castris nullæ excubiæ, passimq; voluti  
 Per terram Persæ vino, somnoq; iacebant;  
 Abdaridem longè antè alios vix artubus auream  
 Exutum chlamydem, nec iam præsentis amorum  
 Hebrææ memorem stratis placidissima pictis  
 Obruerat requies, fessumq; profunda tenebat.  
 Illa vigil mente excutitur, subitumq; calorem  
 Accipit, ac sibi cum sentit iam cuncta fauere,  
 Accingit se se, nec quicquam incensa moratur.

Tu mihi quæ facilis nostris ab origine cœptis  
 Hebrææ adspiras lux ò clarissima gentis,  
 Nunc adeò, cum mirum, ingens, memorabile factum  
 Aggredior tuum, & horret mens, refugitq; tremiscens,  
 Diua, faue, & vatem summo ne desere cursu,

Hic

Hic labor, hinc operi quærenda est gloria nostro.  
Principiò magni supplex Iuditha Tonantis  
Auxilium implorat, lachrymisq; per ora volutis  
Effatur. Nunc tempus adest, nunc fortibus ausis  
Acritèr est tentanda salus, tu maxime rerum  
Conditor, affer opem famulæ, dextramq; trementem  
Confirma, & summis conatibus adijce vires.  
Tu qui pastoris pueri, ferroq; carentis  
In formidandum direxti saxa gigantem,  
Qui Ionathæ auxilio subijsti, deniq; dextras  
Fœmineas etiam palmæ dignatus honore es,  
Mecum esto, colloq; caput depone superbum  
Prædonis Persæ. calido sic corde precatur.  
Tum ferijt noua lux oculos, subitoq; per auras;  
Quæ primos operis Iudithæ afflauit amores,  
Nata Deo. Virtus auratis emicat alis.  
Agnoscit iubar Hebræa, auxiliumq; Tonantis,  
Atq; nouas sentit venis incedere vires.  
Protinùs ornata teneros exuta lacertos  
Purpureo latè circum per singula voluit  
Ardentes oculos, & regem lumine lustrat  
Ille iacet ( neq; enim vinum exuperare potestas )  
Exanimi similis, somnoq; immobilis hæret.  
Fortè tori Princeps habilem suspenderat ensem.  
Assyrius lateri, ac iuxtà de more locarat,  
Vt si quid ferret nox contra, vmbraeq; silentes,  
Arma citus caperet, trepidosq; eluderet hostes.

Hunc



Hunc illa inspectum, atq; animo secum ante paratum,  
 Omnia postquam tuta videt, radiantibus auro  
 Eripiens vinculis vagina educit eburna;  
 Tum pallens, paulumq; animo, dextraq; morata  
 Ingens expendit facinus; mox obice rupto  
 Ira subit, fit tota calor, læuaq; iacentis  
 Implicuit crinem, dein Cælo lumina figens,  
 Hanc tibi summe animam nunc ò, nūc, Rector Olympi  
 Immolo (ait) pœnasq; inimico è sanguine sumo.  
 Dixit, & exemplò magna vi interrita collum  
 Vulnerat aduersum, repetito, & Principis ictu  
 Aufert nixa caput; minus ille in morte mouetur,  
 Quàm si dura silex esset, percussauè quercus,  
 Spiritus infernas descendit mœstus ad umbras.  
 Sic terror tantus nuper terræq; , marisq;  
 Conuulsus iacet, atq; suo se sanguine mergit  
 Infelix truncus, neq; plus quàm foemina facti  
 Auctor, nec validæ possunt prohibere phalanges;  
 Hic finis mensæ, ac sperato factus amor est.


Bellatrix, vbi se palma, prædaq; potitam,  
 Et pendere sua magni caput aspicit hostis  
 Exanimum læua, tepidis miserabile corpus  
 Continuo inuoluit stratis, ensemq; reponit  
 Sanguineum, & palmas ad sydera tollit adorans.  
 Interea rimis dominæ spectauerat Abra  
 Ausum ingens, mortemq; viri, atq; exterrita diro  
 Crebrius aspectu horruerat; nunc se rapit amens.

Lætitia in thalamum, victriciq; oscula figit,  
 Persoluitq; Deo grates; tum sedibus altis  
 Erip iunt pictum geminis velamen, & auro,  
 Et capiti obtendunt exsecto, ac pelle reponunt  
 Taurina, qua dona tulit cerealia nutrix,  
 Atq; iter egressæ celerant; it pallida ceruix  
 Bellatoris, anuinq; ingenti pondere curuat;  
 Et quâ se ferre ad fontem Iuditha solebat  
 Noctibus in medijs, precibusq; onerabat Olympum,  
 Circuit, & patrijs properat se reddere muris.  
 Interea cuncta explorat, tensisq; mouetur  
 Auribus, atq; sonos formidat cautiùs omnes,  
 Ne pateant, neuè obsit onus, prodatq; fugaces;  
 Et quam nulla modò castrorum ostenta, nec vllæ  
 Terruerant acies, nunc omnis sibilus auræ  
 Excitat, & gnaram patrati commouet ausi.  
 Non secùs, Hircanæ catulos qui Tigridis atro  
 Surripuit nido, mater dum quæritat escam  
 Per syluas, impletq; recentibus vbera prædis  
 Hunc omnes terrent sonitus, huic spiritus omnis  
 Corda quatit, semperq; sequentem ponè parentem  
 Formidat, pœnasq; timet, mortemq; propinquam.  
 Apparent densi posita ceruice manipuli  
 Per terram passim, versoq; hastilia ferro,  
 Ensesq; galeæq; virum, cristæq; rubentes;  
 Nemo vigil, totis miranda silentia castris;  
 Illa nihil, nec spe prædæ, famæuè mouetur;

Allyrijsq; procul, tùm nota valle relictà  
Secura in montem sublustri nocte recedit.









# IVDITHAE VINDICIS

## Liber Quintus.



A M Q; propinquabant vrbi murisq; vi-  
deri

De summis poterant ambæ , Latonia  
qualis

Pallet in incertis per nubem Luna tene-  
bris.

Attonitis hæfere animis formidine primo  
Aspectu vigiles, gelidusq; per ossa cucurrit  
Cuiq; tremor, neq; enim poterant agnoscere vultus,  
Atq; vmbras tantum, simulacra ignota, videbant.

Abner erat portæ cultos, summisq; sedebat  
Aggeribus, speculaq; locum seruabat ab alta  
Quàm præstans forma iuuenis, tam fortis in armis.  
Hic geminas primus vidit, longèq; retexit  
Nescius, ac ne quid per noctem fraudibus hostis  
Tentaret, veritus, locium his compellat Abellum.

Vera nè conspicio? an fallor? se ad mœnia raptant  
Nostra duo; seù sint soli, siuè agmina secum  
Fortè trahant, timeo insidias, & si quid ab hoste est,  
Haud hosti credo. procerum tu perfer ad aures,  
Quicquid id est, cursuq; viam metire volucris,  
Ipse hac euentum obseruans statione manebo.

Dixerat, ille volat; patres ad moenia tendunt

T

Con-



Confestim moniti ; tota discurritur vrbe .

Intercà Hebrææ celeri vicina tenebant  
 Ascensu geminæ , & gradientes nouerat Abner ;  
 Ni pateant , saxo calamum torfisset ab alto  
 Egregius certa plagas inferre sagitta ,  
 Et quæ tuta modo sæuo conuixerat hosti ,  
 Exuiasq; adeò tulerat , nunc saucia vitam  
 Ciuibus in medijs dextra fudisset amica .  
 Restitit is dubiusq; animi , trepidusq; futuri ,  
 Cunctaturq; inhians operis cognoscere finem .

Iuditha , vt sentit se posse patescere notis ,  
 Audiriq; valent voces , atq; aggere reddi ,  
 Continuò exclamat . Vos ò recludere portas  
 Ne dubitate , viri , nihil hic hostile timendum est ;  
 Adsum , nec dubiam refero Iuditha salutem .

Vix effata , fores panduntur , vertice namq;  
 Omnia discendi studio descenderat Abner ,  
 Et Solem fera reducem sub nocte videbat .  
 Extemplò totam veris rumoribus urbem  
 Fama replet , neptemq; canit Simeonis adesse .  
 Festinant , vulgusq; vijs fluit vndiq; plenis .  
 Qualis ad occiduos portus cum nauis Eoo  
 Sospes ab Oceano patrijs se reddidit oris ,  
 Concurfus volitat , conduntur littora cœtu .  
 Tale erat Isacidum studium , talesq; ruebant ;  
 Nam neq; Iuditham fuerat spes vlla videndi  
 Vlteriùs , reditusq; animum , sermoq; puellæ

Addit; vbiq; faces, & noctem lumina vincunt.  
Occurrunt primi procures, atq; arbiter ipse  
Ozias, alacres, & festa voce salutant,  
Illa in conuentu medio, quâ forte repertus  
Telluris tumulus, stetit altior, atq; ita gentem  
Alloquitur cupidam. Fuimus crudelibus Ochi  
In Castris Ciues, quorum terrore fathiscit  
Orbis iam totus, sed nobis adstitit alti  
Tutamen Cœli, & telorum haud obsuit horror.  
Scilicet hoc alta fixum cum mente federet,  
Infandas homini populus ne poneret aras,  
Iusserit & summis caput obiectare periclis,  
Auertit Deus ipse malum, & procùl omne repressit  
Dedecus, atq; adeò sceleratæ opprobria gentis,  
Gestaq; fœminea fieri dedit inclyta dextra.  
Quod vos ne lateat, spes & cognoscere vestras,  
Delatosq; mihi à superis possitis honores,  
Et dignas pro mole operis persolvere grates,  
Ecce caput (caput horrificum simul illa retexit  
Auulsum ex humeris, & nigras sanguine fauces)  
Ductoris Persæ, qui terras improbus omnes  
Terruit, & cunctos fœdauit cede penates;  
Ausus quinetiam superis indicere bellum  
In nos immensis conuertit viribus orbem  
Poenas poscentem, atq; aris extrema minantem.  
Hunc mihi placatum verbis, & amore fuentem,  
Cum nostri spoliū speraret turpe pudoris,

Subiecit pater omnipotens, & nocte sub alta  
 Ad stygios ignes somno, vinoq; sepultrum  
 Mittendum dedit hac dextra; iacet ardua moles  
 Immanis trunci stratis, fœdumq; cadauer,  
 Nemo vigil, nullæ excubiæ, tenet omnia somnus.  
 Hoc etiam gemmis rutilum velamen, & auro,  
 Ultima barbaricæ misero vestigia pompæ,  
 Eripui, testemq; fero. nunc tollere gentis  
 Obsidium duræ, finemq; afferre labori  
 In vestra nullo, ciues, discrimine dextra  
 I st positum, sic certa tuli præfagia coelo;  
 Et iam nox fugit, & rutilans Aurora propinquat.  
 Cervicem hanc igitur conto præfigite, & altis,  
 Vndè procul pateat, muris pendere iubete;  
 Nec mora, fidentes animi, nil tale verentem  
 In Persam irruite, & generi ne parcite iniquo;  
 Illum terror aget palantem, atque ætheris alti  
 Cuncta manus dabit in vestras Regnator, & auctor.

Hic fandi finem dedit; illi intenta tenebant  
 Lumina perculsi monstro; nam sicut ab alto  
 Excutitur si quis somno, non ille repenti  
 Percipit hausta oculis, aut aure, & turbidus hæret.  
 Haud secùs Itacidas stupor occupat; aduena pulsus  
 Expleri antè alios Achior nequit ipse tuendo.  
 Postquam animis timor eiectus, sub sydera iunctas  
 Attollunt palmas, nec voci deniq; parcit  
 Maximus Ozias. Quæ tu Pater optime mundi,



Das generi dona Ifacidum, non illa minores  
Concipiant animo gentes: cui posse videtur  
Fœmina opus tentare manu molliſſima tantum?  
Nullæ ſufficiunt grates, ſat victima nulla;  
Corda placent, ſed magne, tibi. tu celfa Syonis  
Gloria, te Gades admirabuntur, & Indus,  
Iuditha; ò qui te tantam meruere parentes,  
Quàm ſuperis chari. iam nunc tibi cedere ſceptra  
Noſtra decet, noſtrum merito tu concipe munus,  
Eſt ſceptro ſatis apta manus, quæ vincere nouit;  
Nos tua parentes dicto mandata ſequemur.

Hæc ille; oblatum ſed non Iuditha capeſſit  
Imperium, & læto perſultant omnia plaſu.  
At caput auricomum Tithoni lutea coniux,  
Poſtquàm auſus tanti nomen peruenit ad aures,  
Lætior è ſtratis tulerat, roſeosq; per artus  
Fulgentes auro fundebat ſedula veſtes,  
Dum ſternunt alij currum, geminiq; parantur  
Quadrupedes: aderant Horæ, dominamq; frequentes  
Ornabant; ſtellæq; ad limen penè fugata  
Nocte ſalutantes ibant, veniamq; precantes.  
Sed nondum Cœli valuis exhibat apertis,  
Cum caput Ifacide ſclerati regis acutæ  
Inſertant hæſtæ, ac ſumma ſuper arce reſigunt.  
Exemplò Ozias. Iudithaq; robora pubis  
Delecta armari paſſim, Medumq; ferocem  
Opprimere antè iubent, quam ſomnus deſerat artus

Sopi-

Sopitos; nullum pugnae dat buccina signum.

Illi verticibus galeas, nam cætera cingit.

Membra chalybs, aptant, maioraq; viribus ausi

Excedunt, neciam Persas tentare recusant

Innumeros pauci, sed contra immittier orant;

Tantum victricis confirmant ausa puellæ.

Vtq; feræ, quando coelum post nubila, & imbres

Reddit se pura manifestum in luce videndum,

Gausiæ absiliunt latebris, Solemq; salutant:

Sic illi erumpunt iam libertate recepta.

Dic agè, quas acies contrà, quæ signa mouerent

Fulminei, procures Abrami à stirpe profecti,

Diua memor, quando immeritos longæua vetustas

Nocte premit; nos famam autem speremus inertes?

Erumpit florens ætate, & corpore pulchro

Balthasar ante alios, nulli virtute secundus,

Si modò virtuti turmas deduceret æquas;

At verò centum solos ad signa coëgit

Instructos hastis equites; suspirat euntem

Iam matura viro iuuenem pulcherrima virgo.

Delectos ducit totidem, paribusq; ruentes

In certamen equis de sanguine Daudidis Efron,

Clarorum ingentem numerum, qui lætatur auorum;

Propterea extinctum referunt vexilla leonem;

Nam perhibent regem nondum puerilibus annis

Egressum, cum fortè leo sæuissimus agmen

Lanigerum peteret, prædæq; inhiaret opimæ

Hunc

Hunc expirantem flammās, frustrāq; furentem  
Audaci dextra compressis faucibus atræ  
Demississe neci, spoliūq; insigne tulisse;  
Pōst tali auspicio solitū certamen inire.  
Hi verò imparibus diuersi comminūs armis  
Certant, & claua feriunt, duraue bipenni,  
Dependet laua gladius de parte recuruus,  
Tum reliquus duro fulgens exercitus ære  
It pedes; è Solymis primi, fortissima bello  
Pectora, pila manu crispant, nec pensile collo  
Non cadit in tergum (connectit fibula) scutum.  
Hos regit Abdias lingua bonus, & bonus armis.  
Proxima confertis graditur gens curua pharetris  
Sub duce Rameſso non parui nominis; ille  
Ictu non vnquam torqueret spicula vano,  
Et posset cursu celeres præuerrere ceruos.  
Arcum laua tenet, lethalem dextra sagittam  
Gentis habet, galeæq; micant in vertice paruæ.  
Nec tercenteno Sarchontem milite septum,  
Milite, montanis vitam qui durat in agris,  
Indictum patiar; ceruicibus arduus ille est  
Suprà omnes, vultuq; truci festinat in holtem;  
A quo se arceri fuerat sæpè aggere questus.  
Hic latum pectus triplici circumdat amictu  
Loricæ, & longa armatur trabe dextera, quam vix  
Ferre duo possent subiecto corpora collo.  
At gens illa graui contortis funibus ictu



Pats lapides iacit, & plumbi pars impetè glandes  
 Ingenti, telumq; manu pars missile librat.

Tùm bello assuetus nondum, sed clarus auito  
 Sanguine, diues opum, viridi fretusq; iuuenta  
 Lazarus incedit, Bethanenq; in prælia ducit.

Hinc series ducta Heroum ditioe prementum  
 Egregiam pulchra Bethanen, geminæq; sorores  
 Altrices Regis superum tellure latentis;

Altera, delicias, vitæq; prioris amorem  
 Quæ damnans, & fusa leues per colla capillos

Diuinas lachrymis inter conuiuia plantas  
 Abluit, abstersitq; comis, sortemq; secuta.

Supremam Domini nec dura in morte recessit;

Nec non è gelida reuocatus mole sepulchri  
 Lazarus antiquo deductum nomen ab illo.

Indigenis summum claudebat Ioiadus agmen,  
 Ioiadus hortator belli, pacemq; volentum

Conspirans nulli, & prius omnia ferre paratus.

Sic tenuis muris exercitus ibat ab altis.

Quales multa bouum se contrà armenta leones

Securi referunt pauci, certiq; futuræ

Exardent prædæ; in Persas it talis Iudas;

Cuiq; micant oculis accensi ex acribus ignes.

Iuditha in portis animos secura salutis

Adiicit, & quemque appellat, memoratq; parentum

Facta, dehinc fessas matres, & debile vulgus

Lata voce vocat, cœloq; indicit honores,

Astraq;

Astraq; sollicitis onerat sublimia votis :  
Principiò angustos aditus, obseffaq; Medis  
Ora, simul fontes cæso custode recludunt  
Nacti securos, Hebræa nec antè videntes  
Spicula, quàm iugulis hausissent fixa cruentis.  
Vt ventum est, tenues vbi fas disponere turmas,  
Excipere vt quæuis rerum discrimina possint,  
Ipse aciem patulis extendit latiùs agris  
Impiger Ozias; medium tenet optimus æquor  
Abdias, & picta comes fert Lazarus arma;  
Quisq; pedes, quisquis iaculis armatur, & arcu,  
Missilibusq; ferit, medium confertur in agmen,  
At dextra, læuaq; latus legionis vtrumq;  
Claudit eques, lateq; leues citus explicat alas.  
Ipse alta de parte, queat Dux vnde videri,  
Læticia fusus vultum, sic voce profat.  
Incenditq; animos dictis, & pectora firmat.  
Vicinus, ò socij, dubio victoria bello  
Haud quærenda modo; nos hoc duce Numine ab ausu  
Iuditha absoluit; iacet hostis, & omnia secum  
Inclinata tulit, fluitant sola turpia tabo.  
At nunc reliquias sceleris delere nefandas,  
Atq; orbem aduersum stygias detrudere ad umbras;  
Scilicèt hoc vestrum est, manet hæc vos deniq; fama.  
Et iam tot pubem telis extrema minantem  
(Nec fallent meâ dicta fidem) fiducia liquit,  
Eripuitq; Deus gelida formidine mentem.

Est consanguineus morti sopor, ecce premantur  
 Quanta illi requie, quam certa silentia castris.  
 Quin vos ut primum forti secura videbunt  
 Spargere tela manu, validæq; incumbere pugna;  
 Exanimumq; Ducem, cuius de lumine pendet  
 Omnis spes belli, non ultima fama recludet  
 Fœminea iacuisse manu, & caput arce patefcet,  
 Protinùs infractas acies, & inutile vulgus  
 Terror ager dare terga fugæ, latebrisq; salutem  
 Quærere, vos vni plagas infligere victis.  
 Nil insperandum coelo auspice, nouimus ipsi  
 Gesta Palæstinis toties miracula terris;  
 Hoc omni nostris oculis memorabile seculo  
 Aspicimus, nobis tantorum hæc meta laborum,  
 Hoc decus, & magnis nomen cum patribus æquat.  
 Iamq; agite, eiectis dudum vocat hora tenebris,  
 Aggrediamur, adhuc stratos sopor occupat artus.

Hæc ait; excipiunt alacri fera proelia vultu  
 Isacidæ, palmamq; Ducem sectantur ad altam.  
 Haud mora, progreditur fidens, atq; agmine collem  
 Diuiso exuperat, castris qui plurimus amplis  
 Planitie patet in summa, quò tempore eodem  
 Inuadat plures aditus; equitatus in armis  
 Substitit, & vallo abstinuit, quocumq; cadat res,  
 Opperiens mandata procùl; iamq; alta tenebant  
 Ostia, cum belli Princeps iubet ære canoro  
 Ardenti signum laxari in proelia Marti.



Tum strepirus simul exoritur, clamorq; virorum.  
Iaddus Idumæos iuxta satus Ambore fines  
Emicat, & primo mucronem sanguine tingit,  
Assibarimq; necat somno nil triste timentem,  
Surrenam Moles, Abramus sternit Orundum,  
Omnes excubias, omnes vigilare paratos,  
Si modo Lethæum potuissent pellere morbum.  
Occupat ingentem procerò corpore portam,  
Et vellit postes, aditumq; in limina pandit  
Agmina nota vocans accenso lumine Sarchon  
Terribilis, socij irrumpunt, telisq; iacentes  
Transfodiunt, lethum passim decurrit, & ater  
It cruor, & magis, atq; magis iam castra feroces  
Inuadunt media Ifacidæ, successus alit rem.  
Hic tandem se se miseri sensere sub hoste  
Assyrij, ac pulso cladem stupuere sopore;  
Arma vocant, arma, arma, virum ferit aurea clamor  
Astra, vagi & coeunt, amissaq; signa requirunt.  
Protinus audito strepitu Phœbeius Vsbo,  
Abdaridi infensus primum qui ambibat honorem,  
Corripit è stratis artus, atq; æstuat ira;  
Tum recto erumpens totis circumdatus armis.  
Vociferat, verbisq; furens iam incusat apertis.  
Heus socij, scorto potitur dux noster, & ipsi  
Scilicet egregio expletur scelerata libido  
Nunc, medium insultans valli cum interritus æquor  
Hostis habet, strictoque viros mucrone trucidat.

Quin agite, haud somnos securo rumpite dulces;  
 Sic bellum geritur, norit, quem miserit Ochus.  
 Talibus indignans fremit, & moriturus in hostes  
 Præcipitat medios, confertum quæ videt agmen  
 Telum immane manu crispans, & voce superbus  
 Increpat. At vobis tanta est fiducia cordi?  
 Quin magno insultet pariter formica leoni,  
 Et Iouis aligerum gracili petat ore columba.  
 Si vobis animus vestris exire cauernis,  
 In Persas, vile Ifacidæ genus; ite, manusq;  
 Abluite, atq; notas ieiunæ obtendite fronti,  
 Vana superstitio quæ vos docet, aspera forti  
 Nostrum bella manu gerere, & splendescere in armis;  
 Non animus, non vis vobis, ea primaq; sunt  
 Indicia. hæc latrans telum contorquet in hostes  
 Sarchontem signans, volat alnus, & ilia subter  
 Excute vix summa tepidum vorat acta cruorem.  
 Assurgunt iræ Hebræo, tum conscia virtus  
 Ardet, vindictæq; amor, & generosa cupido  
 Hæc Persis melius viles responsa remittunt  
 Ifacidæ, tu dic quorum vis maior in ictu.  
 Sic ait, auctoriq; inimicum hostile retorquet,  
 Ecce leues illud stridens, rapidumq; per auras  
 Effugit in Persæ caua tempora, & arua cerebrum  
 Respergit miseri, confestim turbidus ille  
 Ad terram ruit, atq; oculis lux alma recedit,  
 Indignansq; animam vomit, & se se implicat umbris.

Accurrunt subito Hebræi, spoliantq; calentem, sibi  
Armaq; præfigunt hastis, victoribus omen  
Fatalis pugnæ, ac voces ad sydera iactant.  
Assyrij contra volitant, densiq; resistunt.  
Rameffus, pater Ozias, Sarchonq; minorem  
Sustentant aciem, vi summa, hastaq; trabali.  
Instat postremus, fat pro tot millibus vnus.  
Ac velut ille diu, Thuscis in vallibus vda  
Quem sylua eduxit calamis, & dentibus auxit,  
Scuit aper, rapidoq; furens venabula cursum  
Proterit, & longè turmas proturbat agrestes.  
Haud secus insultat Sarchon formidinis expers,  
Et ferit, obtruncatq; viros, tum vulnere multis.  
Vno aufert animam, cumulatq; cadauera campis.  
Ecce autem volat ante alios, cæcusq; furore  
Instat Ider, strictoq; intentat funera ferro.  
Isacidis; prohibent connixi, nec pede cedunt,  
Et forti Ozias nulli virtute secundus,  
Prætereuntis ybi Russeni in pectore telum  
Fregit (eum melius fuerat componere naues)  
Vagina eripiens dextram citus impedit ense,  
Atq; vno venientem à vertice diuidit ictu.  
Succedunt alij pugnæ, Dodraiq; minatur  
Fraternam vulturus cædem, sed fratre perempto  
Nil melior, nec sorte prior, nam feruidus illen  
Aduersi crinem laua implicat, & premit vrgens  
Fatiferum iugulo mucronem suscipit iste,  
Et



Et cadit, effugiunt oculi, fratremq; requirunt.  
 Parte alia pharetram non vanis ictibus auream  
 Rameffus iaculis ferus exonerarat acutis.  
 Arconti, quâ se vitæ pars summa tuetur,  
 Abdiderat calamum, lumen transfoderat Viro,  
 Ac stygijs tristes geminos adiunxerat umbris,  
 Illum Arabem, hunc iuxta natum magna ostia Nili.  
 Nec non ad Sarimum velox peruenit arundo  
 Fercula adhuc meditantem animo, neq; tela timentem.  
 Accepit ferrum sine sanguine pinguior alius,  
 Nec parrij vltius spectauit moenia Nini.  
 Hæc, & magnanimùm fortissima pectora vidit.  
 Multa virùm cadere, ac nullas errare sagittas  
 Indus Amalcane, nec posse obistere Persas.  
 Haud mora, non vltra passus procedere morbum,  
 Infert se contra iuuenem, summamq; securi  
 Percussit galeam, & deiecit vertice cristas.  
 Inflexit caput Hebræus, tremuitq; sub ictu,  
 Et ni sæua chalybs vetuisset vulnera custos,  
 Rameffus nitidas non cerneret amplius auras;  
 Excussi manibus nerui, teretesq; sagittæ  
 Ad terram fluxere; ferox iterum imminet Indus,  
 Et ferit, accurrunt Solymi, summaq; vetant vi  
 Continuò, ac densis proturbant comminus hastis.  
 Ille furit, simul ira truci sub corde, dolorq;  
 Æstuat, incusatq; Deos, neq; saucius hostem  
 Ereptum patitur. Cœlum ceu taurus in ipso  
 Æquo-

Aequore percussus caueæ mugitibus implet  
Igneus, & contra ferientem in cornua surgit,  
Ille quidem se se ulturus, sed vota retardant  
Dira canes, pendentq; acres hinc auribus, atq; hinc.  
Tunc magis irarum ardescit, sæuiq; doloris  
Depulso. interea portas, diuersaq; rumpit  
Prolapsus claustra Abdias, quin hinc quoq; Mauors.  
Casibus ipse viam paribus patefecit in hostes.  
Plurima nobilium capita interiere, nec Orco  
Non ruit innumerum vile, ac sine nomine vulgus;  
Classe Acherontæam mutauit nauita cymbam.  
At neq; Legati Numidæ superante furore  
Nulli præuisam potuere euadere pestem,  
Nec valuer. viros populorum iura tueri,  
Hostis erat, quisquis mixtus deprenditur hosti.  
Ioiadus, vt fortè irruerat progressus in agmen  
Fœmineum, quâ se tuta statione ferebat,  
Nulli parcit agens telis, figitq; , metitq;  
Virgineoq; vias, & limina sanguine replet.  
Quid sexus? quid forma iuuat? nil flectitur ille,  
Oblita est natura sui, sola hostis imago  
Antè oculos graditur, mentemq; accendit ad arma.  
Iamq; , potens belli Hippolyte, vultuq; decoro  
Antè alias cadit, ingressu dum distinet hostem;  
Iam Thamyris vitam liquidas emittit in auras,  
Reginæ soror, & stultæ deuota Dianæ,  
Hæc iaculo traiecta femur, læuam illa papillam,

Et

Et super innumerae glomerantur Amazones armis  
 Transfossæ, densaq; oculos sub nube prementes.  
 Franguntur gemitus stellati in fornice mundi.  
 Continuò tremefacta nouò fugit ala tumultu.  
 Regina ad turbas ut non extrema cucurrit  
 Viginti fidis equitum stipata suarum,  
 Miratur stragem indignam, sociasq; tuetur  
 Exanimis passim, & lachrymis miseratur obortis.  
 Haud secus, ac primo pastor sub lumine Solis,  
 Commerci, aut cœli vitio quâ pestis opimos  
 Depopulatur agros, ac tristia funera mittit,  
 Obstupet extinctos ouium decrescere foetus,  
 Spem gregis, euentumq; dolet percussus acerbum.  
 Harpalices idem aspectus, seuq; dolores.  
 Ira simul, mixtus pudor, atq; infania mentem  
 Exagitat. nùm tanta animis ignauia vestris?  
 Quò virtus? quò prisca fides? dominaq; locumq;  
 Deseritis, sociæ, nec, quis fuget, antè videtis?  
 Longa procùl ripas via Termodoontis amici  
 Diuidit, his vitam castris, nomenq; tuendum.  
 Talibus incusat, rapidoq; interrita cursu  
 Euolat, infestumq; ferox super irruit agmen,  
 Aduersoq; Ducis malè tectum vulnere collum  
 Occupat, illiditq; solo, simul ecce sagittæ  
 Bis denæ impulsu comitum labuntur eodem.  
 Ille animi compos, quandò non vulnus adactum  
 Altiùs, aut vlla incautum traiecit arundo;



Vrſa velût , quæ pulſa haſtis , & ſanguine viſo  
Funditur in furias , & ſaucia ſcuiùs vrget ,  
Emicat, intrepiduſq; animi petit acriùs hoſtem ,  
Labentemq; ab equo , caput atq; auferre parantem ,  
Et ſpolia alta viri , quæ patri vouerat ante  
Gradiuo , & magnis promiſerat irrita templis ,  
Impulit , obliquamq; dedit , iugulumq; ſub ipſum  
Fulmineum minitans Reginæ dirigit enſem .  
Tunè viris auſis impar concurrere virgo ?  
Nunc ſpes diſce tuas, nec plura effatus ; at illa  
Riſit ad hæc . palma tu virginis ergò potire .  
Dixit , & euadens vacuo leuiſ emicat ictu ,  
Ac pugnam reparans ferrumq; hoſtemq; ſeſellit .  
Vidit congreſſam Cedraſtus , dum propè iniquo  
Diſtinet hunc Marte exutus iam Lazarus ære ,  
Et formæ memor , ac veterum haud oblitus amorum  
Captus erat primis belli queis forte diebus ,  
Quamuis illa viri caſſas eluſerit artes ,  
Cunctandi rumpit cauſas , neq; ſeriùs ipſi  
Auxilium extremo differt præſtare periculo .  
Protinùs auuſſam læua calido eripit hoſti ,  
Irritatq; virum . magna eſt ei gloria certè  
Per noctem in ſomno captas ſcruire puellas :  
Ecce viri , procùl vmbra , procùl , ſomnuſq; reſeſſit ,  
Hic decus , hùc arma Macidæ conuertite . tales  
laſtabat voces , & fundere tela parabat .  
Reginæ interea maior violentia gliſcit ,

Et ruit auersans ausum se tangere amantem  
 In medios; tunc hasta leuis ( quisquis fuit auctor )  
 Virgineum ferro pectus traiecit acuto,  
 Immeritumq; bibens altè satiata cruorem  
 Purpureo niueum maculauit flumine corpus;  
 Palluit, atq; humero terram ferit ægra, rapit se  
 Lux oculis, & summa legunt suspiria venti.  
 Vt furijs agitur diris, nimioq; dolore  
 Coniuge prærepta coluber, quam mollibus hortis  
 Inuentam baculo cultor contudit iniquo.  
 Sic furit asper Arabs, gemituq; insania mixto  
 Præcipitat, iam iamq; vlciscitur, ense lacertum  
 Amputat interea, truncumq; extendit arena  
 Ioiadus; ille oculis ter Cælo fixus apertis  
 Vindieta dolet erepta, & sectatur amicam,  
 Hoc insperatè solatus damna ruine.  
 At focix, letho vt dominam videre cadentem,  
 Amentes sine lege ruunt, mortemq; requirunt;  
 Si qua tamen tulerit fors, ne moriantur inultæ,  
 Contendunt; verùm superi nil vota secundant,  
 Nam Solymi ingeminant plagas, sternuntq; feroces,  
 Effusæq; solum morlu tenuere, nec vllò  
 Acceptum p otuit deleri dedecus ictu.

Sic adeo duri res se se Martis habebant,  
 Aduerso & Persis certamine cuncta cadebant;  
 Nec tamen Assyrius coràm procedere Ductor  
 Cernitur, aut vsquàm miseræ se opponere cladi.

Currunt ad limen, nec magnis vocibus auras  
Non agitant, sed nulla loco responsa feruntur.  
At Bagoas latè speculans crudefcere cædem,  
Irruit impatiens thalamo, subitumq; timorem  
Facti ignarus adhuc gelido sub pectore captat;  
Vt vero accedit, corpusq; exangue cubili  
(Proh qualis visus, quantum feralis imago)  
Et truncos humeros, & cassum vertice regem  
Aspicit, ac membra in turpi fluitantia tabo;  
Ceu stupet aurora senior redeunte colonus  
Ante fores proceram vlmum, ramisq; patentem  
Conuulsam ab radice videns, quam nocte sub alta  
Disiecit Pater omnipotens, & fulmine adussit:  
Sic Bagoas tanto aspectu conterritus, amens  
Dirigit, dolor, & luctus, tum conscia causæ  
Mens agitat, mixtaq; pudor formidine torquet.  
Continuò erumpens cœlum mugitibus implet,  
Percussusq; manu pectus, crinemq; fluentem  
Vociferat. Quid statis adhuc? superauimus olim;  
Assyrij, nunc versa gradum fortuna retorlit,  
Ac demum illudit victis; heu! fœmina palmam  
Vna tulit; stratis iacet ille miserrimus aureis  
Auulsus caput, & latè sola sanguine fœdat;  
Nusquam ipsa apparet. tua me, tua nuper imago  
(Nunc memini) in somnis monuit, mitissimè Diuum,  
Hinc fugere, & cursu tantum vitare furorem;  
Agnosco, sectorq; lubens; nec deinde moratus



Quadrupedantis equi dorsum premit, altaq; linquit  
 Castra fuga volucris, quâ limina tuta pateſcunt.  
 Nempè quieſcenti ſpecies apparuit Orci,  
 Et Deus ( vt perhibent ) Ægypto cultus Oſiris,  
 Nigrantis vituli totum quem pellis obibat.  
 Auro picta vngues, ipſe vnco nixus aratro  
 Triftior haud vano Bagoam ſermone monebat.

Infelix, vigila, & terris fuge, nate, prophanis,  
 Nî facias, clades heu proxima te ſimul ipſum  
 Opprimet; ira Deûm damnis vos afficit iſtis;  
 Certa loquor, certus veri tibi nuntius adſum,  
 Quandoquidè tua me pietas, & victima noſtris  
 Multa cremata focis, quicquid turbauerit Ochus,  
 Impulit, atq; tuam docuit curare ſalutem.  
 Hinc quoq; ſacrilegum, ſi quid mea numina poſſunt,  
 Supplicia hauſurum ſpero. ſic ore locutus  
 Extemplò celer in liquidas euauit auras  
 Adſimulans taurum mugitibus. ille ſopore  
 Excuffus tanto ſonitu, viſuq; Deorum  
 Emicat è ſtratis, ſtrepitumq; exterritus audit,  
 Clangentesq; tubas, vicinaq; funera cernit.

Ergò veridicus turbata per agmina rumor  
 Diditur Abdaridem dextra cecidiſſe puellæ,  
 Altaq; tollentes oculos ad mœnia notum  
 Pendere exanimum ſumma caput arce tuentur;  
 Continuò percuſſi animi, gelidum ima timorem  
 Viſcera concipiunt, confuſas triſtibus aufert

Ipse Deus mentes, & magno numine terret.  
Haud secùs infecti quà fortè per aëris oras  
Infausti ardentes radij fulsere cometæ,  
Hùc oculos vertunt populi, ancipitesq; maligno  
Horrificas metuunt portendi a sydere clades.  
Iamq; adeò sua cuiq; fugam spes suadet, & omnis  
Immemores famæ, ac turpi formidine capti  
Præcipites, vt corda malum calcaribus vrget,  
Non vllò fugiunt abiectis ordine telis,  
Castraq; deltituunt glomerati, atq; ostia rumpunt  
Concursu, nulla est tanto sat porta furori.  
Audent Isacidæ magis, & magis hostibus instant,  
Atq; aliqui nacti palantes corpora saltu  
Transmittunt in equos turbam præuerrere nixi.  
Protinus aggressus Gaddus Xersemq;, Rabumq;  
Sternit humi arreptos, mediumq; ad cingula scindit.  
Cæsarie Sibarim flaua, tunicaq; superbum,  
Persica cum lachrymis multo quam neuerat olli  
Foetam auto mater, pueroq; aptarat habendam.  
Hinc Artabazo caput aufert, labra querelas  
Dant (res mira) diù, lamentaq; trunca volutant.  
Alzerben Lysias, Medarsen fundit Amyntas.  
Sæuit Aristobolus palantia multa trucidans.  
Corpora; Sinnochium, Selymum, fratremq; Moluchem.  
Ciuibus adscribit Itygijs, nec Parthica virtus,  
Nec fuga, seu versæ miseros iuuere sagittæ.  
Haud minor Abdiæ cædes, & funera campis.

Inuicta dat larga manu, Phorcumq; rapacem  
 Aurea nocturni cunctantem ad pocula furti  
 Aggreditur, leuumq; hasta transuerberat inguen  
 Calce premens victum: dein ferro nixus eodem  
 Ecce Dionæum latebras, & tuta petentem  
 In latus, inq; sinum geminato intercipit ictu:  
 Carminibus non ille suis ea præmia nuper  
 Finxerat, aut Solis talem sperauerat ortum.  
 Hæc dum sub portis ingenti strage geruntur,  
 Ecce recens ira totis sublatus ab ictu  
 Hostem Rameßus quærebat mœnibus Indum.  
 Respexit tandem fugientem, & magna secantem  
 Telluris spatia, & sublimi vertice euntem,  
 Ac trepidum appellans. Quò te rapis? en tibi nostri  
 Copia, non obsta nt socij, scutilq; tuentur  
 Opppositis; videorne humilis tibi deniq; præda?  
 Aurea quâ lænam mordebat fibula, ferrum  
 Abdit Amalcani; cadit, & centum opprimit ille  
 Mole viros; qualis concussis ariete turris  
 Parietibus ruit ad terram, quæ vertice Olympum  
 Æquabat, vastamq; trahit conuulsâ ruinam;  
 Talis Amalcanis casus, tantumq; propinquis  
 Attulit exitij. tum contrâ. Haud hæc tua virtus,  
 Nec me terruerint quicumq; hominumue, Deûmue;  
 Quicquid id est, vincor fatis. neq. plura locutus  
 Indignans immanem animam rabido euomit ore.  
 Vrget Rameßus Theramantem; protinùs ille



Immemor haud fraudū (quamquam nec fraude furorem  
Vitare hunc potuit) se postquam in limine lethi  
Aspicit, effugiumq; negat ferus, & premit hostis,  
Voluitur, atq; illi post tergum cœu grauis ictus  
Ingruat. hæcne adeò iuuenis tibi dira cupido est?  
Quin animam ipse tuam seruas priùs? aspice quantus  
Miles ab Assyria lethalibus imminet armis.  
Dixerat: Argiuo conuertitur ille relicto,  
Datq; fugæ spatium; volat alter, & eripit hosti  
Se procul, & missa leuior secatur arua sagitta.  
Irrepsit pudor Hebræo, atq; insania luctum  
Decepto ciet, & iustis efferbuit iris:  
Connixus, totisq; insectans viribus adstat  
Sollicito, iam, iamq; tenet, terræq; prehensum  
Applicat increpitans. Tune hinc euadere speras,  
Improbe posse dolis? tibi non cum sanguine Graio,  
Quem tua fraus toties accepto prodidit auro,  
Res geritur, dabis amborum mihi, perfide pœnas.  
Sic ait, & laua mentum vrgens, terq; quaterq;  
Luctanti bibulum sub costas exigit ensen.  
Vulneribus cruor, atq; omnis stridentibus exit  
Halitus in ventos. neq; segniùs ille fugaces  
Persequitur reliquos largæ dans stragis acervos.  
Ipse quoq; occisis exultat Lazarus Indis,  
Et Bethanæ parat exuias, quæ corda nepotum  
Ad pulchrum accendant solidæ virtutis amorem.  
Hic aliud dirum miseris occurrit Eois.

Ecce Elephantorum tantis in motibus agmen  
 Immani terrore agitur, fugit horrida classis  
 Et consanguineas proculcat in aggere turmas.  
 Sic certi occumbunt vrgentibus vndique fatis,  
 Nec fuga palanti, ac trepido cita sufficit hosti.

Interea Ozias equitum mandata cateruis  
 Miserat, expediant alas, vallumq; bicornes  
 Circumeant, quâ se se oriens Sol aureus infert,  
 Impediantq; fugam. qualis cum buccina signum  
 Curriculo dedit, arrectis equus auribus acri  
 Pulsat humum pede, tùm crebris hinnitibus auras  
 Impatiens frangit, laxatis deniq; habenis  
 Haud datur vlla quies, dum metam attingat, & omnem  
 Dimensus victo confecerit æquore cursum.  
 Non secus Heroum tali pro munere læta  
 Pulchra phalâx volat, & pavidum supèr irruit hostem  
 Balthasar hic Cencri per collum dirigit hastam,  
 Eripuitq; diem; tùm demum lumine casto  
 Nequicquàm fulsit lux non incerta, nec ipsum  
 Tartarei latuere doli, tum fallere sensit  
 Extâ, nec Inferni casum docuere magistri.  
 Efron Dorcantem ferit æmulus; ilicèt aureum  
 Per thoraca viro sub pectore condidit alnum;  
 Axorem solam, solum suspirat amorem.  
 Ille cadens, mœstusq; inamœnum fertur in Orcum.  
 Horum iam portas euaserat æget vterq;,  
 Credideratq; necem cursu vitare sequacem

Frustrà, insperatas assumpsit scilicèt alas.  
 Non aliter pastor, cùm tempestate coorta  
 Horrificus durum suprà caput imminet aër;  
 Nondùm crescentem securus traijcit amnem;  
 Sed torrente nouo mox interceptus, & altis  
 Inclusus ripis largum non effugit imbrem,  
 Ac miserum pulsant crepitanti grandine nimbi.  
 Post alios æquè pavidos extra ostia valli  
 Obtruncant, densi super hic, super ille volutus  
 Occubere, fuga Persæ dum tuta requirunt,  
 Arma vetant, magnoq; viam negat obice victor;  
 Itcœlo gemitus morientum; haud ferrea tantùm  
 Vox mihi, quæ cædes æquet, memoretq;, fugaces  
 Assyrios miseri casus quicumq; sequantur.  
 Hic dum barbaricas debebant arma cateruas,  
 Hebræa, & largos properabant stragis acervos,  
 Parte alia Ephræmus Solymum præcesserat agmen  
 Anteuolans per iter notum, & vestigia primùm  
 Obseruata legens, aditus quàm tutus ad urbem;  
 Nam simul ac pugna strepitum procùl inscius hausit,  
 Egit equum, & stimulis pupugit pernicibus armos.  
 Fortè fuga dum tuta petit formidine demens  
 Auius, ignotaq; errans regione viarum,  
 Occurrit Bagoas, seq; obuius intulit hosti.  
 Hic habitum, & notos Pharij speculatus amictus  
 Cunctatur, quidq; ille ferat, quæ nomina, poscit.  
 Sensit se Bagoas lapsum, & properantia longè  
 Y Agmi-



Agmina respexit, vocemq; audiuit equorum;  
 Collegit subito mentem, sermoq; patebat  
 Ut fortè Hebræus, patrem mentitus Iudam  
 Continuit gressum, atque hilari fert talia vultu.

Vana petis? ducisq; moras? quin sumere pennas  
 Est æquum, ò socij, & talaria nectere plantis,  
 Ne vestras ingens fugiat victoria palmas.  
 Assyrij tremefacta fugæ cita terga dedere:  
 Nuntius ad Solymos facti feror, istaq; victor  
 (Exuuias cæsi Persæ) gestamina porto.

Haud reperit fraus vana fidem, nam cognitus hosti  
 Sat Bagoas; tunc Ephræmus subcanduit ira,  
 Mentitiq; supra caput adstitit, atq; ita terret.  
 Tunè adeo versare dolos impunè putasti,  
 Semiuir? is tibi sum, facile quem fallere possis  
 Fœx hominum? haud plura, & vinclis exemerat ense  
 Fatiferum, iam iamq; ferit, ni deniq; falsus  
 Se Bagoas hostem supplex, veniamq; precatus  
 Placasset iuuenem. tum cæsum à vindice Regem  
 Iuditha, & pelli captas terrore phalanges  
 Confirmat Syrias. vocat ergò Ephræmus amicos,  
 Elabi & Bagoam tutò finit; ille periclo  
 Cautior ingenti rimatur opaca viarum,  
 Et celer Hebræos per sylvas effugit enses.  
 Quàm cupidè rigui properant in pascua campi  
 Agrestum spes magna, boues, aut agmen equarum,  
 Quò repetita sonis inuitant cornua raucis:

Sic celerare gradum Solymi, generosa cupido  
 Afflat amore nouo, & pedibus pudor addidit alas.  
 Continuò rapiunt dextri breuiora viarum,  
 Præuerri quâ posse putant fugientia regis  
 Agmina, præ cunctis Ionathas flagrante iuuenta  
 In plagas, cædesq; ruit, quò pellere virtus  
 Æmula, quò laudis gaudet stimulare cupido.  
 Quis primus? quisnam ille fuit, qui vulnera gentis  
 Pertulit, atq; recens cecidit moriturus in agmen?  
 Dorile tu miserande puer, non funere tali  
 Digne puer, sed cuiq; diem præscripsit Olympus.  
 Ipse ego, quicquid victuris, ab origine chartis  
 Virtutem, fatumq; tuum lachrymabile texam.  
 Hic Ladonte satus Phrygio, charissima nuper  
 Abdaridi facies, mansit dum vita superstes.  
 At pater ætati metuens, aut fortè mali mens  
 Præsaga, vt superi quadam vi sæpè futuri  
 Semina subijciunt animis, furtimq; ministrant,  
 Illum hesternâ luce vocauerat, estq; ita fatus.  
 Nate, vices rerum, & mea me inclinata senectus  
 Admonet haud vltra famam celare tuorum.  
 Ipse animi, bellique potens melioribus annis  
 In Phrygia florebam aula, cum fortè puellam  
 Deperij Cindam; tum filia regis amores  
 Sensit furtiuos, & me supposita tefellit  
 Termopyle Abdaridem inatei no sanguine tangens.  
 Et iam Luna suum nouies lustrauerat orbem;

Cum teneros ingens miseræ dolor occupat artus,  
 Et tandem emittit vix fœtum, teq; dat ista  
 Luce frui, & Cindæ puerum moritura relinquit,  
 Semotisq; alijs sic est affata scientem.

Nunc me fata vocant (adeò pretiosa libido  
 Nostra fuit miseræ) neq; fas educere matri  
 (Cernis enim) puerum; per verba hoc vltima pignus  
 Dò tibi, quæ sola es nostræ non inscia culpæ,  
 Sola comes; tu, si qua fides sub lumine cœli est,  
 Per dextram hanc iuro (dextram tetigitq; puellæ)  
 Per si quid merui (sileo quæ plurima) tecum  
 Carpe lubens; hunc tu cura clàm nomine facti  
 Pascendum, sanguis meus est, me charior ipsa;  
 Sis custos, materq; illi; neu rebus egere  
 Forte time, sunt hic gemmæ, sunt aurea signa  
 (Heu quondam Dominæ) sume hæc, & consule nato.  
 Iamq; vale. dixit, vitamq; in voce profudit;  
 Mortem omnes norunt, causam pars criminis vnus  
 Senti ipse, & tristis veterem execrabar amicam,  
 Exemplò, ne res deprendi indagine posset,  
 Ignoti noctu fugimus, penitusq; silentem  
 Fiscella eripimus, patrijsq; excedimus aruis.  
 Haud memorem arumnas varias, superataq; nobis  
 Flumina. præruptos montes, nemorumq; latebras,  
 Donec ad Assyrios deuenimus; hic quoq; matrem  
 Amittis reliquam; creuisti, & cætera nosti,  
 Militiamq; vides nostram, ferosq; labores.



Si quid erit, quo me celeri dent fata sepulchro,  
 Disce genus, spesq; inde tuas, natalia regna  
 Assyrijs si forte in eas auctoribus olim,  
 Troianas & opes, proauitaq; sceptrā receptes  
 Sentiet hinc magni causas cognatus amoris  
 Deniq; Holophernes, auroq; armisq; iuuabit.  
 Dixerat; exitium cecinit sibi ritē propinquum;  
 Sed regnum pueri tenues effugit in auras;  
 Nam simulac gentis cœpit fuga Sole secuto,  
 Terga dabat pariter reiectis Dorilus armis,  
 Cui pulchro ante alios vultu, & florentibus annis,  
 Nondum vernabant tenera lahugine malę,  
 Et niueum flauens Syrio comā fusa liquore  
 Pullabat collum, sudor teres ora rigabat  
 Quales aut sparsæ prinia sub luce diei  
 Rore micant herbe, aut gemmis interlita vestis.  
 Talis erat pueri vultus, crinesq; decori;  
 Ipso etiam; quo plenus abir, de puluere manat  
 Gratia, tum pallor gelidus decus addit eunti;  
 Ponē sequebatur genitor, iam tardior auro,  
 At puerum Galikæa fuga deuexa secantem  
 Ecce minis Sarchon terret ferus, & premit hasta.  
 Clamauit supplex senior, palmasq; tetendit.  
 Me potius, me funde solo, non criminis iste,  
 Consilij uē potens, nec vos exterruit armis,  
 Ipse hostis, vestrum ipse latus mucrone perit.  
 Restitit acer ad hæc, tenuitq; à vulnere ferrum.

Ifacides ; alia saxum sed parte volucre  
 In caput it puero , nec flauos sanguine crines  
 Non maculat , nec colla simul non lactea foedat.  
 Non secus ac si purpureo quis murice fuluum  
 Aurum internectat fingens , minioq; rubenti  
 Pingat ebur ; cadit infelix , languetq; sub ictu  
 Exanimi similis . quæ spes succurrere nato ?  
 Quid faciat pater ? abscedit turbata malo mens ;  
 Nec mora cunctantis lateri se missile telum  
 Inijcit , & calidum potat de pectore flumen .  
 Suspirat miser , ac terram premit ilibus ; atra  
 Inuoluit nubes oculos , & dimouet auras .  
 Dorilus vt primum duro se se æger ab ictu  
 Extulit , & mentem lapso procul hoste recepit ,  
 Vnum inhiat genitorem , vno in genitore moratur ,  
 Ac demum canos maculantem sanguine crines  
 Aspicit , exanimumq; ; haud vis , haud spiritus olli ,  
 Tum pulsat gemitu , & crudelibus astra querelis .  
 Tantanè te natum tenuit superesse voluptas ,  
 Heu Pater , vt pro me velles occumbere morti ?  
 Et viuo , ingratusq; adeò tua funera cerno ?  
 Haud ita ; sed quia non aliud fortuna reliquit  
 Chara legam , & si quâ potero , dabo membra sepulchro :  
 Tu tenue hoc ista nunc pro pietate leuamen  
 Accipe , mox de me manes , aut sydera curent ;  
 Hec mihi regnorum species , hæc pignora sunt .  
 Sic ait & corpus tumulis exangue parentis

Extu-

Extulit, atq; sinum facilem quærebat humando.  
Forte fuit specus, & vacuis vicina cauernis  
Spelunca, obscuræ fauces, atriq; recessus;  
Huc se se Phrygius fert, limina iamq; tenebat,  
Limina, quæ multi frustra sperata perebant;  
Ecce autem Ionathas, Solymumq; accesserat agmen,  
Cum leuis in puerum subito lethalis arundo  
Labitur, atq; altè terebrat latus, ille cadauer  
Saucius ex humero ponit, nec se regit, & iam  
Collapsus, super incumbens; quod deniq; possum  
Te Pater ore tegam, nec prorsum inhumatus abibis.  
Dixerat; ingemuit Ionathas, vt vidit, & ipsum  
Eloquio spirantis adhuc cognouit amorem,  
Et formam, & lethum pueri miseratus acerbum est.  
Tum focijs. haud bella pijs inferre putabam;  
Corpora quin aliquis leuet hæc, tumuloq; recondat.  
Hæc pietatis habe, & duræ solatia mortis,  
Ne dubita, vitamq; puer, melioraq; fata  
Promerite. Hæc fatur Ionathas, cum pallida nigros  
Concessit pueri ad manes, artusq; reliquit  
Vita minus tristis promisso: qualis honorem  
Inteclusa solo, desertaq; lumine fratris  
Amittit Phœbe; talis languebat in ipso  
Dorilus oecasu, & lacrymas vel ab hoste ciebat.  
Hic noua res Solymis, atq; improuisa repentè  
Obijcitur, primoq; obtutu pectora turbat;  
Hormus quandoquidem, latebras vt forte sub illas



Detulerat se se, vel cogere monstra paratus,  
 Vel certus, si dicta negent, abrumperé vitam,  
 Responsis tandem haud monitus, nec vocibus ullis,  
 Agmen ubi ad fauces inimicum sensit adesse,  
 Erupit; non sic stygijs horrenda cauernis  
 Tisiphone ruit, aut tali tonat aspera voce,  
 Quantus agit senior se se impius, atraq; linquit  
 Ostia vociferans, sonitu quo territa tellus  
 Succutitur, curuoq; vlularunt fornice montes;  
 Viminéam dextra virgam quatiebat, & ignis  
 Vndabat niger ex oculis, tum visus ad auras  
 Attolli, nec triste solum contingere planta.  
 Attonitis hæfere animis sub imagine prima  
 Ifacidae; at curas demit, soluitq; timorem  
 Conscijs Ephræmus; nempe hic ille (admonet) ille est  
 Inuentor scelerum; quid statis? & ista pauetis,  
 Cunctantes socij? vestra est ea præda, nec ulli  
 Mors inhiat tantum capiti: hæc ubi dicta, prehensum  
 Continuo exturbat, trepidumq; volutat arena,  
 Certatim feriunt alij, super ingruit ingens  
 Telorum seges, & fossam regit horrida sylua;  
 Ille etiam extrema metuendus morte pauorem  
 Victori incussit cuneo, turpemq; profudit  
 Trux animam, horrendis & calcibus impulit auras.  
 Inferni circum manes rapiuntq; trahuntq;  
 (Debita iura sibi, ac teneris deuota sub annis)  
 Sacrilegum: extemplò densa cum grandine mixta  
 Tem-

Tempeſtas oritur, Cœlum nox eripit atra.  
Interea haud patiens, laudiſq; incenſus amore  
Centenis equitum præceſſerat, inq; quietus  
Bethuliae Ionathas ſe ſe coniunxerat armis.  
Ingemuit, poſtquam cædem, atq; arua omnia vidit  
Exanimis reſperſa viris, infraſtaq; tela  
Aduentum inculans tardam, ſeroſq; labores;  
Reliquias tamen inſequitur feſtinus, & Eunum,  
Ammonijs quem fruſtrâ Achior quæſiuerat antè  
Præfectum, fracta ad ſcapulas tranſuerberat haſta:  
Et ſupèr exemptum vinclis pulmone ſub ipſo  
Tigrani Armenio capulo tenùs occulit enſem,  
Qui famam, & titulos demens iactabat auitos.  
Quis memoret denſas acies, turbamq; minorem;  
Quam Ionathas totis proſternit feruidus agris?  
Ceu poſtquam effudit largis ſe ſe imbris aer  
Noctes, atq; dies, riuosq; amnesq; repleuit,  
Terribiles, Atheſiſuè Pater, Tyberisue Latinus,  
Eridanusuè petens centeno flumine pontum  
Omnia vaſta trahunt, ſegetes, & pingua culta,  
Et pecora, & ſyluas magnas, & ſaxa domorum.  
Haud ſecus Aſſyrium morientia corpora victor  
Aggerat, & rubris iuuenis dat funera campis.  
Ipſi quinetiam focij, quos impetus idem  
Impulit, haud cædi parcunt, neq; ſegnius vrget  
Parte alia Ephræmus, reliquas qui adduxerat alas.  
Torgus adhuc inuictum animum prætenderat vnus,

Abdaridisq; vices cæsi suppleuerat ardens,  
Nunc hos nunc illos reuocans, populumq; fluentem  
Sistere conatus nequicquàm, namq; salutem  
In pedibus, celeriq; fuga sibi quisq; locarat;  
Nec cohibere suos, hostiq; obstare furenti  
Sufficit, & raptus fugientum à millibus it vi.  
Hunc vbi respexit Ionathas subsistere solum,  
Inuitumq; trahi, se seq; opponere stragi  
Terribilem, magnosq; animos præ se ore ferentem,  
Emicat, atq; aperit cuneis hinc, inde resectis  
Fulmineo mucrone viam, terit vngula Persas  
Vndiq; quadrupedis, prostrataq; corpora saltu  
Transuolat, illum ensisq; sui, iustiq; furoris  
Haud prædam ratus indignam, caput inter & hostes  
Non humile: vt timidas interdum incedere contra  
Magnanimus leo, cui prædæ generosa cupido,  
Indignatur oues palmam aspernatus inanem,  
Sed taurum ingentem potiùs, simul ore vomentem  
Flammas, & cornu ventos in bella vocantem  
Aggreditur, sparsoq; feri se tingere gaudet  
Sanguine, & ex alto gestit capere hoste trophaum  
Sic ruit in Torgum iuuenis, iamq; imminet olli  
Flammeus, & suprà librato constitit ense,  
Dirigit subito sanguis, gelidusq; cucurrit  
Per venas timor Eoo, nullum ante timorem  
Qui norat, maiusq; viro procedere quicquam,  
Illa nec ambiguus mortalia cogitat arma.



Se tamèn actutùm reuocat , contraq; minantem  
 Vrget equum , fistaq; merum ferus occulit ira ;  
 Sed non aduersum fas est euadere Martem ;  
 Transadigit ferrum costas , imisq; cruorem  
 Visceribus bibit , & solidum thoraca recludit  
 Post tergum quoq; , nec triplex corij ordo resistit ,  
 Ingentiq; animæ duplicem patefecit hiatum .  
 Voluitur is moriens ad terram , nulla suiq; ,  
 Ni generosa , memor fatis dat signa supremis ,  
 Et vita in nigrum descendit tristis Auernum .  
 Tùm reliqui prostrati hostes , premit omnia Victor .

SIC laudes diuina tuas IVDITHA canebam ,  
 STempora Phœbæa possem quò cingere lauro ,  
 Captus amore operis tanti , audaciq; iuuenta  
 Fretus , dum longè à patria versatus in aulis  
 Seposui interdum quæ sita per ocia curas .  
 Auspicibus donec Superis , & Principis aura  
 VRBANI , mundo columen quem fata dederunt ,  
 Se labor in lucem maturo tempore ferret .  
 Atq; vtinàm tua carminibus se gloria nostris  
 Insinuet sensim , & mansuro nomine firmet .  
 Quod si non Indi , ac posteq; sub Sole cadente  
 Extremæ accipient gentes , non torrida Cancro  
 Littora , nec gelida longè plaga dura sub Arcto ,  
 Ausonijs saltem numquam debile regnis  
 Viuat opus , serique obliuia transuolet æui ,

Laudata & misero medeatur foemina mundo.

Non ego tunc auro malim ditescere fuluo

Obsequium mortale metens; facile interit aurum,

Interiere, quibus vis auri plurima, regum

Nomina quinetiam magnorum abolere vetustas

Affolet; vna manet virtutis fama decoræ.

Tuq; adeò, quam Sol rutilo circumdat amictu,

Candidaq; auratis blanditur Cynthia plantis,

DIVAPARENS, eadem (dictu mirabile) VIRGO,

Annuë; quicquid erit decoris, tibi seruiet vni;

Gloria tota tua est; tibi fas me accepta referre

Ingenij monumenta mei, vitamq; periclis

Ereptam, & puri reparatum luminis haustum,

Ales ceu reparat Soli sacer igne iuuentam.

Hæc tibi non vno in templo votiua tabella

Pendeat, ast hominum seclis æterna futuris

Innumerae sint templa manus, hîc te omne celebret

Deuotum mortale genus, te scilicet ipsam

Agnoscet, palmamq; tuam; tu maxima Vindex

Quandoquidem stygij secuisti colla Tyranni.

Sed quia cum nequeat veros effingere vultus

Numinis, humanos imitatur pictor amictus,

Oraq; propterea nostris cum promere chartis

Non ego te possim, signa inferiora secutus

Iuditham elegi, Iudithæ lumina pinxi;

Illa tamen, Regina, tuæ virtutis imago est,

Quantum & fas nobis, aliena in veste refulges.

LAVS DEO, ET VIRGINI MATRI;

BARTHOLOMAEI  
TORTOLETTI  
SAC. THEOL. DOCTORIS  
I V D I T H A  
VINDICATA





## AD LECTOREM.

**S**iquid te laesit IVDITHA in Vindice, Lector,  
Has, probe, Vindicias perlege, sanus eris.

# IUDITHA VINDICATA.

CONSILIVM AVCTORIS  
exponitur.



Gitur annus fortassè vigesimus, postquam Iuditham vindicem Poëma Epicum scripsimus, & quòd per nostrum ingenium licuit, à præceptis, exemplisq; meliorum non alienum. At illud quidem siuè incuria, & contemptu, siuè curarum magnitudine, atque inopia temporis in obscuro hucusque iacuit; ità ducente fortassè Numine, quò VRBANI VIII. Sapientissimi Principis, mihiq; vt bonis omnibus, optatissimi auspicijs ederetur: hæc enim rerum, quæ produntur ingenio, felicitas est, nancisci Principem, qui annuat. Deterruit etiam diù multitudo obiectionum, cum partes aliquæ per manus hominum euolassent, nam quanta res sit, in amplissimo eruditorum theatro exponere ingenij fœtus, quàmq; arduum varijs mortalium sententijs scribendo satisfacere, quisquis scripsit, testari potest;

potest; quod si singulis studere velis, nemini places. Vicit tandem animi magnitudo quædam, & laudis amor; Homero, Virgilioq; principibus poetarum inuenerunt, quid obijcerent; si nobis parcerent, illud summum, firmissimumq; argumentum foret nullam nostri poematis à viris doctioribus rationem habendam censer; cumque alios eundem conatum aggressos comperissemus, videndum nobis fuit, ne noster sit irritus, atq; eorum saltè gloriam augeat, qui melius dixerint, neque à nostra dignitate fortassè abest alios scribere, quod ipsi elegimus. Vicit (quod caput est) pietas, ne Votum Diuæ Virgini, præconium, qualecunq; sit, Vicitrici Viduæ, quasi malo dolo negaremus. Si cætera reprehendant, hanc sanè partem damnare nequaquam poterunt. Igitur in lucem Iuditha nostra progreditur. Ego verò quæ colligere argumenta aduersus ipsam iactata, depromptaque utcumq; potui, ijs ut occurrerem, nouum hunc laborem suscepi sedulò, & quam compli, ornauiq; Heroidem, etiam defendere, & sartam tectam dimittere operæpretium existimaui.

Quæ autem meorum consiliorum ratio fuerit, ea mihi explicanda videtur prior, ut parato aditu expeditior ad reliqua sit progressus; nam cum hoc præsertim discrimine à brutis animantibus distinguamur, atq; ad Deum propiùs accedamus, quod illa partim naturæ ductu, partim casu omnia gerant, nobis verò electioni, & consilio locus sit, qui sine consilio rem quampiam aggrediatur, hu-



humanitatem ille, dignitatemq; abijcere videtur.

Ego vel à puero Philosophiæ, ac Theologiæ, quæ solida mihi studia proposui, operam dedi; etenim quæ ad actionem spectant, inferiora ratus optimam partem cum Maria eligere non dubitavi, qua non ea, quæ corpori seruiant, sed quæ animum immortalem, ac diuinitatis participem nutriant, ducantque quasi manu ad eum, à quo suam originem deriuauit, quiq; vltimus illi constitutus est finis, amplissimè continentur: cætera quippè omnia, quæcunq; sint, aut interiere, aut interibunt, neq; ex hac vita quicquam superest præter cognitionem, amoremq; Numinis, à quo vnò certa in beata æternitate domicilia speramus. Prò me quoq; facere videtur, quæ apud Platonicos opinio est, qui felicitatem in contemplatione, non in actione collocarunt, quiq; Heroes Deo patre genitos, vt Orpheum, Æsculapiumq; contemplationi, Dea matre, vt Achillem, atq; Æneam, actioni addixerunt; præter vnum Iouem, qui cum actioni prepositus sit, filios quoq; actores genuisse creditus est. Quæ quidem cogitatio, antequam ad negotia accederem, animum tenuit: Vbi Romam concessi, contemplationis studia exuere, actionis induere necesse fuit, atq; ita comparari, vt intelligerem seruiendum esse tempori & loco, prout, quò oporteat per prudentiam ducuntur ingenia. Quod si ocij quidpiam nactus sum, animus haud dubiè ad se ipsum reuersus est; ea tamen ratione, vt actioni num-

quam contemplatio obfuerit, actio contemplationi plurimum. Ex quo minùs audiendi videntur ij, qui speculationes, & politiores litteras segregant à negotijs, quæ finè earum ductu ritè prouehi neutiquàm possunt, imbuuntq; hac opinione Principes, vt suis impensius interdicant litteris, quàm vitijs, eò proniores, quò infrà maiestatem suam rentur, si inter seruitia reperiatur, qui haud seruilibus disciplinis animum excultum præferat, & dominis parem, quiq; præter officia seruitutis, atque umbram Principis propriam famam mereatur. Hæc prò re nata; nunc ad inceptum redeamus. Verùm enim verò cum animus qui ex sui natura deficere, frangiq; lassitudine minimè potest, vitio tamèn corporis, vt pleraq; induit deformitates, polluiturq; quasi contagio, ità fessius quoq; assiduus contemplationibus languet, egeatq; adminiculis ad reparandas vires, mihi itidem adminicula eiusmodi quærenda videbantur, quæ à grauioribus studijs animum leuare possent; cum autem nullo eadem adminiculo recreari fas sit, præter statum, & quietem, quæ in vno Deo post humanæ vitæ curriculum continetur, proptereaq; nunquam vacuus semper operetur, atq; ab actione in actionem commigrans ibi quiescere videatur; vbi aliud agit ab eo diuersum, cui pridem defatigatus incubuit, rem idcirco in primis suauem, neq; affinitate à summis contemplationibus alienam, quò me natura vocitabat haud temerè amplexus sum, nullamque ab homine ingenuo

amœni-

amœnitatem Musarum hortis anteponendam esse existimaui, quò diuertens tantis pèr animus cum dignitate, fructuque recreetur. Et Philo quidem disertissimus Iudæorum, qui poëseos naturam intimè præ cæteris attigisse mihi videtur, in eo, quòd deterior potiori insidietur, commentariolo, poëtarum summum esse demonstrat Deum, poësim opera ipsius absolutissima, perfectissimaq, quorum consensione harmonia, & concentus oritur iucundissimus, neq; aliud esse poëtarum artem, quam diuini opificis imitationem. Idem ferè Pythagoras docuit. Idem Plato, qui in Timæo ex convenientia, proportioneq, numerorum ad Musicam pertinentium animam mundi conflauit. Nec abesse videtur Aristoteles, qui poëtam philosophum dicit perfectioni inbiantem, & non quemadmodùm res fuerint, sed qua ratione fieri debuerint, exhibentem. Neque abest sententia Proclus, apud quem hominum vita rectè disposita consonantiam morum, & actionum concinnitatem à superis suscipit. Immò verò antiquissimos poëtarum Theologos fuisse appellatos, resq; sacras mandari carminibus solitas; hymnos apud Hebræos non nisi à Deo per Prophetas, apud Platonem Moysem Atticum non nisi à diuinis hominibus fieri nefas, vt Eusebius Cæsariensis amplissimè docet, compertum est. Ex hoc apud nos quoq; in Cœlo concentus ad laudem Numinis; ex hoc in Ecclesia rithmus, & hymni: neq; illustrius quicquam, aut præstantius in hanc sententiam

dici



dici potest, quam quòd D. Ioannis Chrysostomi in Ps.  
 41. aureum eloquentiæ flumen è naturalibus principiis  
 rationem deriuans disertissimè pronuntiauit; quam-  
 obrem verba ipsa attexere liceat [Nihil animam (inquit)  
 equè erigit, & elatam quodammodò efficit, & à terra  
 liberat, & exoluit à vinculis corporis, & amore sapien-  
 tiæ afficit, & vt res omnes ad hanc vitam pertinentes  
 irrideat, proficit, vt versus modulatus, diuinum cantu-  
 cum numero compositum. Nostra certè natura vsque-  
 adeò delectatur canticis, & carminibus, & tantam cum  
 eis habet necessitudinem, & conuenientiam, vt vel in-  
 fantes ab vberibus pendentes, si fleant, & affligentur,  
 ea ratione sopiantur. Nutrices quidè certè, quæ eos  
 gestant in vlnis, sæpè abeunt, & redeunt, & quæ-  
 dam puerilia eis carmina decantantes supercilia eorum  
 ita sopiunt. Quocircà sæpè quoque viatores meridiè  
 agentes iugalia animalia hoc faciunt, canentes, & iti-  
 neris molestiam illis canticis consolantes. Nec solum  
 viatores, sed etiam agricolæ vuas in torculari calcantes,  
 vindemiantes, & vites colentes, & quodcunq; aliud  
 opus facientes sæpè cantant. Nautæ quoq; remos im-  
 pellentes hoc faciunt. Iam verò mulieres quoq; texen-  
 tes, & confusa stamina radio discernentes sæpè quidem,  
 & persæpè singulæ, sæpè autem omnes concorditè vnā  
 quandam concinunt melodiam. Hoc autem faciunt  
 mulieres, & viatores, & agricolæ, & nautæ, qui ex ope-  
 re faciendo suscipitur, laborem cautè consolari volen-  
 tes.

res, vt potè quod anima si carmina, & canticum audierit, molesta, & difficilia sit faciliùs toleratura. Quoniam ergò hoc genus delectationis est animę nostrę valdè cognatum, & familiare, ne Dæmones lasciua, & meretricia carmina introducentes omnia euerterent, Psalmos Deus construxit, vt ex ea re simul caperetur & voluptas, & vtilitas. ] Hæc ille vberriinë, & consultissimè. Igitur qui abhorrent à poësi, eos profectò nihil diuinum, & parùm fortè humanum sapere, nihil perfectum expetere necesse est; perfectionis enim effectus primus est, qui oritur, numerus. Quod si Poëtas Plato è Republica eiecit, aut illos meherculè tantì viri opinio profligauit, qui Musis, vt hodiè plerumq; fit, in lupanar deductis mores corrumpunt, & iuuentutem polluant, aut qui rectam de Deo Optimo Maximo opinionem inanum fabularum deliramentis destruere sunt apti, quemadmodum sapientèr Iosephus Flavius contra Apionem professus est. Addo, si rem impensius consideremus, nullum iam scriptionum genus ingenijs patere præter Poësim. Iure consulentium plena sunt omnia, atq; vt olim Tacitus, corrupta Republica plurimæ leges, sic multiplicatis demùm interpretibus corruptas leges iurè possumus affirmare; ordinem inuerrere, quicquam noui afferre neutiquàm possunt. De Philosophis, Theologisq; idem ferè statuèdum Eloquentiæ, præter conciones sacras, occasio deest. Historiæ aut materia non suppetit, aut quis est, cui veritatem afferre intutum non sit?

lit? Poësi aperta omnia fingere; laudare, reprehendere ad libitum potest.

Cum itaq; per interstitia disciplinarum ad Musarum obsequium me contulissē, ingeniumq; huiusmodi amœnitate studiorum aliquantulum excoluissē, ut primū accessit ætas, quæ onus sustinere posse videtur, ad poëma Epicum scribendum statim animum adieci: Venari quippè aut præsentem famam, aut gloriā, & immortalitē nominis apud posteros Odecula, vel Epigrammate inanem esse laborem intellexi; etenim nulla æquè sollicitudo natura mortalibus insita est, ac eternitatis amor, nam quod singulis imbecillitas naturę negavit, id speciei, generi ipsi, quemadmodum tū cæteris animantibus, tū plantis vsu venit, vsque adeo naturę consilium largitum est, ut omnia ad immortalitatem composita fuisse videantur. Hoc ad vitam corporis pertinet. Animus de se ipso incorruptus: at ne quid desit, quod ad tuendum hominem fieri possit, tertium quoddam vitę genus eternitatis cupiditas excogitavit, quo per famā viuat ille post mortem. Agendo Principes, quę scribantur, scribendo cæteri, quę agantur, illud scilicet assequuntur. Porro tenuia carmina neq; satis ingenium produnt, neq; viribus temporis resistere diu valent: in alijs quoq; rebus exemplum sub oculis. Hadriani moles, Amphitheatrum Flauium, Pantheon Agrippę steterunt ut plurimū, edes priuatę, sepulchra, simulacra perierunt. Imāmò verò & Horatius tantus vir, cum maiora



ra poemata non attigerit, inferere se cohorti poëtarum  
veritus est, ait enim Sat. 4. libri prioris.

Primum ego me illorum, dederim quibus esse poëtas,  
Excipiam munero, neq; enim concludere versum

Dixeris esse satis, neq; si quis scribat, uti nos,

Sermoni propiora, putes hunc esse poëtam.

Ingenium cui sit, cui mens diuinior, atq; os  
Magna sonaturum, des nominis huius honorem.

Quę verba omnes cordati viri cōsentiunt ad poëma epi-  
cum, ac Tragædiam referri. Quę cum sic se habeant, vna  
difficultas erat, quid eligerem, cum ab ijs, qui antecesser-  
ant, occupata omnia comperissem, neq; spes esset illud  
fastigium assequendi, multo minùs excedendi. Quocir-  
cā me in huiusmodi cogitatione diutiùs versari oport-  
uit, ac dubitationem, metumq; exuere, cum ritè scri-  
benti vnicuiq; nisi primam, at suam laudem paratam esse  
sentirem. Videndum mihi tandē existimaui, quod  
genus rerum potissimum tū Epopoeiam, tū me,  
deceret, ut ex eo delectum congruentem haberem,  
animaduertiq; ad hominem sacris initiatum nihil con-  
gruentiùs, quā sacra pertinere; plura superesse in re-  
bus sacris, quę vsque adeo mihi laudem parere possent,  
ut laboris nequaquā pœniteret. Argumentum eius ge-  
neris excerpere sine historia me non posse intelligebam,  
nam cū in fabulis profanis, ut infrā videbimus, nouos  
reges, noua bella, si fidem acquirere velimus, effingere  
non licet, tū in sacris maxime cauendum est, ne quid-  
piam

piam affirmemus, quod à veritate sit alienum, non enim sine mendacij tantum, sed sine sacrilegij, atq; impietatis quoq; crimine id fieri fas esset. Res vero gestę, quę ad sanctitatem spectant, plurimę sunt, eęq; in primis nobiles, et eximię: Sed cum duplex, vt cum melioribus sentiã, Poęseos sit finis, alter proximus, qui in voluptate situs est, alter vltimus, qui ad vtilitatem pertinet, quemadmodum prudenter Horatius monet.

Omne tulit punctum, qui miscuit vtile dulci. illud mihi factum ceteris anteferendum arbitratus sum, quod prę ceteris tum delectare, tum prodesse posse videretur, vt si minus alijs in rebus excellerem, ex electione saltem aliquam laudem mereri possem, nam profectò ità à grauissimis viris accepi, optimę inuentioni optimam electionem æquiparandam esse. Eiusmodi Iudithę facinus oppidò videbatur, nam quod ad voluptatem attinet, cum isthęc per ea, quę sunt admirabilia, auctore Aristotele, in eo, quem de Arte Poëtica scripsit, libello concilietur, nihil admirabilius vt crederem posse contingere, animum induxi meum, quam inermem, imbellemque scēminam in medijs innumerabilium hostium castris Imperatori fortissimo necem atferre, popularesq; suos ab extremo periculo vindicare. Qued vt pateat apertius, operę pretium existimaui de admiratione, eiusque fontibus nonnulla breuiter disserere.

Admirationis naturam plurimi obiter attigerunt, Ari-

Aristoteles, Simplicius, Auicenna, Damascenus, Albertus cognomento magnus, D. Thomas, Fracastorius, Buccaferreus, Valeriola, Cæsar Scaliger, alij; nemo ex proposito quod ipse viderim, præter Ioannem Talentonum, qui hac de re in Mediolanensi Academia quæstionem habuit oppidò luculentam. Omnes vero in definienda admiratione de genere consentiunt, in cæteris discrepant: conueniunt enim esse suspensionem quandam animi; sed cum alij ab ignoratione causarum illam deriuant, alij ab insolentia, & nouitate, alij etiam timorem adnectunt, pleriq; voluptatem, in varias sententias diuiduntur quæstionemq; implicant disputando. Ego verò tametsi ex ignoratione causarum admirationē oriri non dubitem, atq; ex schola Peripatetica hauserim hanc fuisse originem philosophandi, tamen cum plura admiremur, quæ sub sensum cadunt, neq; opus est causarum abdita inuestigare, in eorum sententiam facile coëo, qui suspensionem huiusmodi circa res, quæ ab usu quotidiano longius absunt, fieri affirmant, atq; in raritate, aut nouitate discrimen cōstituunt. Et profectò Augustinus Theologorum magister maximus in Ioannis cap. 6. Maius est miraculum ( inquit ) gubernatio totius mundi, quam saturatio quinq; millium hominum de quinq; panibus; & tamen hoc nemo miratur, illud mirantur homines, non quia maius est, sed quia rarum. Neq; in Christum seruatorem, in quo thesauri omnes sapientiæ, & scientiæ Dei conditi sunt, temerè putandum est cecidisse causarum ignorance, cum tamen



ceciderit admiratio, sed cum viris grauissimis, iisdemq;  
 sanctissimis interpretandum à rei nouitate, atq; inusita-  
 to euentu admirationem de fide Centurionis fuisse deri-  
 uatam, miratumq; Dominum, non quod ignorauerit,  
 sed quod antea vel nunquam, vel rarò viderit; poterant  
 enim proficiente etate, & sapientia plura contingere,  
 quibus neutiquam adlucuisset, & per experientia gra-  
 dus incrementum capere, pro vt in 2. Euang. Hist. Cap.  
 quæ à D. Luca conscripta est, planis verbis memoratur,  
 atq; adeò D. Thomas, cuius ore videtur esse locuta  
 Theologia, 3. p. q. 12. ar. 2. litteris consignatum reliquit.  
 Est igitur, nisi fallor, admiratio suspensio quadam ani-  
 mi circa res, aut facta, quæ præter vsitatum ordinem sint,  
 aut fiant, quod si eadem eiusmodi fuerint, quorum cau-  
 sas ignoremus, maior utiq; erit suspensio. Ex his autem  
 deduci admirationem testis est Simplicius in 1. Aristotelis  
 de Coelo librum, qui ait admirabile illud esse, quod na-  
 turæ vsum impensius excedit, vsum inquam, & consue-  
 tudinem, nam quæ suprà vires naturæ sunt, & diuinam  
 potentiam requirunt, miracula nuncupantur. Quæ cum  
 ita sint, tum res, tum facta nobis admirabilia huiusmodi  
 querenda sunt. Res in duplici sunt differentia; nam vel  
 à natura fluunt, vel ab arte, in ijs, quæ à natura, si adsit  
 aut excessus, aut defectus, aut flexus aliquis à communi  
 consuetudine, quemadmodum fit in monstris, ex huius-  
 modi oritur admiratio; quæ ab arte, vel earum materiam  
 admiramur, vel externam illam formam, in qua tum  
 quanti-

quantitatem suspicimus, vt simulacri solaris apud Rhodum magnitudinem, spheræ Archimedæ omnes cœli circulos, & motus breui globo comprehendentis tenuitatem; tùm qualitatem, vt similitudinem, qua ad naturam propriùs accedunt, venustatem operis, industriam, diligentiamque artificis, quo iure cum factis afinitatem quandam habent. In factis ex modo, aut exitu admirationi locus est, cum aut sunt præter propositum, aut præter consuetudinem. Nos factum præ manibus habemus: at in facto modus ille Peripatericorum Principi maximè probatur qui præter propositum contingit, cum per ea nimirum instrumenta, quibus quidpiam efficere studemus, contrariù efficimus, vt in Oedipo videre est, qui eo ipso tramite se in calamitatem præcipitauit, quo calamitatem effugere conabatur, Porro hic modus ad Tragædiam dumtaxat videtur pertinere, non autem ad Epopoeiam, in qua ex mente operantis est quodcunque efficitur. Achilles vlciisci cædem Patrocli, Aeneas in Italiam trajcere, ac domicilium sibi statuere tùm præcipiunt animis, tùm assequuntur. Quamobrem alius nobis inuestigandus est excitandæ admirationis modus in Epopoeia. Atque ego quidem, cùm vniuersam Poëmatum omnium seculorum classem obseruo, in eam opinionem descendo, vt modus ille statuendus videatur, quo vsque adeò septæ, ac præclusæ res difficultatibus afferuntur, vt vix fieri cogitari ve possit easdem vllis viribus explicandas, atq; ad exitum per-

ducendas esse. Eòq; antecellere Heroicam Poësim censeo, quò frequentioribus euentis ad gignendam admirationem nititur quàm Tragoedia. Quis enim vnquam comprehendere animo potuisset Æneam Regina Deorum aduersante, totq; periculorum obicibus longè arcente Italiæ littoribus appulsurum, atque in hoc solo regnaturum? quis Hectorem vniuersi Græci exercitus terrorem, ac stragem ab vno Achille interfectum iri somniasset, remq; tantis nodis implicitam ad hunc exitum peruenturam? Hac ratione si minùs præter agentis propositum succedunt res, præter lectoris, aut spectaturis expectationem, ac fidem planè succedunt, cui nimirum secùs, contrauè omnia videntur contingere debuisse. Quod admiratione dignum esse maxima innuit ipse Aristoteles initio suæ Metaphysices. Ad hoc genus rei mirabilis victoria refertur I V D I T H Æ nostræ, quæ Achillis, atq; Æneæ rebus gestis eò videtur admirabilior, quò difficilius est, ac præter rerum ordinem, mollem fœminam arma tractare, & vincere, quam viros militares palmam ex hostibus reportare. Et quidem id facinus adeò mirabile creditum est, vt omnium seculorum calamis sit celebratum, & pictor vix repertus sit, qui maximum sibi dedecus parari non iudicauerit, si suo Iuditha pennicillo præteriret. Atq; hæc de admiratione, ex qua voluptas nascitur, dicta sint. Nunc quem fructum, vtilitatemq; ex Iudithæ opere percipi posse in mentem venerit, exponendum est.

Qua-



Quatuor enumerat partes Aristoteles, quæ ad constituendum Poëma Epicum requiruntur, fabulam, mores, sententiam, & dictionem, eaq; connexionem, atq; ordine inter se, ut per dictionem sententia, per sententiam mores, per mores fabula ferè exprimentur. Fabula anima est, formaq; Poëmatis, cui mores, quasi habitus annectuntur. Mihi itaq; videndum fuit, antequam in luditha consisterem, fabulanè, moresq; penès eandem, eiusmodi fuerint, qui maximo præ ceteris vsui legentibus esse possint. Fabulam verò non ità à me accipi existiment rudiores velim, ut ludithæ Victoriæ commentum dicam; hæreticum quippè, damnatumq; esset Historiam Sacrosanctis Testamenti veteris voluminibus insertam in dubium vocare. Sed fabula illud totum est apud Poëtas, quod ex rebus veris, & verisimilibus conflatum opportuna constitutione, ac partium ordine continetur. Quod quàm sobriè, ac pudenter in re proposita præstiterimus, patebit inferiùs.

Interpretes diuinarum litterarum increato afflati spiritu duplicem iisdem sensum tribuunt, alterum, quem appellant litteralem, quo illudmet significatur, quod sonat Oratio, alterum mysticum, quo nempè aliud infertur à verbis quidem, ac rebus illis alienum, sed quadam similitudinis, & significationis cognatione affinem. Mysticum itè in tria genera subdistinguunt, Allegoricum, quo illud, quod credimus adnotatur, Tropologicum, quo illud, quod speramus innuitur, Tropologicum

logicum, quo illud, quod operemur præscribitur. Per hos omnes gradus deducendum est gloriosum Iudithæ facinus, ut pateat sole clarius, quàm idoneus à nobis rei delectus habitus sit, quantoq; illa cum iudicio in nostrum laborem translata fuerit.

In sensu igitur, qui ad litteram pertinet, mulierem animaduerti penès quam non temerè ambigas, quæ copiosiora fuerint, animinè, an corporis bona, quæ bonis corporis neūtiqum vtendum censet, nisi cum Deo seruiendum est, ac salutis publicæ consulendum, quæ nullis difficultatum scopulis territa in primis arduum, atq; incredibile opus aggreditur, & per quam feliciter absoluit, mulierem inquam, animaduerti, à qua viri pari pudore, ac fructu petere exempla debeant sapientiæ, ac fortitudinis. Hinc prætereà in medijs amentium Barbarorum castris seruata vidi à foemina pulcherrimam pudicitiam; inde amore, ac luxu Imperatorem pessundatum, deletumq; innumerabilem exercitum conspexi; quibus ex rebus præcepta eruas, tum nihil esse tam arduum, atq; ab humana spe remotum, quod innocentes homines, ac Deo perchari fiducia, & virtute assequi, ac perficere minimè valeant; tum etiam Principes potentia, & præsidij militaribus subnixos, cum venenum lasciuæ libidinis semel hauserint, & rempublicam, & semetipsos in extremum discrimen deducere, ac sinè periculo in locis munitissimis esse neminem, cui suorum scelerum mucrones immineant. Pontificem insuper obui-

um

um habui, prout decet illum ordinem, de religione, ac salute populi sollicitum, Patres sapientes, Ducem vigilantem. Ad allegoricam significationem referri fortasse posse arbitratus sum, quod ad calcem Poëmatism usurpavi, per Iuditham nempe sanctissimam Virginem Deiparam præsighari, quæ ad hoc nata, ut serpentis hostis humani generis immanissimæ caput contereret, gladio æterni Verbi ex utraq; parte acuto de eodem victoriam longè gloriosissimam reportavit, & collapsam mortalium conditionem planè restituit. Ità D. quoque Fulberto Carnotensi persuasum fuit; ità Canisio ex Societate IESU Viro clarissimo qui lib. 1. cap. 2. de B. VIRGINE plura, eaq; admodum luculenta in hanc sententiam locutus est. Quæ quidem res percommoda videbatur, ut typus nostræ salutis sub amœnitate carminum unicuiq; propositus ob oculos, tantiq; atq; adeò singularis Dei Opt. Max. beneficii memoria noua ratione hominum mentibus commendaretur. Tanti autem apud me ponderis huiusmodi ratio fuit, ut cum D. VIRGINI MATRI omnia debeam, non alio me voto obstringendum æquè putauerim, quàm Iudithæ decantandæ, quæ ipsam figura contingeret. Per Analogicam notionem è gloria, quam re fortiter gesta consecuta Iuditha fuit, non abs re esse iudicavi, si gloriam inferremus, qua post Tartarcos hostes Deo auspice profligatos in Cœlesti Hierosolyma perfruemur. Quomodo verò profligentur, tum in litterali intelligentia, prout  
supra



supra ostensum est, tùm etiã in Tropologica exemplum mihi videbar nactus esse valdè splendidum, ac liberale. Cùm enim Bethuliam Assyrijs exercitibus circumuentam intuebar, animam quoq, humanam, Rhabano Mauro, Glossaq; egregiè adstipulantibus, vndiq; libidinibus petitam, obsecramq; summo versari in periculo veniebat in mentem. Cumq; Iuditham in Ciuitate principem fœminam diuina ope hostium Duci inferre necem, & copias validissimas manu Ciuium pessundare animaduertebam, rationem itèm summam animæ partem Deo opitulante, atque inferioribus potentijs eius signa consequentibus frequentem vitiorum aciem debellare posse commodissimè sentiebam. Quæ omnia, antequam animum ad scribendum adijcerem, cùm cogitatione complexus sum, tùm satis probè animaduerti ita se se habere, vt sententiarum quoq; in primis vtillum, salutariumq; egregiè capax esse posset oratio (nam de dictione nihil erat mihi tunc deliberandum) etenim & Concilia erant inducenda, & suasionum, ac dissuasivum adhibenda vis, & sermones, precesq; sedulò elaborandæ. Quocirca cum mihi haud inania carmina in litterarium theatrum exhibenda forent, sed præcepta potius, & exempla ad ciuilem, militaremq; vitam imbuedam magnoperè idonea, non leuem me vñ cum voluntate capere, atq; afferre fortasse posse fructum mortali bus putaui, si Iudithæ victoriam tanta dignitate præstantem Epico poemate comprehenderem.

Huius-

Huiusmodi fuere consilia nostra, quæ si minùs probantur in vulgus, non ero magnoperè sollicitus, cum bonorum, atq; eruditorum hominum ratio habenda sit, quorum iudicio litteraria laus vniuersa continetur; formosa quippè, informiaq; in lumine distinguuntur; in tenebris æqualia omnia.

Hactenus de nostra Iuditha locuti sumus; nunc Iuditham ipsam subiiciemus in compendium redactam, quò faciliùs vno tota pateat intuitu. nam cum olim necdū perfectò opere flagitantibus amicis singulorum librorū argumenta scripserim satis liberalia, quemadmodum ego cum ad ea recolenda animum adieci, atq; acriùs incubui singulis rebus singulas conferens, pleraq; vidisse me fateor neq; satis congruentè inuenta, neq; apte disposita, neq; sibi oppidò consentanea, quæ me antea fugerāt, sic eadem legentibus vsui fore existimo, quò nimirum, an meæ defensionis ratio constet, facilè videant.

## ARGUMENTA

Librorum quinque Iudithæ Vindicis  
afferuntur.

## LIBER PRIMVS.

**M**edia, Armenia, Cilicia, atq; Arabia post communem defectionem recuperatis, Assyriorum Regis Præfectus Holophernes formidabili apparatu Iudeæ

deæ quoque bellum intulerat, illud potissimum indignè ferens, quod Hebræi à patrijs institutis, & religione discedere recusarent, ac Regem pro numine venerari. Quocircà Bethuliam Galilææ oppidum tum natura, tum arte munitissimum, quod ipsi primum obuium fuerat, vigesimum iam diem obsidebat, neque Ciues quamquàm re frumentaria vterentur angustius, quicquam tamèn de priore conatu, atq; animi firmitudine remiserant; cum nefarius hostis humani generis apprehensa muliebri forma, interfectoq; in speciem filio, atq; ad epulas planè composito, pauidam atrocitate exempli Ciuitatem concitauit, atq; in extremum ferè discrimen seditione rem deduxit, cumq; victualia suppetere vltra diem quintum neutiquam possent, de faciènda tum demum deditiõne, nisi Deus opem ferret, coacti Principes decreuere. Eiusmodi periculum speculatus est Deus; tum misericordia in suos, ira in vtrumq; hostem percitus Fortitudini consilium suum de ope ferenda Iudæis aperit, & continuò descendere iubet ad Iuditham, quæ Bethuliæ clarissimis orta natalibus ad Simeonem suæ Tribus fontem, atque originem referebat, & marito ex humanis ablato iamdiù cœlebs, vti forma corporis inter ceteras præcellebat, ita prudentia, & sanctitate morum in admirationem sui excitauerat vniuersos. Mandatorum summa hæc fuit, vt Fortitudo proximas regni calamitates, ac religionis in primis iacturam ob oculos Iudithæ proponat; diuinam omnipotentiam, quæ salutem

per



per infirmiora quoq; præsidia afferre valeat, ad memoriam reuocet, suadeatque, vt conuentum Holopher-  
nem, sibiq; eloquentia pulchritudinis conciliatum ne-  
cet. Fortitudo per eas fores, quibus diuinis ad nos mo-  
nitis patet egressus, quam celerrimè delabitur, Iudi-  
thamq; agrè admodum ferentem eiusmodi decreta, quæ  
in perniciem religionis potissimum vergerent, sub ima-  
gine Abræ nutricis adoritur, atq; in sententiam perdu-  
cere conatur. Iuditha magnitudine rei attonita, quo  
consilio, qua spe ducta tantum facinus suadeat, percun-  
ctari; Illa contrà causasnectere, ac maiorum res præcla-  
rè gestas, prout eximie pulchritudinis præsens pictura re-  
ferebat, in memoriam reuocare, Iahelis præsertim, quæ  
Sisaram Chananæarum Imperatorem copiarum intere-  
merat, & clauo caput terræ affixerat, nimirum eiusdem  
sexus, proximiora enim exempla validiora sunt. Ma-  
gnum deliberanti ea res attulit momentum. Itaq; præ-  
cibus Deum consulit, deinde quia imago iam euane-  
rat, Abram vocat, queriturq; quòd in medio sermone  
discesserit. Abra, vt in nouo casu obstupescere, cur se-  
cum expostularet, quid hoc rei esset, interrogare, ex quo  
satis probè Iuditha comperit commoueri se. altiore vi.  
Quamobrem consilio rei gerendæ cum nutrice commu-  
nicato spe victoriæ in proposito confirmatur; nam cum  
initio, vt ab vnice diligentibus in magnis periculis fieri  
solet, nè quid temerè Iuditha aggrediretur, pauida ahus  
monuisset, facinus esse supra vires, atq; adeò in ancipiti

constitutum, immò verò ad tentandam ipsius pudicitiam subesse dolum communis hostis, diuino repente afflata spiritu in eandem sententiam se contulit, alumnaq; animos mirificè ipsa quoq; suppeditauit, haud delitescente vltèritus Fortitudine, reiq; inusitato splendore fidem conciliante. Igitur Iuditha accersitis rectoribus Ciuitatis acri, eademq; modesta succenset oratione, deditionem damnat, seq; , ne quid Respublica detrimenti capiat, quicquid periculi, ac laboris vsu venerit, lubenti animo suscepturam pollicetur, sequenti quippè nocte ad hostes progredi, ac tentare aleam prout diuinitus edoceretur, iam pridem firmum, ac ratum sibi affirmat; dumq; ipsi redeuntem opperiuntur, eorum esse difficultatibus labefactatam multitudinem in officio continere. Ea res admirationem excitat, spem succendit, studia, sermonesq; alit. Ephræmum acri ingenio virum, ac rerum experientia magnoperè exercitum Hierosolymam ad hæc ipsa nuntianda, petendaq; auxilia Principes proficisci iubent; isq; adeò occulti tramitis administrandis, atq; hostium in Castris tumultus à defectoribus Angelis alieno tempore concitati euadit incolumis; illi enim tum ad confirmandam deditionem, tum quò pluribus inuentis, & conatibus ad victoriam comparandam inniterentur Assyrios quoq; in turbas diduxerant; nam cum diuturnæ militem moræ aduersus hostem imbecillum, oppidulumq; tenuissimum tædere cœpisset, ad principes non sine contumelijs vndique confluebat,

Quod

Quod ut accepit Holophernes, antequam pestis manaret laevis, maiestate imperij tutus in mediam seditionem irrupit, furentium audaciam frangit, plerosque nocentiores, & conscientia pauidos vinculis constringi imperat; cumque illud ocy vitium esse animaduerneret, quæsito consilio copiarum quietem laboribus redimit; nec non materiem e proxima sylua rescindi, ac turres, & machinationes, tanquam ad oppugnandam Bethuliam, confici iubet.

## LIBER SECVNDVS.

**I**uditha nulla re deterrita diuinam opem vehementissimis precibus continuò implorat, deinde cum somnum magnitudine curarum multa iam nocte admittere neutiquàm posset, accersitis famulabus cili-  
cium, vidualiaque indumenta deijcit, & domesticum ingressa balneum tepentibus aquis, ac pretiosioribus vnguentis membra fouet; tùm amplissimo vestitu, cultuque præter consuetudinem eximio innatam sibi venustatem auget; neque auctor contentus Deus acceptam sibi mulierem, & magni operis ministram diuino quoque adflat lumine, atque immortalis pulchritudinis honore condecorat. His armis egregie instructa vna comite Nutrice comæatum perexiguum deferente, ne damnaris à lege obsonijs contaminari cogeretur, ad ianuam oppidi proficiscitur, quò, ut in re noua, plebis conuenerat magna pars



pars, & Iudaici exercitus Ozias Imperator, principesq;  
 ac Seniores ciuitatis venientem opperiebantur, Excepe-  
 re Iuditham frequentes, & quasi miraculo attoniti, dein  
 continuò exeuntem faustis acclamationibus, ac studijs  
 profecuti sunt. Interea vti statis temporibus ad res ge-  
 stas vniuscuiusq; monstri recensendas fieri solet, Conci-  
 lium malorum Demonum apud Inferos cogitur. Ibi  
 Superbia, Inuidiaq; dum earum rerum gloriam, quæ in  
 perniciem Iudæorum ab ipsis gentis incunabulis patrata  
 fuerant, vtraque sibi vendicat, mutuis inuicem se con-  
 tumelijs afficiunt. Iactabar enim Superbia emulatione  
 se diuinitatis Idololatriam instituisse, Hebræisq; idcirco  
 plurimas clades intulisse, quoniam ea in re obtempera-  
 re quandoq; recusassent, prout eo quoq; tempore acci-  
 derat. Contra Inuidia eadem ad se referre, semperq;  
 nouarum rerum ab se manasse primos motus. Ad sedan-  
 das huiusmodi furiarum contentiones, & iurgia paterna  
 opus fuit auctoritate; aggressus est vmbrarum prin-  
 cept, præstititque; nec non perficiendæ rei, ac Iudithæ  
 conatus, quicumque forent, infrigendi Superbiæ nego-  
 tium dat. Ipsa dimisso concilio rei operam datura in Ga-  
 lilæam quam celerrimè reuertitur, atque in speciem  
 conuersa Senis Vrsaci Hormum filium magicis artibus à  
 patre imbutum per somnium adoritur, deque Iudithæ  
 consilijs, quoad coniectura, & suspicione consequi po-  
 tuit, certiores facit, quò nimirum Holophernem com-  
 monefaciat, necnon in venientem fœminam, et vniuer-  
 sam

fam nationem hominis indignationem accendat. Quibus pronuntiatis ita euauit, vt Hormus intellexerit furiarum illam esse vnam sibi oppidò cognatarum. Ille vi spectaculi expergefactus, furensq; dum imperatis faciundis operam nauat, continuò mutatus Holopherni oppositum suadet; tum miraculo attonitus in specum se abripit, consultiq; Dæmones respondere negant; Si quidē Superbia eodem temporis momento Michaëlem Coelestium copiarum Ducem obuium habuerat, speque omni spoliata minis, flagrisq; per lacum Gomorræorum inuento aditu ad Inferos detrusa fuerat: neque secus cetera monstra inopinato euentu, atq; hostis præsentia, perterrefacta omnem audaciam exuerāt; Michaël enim Iudæorum rebus, penès quos victoria Dei iussu futura esset, ne vlteriùs aduersarentur, edicto, & comminationibus interdixerat. Iuditha sub ortum diei in radicibus montis exploratores hostium obuios habet; detinere illi, quæ nam esset, quò progredereetur sciscitari. Contrà Hebræa fuga cōsulere se salutis; ad Principem clementiæ nomine satis sibi cognitum aditum quærere, orare, vt ad eum deducerent. Præstitere ipsi liberalitèr, vniuersam ad fauces viarum ob famam venustatis confluyente multitudine, atq; vt missam diuinitùs collaudante. Vbi ad Imperatorem ventum fuit, benignè præter natura m excepta ocyùs se dominam, quam supplicem intellexit: Holophernes enim primo aspectu intimè captus adorantem erigit, pertimescentem confirmat, deq; aduentus cauis

sis impensius interrogat. Ad hæc Iuditha metum exueret, nihil non sperare, respondereq; ad mirissimum dominum idcirco se habuisse perfugium, quod è pluribus argumentis neutiquam dubitaret, quin Oppidum iam fame pressum, mox vniuersa regio vastaretur, idq; potissimum scelera populi polliceri. Addit ad victoriam maximo vsui fore, quod accesserit; propterea nihil, nisi ab se monitus Imperator aggrediretur, neq; prohiberet, quominus noctu exiret castris oratura Deum patrum; nam cum ab irato Numine ultio penderet, ab eo quoq; consilia petere, & rimari oracula necesse erat, vt nullo accepto incommodo Persę rerum potirentur: neq; de euentu dubitandum, cum monita, iussa q; Numinis interfuerint. Huiusmodi rationibus conuictus Holophernes, tametsi Dijs quibusq; præter Regem, quem vnum coli ab omnibus imperauerat, diuinos fieri honores vetuisset, furori tamen cæco planè indulgens mulieris postulatis morem gessit, & quocunq; libuisset, comæandi, adorandi q; patrij Numinis potestatem fecit. Domicilium deinde egregiè instructum in Ærario præscripsit, ministerium Bagææ spadoni mandauit, victum de mensa Imperatoria decreuit, quem tamen, cum eiusmodi epulis præ religione vesci nefas esset, sanctissima fœmina specie, ne gerendis rebus id obesset, constantissimè refutauit. Ærarium ingressę spem Victorię confirmat oblata Hester auxilij admirabili artificio pretexta, distincteq; Hebręorum sortes, & pericula, tum salus, liberorumq; incolumita-



tem è parentum exemplis animo præcipit. Ceterum neq; castris deinceps uagari, neque salutantium colloquia admittere, sed assidua precibus, atq; ad fontes extrà mœnia lauatum proficiscens placitum Deo tempus opperiebatur. Angelus interea, cuius custodiæ ab ipso ortu commissa fuerat, è cœlesti armamentario accepto gladio, qui fortasse idem fuit, quo post admissum exitiabile humano generi facinus ab ostio Paradisi voluptatis primi parentes eiectioni fuerant, tanto alumnam studio tuebatur, vt nullum passa pudicitia detrimentum fuerit.

## LIBER TERTIVS.

**I**Nterea Ephramus Bethulia excesserat, quod oppidum in Galilææ finibus præcipiti loci natura, & saxi minacibus difficillimum Bethulus Chananæorum regulus turbatis olim tēporibus ad sui securitatē edificauerat, deq; suomet nomine appellauerat, peragrataq; Samaria, & locis rerum gestarū gloria clavis magnis itineribus Hierosolymam cōtendit. Continuò vocatur Senatus frequens: exceptus Ephramus humanitèr de rerum statu, de Iudithæ consilio sedulò differit: Patres matura inter se habita consultatione afflictis diuturna obsidione Bethulienfibus suppeditanda auxilia decernūt; Phineoquè admirabili prudentia, & fortitudine prædito, quamquæ etas ingrauesceret, parandarum rerum prouinciam deferunt; atq; vt inde exordium dūcant, vnde omnium bonorū origo, & fons, ingressi templum tauro operantur

rantur, ac populi, & sanctarum legum incolumitatem benigno Numini enixius commendant. Perfectis sacris Phineus sexcentos milites perspectę, probatęq; suprà ceteros virtutis, cum ad novos delectus habendos tempus minimę suppeteret, ex arce educit, vrbanos substituit vigiles, illos Bethuliam proficisci iubet, eõq; frumenticopiam non mediocrem sedulò transferendam adornat. Dum hæc parantur, Ephremus Pontificia exceptus mensa quęcunq; ab initio belli Iudeę ab Assyrijs illati eousq; secuta fuerant, à cœna roganti Principi narrat. Illa verò fermè erant huiusmodi. Postquam Ocho Assyriorum, Persarumq; Regi, qui ob morum cum prisco illo similitudinē Nabuchdonosorus quoq, est appellatus, vniuersam propè Asiam desciscētem Holophernes bello restituit, Deorum cultū aboleuit, sacra Regi fieri imperitauit, in oppidis Idumę substitit, accitisq, è prouincijs exercitibus, de Iudæis profligādis, delendisq; crudelissimè cogitauit, eò in primis motus, quod soli superstitionem respuere, seq; armis defenderè ausi fuissēt. Propterea eiusce nationis genus, mores, potentiam ex principibus viris exercitus sui sciscitatur, quę omnia Dux Ammonitarum Achior, vt potè Iudaicarum rerum ex propinquitate finitimarum regionum nō ignarus luculenta oratione prosecutus est. At verò cum esse Deum summum cōstanter differit, qui & in Hebræos sceleribus inquinatos animaduertat, & iustitiam, pietatemq; colentes tueatur, cuius si leges aspernentur, victoriam penēs Assy-

Assyrios fore ; sin obseruent, omnem operam perditum  
iri , apud Imperatorem , ceterosque potentiores graui-  
tèr offendit, quam ob causam vinctum illum Holopher-  
nes Bethuliensibus transdi iubet , vt eandem cum ho-  
stibus aleam Fortunæ subeat . Paruere continuò satelli-  
tes ; in vincula coniectus est, raptusq; moerore vecors  
Ammonita. Ignari rerum Bethulienses aduersus hostes  
erupere , qui ne numero opprimerentur , alligato ad  
truncum Achioris , pedem celeritèr retulere . Hebræi  
iuuenem in oppidum deduxere . Omnibus admiratio  
eadem , sententiæ diuersæ . Principes primò ambigui de  
captiui conditione , deq; causis fortunæ eiusmodi per-  
cunctari . Vbi satis probè constare creditum est abesse  
fraudem , liberalitèr accipere , detrahare vincula , hor-  
tari , ne spem abijceret . Iple confirmato paulisper ani-  
mo ab armis discedant , seq; hostium arbitrio commit-  
tant , misericordia incensus vehementiùs persuadere .  
Vbi nihil proficere se intellexit , siquidem illorum fi-  
ducia diuina ope vniuersa constabat, si victoria potiren-  
tur , se quoque Mosaicis legibus subditum fore polli-  
ceri . Holophernes statuta die bellicum apparatus re-  
censet , legionesque prò sua quamq; consuetudine armis  
atq; insignibus instructas non vsui magis , quàm osten-  
tui ante se prætereuntes ex editiore loco per ambitionem  
spectat . Ea fermè erant centum viginti hominum mil-  
lia , præter innumerabiles copias, quas ex prouincijs nu-  
pèr sub imperium redactis gentium terrori contraxerat.



Postridiè præmissò Bethuliam equitatu, cum reliquo ipse exercitu, com meatuq; subsequitur; leui prælio laceratus hostem pellit; castra metatur; riuum sempiternum, quo Bethulia ab Australi plaga externis aquis aluebatur, interfecat, atq; in præceps deijcit; cumq; nec oppugnatione inaccessibiles murorum minas posset diruere, neq; obsidione, aut siti consequi, post dies aliquot à speculatoribus Moabitis præ veteri nationis adversus Iudæos odio commonefactus in angusto rupium perennibus scatebris manare fontes, quibus obsessorum spes inniteretur, eò plerosq; audacissimos noctu mittit, qui tutò in fastigium prouecti, & sicubi claustra moenium clementius adirentur, maiora, quàm ius aquæ cogitantes, solertia defensorum detecti, pulsiq; sunt. Fontium tamèn vsu superueniente maiore suorum numero Bethuliæ ademerunt. Itaque omni aquatione popularibus interclusis, ac desperatione salutis seditionem excitantibus, de facienda post diem quintam deditione decretum fuerat, nisi perditis rebus à Numine consuleretur. His ab Ephræmo disertè narratis, Pontifex Ionatham, à quo Assamonæi Principes secutis temporibus originem deriuarunt, auxiliariis cohortibus præficit, nec non gladio, galeaq; affabrè edificatis donatum dimittit. Ille verò vbi haud minore cum admiratione, quàm voluptate nepotum res fortiter gerendas, quibus vates galea coruscabat, oculis perlustrauit, vniuersa in preces effusa Ciuitate, Ephræmo comite Bethuliam contendit.

## LIBER QVARTVS.

**D**VM hæc Hierosolymis geruntur, Sulussæ Numidarum Regis legati, quemadmodum plurimi è toto terrarum orbe Persarum potentia exterriti antea fecerant, in castra ad Holophernem cum magnificè admodum pompa se conferunt; agunt de pactionibus, amicitiaq; inter Ochum, & Sulussam statuenda, nec non annua tributa, expeditaq; terrestrium copiarum, & maritimæ classis auxilia pollicentur, & pretiosissimis muneribus Imperatorem donant. Ille aduenis præter consuetudinem comitèr habitis (vt animum libidine immutatæ crudelitæ, superbiamq; exuisse facilè cerneret) conditiones accipit, dein ob immodicum amoris aduersus Iuditham impetum è confessu celeritèr euanescit, & curis grauius obsessus, quam Hebræos armis obsideret, ne Tribunos quidem belli causa ad colloquium admittit. Ducis exemplo exercitus ocio, & lasciuiæ deteritur, destitutisq; operibus, nihil minùs in bello agitur, quam de bello, nam cum cæteri aut somno, aut ludo per meridiem indulgerent, solus Holophernes ab omni voluptate reliqua alienus suamèt libidine torquebatur. Custodi itaque mulieris Baguæ vulnus aperit, rogatq; vt opem ferat, neque enim (quod diuino consilio cautum fuit) vi quicquam tentandum videbatur. Pollicetur Hero ille suam operam, atq; ex aduentu Numidarum  
occa-

occasione accepta suadet, vt epulas apparet, Iudithamq;  
 vnâ cum illis ad cœnam acciri imperet, qua ratione ci-  
 bo, potu, musicisq; oblectationibus expugnata fœmi-  
 nâ voluntate libidini satisfaciat. Vtile consilium aman-  
 ti visum est, nullas moras interiecit, parendum spado-  
 ni edixit. Quapropter totis castris parari epulæ, arma  
 luxui, Martem Veneri, & Baccho morem gerere.  
 Speculabantur ex oppido Hebræi, atque eiusmodi ap-  
 paratum ad curationem corporum fieri ab hostibus opi-  
 nantes, vt sequenti die in oppugnationem moenium,  
 acrius incumberent, incredibili metu, ac dolore affecti  
 sunt. Intereâ temporis, cùm hæc attentius intueretur  
 rerum moderator Deus, Hebrææ Reipublicæ Angelus  
 princeps, ex ijs nimirum, quorum præsidio regna mu-  
 niuntur, propius accedit, adoratoq; Conditore, clientum  
 causam agere aggreditur; in summo periculo reliquias  
 esse dilecti populi, de Iudithæ pudicitia comitia haberi;  
 si Hebræi deleantur, qua ratione Christum Dominum,  
 quem ipsorum genti vniuersa Prophetarum oracula  
 promississent, collapsæ hominum generi opem allatu-  
 rum? mortalibus Coelo seclusis, ex quo prætereâ fonte  
 spem salutis hauriendam? Eo prò afflictæ natione ita  
 perorante, Angelus, qui Persis præerat, tuebaturque,  
 suos ex aduerso defensurus exurgit; orat ne miserorum  
 cædes fiat, quippè quam animarum quoq; interitus se-  
 queretur; spatium ad veritatem cognoscendam, poeni-  
 tentiamq; agendam concedatur; esse diuinæ clementiæ  
 igno-



ignoscere; modum omnipotenti Deo neutiquam de  
futurum, quo Iudæorum populum, Iudithamq; peri-  
culo eximat. Ad ea benignè respondet Deus, quod  
ad Hebræos pertinet, Iudithæ opera proximè soluen-  
dam obsidionem, ac victoriã penès illos futuram; pro-  
pterea princeps gentis Angelus nihil omitteret, quod ad  
rẽ gerendam pertineret; tũ luculentum de Christo  
futuro oraculum adijcit; Barbaros autem eò scelerum,  
deuenisse, vt misericordiam nullam mereantur. Post  
eiusmodi responsa discedunt Angeli, alter quidem læ-  
to, alter equo animo ferentes, quod diuina sapientia  
statutum fuerat. Quiq; adeò Hebræorum fouebat ge-  
nus, inferioris ordinis spiritum ad res commodè geren-  
das socium sibi adsciuit, atq; ad Somnum ab inferis  
in castra hostium perducendum mittit. Ille summa, in-  
fimaq; prætergressus, & centro, ac terre visceribus quam  
celerrimè penetratis, à læua, & damnatorum poenis  
abstinet, vergitque in dexteram, quã tũ illi expia-  
bantur, quicumq; expleto tempore culparum luenda-  
rum è lustralibus flammis ad felicitatem erant euasuri,  
tũ bonorum domicilium colebatur (hunc Abraham  
sinum appellabant) in quo cum futuræ libertatis, & glo-  
riæ oraculum insontes animæ opperirentur, apud eas  
paulispèr immoratus proximam Iudithę victoriam præ-  
nuntiauit, Dauidiq; in causa fuit, vt Deo repentè ple-  
nus vindicem scœminam summis laudibus ad Coelum  
prouexerit, perq; omnem hominum memoriam clarif-  
simam

simam fore vaticinatus fuerit; nec pleraq; non attigerit de rebus nostrorum temporum commodam ex hoc Poëmate occasionem nactus. Interea ad Lethen fluuium, qui inter hunc, atq; expiandarum animarum locum medius fluit, Angelus dormientem Somnum reperit, excitat, lethæis armatum liquoribus in castra progredi iubet, quâ ille intectis ex præscripto potionibus rerum omnium immemor sopore iterum deuinctus est. Hæc dum à superioribus potestatibus geruntur, Baguas blanditijs, & pollicitationibus Iudithæ pudiciâ in discrimen adducere conatur, eamq; ad solemnes epulas iussu Imperatoris inuitat. Illa tametsi in suam perniciem omnia parari satis intelligat, nihilominus commota diuinitus, & secura sui, egregiamq; sibi occasionem non omitte-  
dam rata, lubens assentitur, atq; ad conuiuium opportu-  
nè profecta vniuersorum oculos admiratione pulchri-  
tudinis, elegantiarumq; percussos in se conuertit. Epu-  
læ ibi, compotationesq; largissimæ (illa tamen abstinen-  
te) ad multam noctem perductæ sunt, institutiq; can-  
tus ad amoris igniculos gelido pectori subijciendos; alla-  
to demum poculo, in quo Cyri Persarum regis res ge-  
stæ signis operosioribus cælatae collucebant, plurimum  
vini exhaustum est, ac cœna clausa. Quapropter ebrie-  
rate, ac somno victi pleriq; omnes in sua quisq; tento-  
ria passim auferuntur. Holophernes verò graui, ac pro-  
fundissimo sopore colligatus stratis decumbit. At Iudi-  
tha, quæ sola iam reliqua erat in cubiculo, emissa ad  
custo-

custodiam liminis Nutrice, diuinam opem vehementius efflagitat, signum de Cœlo accipit, incredibiliq; ausu proprio Imperatoris ense Imperatorem obtruncat. Caput deinde stratorum velaminibus inuolutum ferente Abra, & nemine præ somno aduersante, Bethuliam reuertitur.

## LIBER QUINTVS.

**P**Aulùm aberat à moenibus Iuditha, cum primo aspectu intercedentibus tenebris nequaquàm cognita non leuem suspicionem custodibus incutit, quorum imprudentia miserabile facinus penè admissum est, ac Ciuium seruatrix prò hoste habita propè à ciuibus interempta: deinde suamet se voce prodens incredibili omnium applausu portis recipitur, atque ex editiore tumulo, tanquam è suggesto, suspensa, & sollicita concione sine vlllo corporis, aut animę detrimento voti compotem se factam esse memorans caput immanissimi hostis tepenti sanguine adhuc rorans proponit ob oculos; quidq; adeò reliquum sit ad Assyrios opprimendos, egregiè docet. Mirari vniuersi, ac letitia exultare, Ozias præ ceteris incredibilem Iudithæ virtutem pleno ore celebrare; cumq; iam instaret dies, caput hostis, quò barbaris apertius pateret, moenibus affigi imperat, & copijs (quarum Ducum catalogum in Poëmate videre licet) quàm maximo potest silentio, ex oppido eductis, vbi primum ex



angustijs spatium est nactus, aciem instruit, dispositisq;  
 ab dextera, & sinistra equitibus, peditatui medium lo-  
 cum tribuit, qua ratione constitutis ordinibus, ut ad  
 omnem euentum firmiores fotent, luculentaq; oratione  
 accensis, confidentissimè in hostes properat. Primos  
 quosq; quibus vigiliæ ducendæ fuerant, somno oppres-  
 sos trucidat. Ut propius accessit, signo per tubicines ad  
 terrorem imparatis inferendum dato, castra maximo  
 impetu inuadit, portisque per audacissimum quemque  
 celeritè occupatis, in medium vallum irrumpit. Ex-  
 pergefatti Persæ, prout erant inerimes, quantum præ-  
 uius sopor, & præsentis mali facies patiebatur, improvi-  
 sam aduersariorum aggressionem sustinere conati sunt.  
 E quibus Vsbo emulatione potentiæ infensus Holopher-  
 ni pluribus aduersus eundem exoneratis contumeliarum  
 tormentis, Hebræos quoq; conuicijs proscindit, dumq;  
 in hos irruit, nullo inflicto vulnere, ne dùm re memora-  
 bili perpetrata, transuerberatur. Eius arma, spoliaque  
 in primis insignia prò victoriæ omine hastis infixæ in-  
 trophæi speciem eriguntur; iuxta plurimi hostium ferro  
 conficiuntur. Ingrauescente iam cede ad Imperatorem  
 excitandum confugitur; eoq; minimè respondente, mi-  
 ratus silentium Baguas in tentorium irrumpit, atq; He-  
 rum, quem voluptate fessum arbitrabatur, obtruncatum  
 reperiens, Hebræa nusquam erumpente, facili coniectu-  
 ra consequitur flagitij culpam penès illam esse. Qui do-  
 lor, ululatusq; spadonis fuerit, haud facile dictu est.

Calamitatem proximi cognouere; ille equi casu oblatus  
pernitate adiutus salutem consuluit, siquidem in mentem  
venit monitum se in somnis ab Osyride Ægyptio-  
rum Idolo, ut inde pedem reuocaret, quò nimirum ad  
Ochi cœdem in ultionem violati eiusdem numinis serua-  
retur. Peruulgata se, fama; tanti facinoris in omnem  
stationem delata, spectato præterea capite, quòd è muris  
oppidi pendere iuebatur, fatali socordia, & metu cir-  
cumuenti Persæ arma abijcere, haud castris se continere,  
terga turpiter vertere. Ozias nemine resistente immisso  
equitatu palantes persequi, & sitim Ciuium obsidione  
collectam hostili sanguine extinguere. Nobilissimi quique  
hostium cum infimis iacent, morientium casus varij, ge-  
nera cœdium diuersa. Inter cæteros Amazonum Regi-  
na, Cedrausque Arabs, dum importuna contentione hic  
amatam defendere, illa amantem reijcere conantur, gla-  
dijs se inimicorum miserè confodiendos tradunt. Inte-  
rè Ephraem, & Ionathas ab Hierosolymis cum auxi-  
liaribus copijs propius accedunt; Baguam inconsultius  
fugientem Ephraem, qui præcesserat, obuium habēs de-  
tumultu, qui audiebatur, percunctatur. Ille ubi se intelli-  
git in manus hostium incidisse, fretus peritia sermonis  
collecto animo Hebræum se esse simulat, & quasi partam  
victoriam Hierosolymitano Senatui nuntiaturus, spo-  
lia, quibus induebatur, à se detracta militi Assyrio men-  
titur. Fraus Ephraemum nequaquam scellit; Baguam ta-  
mèn enixius orantem dimisit incolumem: Tum super-

ueniente Ionatha gloriæ auidi, quæ labi cunctatione videbatur, neque satis inimico homini fidem habentes, quàm celerrimè ad reliquias hostium delendas contendunt. Primus è regio exercitu occurrit adolescens nomine Dorilus Holopherni in primus charus: maternum illi genus à Phrygiæ regibus, quanquàm è stupro; pater in exercitu militabat, qui occulta vi penè præsciis futurorum, vt imminentes fermè casus Natura præsentit, filium suæ originis ignarum tum demum docuerat. Postquàm immensæ stragis turbine ipse quoque senior absumptus est, puer, quem ille paulò antè in se recepto vulnere seruarat incolumem, è vasta exanimorum corporum sylua sublatum humero patris cadauer in proximos lucos memorabili pietate humandum ferebat, cum aduentare Ionatham intelligit, supremèq; operè dilecto corpori præstandæ spe deiectus, sagittaq; fortuita interceptus est. Casum intueri potuit, non prohibere Dux Hebræus, auditaq; ex ore pueri breuiter re, cum in extremo ferè spiritu cõflictaretur, collaudataq; charitate humo vtrumq; mandari iussit. Hormus item, cum manes ab Inferis euocaturus in speluncam se cõtulisset, vt sensit adesse hostes, erumpere conatus, interclusus est, nec sine monstris, ac portentis demùm confossus consentaneum vitæ exitum inuenit. Sub hæc Ionathas Oziam affecutus coniunctis viribus, larga ipse quoq; palantium strage saturatur; nec non Torgum equitum magistrum, qui Assyrios vnus dilabentes retinere conabatur, mente,

quasi



quasi terrore quodam pánico subito consternatum ingenti vulnere è mundo tollit.

## Obiecta proponuntur.

**A**TQ; hæc imago ludithæ nostræ librorum est, in qua quæcunque ad animam, formamq; Poëmatibus ferè pertinent, tum dilucidè, tum satis brevitè collecta sunt. Quæ verò illi hucusq; inter differendum, obiecta comperi (quoniam nunc demùm pro luditha dicendum est) vel materiem respiciunt, vel formam. Quæ formam, ad hæc capita reuocantur.

Cùm actio primo loco occurrat Epico Poëtæ cōsideranda, obijciunt me fecisse contra leges, quod facinus dolosum, nequè boni moris decantandum suscepim.

Tum ad personam descendunt, negantq; fœminam ritè prò Heroë constitutam esse.

Transseunt deinde ad relationem quam actio, personaq; huiusmodi ad Poësim habere debeant, neq; è re vera, atque ex historia in primis sacra conflare Poëma posse concedunt.

Mox in Episodia mouentur, damnantque incrementa, decrementa, & mutationes. in quam sententiam, cum plura obiecerint, omnia tribus quæstionibus absoluemus.

In materia non linguam, non stylum prætereunt. Aduersus quas omnes obiectiones quandoquidè mihi defen-

defensio suscipienda est, atq; iniuria meo ab opere propulsanda, vana, & futilia dimittere egregium censui, cum mihi animus suprâ omnem contumeliam naturalis sit, & mirificè tûm me laudari existimem, cum ab improbis condemnor.

Prima obiectio refellitur; operis  
Iudithæ honestas sedulò  
expenditur.

**P**Etunt primo loco accusationibus caput rerum; Iudithæ facinus verè facinus videri posse; rem doli, mendaciq; plenam, neq; abesse fœminam à flagitio, quæ flagitij periculo se exposuerit, peccandiq; anîm Holopherni præbuerit, & peccantem mori coegerit. Nam cum Tragœdia, & Comœdia, quid fugiendum sit tûm in re politica, tûm in œconomica, & familiari proponant sedulò, Epopœiamq; ad vtrumq; vsum tradere oporteat, quod imitemur, opus in Epico Poëmâ neq; probi moris, neq; boni exempli ob oculos ponere non modò prudentèr parùm, verum etiâ aduersus artem fecisse, quicumq; fecerit, iudicandus est. Quæstio hæc ad moralem Philosophum, ad Theologum plurimum pertinet. Ego vtriq; facultati innixus obijicientibus, quoad potero, satisficiam.

Opus boni moris ad Poëtam Epicum pertinere cum iudi-

iudicant, usque adeò mecum oppidò sentiunt, ut qui se-  
cùs fecerunt, aut senserūt, eosdem subiiciendos esse Pla-  
tonis legibus censeam, & de republica exterminandos.  
Is enim talis esse debet,

Qui, quid sit pulchrum, quid turpe, quid utile, quid non,  
Pleniùs, ac meliùs Chrylippo, aut Crantore dicat.

Quiq; non ad voluptatē modo, sed ad vsum quoq; Poësim  
instituat, neq; gloriā querat ex ijs rebus, in quibus non  
erubescere nefase est. In quam sentētiā quidē superio-  
re quēstione cum de nostris consilijs egimus, nonnulla  
attigimus. In hoc igitur quoniam cū aduersarijs conue-  
nit mihi, nullus contentionis superest locus. At si in lu-  
dithæ factò, quod eiusmodi fuisse existimabam, mea me  
fessellisset opinio, illud profectò grauitèr ferrem, dole-  
remq; vehementèr cōtumeliā me prò laude quasiuis-  
se. Sed planè magnæ me recreant, & reficiunt auctorita-  
tes: nam Iudithæ factum video in sacris litteris laudatissi-  
mum, apud Patres celeberrimum, in omnium seculo-  
rum, scriptorum q; monumentis admirabile. Omitto  
Historiam Biblicam Spiritu sancto dictante conflata, ut  
potè suprà omnem auctoritatem, atq; aleam iudi-  
cij: at agatur humanitùs; petant Augustinum aduersarij  
Serm. 228. in append. 66. Consulant Hieronymum ad  
Furiam; Cōueniant Zonaram; Videant Canisium de B.  
Virgine: & alios, prout alio loco fusiùs. Mihi pro renata  
satis sit Ambrosij Vnius è 3. de off. lib. in Iudithā Elo-  
gium afferre, quo nihil luculentius, nihil illustrius ex-  
tare



tare posse constanter puto. [Ecce tibi ( inquit ) Iudith se offert mirabilis, quæ formidatum populis virum Holo- phernem adiit Assyriorum triumphali septum caterua; Quem primò formæ gratia, & vultus decore perculit, deinde sermonis circumscripsit elegātia. Primus trium- phus eius fuit, quòd integrum pudorem de tabernacu- lo hostis reuexit. Secundus, quod fœmina de viro re- portauit victoriam, fugauit populos consilio suo, hor- ruerunt Persæ audaciam eius. Vtique (quod in duobus illis Pythagoricis mirantur) non expauit mortis peri- culum, sed & pudoris, quod est grauius bonis fœminis non vnus ictum carnificis, sed nec totius exercitus tela trepidauit. Stetit inter cuneos bellatorum fœmina, in- ter victricia arma secura mortis; Quantum ad molem spectat periculi, moritura processit, quantum ad fidem dimicatura. Honestatem igitur secuta est Iudith, & dùm eam sequitur, vtilitatem, inuenit; honestatis enim fuit prohibere ne populus Dei se profanis dederet, ne ritus patrios, & sacramenta proderet, ne sacras Virgines, vi- duas graues, pudicas matronas subijceret impuritati, ne obsidionem deditioe solueret. Honestatis fuit malle prò omnibus periclitari, vt omnes eximeret à periculo. Quanta honestatis auctoritas, vt cōsiliū de summis re- bus sibi fœmina vendicaret, nec principibus populi com- mitteret; Quanta honestatis auctoritas, vt Deum adiu- torem præsumeret, quanta gratia, vt inueniret.] Hæc il- le. At cū Ambrosius tantus vir, tam sapiens, tam san- ctus

ctus adeò Iudithę factum ex fine proposito, ex opere laudat, vt meam suscepisse defensionem videatur, quid mihi nullius auctoritatis homini agendum sit, neutiquàm video. Quoniam tamen fortasse aliquid aduersarij sibi expetendum superesse existimant, ad singula descendere non recusabo.

Dolum, mendaciumq; in eo ponunt ( illud primum obiectionis caput erat ) quod se Iuditha simulauerit è Ciuitate fugam arripuisse, atq; ad exercitum venisse, vt Ciuium arcana patefaceret, modumq; Holopherni potiundi oppido com monstraret; neq; inscia, etenim labia ad fallendum dolosa à rerum Domino postulauerat; quòd Israëlitas grauissimè deliquisse, ac propterea iusto Dei iudicio perdendos mentita fuerit; quòd Holophernem per mediam se Hierosolymam deducturam promiserit; quòd se à Deo idcirco missam, vt ea nuntiaret, affirmauerit, quòd Holopherni quęcunq; placuissent, se facturam sponderit; quòd deniq; vniuersa actionis vis in fraude consistat.

Vt respondeam, duo de mente sanctorum Patrum videntur in primis statuenda, alterum non omnia, quę vera nequaquam sunt, continuò mendacia, & dolos esse iudicanda; alterum licere aliquandò nobis sine crimine occultare veritatem velle, mentiri neutiquàm velle. Ad primum apologi, & parabolę referuntur, quarum adeò familiaris, & frequens apud Syros, Hebræos quę vsurpatio fuit, vt vel ipse Dei filius, qui adeò bonus

est, ut habitibus, & moribus hominū obsecundare nō de-  
 dignetur, & vnūquemq; in eius voluptate capiat, iisdem  
 vsus ad informandam Ecclesiam suam sepiſſimē fuerit.  
 Res citrà controuersiam omninō est; quod si negotium  
 facessat alicui, cēteris omissis vnum conueniat Augusti-  
 num, in eo, quem de mendacio libellum composuit. At  
 ne ipsi quidem Iurisperiti simulationem interdū carere  
 posse culpa diffitentur; nā in l. 1. §. Labeo ff. de dolo malo  
 sic habetur. Potest sine dolo malo aliud agi, aliud simu-  
 lari, sicuti faciūt, qui per eiusmodi dissimulationem de-  
 feruiunt, & tuentur sua, vel aliena. Quod si hęc inter vi-  
 tia locum habēt, profecto omnes Poētę, Prophetęq; dam-  
 nandi sunt. Prò secundo auctoritatem D. Thomę 2. 2.  
 q. 110. ar. 7. firmam habemus: Immō verò vniuersa  
 Theologorum schola consentit præcepta affirmatiua ne-  
 que semper, neq; vbiq; necessitatem obseruationis inge-  
 rere. Itaq; præceptum de simplici, aperta q; loquendi  
 formula, cum sit affirmatiuum, aliquam exceptionem  
 admittere necesse est, neq; eos, quibus ius aliquod à Deo  
 indultum sit, in primis obstringere. Duobus autē mo-  
 dis oculere possumus veritatem sine mendacij nota, al-  
 ter est, cum pars orationis à nobis proditur, pars animo  
 retinetur; alter cum totam quidē rem narramus, sed  
 ijs verbis, quę plures interpretationum formas possunt  
 suscipere, & ad varios sensus traduci. Plura in hanc sen-  
 tentiam videre est apud Michaëlem Salonium in eo, de  
 Iustitia quem scripsit, libro. Plura apud Gregorium de  
 Valen-



Valentia in 2. 2. dispu. 5. q. 15. de Theo. Ad hæc capita pertinent varia dicendi genera, varij modi, quibus aliud voce exprimitur, aliud animo conceptum est, mystici, prophetici, amphibologici, allegorici, ironici, formæ orationis vt plurimum tropicæ, aut æquiuocæ à Dialecticis appellatæ, iuxta quas plura in sacris litteris vsurpari comperimus. D. quidem Augustinus libro supra citato contra mendacium summa contentione persuadere satagit Iacobi factum, cum Esau se esse simulauit, non fuisse mendacium, sed mysterium. Assentitur D. Thomas 2. 2. quæst. 111. ar. 1. fictiones illas, quæ significant, aliquid, non esse mendacia. Christus quoq; suprema, veritas apud Lucam, cum discipulis Emmaumentem contenditibus comitem se adiunxisset, finxit se longius ire, nullam tamen doli culpam (nefas) subiit; illud enim simulauit exterius, quod in animis discipulorum fieri interius volebat innuere; quippè qui quælibet potius quam D. Iesum, adesse cogitabant. Quomodo ad hanc formulam, atque adeò ad suam mentem Iuditha quoq; locuta fuerit, deinceps singillatim breuiter aperiemus.

Primo loco cum à popularibus suis fugisse se inquit, Glossa, Rabanus Maurus, Hugo Cardinalis præfiguratum effugium Christi inorum, cuius mentio est in motu numentis D. Epiphaniij, in Urbem Pellam ab Hierosolyma, priusquam à Tito Cæsare dirueretur, mysticè sentiunt; nisi fortè & Machabæorum fugã in desertum. Alij fugi, hoc est, festinaui, aut noctu veni fugientis instar;

uam ità accessit, vt Assyrij occultè accessisse putare possent.

Quod suorum res arcanas aperire hosti spoponderit, ad famem illud referendum, quod re præstitit. Consumpturos autè Ciues ex decreto sacra Vasa, quò saluti publicè in tanta cibariorum inopia consulerent, ea est amplificatio, quæ indicat non effectum, sed causam, tanquàm in ea necessitate positis incolis, vt ea decernere oporteret, nisi celeritè subueniretur. Contingere etiam potuit, vt aliqua hac de re consultatio, aut saltèm sermo habitus fuerit.

Quo aditu posset Holophernes obtinere Bethulienfes, se oltenfuram differuit. ironicè dictum. Id ostendit porrò Iuditha, cum caput ipsius amputatum in oppidum tulit. obtinuit Holophernes, cum in summa parte Ciuitis suprà omnes ipsius caput positum est. Neq; vir vnus ex Assyrio exercitu cecidit, intrà mœnium scilicèt ambitum, vel alia ratione quapiam ad mentem loquentis. Per mediam quoq; Hierosolymam verè deduxit, seù triumphali pompa caput eius afferendo, seù rei fama, & viri nomine ad gloriam victoris in pœanibus decantato.

Hebræos grauissimè deliquisse, diuersis illud plerisq; temporibus vsu venit. in deprædationem dandos, non ea tamèn tempestate, sed vel sub Græcis, vel sub Romanis.

A Deo se missam, nihil veriùs; vt ea nuntiaret; mirum

mirum famem. cetera, ad quæ missa fuerat, prodere non tenebatur.

Iusiurandum, quod vsurpauit, Lyranus fuisse negat iusiurandum, neq; enim per Deum iurauit, sed per animam Ducis, & Regis. Lorchius Adamarius simulationem iuramenti appellat. Carthusianus iurasse verè, & ex animo sentit, si quidè*m* iuramentum in principum animam pronuntiatum, cum à Deo eiusmodi excellentiam accipiant, & proximi auctoritate sint, in Deum ipsum referri videtur. Illud autem Iuditha, vel ad ea, quæ vera dixit, vel ad cognitum sibi sensum direxit.

Non quicquid Holopherni placuisset se facturam respondit, sed quicquid Domino. Amphibologicum hoc Baguas retulit ad Holophernem, Iuditha ad Deum. Præterea cum mulierem Baguas inuitauit ad epulas, turpitudinis postulationem tacitè subintellexit; illa ad apertam partem responsum dedit, ad reliquam nequaquam dedit, vel certè conditionem quampiam animo condidit, qua honestatem tueretur. Eadem ratione si qua præterea sunt in verbis Heroidis nostræ, quæ negotium facessere videantur, ad sanam interpretationem redigi debent.

Quod verò exprobrant vehementer de Iudithæ conscientia, quæ data opera fallere Holphernem voluerit, labiaq; dolosa idcirco à Domino postulauerit, tanquam excusationem non accipiat, superiusq; allatas interpretationes vltro refellat, id verò nullam nobis curam importat. Noui ego Psalmistam detestari labia dolosa, noui vltionem



nem Numinis; sed ludithę non illa mens fuit; causam, non effectum fortassè voluit, labiaq; optauit, quę ob pulchritudinis elegantiam, suauitatemq; sermonis eorum similitudinem gererent, quę vulgo fallere consueuerunt, aut certe effectum quoq; sed ratione planè diuersa; nam fallere Holophernem neutiquam voluit, falli quidẽ ipsum, aut potius capi, oblectariq; ad eum finem, quem referemus inferius, laudabiliter appetiuit.

Ceterum si interfuit vlla fraus, quod minimè concedendum puto, ea ludithę neutiquam vitio danda, quippè quę hostis. iusto in bello insidię iustę. Dolus, an Virtus, quis in hoste requirat? Vulgatum. His philosophus assentitur, Theologus non reclamat. Ità Iosue ad oppidum Hai insidijs est vsus. Stat pro nobis D. Thomas 2. 2. q. 40. art. 3. Nec Philo ludæus 2. de Cherubim libro valdè dissentit, inquit enim. Quotiès sapiens mendacio fallit hostem propter salutem suę patrię, inofficiosam rem facit officiosę. Huc etiam facere videtur, quod Orestes apud Sophoclem in Electra profitetur, cum de inimicis mendacio circumueniendis verba facit.

Nullum puto verbum malum, quod lucrum habet. Addo; omne à Deo ius luditha obtinuerat in Holophernem, quemadmodum Moyses in Pharaonem. Constitui te Deum Pharaonis; quemadmodum Hieremias in reges, & regna. Ecce constitui te hodiè super gentes, & super regna, vt euellas, & destruas, & dissipes, & edifices, & plantes. Itaque ludithę integrum fuit cum hoste

hoste agere, quibus artibus libuisset, atque amplissimum, gloriosissimumq; facinus ad suum arbitratum absolvere.

Erat secunda obiectionis pars peccandi se periculo exhibuisse Iuditham nostrā; in Castra Infidelium formosissimam fœminam ætate florentem, quasi ad prostituendam pudicitiam se contulisse: Quæ enim apud barbaros honestatis est cura? Quæ apud impios peccandi non est licentia, & libido? Qui amat periculum, peribit in illo. Vrgent sanè ista; Verùm ex hoc quoq; scopulo, Deo dante celeritèr elabemur. Sunt, qui affirmant iustis rationibus fuisse permotam, quare crimen vitare se posse arbitraretur; ea potissima, vt Holophernem ad iustas nuptias secum celebrandas alliceret. Nos in huiusmodi sententiam pace auctorum nomen nostrum minimè scribimus, nulla enim in sacra historia de nuptijs mentio, nullum argumentum extat; neque videtur existimandum quidpiam sibi gerendum Deo inspirante proposuisset diuersum ab eo, quod gessit; quod tamèn popularibus suis reticendum censuit, ne infectum riderent, factum maximè mirarentur; seque placandi hostis causa profectam, vt opinari possent, permisit. Placet diuino affectam, confirmatamque spiritu, ac vtriusque Victoriæ propemodùm certam, vt vitæ, ita pudoris periculum neglexisse, cùm vtilitatem publicam, cùm legum tutelam, cùm Dei honorem, maiora, potioraq; bona, sibi prò fine sanctissimè ob oculos collocasset. Neq; ab huiusmodi deliberatione longiùs abest exemplum Virginis

ginis Antiochenæ à D. Ambrosio 2. de Virginibus libro relatum. Disceprabat intrà se Virgo illa memorabilis fortissimo animo prædita, quid agendum, cum aut Dijs sacrificium facere, aut in lupanar duci deberet; respuit sacrificium, lupanar amplexa est; an peccauit? nequaquam. Non pudoris (inquit Ambrosius) elegit iniuriam, sed Christi recusauit. Hoc ipso Iuditha quoque non excelsi modò, uirilis, Heroiciq; animi, verum etià religiosissimi fuisse probatur, quòd in superius bonum intenta despexit inferius.

Tertium caput affine huic. Ansam (inquiunt) peccandi Holopherni præbuit; nam super innatam pulchritudinem formam arte, verba ad irretiendum hominem blanda quæsiuit, tum collapsi, captiq; aduersus charitatem & corpus, & animam iugulauit. Acute arguunt. At Iuditha non peccauit. Ornatus, cultusq; corporis de se ipso non ingerit culpam. Naturam imitari ars potest sine peccato. Ita sentiunt D. Thomas 2. 2. quæstione 164. art. 2. Caetanus, ac Theologi, & Canonistæ omnes, siquidem occasiones huiusmodi remitte in schola appellate, si absq; prauitate animi sint, noxam minimè inducunt. Eloquentiam studio comparatam si quis dicat vitium esse, vitium is erit. Noluit per isthæc Iuditha Holophernem delinquere; voluit accessum ad eius gratiam tantisper sibi parare, quòd ad voti compos ipsius cedere fieri posset. Si causam consideremus, fuit ornatus cum virtute, iustitiam, fortitudinem, religionem, pietatem præse-



præferens. Ambrosius idem læpius allatus 2. de Virgini-  
bus libro luculentè adstipulatur. Iudith se, vt adul-  
tero placeret, ornauit, quam tamen, quia hoc religionis  
amore faciebat, non libidinis, nemo adulteram iudica-  
uit. Vno verbo, ex diuina dispensatione, inspiratione, atq;  
adeò iussione id fecit, tantumq; abest peccasse Iudithã, vt  
Deus ipse à peccati labe longè alienissimus eius auctor,  
adiutor, minister ornandæ fuerit. Ità enim habetur in  
textu. Contulit etiam ei Dominus splendorem. Haud se-  
cùs ex auctoritate imperantis licuit Oleez filiã fornicatio-  
num, ac Petro ostensum, indicatumq; est. Quod Deus  
mundauit, commune ne dixeris: nam quæ de iure posi-  
tuo peccata sunt, si dispensatio legislatoris adsit, non  
sunt peccata; ratio enim peccati lex, quæ à iubente vir-  
tutem habet. Quod si peccauit Holophernes, si ebrius, si  
lasciuens interfectus est, ipsi imputetur, qui optima  
instrumenta ad pessimum finem retorfit, cum secùs fa-  
cere in eius potestate foret. Cæterùm qui auctore Deo  
bella suscipiunt, personam uè publicæ potestatis gerunt,  
cum vel ipsa morte in sceleratos animaduertunt, vtun-  
tur iure suo. Non deest auctoritas D. Augustini in mo-  
numentis de ciuitate Dei; neq; Doctoris Angelici 2. 2.  
quæst. 40. ar. 1. Plura ad facti huiusce honestatem vindi-  
candam Nicolaus Serarius recensuit in Commentario  
super librum Iudith. Nos opportuniora ex ipsius arma-  
mentario in nostram arenam transtulimus.

Confutatur secunda obiectio; Iuditha,  
quamquàm fœmina, pro Heroë  
aptè constituta defenditur.

**E** Picam personam (de ea loquor, quę principem locum in Poëmate obtinet) Heroëm appellant, cuius excellentię parem esse fœminam negant, quam summos Philosophorum, Platonem, atq; Aristotelem ab Heroica virtute reiecisse satis constat. Virum illum esse debere, ac suprâ virum, qui humanę propè Naturę vires excedat, & Deo sit proximus. Sic Homerum, sic Virgilium exëplo docuisse. Ad hæc primum responsionis caput est, in Platonis monumentis me nusquã reperisse colatâ huiusmodi in fœminas contumeliam. Si secüs ostendant a duersarij, aut manus dabo, aut sententię rationem interpretari conabor. Inuenio quidem in 5. de Rep. lib. Mulieribus atq; ac Viris res bellicas esse tribuendas in 7. de Leg. Sarmatarum fœminas vna ratione cum maribus arma tractare: Lacenas Virgines gymnïcis artibus exerceri. Hoc addit etiam vir sapientissimus documentum. Et puellæ quidem saltare, pugnareq; cum armis consuecant, mulieres autè castra mouere, ordines struere, atq; arma sumere, & disponere, si nullius rei gratia, attamèn si res cogat, vt cum in militiam viri omnes proficiscantur, possint ipsę interim, si quid aduersi acciderit, Ciui-

Ciuitatem defendere; Vel si tanta hostium multitudo agros inuaserit, ut necesse sit mulieres quoq; pro Ciuitate arma capere, quorum nihil est, quod non facile euenire possit. Ex his patet, quæ Platonis sententia fuerit. De Aristotele durior est quæstio, quippe qui Platonis emulus, atq; in rebus omnibus cauillator, nisi aliam ob causam, at studio saltem contentionis foeminas ab armis, atq; adeò ab omni administratione Reipublicæ longè secluserit. Sed imbecillitatem naturæ considerans corporum ille rationem habuit, Plato animorum. Vbi verò necessitas urgeat, haud satis scio, an suam Aristoteles Ciuitatem dicui ab hostibus malit, quam à mulieribus communiri, defendiq; Quicquid sit de sententijs tantorum Philosophorum, rationibus agendum, & rem interius explorandam existimo. Igitur quæ sit notio eximij vocabuli, cuiq; conueniat tantum nomen, videamus.

De Heroibus multiplices sanè fabulas superstitiosa antiquitas commenta est. Nomen aliqui ab Hera deriuant quæ alijs est terra, ut Martianus Capella tradit; alijs fortuna, ut Pyrrhus apud Ennium.

Vos ne velit regnare Hera, quid uè ferat fors,

Virtute experiamur.

alijs Iuno, nempè aër ut testatur Augustinus lib. de Ciuit. Dei x. c. 21. Hoc videlicet mysticum significante fabula, quod aër Iunoni deputatur, ubi volunt Heroas cum Dæmonibus habitare. Et lib. 7. Inter Lunę gyrum, nimborum, ac ventorum cacumina aërias inquirunt esse ani-



mas, sed eas animo, non oculis videri, & vocari Heroas & Lares, & Genios. Nonnulli à dicendo, & facundia dictos putant, quod *ἥρωες* est dicere. Quidam ab amore virtutis *ἡρώων τ' ἀπερτῆς* prout Orpheus, qui virtutem Heroum matrem appellavit. Platò in Crat. *ἀπὸ τῆς ἡρώωνος* vocatos Heroas litteris mandavit, atq; ad amorem vel Deorum in mulieres, vel Dearum in viros, à quibus procreati Heroës crediti sunt, Ethymologiam vocabuli refert. De Heroum conditione omnes consentiunt eos humanitatis limites excessisse. de modo duplex opinio est, altera Philosophorum, altera Poëtarum. Philosophi ex magnitudine absolutissimæ virtutis, ac rerum gestarum, non ex natura, Heroas constituunt, quippè qui virtutis ductu omnē mortalitatis apicem infra reliquerint. Ægidius quidem Romanus in eo, quo fortassè luculētius nullum de Regimine Principum extat volumen, Virtutem Heroicam esse inquit hominum diuinorum, propterea quòd per eam quispiam bonus ultrà modum hominum cōstituitur, & esse aliquid honorabilius virtute, magisq; suprà virtutem, quam sit virtus. Cum Macrobio, & cum Plotino eā appellat exemplarem, cui, si bonum, quod sui est diffusivum, cōstat ex integra causa, nihil deesse necesse est. Hæc in primis de mente Aristotelis qui lib. Eth. 7. testimonium Homeri affert de Hectore luculentum. Poëtis Heroës, ut plurimùm fabulosi, Deorum, aut Dearum filij, prout suprà memoratum, mortales quidè, sed qui post mortem

tem in Deorum numerum referantur, atq; ex auctoritate Trismegisti aëris purissimam partem incolant suprâ nos, vbi nubibus nullus est locus. Quod cum Augustini testimonio superiùs allato egregiè cōsentir. Quam fabulam an eruerint è Sacra Genesi, cuius dicendi modum minimè percipiebant, dubium relinquitur, ait enim sacer textus ingressos esse filios Dei, ad filias hominum, quæ cum genuerint, Gigantes ortos à seculo viros famosos: quasi Heroas planè describat. Lucian. in 3. Mort. Dial. Heroëm definit, qui neq; homo est, neq; Deus, & vtrumq; simul. Placet Mazzonio viro doctissimo in Defensione Dantis Heroas Poëtis esse, qui sola virtute bellica excelluere præferoces, profligandorum, exercituum, euertendarum Urbium auidos, ad excidium perniciemq; humani generis penitùs comparatos, qualem Horatius in Arte Achillem describit.

Impiger, iracundus, inexorabilis acer,

Iura neget sibi nata, nihil non arroget armis.

Propterea vbi fatis concesserunt, atq; in Deorum naturam transierunt, quos ledendi, nocendiq; mores, atq; instinctus in humanis habuere, eosdem nequaquam exuere fabulantur, sed inter malefica referri numina, quæ vt Ioui benefica, ita Veïoui, qui noxiorum Princeps, caputq; est, subiciantur. Illos fuisse potissimum qui Argum nauem conscenderunt, atq; ad Vellus aureum Colchis auertendum profecti sunt, ac deindè qui bello Troiano interfuerunt. Cleomedem verò Astypalensem

lentem, qui 72. Olympiadem, Regnum Darij Hystaspis filij, Tribunitiam Romæ potestatem primò institutâ attigit suo quo, ex oraculi responso vltimû Heroum fuisse Paulanias refert. Quod me quidẽ in eam sententiam adducit, vt existimem apud Poetas eorum temporum ad Heroẽm constituendum virtutem bellicam satis non fuisse, sed deliramentum illud requiri, vt ex Dijs, aut Deabus geniti fuerint; nam neq; qui ad Ilium militarunt vsq; ad Cleomedis tempora superuixerunt, & deinceps fuere, qui priscorum famam rerum bello gestarum amplitudine superarunt. Porro primos post Diluuium humani generis propagatores Deorum appellatione receptos fuisse à rudioribus primùm, deindè ab omnibus inualecente superstitione credendum est. Quamobrẽm ex Xenophonte in Æquiuocis regiarum antiquissimi principes familiarum, atq; Urbium conditores appellati Saturni sunt, primogeniti ipsorum Ioues, nepotes Hercules, proptereà quòd florente ætate pollerent viribus, & bellis gerendis operã darent; quiq; ex his sunt geniti, Heroës. Saturnorum verò patres Cœli sũt dicti, vxores Rheæ, Cœlorum autem coniuges Vestæ. Quæ satis apertè patent ex epitaphio Nini, qui Assyriorum regum Veru-  
 stissimus memoratur. Quod quidẽm huiusmodi fertur.

MIHI PATER IVPITER BELVS. AVVS SATVRNVS BABYLONI-  
 CVS. PROAVVS CHVS SATVRNVS ÆTHIOPS. ABAVVS SA-  
 TVRNVS ÆGYPTIVS. ATAVVS COELVS PHOENIX OGYGES.  
 AB OGYGE AD MEVM AVVM SOL ORBEM SVVM CIRCVMLV-  
 STRAVIT SEMEL AC TRICIES ET CENTIES. AB AVO AD  
 PATREM SEXTIES ET QVINQVAGIES. A PATRE AD ME BIS  
 ET SEXAGIES.

Horum



Horum autem Cœlus Ogyges est Noë, Saturnus, Ægyptius Cham, Saturnus Æthiops Chus, Saturnus Babylonius Nemrod; qui omnes illustrium familiarum, Urbium, regnorum fundamenta iecerunt latissimè. Tamen si eosdem neget Genebrardus aut Coelos, aut Saturnos, aut Ioues ab ipsorum popularibus appellatos, sed hæc esse Græca nomina, & figmenta fabulosæ nationis asserit. Qua sententia infirmari maximè allatum Nini Epitaphium videtur, quod fortassè à Grecis ipsis longo post tempore commentum est. Quocircà, cum cessasse aiunt Heroum genus, sic opinor accipiendum, ut eorum desisse successiones, & propagines inferre velint, qui ab Dijs huiusmodi, hoc est auctoribus regnorum originem ducere credebantur, qua ratione censeri potest Cleomedem Astypalensem Heroum notissimum à Pausania fuisse numeratum. Quod si poetica facultas angustis illorum Heroum antè Cleomedem terminis concluderetur, nulla mediùs fidiùs iam, diù sperare poemata potuissemus. Et sanè Latini, qui ut plurimum ab antiquis fabulis discedere ausi non sunt, in huiusmodi superstitione fuisse videntur. Posteriores vero, quoniam ex multiplici virtute gloriam adepti sunt, ad Herois philosophici naturam propiùs accedunt. Ex his in Homero, ceterisque Viribus prisci cui observandum, cum aliquos, qui eximia probitate, atque excellentia virtutis quadam præditi sunt, Heroas appellant, Philosophorum sequi sententiam, cum præfere-

roces

roces, quos diximus semideos, sectari suam. Achilles Homero poëticus Heros; Hector etiam philosophicus. Idem videtur posteriore ætate æmulatus fuisse Lucanus, cui Pompeius absolutissimè virtutibus communitus, Cæsar ferox, & formidabilis formatus est. Meliùs in hac parte meo iudicio recentiores, qui in eam personam quam summo loco exhibuerunt ad imitandum, vtrumque Heroëm, remota diuinitatis fabula contulere, neq; illum eo nomine dignum putarunt, cui præter virtutem ferocitatemque militarem reliquarum virtutum præsidium deesset. Et nos quidem, apud quos ex agnitione veritatis illa fabulosa rationem verisimilis amiserunt aliam viam inire debemus, neq; à nostris Heroibus orandis abhorrere, qui longè vberiore laudem, quàm Græci illi, aut Troiani gestarum rerum magnitudine, meruerunt. Nobis igitur, qui in antiquorum aut superstitione, aut casu non sumus, ità videtur statuumdum, Heroëm, qui principem locum teneat in Epopeia, fortitudine militari præstare in primis debere, deinde humanę propemodum naturę conditionem ceteris quoq; virtutibus antecire; qualis ferè Gottofridus à Torquato Tasso institutus. Scù dici mauis Heroicam virtutem cumulum esse omnium virtutum quendam absolutissimum, quarum militaris fortitudo sit princeps. Hoc fundamento posito videndum est, muliebris sexus tantę perfectionis particeps, & capax esse nec nè possit; quod cum negent aduersarij, atq; inani plane ratione probare.

conten-

contendere, cumq; nec mente adeò constare fœminas calumnientur, nec tenerum, ac gracile corpus Heroicis subeundis labribus idoneum putent, nos firmissimis in contrariam partem iactis fundamentis, vt sibi ipsi respõsiones eruant, negotium postmodùm relinquemus. Fœminas à virtute in vniuersum repellere, à salutis est ianua repellere, cùm sinè virtute in supernam patriam ingredi nefas sit; idq; adeo absurdum est, vt Hæresim manifestam contineat, muliebris quippè sexus, vt rationis est compos, ità beatę fruitionis est capax. Quæ quidẽm quæstio pendet ex ea, quam sancti Patres intituere, an nimirum mulier ad imaginem Dei facta sit, quam Benedictus Pererius vir doctissimus Commentariorum in Genesim lib. 4. persequitur luculentè; nam probato in fœmina equè, ac viro impressam esse imaginem Dei, nulla virtute interdici fœminæ continuò probatum est. Neq; dubitatur, quominus in fœmina imago Dei itidẽm luceat, cùm ipsius anima rationis, immortalitatis, libertatis eiusdem sit, qua potitur anima viri; tametsi D. Paulus perperam à nonnullis expositus, ubi fœminam dicit imaginem viri secus sensisse videatur. Basiliius quidem vir summus homilia in Genesim 10. ita id explicat dẽsertis verbis, vt nihil optari possit illustrius; inquit enim. [Habet & mulier nihilominus, quàm vir, quòd ad imaginem Dei facta est; honor vtriq; naturę nihilò dispar, equales virtutes, vtrique in agone virtutis decertanti propositum par præ-



mium, confimilis viriq; peccanti decreta comminatio. Nolim dicat mulier, imbellis sum, & infirmę conditionis.] Hęc Basilus. At enim verò ipsū Numen in vniuersitate rerū mari foeminam prętulit, quam puram quippę creaturam super Angelos collocauit, ea fuit infirmioris sexus Virgo parens. Vsq; adeo diligendas foeminas cęsuit, dilexitq;, vt fortiorem sexum confunderet. Immorari pudet in re, quę fidem contingit, ne aduersarios, quibus nihil infensus sum, in suspicionem infidelitatis adducam. Sed mittamus Theologos, & cum Philosophis differamus. Virtutem Aristoteles lib. Eth. 2. animę habitum esse definit. Idem 7. eiusdem voluminis lib. belluarum nec virtutem esse, nec vitium tradit; igitur ratione vtentium, ex quo fit, vt neq; virtus à corpore pendeat, & cū sexus muliebris ratione vtatur, eadem ad virtutem accessus sine controuersia latissime pateat, neque enim sexu distinguuntur animę, sed ratione, eiusdemq; sunt habitudinis, quę foeminas, ac quę viros informant, vel profectò defectu dumtaxat corporis inferiores. At quoniā fortasse respondebunt aduersarij ab ijs virtutibus se foeminas non secludere, quibus salutis necessitas continetur, quęquē à Deo vnicuique ad arbitrium tribuuntur, in alijs plerisque recensendis, quę principem inter morales locum obtinent, paulisper immorabor, quantumq; in vnaquaq; profecerit muliebris sexus, breuiter demonstrare conabor, vt exploratum sit nihil obesse, quominus omnium potiantur, atq;

atq; vbi naturæ perfectionem, quæ ad corpus pertinet, non assequuntur, virtutis, quæ bonum est animi, consequi possint.

Iustitia omnium caput, & quædam rationis est regula, quamobrèm cum foeminæ ratione vtantur, cur rationis itèm regula vti non possint, in mentem non venit. Vtuntur autèm, nam siuè de suum vnicuiq; tribuendo, siuè de rerum commutatione agatur, quibus partibus de mente Aristotelis iustitia constat, exempla continenter sub oculos cadunt. At neq; ab ea quidem parte foeminæ absunt, quæ forum respicit, & iudicandi facultate, continetur, etenim ad Didonem ille.

O regina, nouam cui condere Iuppiter Urbem,

Iustitiaq; dedit populos frenare superbos.

Iudicauit Debora Hebræos; tot reginæ sapientissimè, ac iustissimè ius dixerunt, & fortassè dicunt.

Iustitiæ prudentia est comes; neq; enim dijudicare, quid iustum sit, fas est nobis sinè prudentia. Hæc verò aut priuati, aut publici commodi procuratione constat, vt in lib. Eth. 6. docet Philosophus; in priuato Oeconomiam, in publico Politiam fines habet. In priuata prudentia quantum foeminæ polleant, benè moratæ, institutæq; veteres Respublicæ docuere, in quibus illæ rem domesticam, dum viri ciuilem curarent, tanquam propriam administrandam nauiter susceperunt. Nostri ipsa etate in Germania, Galliaq; foeminæ rei familiaris curam gerunt, mares bellorum, & fori. Gentium Aposto-

lus, ut domus curam habeant, monere adolescentulas Titum iubet. Salomon pluribus matronam suam ad procurationem priuatæ utilitatis instituit. In hoc cum aduersarijs nullum nobis dissidium interest; quamobrem autem sit in republica administranda, non video, cum proportionem quadam domus, resque publica eadem sint, vel ipso Apostolo teste. [Qui domui suæ præesse nescit, quomodo Ecclesiæ Dei diligentiam habebit] magna enim domus res publica est, domus autem parua res publica. Aiunt, quod in Politicis Aristoteles, infirmioris corporis habitum imbecilla consilia mulieribus impertiri, atque idcirco Reipublicæ minimè idonea. At Agidium consulamus; ex eo, quod infirmior foeminarum natura sit, ille quidem consilium earundem citius perfici proficetur, cum ex eodem Aristotele debiliora velociora sint. Quocirca consilium muliebri in casu improviso, repentinoque certius, ac salubrius esse, quam virorum, interdum posse neutiquam dubitat. Quid verò prohibet in quacunque re esse eiusmodi quominus possit, si præsertim, prout pares non sumus, mulier mulierem habitu corporis antecellat? Ut autem exempla omittam vetustissima, & longè petita, nonne Amalasuntham Gothorum, Theodolindam Longobardorum reginas ab Historicorum monumentis, à D. in primis Gregorio laudatissimas, Matildem latè tota Italia imperantem omnibus seculis memorabilem Italia experta est? nonne Blancam Ludouici Regis, eius, qui in Diuorum numerum est relatus



latus, parentem Gallia, atq; Isabellam Hispania Reginas coluere? quæ quidè quid omisere, quo ciuilem, Heroicamq; prudentiam testari possent? sin minùs extinctis fidem adhibent obiectores, in viuentes plerasque oculos figant. Ego, quas calamo prætereo modestiæ ipsarum rationem habens, silentio veneror.

Transeamus ad Temperantiam, quam potissimam, propriamq; fœminarum virtutem qui à foeminis segregauerit, nihil ei meherculè reliquum erit, quò miserrimum sexum ampliùs spoliandum suscipiat. nam cum in primis honestatem feriat intemperantia, vt in 2. Eth. lib. Philosophus profitetur, illud maxime ingenuis mulieribus curæ esse compertum est, vt pudori, honestatiq; cõsulant, & à noxijs voluptatibus vehementiùs abhorrentes innocentiam castissimè tueantur. Plures propterea inuentæ sunt, quæ vt pudicitiam defenderent, aut se ipsas, aut contra se conantes virilitè interfecerunt, scriptoribusq; luculentis egregiam laudandi materiam, documentum posteris suppeditarunt.

Ostensum de virtute in genere sumpta, deq; tribus potissimis virtutis speciebus. Reliqua est fortitudo, quam etià cum ex eo, quò cæteræ virtutes fœminis inesse probatũ est, ab ipsis neutiquàm alienam esse contendimus, videtur quibusdam ratio non esse par. Hanc virorum propriam nullo iure ad fœminas pertinere. Quare negent, hanc afferunt rationem, etiamsi virtus in anima sita est, idonea tamen instrumenta *ἀρσενικά*  
Phi-

Philosophis appellata ad opera fortitudinis obeunda cum eiusmodi sexui natura non dederit, fatis exploratum esse hoc illi decus, ornamentumq; communem parentem negare voluisse, maribus indulsisse. At Deus non sinat, ne clarissimum genus à tanta contumelia quoàd potero, vindicetur. Infirmiora quidem sceminarum corpora, quàm virorum conditione sua esse non inficior, sed plerasq; , vt par viris robur obtineant, aut meliore fato ortas, aut educatione, & longa laborum adsuetudine consecutas esse negari non posse iudico. Nota Lacænarum, Germanarumq; mulierum institutio & mos. Depostremis Tacitus luculenter. [ Ne se mulier extra virtutum cogitationes, extraq; bellorum casus putet, ipsis incipientis matrimonij auspicijs admonetur, venire se laborum, periculorumq; sociam, idem in pace, idem in proelio passuram, ausuramq; . ] Egregiam ad fortitudinem, sceminarum educationem Maro exhibet in Camilla.

Hic natam in dumis, interq; horrentia lustra  
 Armentalis equæ mammis, & lacte ferino  
 Nutribat teneris immulgens vbera labris;  
 Utq; pedum primis infans vestigia plantis  
 Institerat, iaculo palmas oneravit acuto,  
 Spiculaq; ex humero parux suspendit, & arcum:  
 Prò crinali auro, prò longæ tegmine pallæ,  
 Tigridis exuuia per dorsum à vertice pendent.  
 Tela manu iam tum tenera puerilia torfit,

Et

Et fundam tereti circum caput egit habena,  
 Strymoniamq; gruem, aut album deiecit olorem,  
 nec non alibi de eadem.

Non illa colo, calathisue Mineræ.

Fœmineas assueta manus, sed prælia virgo.

Dura pati, cursuq; pedum præuerrere ventos.

Itaq; vniuersum muliebre genus quamobrè exulare,  
 non cogatur à fortitudine, exempla multarum faciunt,  
 quæ fortitudine claruere. Hanc circà terribilia versari,  
 & bellorum in primis periculis contineri ab Aristotele,  
 didici, eosq; tam qui constantèr patiuntur, quàm qui  
 agunt audentèr, fortes appellari. Si prioris generis opte-  
 mus exempla, quid fortius, quid sublimius in contem-  
 nenda morte, tolerandaq; Lucretia, Portia, Cleopatra  
 fuit? Quæ cum eorum temporum opinio fuerit ad ma-  
 gnitudinem animi pertinere sibi potius mortem consci-  
 re, quàm vel maculam turpitudinis, vel indignum to-  
 lerare seruitium, mortem sibi fortissimè consciuerunt.

Quis Epicharim Cornelianam libertinam, venalemque  
 fœminam, quæ Neronianæ coniurationis conscia, ne pro-  
 deret reos, vitæ infamiam honesto exitu superauit, viris  
 fortissimis non equauerit? Mitto Virginum, & puellarum  
 globos, quæ pro Christo Domino cruciatus acerbis-  
 simos ingenti vigore animi pertulerunt, mortem con-  
 stantissimè subierunt. Si posterioris, quem Amazo-  
 nes gloriosissimæ bellatrices ad se non rapiunt, quem non  
 mouet Tomyris, quæ Cyrum Persarum regem nullibi  
 victum



victum vicit, interemitque? Quem Zenobia, quæ Aureliano Augusto negotium tantoperè faceffuit? quem Boudicea, & aliæ strenuiffimæ innumerabiles. Agrippinæ profectò apud Tyberium nihil æquè conflavit inuidiam, quàm quòd in Germaniam maritum secuta manipulos interuiferet, signa adiret, munia Imperatoris complura fortitèr vſurparet. Ergò & foeminæ fortitudinem colere poſſunt, ergò & bellica laude clareſcere, neq; mulierem minùs Viraginem dictam crediderim, proptereaquòd in viri naturam virtute tranſeat, quàm quia de viro ſumpta fuit. Immò quæ in humanis fortiora videntur, muliebri vocabulo prenotantur. Fortis eſt, vt mors dilectio. Quòd ſi ſingulis foeminæ virtutibus potiri & poſſunt, & ſolent, haud ſanè intelligo, quid prohibeat, quominùs omnibus itidem potiantur, atq; ad Heroem Epici Poëmatis conſtituendum perſonam, afferant luculentam, cùm eis præſertim (quod ſummum requiri videbatur) bellica fortitudo planè non deſit. Quæ quidè tametsi deeſſet omninò, at apud Poëtas inualuit vltus, obtinuitq; conſuetudo, ea gloria foeminæ ne priuentur; Homerusq; Pantafiſileam, Maro Camillam, recentiores Clorindam, Marphylam, Bradamantem aptè in armis eſſe incredibili cùm voluptate, ac veriſimilitudine perfecerunt. Quod alijs licuit in re falſa, iniquiſſimè agatur mecum ſi mihi in vera minimè liceat. Certè cùm virtutes omnes in Iuditha floruiſſe compertum eſt, tum potiſſima cōmendatur in ſacra Hiſtoria fortitudo, eademq;

eademq; à Sanctis Patribus tantoperè celebratur, vt fortis illa mulier, quam tanto studio Rex sapientissimus inquirebat, Iuditha nostra omninò fuisse videatur. Idē ille Ambrosius, cuius adeò in præcedenti capite mentionem fecimus, tot, tantisq; præconijs Iudithæ virtutes, fortitudinemq; potissimum laudandas suscepit, vt nihil addi possit. nam præter elogium, quod ibi attulimus, hæc habentur in lib. de Viduis. [Sed nec fortitudo bonæ viduæ deesse cōsuevit, hæc enim vera est fortitudo, quæ naturæ vsum, sexus infirmitatem mentis deuotione transgreditur; qualis in illa fuit, cui nomen Iudith, quæ viros obsidione fractos, perculsos metu, rabidos fame sola potuit à colluione reuocare, ab hoste defendere.] Non aliena sunt Augustini præconia ser. suprâ citato 228. in append. 66. [Licuit mulieri exarmare iuuenes, & debellare victores, sollicitam defendere Ciuitatem, & barbarū subuertere bellatorem] subscribit Hieronymus ad Furiam. [Vincit viros foemina, & castitas truncat libidinem.] nec Zonaras non ijsdem vestigijs insistit. [Nobis verò nequaquam prætereunda sunt, quæ à masculi animi foemina, seu Viragine Iudith gesta sunt, quæ Holophernem ipsum perdidit, urbem verò suam, populumq; vniuersum seruauit] longum, molestumq; esset omnes patrum panegyricos recensere. Neque in casu nostro ad machinam cofugiendum est, Iudithæq; opus ad miraculum referendum; nam quæ naturæ viribus fieri queunt, prout docet D. Thomas 3. par. quæst.

quæst. 43. ar. 4. à miraculi conditionbus remora sunt. Porro, an viribus naturæ fieri possit, vt solus quispiam inter cōsertos hostium cuneos Principem aggrediat, & quandòq; de medio tollat, vadesesse possunt præter Scæuolam, homines è vilissima plebe duo, qui Henricos tertium, quartumq; munitissimos Gallorum reges nuperrimè interfecerunt. Quod si obijciatur mares fuisse, at superiùs allatæ rationes assequuntur, vt idem foeminis commune sit; nam postremis sub Henrico quarto de Regno bellis memoriæ proditum est Centurionem stipatū militibus à strenua adolescentula ferro fuisse transuerberatum, quæ ab eo pudicitia contumeliam sub fide hospitij passa fuerat. Haud igitur miraculum Iudithæ opus, quod vires naturæ non supergreditur, quamquàm mirabile. Cæterùm quòd diuina ope adiuta rempatrauerit, satis norunt aduersarij nihil sinè ipsa à mortalibus posse fieri, stultiq; admodum esse consilij virtuti propriæ suas victorias, & parta imperia accepta referre. Si Cyrus intumescat, & suam sibi arroget magnitudinē, reclamat Deus per Isaïam, seq; illi omnia in manus dedisse palàm declarat. Si vindicare suis armis audeat Alexander Orientis imperium, eum Iosèphus mendacij conuincet, quippe qui Nomen illi sempiternum sub imagine Pontificis ipso exordio expeditionis apparuisse ac victoriam pollicitum fuisse testatur. Quocircà cùm Dauide sentiendum; Non in curribus, neq; in equis, sed in nomine Domini fidendum esse. Atqui, ne prisci  
qni-





quidè vates in medijs Idololatriæ mēdacijs educati ab huiusmodi veritate abhorruerunt, suos quippè Heroas cū diuinitatis participes, tū ope numinum innixos, nec sinè fortasse machina, Homerus præsertim, rem gerere confinxerunt.

Neq; verò adeò nostris argumentis officiunt obiecta duo, quæ subindè fieri videntur; alterum etiamsi muliebris sexus de sui natura Heroicam virtutem possit induere, non tamèn consentaneum rationi videri, vt Viri foemina locum gerat, imperfectioresq; ad exemplum, virtutis perfectioribus exhibeantur, alterum, quamquàm Poëtæ mulieres Heroica virtute præditas induxerunt, non ijs tamèn principem locum tribuisse; Nàm quod ad primum attinet, immò nihil ad oblectationem esse potest admirabilius, quod tantoperè quæri ab Aristotele memorauimus, quàm foeminam super viros excellentia amplissimi facinoris eminere, nihil ad permouendos animos comparatius, quam puellam obijcere, à qua viri desidiæ, ingnauieq; coargui, atq; exemplum virilis animi petere debeant: nàm quotus quisq; est, qui emulationis stimulos non intelligat? præreptamq; sibi a femina laudem luctu minimè prosequatur? In re sumus exploratissima, quam nihil est opus vel exemplis, vel auctoritatibus comprobare. Quod ad secundum caput spectat, si reliquis adhuc poëtis ex delectu rei vsu non venit, vt primi Herois loco foeminam constituerint, nobis quidè venit; neq; ingenia equum videtur super-

stitiosis

stitiosis finibus coërcere. Quàm verò sapientiæ parens Heroëm fecit, nihil est cùm nos aut pudeat, aut pigeat accepisse. Esto igitur Herois nostra eiusmodi Heros, à quo viri Heroicę Virtutis institutum, & documentum capere non erubescant.

Adhuc verò superest, quod negotium facebat aduersarijs. obseruat, inquit, Seruius in Virg. *Ænid. lib. 7.* foeminas præliantibus esse fatales, vt ferè exercitus, qua parte stant, illam profligari, ac deleri contingat, tamquàm Deo indignante marium illas munia vsurpare; sic Troianis Penthesileam, Rutulis, Camillam, Antonio Cleopatram noxias fuisse. Quocircà Iuditha Heros vt vt sit, at mali ominis suis erit, at eligi neutiquàm debuit. luculenter sanè, sed rei exitus refellit obiectum. Nunc aliò tendendum est.

Tertiæ obiectioni fatisfit; ex Historia, eaq; sacra ritè deriuari poëma posse demonstratur.

**Q**uestionem profectò arduam, ac ferè inextricabilem deinceps nacti sumus, quę iam eruditorum omnium defatigauit, ac propè exhaustit ingenia; nam Iudithę facinus ex virtute sit, Herois mulier ritè personam induat; at videtur multis ex historia, præsertim sacra, conflare poësis neutiquàm posse, atq; hoc peccatum

catum summum in Iuditha mihi obijciunt. Nos ut rationem assequamur eius rei, de qua tantoperè dubitatur, triplicem disputationem instituendam censemus, prout triplex obiectio est; neq; enim ex huiusce dubitationis anfractibus expedita esse nobis euasio poterit, nisi paulatim, & quasi per membra progrediendo ad intimas partes penetremus, teneamusq; quid illud sit re vera, in quo difficultas posita est; nam hic error fortassè plurimos comprehendit, ut disceptent, nec qua de re disceptent, satis exploratum habeant, ex quo fit, ut nodum magis, ac magis implicent explicando. Obijciunt, inquam Iudithæ facinus esse rem veram, esse Historiæ mādātam, esse sacris litteris consignatam. Videbimus itaq; primo loco, an verum per se positum idoneum esse Poëteos argumentum valeat; deindè an verum historiæ commissum; tertio an verum sacrosanctis Bibliorum traditum monumentis. Qua quidè in re cum Aristotelis præceptis aduersarij innitantur ut plurimum, nos reliquis omissis argumentis, quæcumq; siuè ab ipsius interpretibus, siuè ab alijs, qui magna cum altercatione hanc quæstionem exercuerunt, in aciem deducta sunt, in vno Aristotele consistemus, ipsorumq; Aristotelem nostro Aristotele confutare conabimur, & veritatem potius inuestigabimus, quàm patronos quæremus.

Negant itaq; verum quoquo modo acceptum in Poësim transire posse, Aristotelemq; assertorem præferunt, qui in secundo Poëtices capite verbis planissimis asseuerat,



rat, non res, quæ factæ sunt, sed quæ fieri potuerint, à Poëta esse scribendas. Poëtam, qui circà vniuersalia versatur ad Philosophum propiùs accedere, Historico relinquere singularia, proptereaq; magis esse rerum, quàm carminum opificem, atq; effectorem. Hęc ratio, atq; auctoritas summi Philosophi tanti fuit, vt plerosq; & quidèm magnæ eruditionis viros in eam opinionem adduxerit, vt quò longiùs abessent à vero, falsum ipsum, subiectum Poëseos esse aptum, iustumq; mordicùs defendere non dubitauerint, vtq; scyllam vitarent, impigerint in charybdim. Si hoc est, verumq; in poësi vllò modo non habet locum, profligati sumus.

Vt quàm minimo negotio fieri possit, ex huiusmodi scopulis elabamur, ipsam Poësos ab Aristotele traditam definitionem primò afferamus, deindè Epici etiàm Poëmatis colligamus. Omnem Poësim ille imitationem, esse affirmat, quæ vel diuersas res, vel diuersis instrumentis, vel diuersa ratione ad similem veri quidpiam referat. Quocircà Epopœiam quoq; sub imitationis genere comprehendì necesse est; actionemq; humanã eximiam, admirabilem, ac iustæ magnitudinis, quæ in prosperiorem fortunam vergat, ad rationem verisimilis narrando exhibere. Ex hisce philosophi definitionibus, & progressu sermonis satis liquidò colligi potest verū ad aliquam Poëseos partem pertinere; pertinet enī ad Dithyrambicam, in qua veras Deorum secundum Ethnicos, Heroumq; laudes Poëta tibijs imitatur, quos sibi quæq; pro-

arbi-

arbitrio novos fingere nefas est. Verum igitur à Poësi omninò non exulat. Quæ si ratio in Dithyrambica locum habet, quamobrèm in Tragœdia Epopœiaq; , quarum materies ferè communis , sunt quippè omnes meliorum imitationes, habere non debeat, in mentem non venit, neq; enim licet novos Deos, novos reges, novos casus, magnos præsertim, atq; atroces prò libidine somnari; Quod si fiat, viri sapientes aut minimè, aut egrè probant; Heliodorumq; antiquitas temporis, & longinquitas regionum tueri videntur. Afferit quidem Aristoteles Tragœdias illas esse pulcherrimas, quæ circa paucas familias versantur, quia paucis omninò familijs atrociam huiusmodi contingere; Floremq; Agathonis totum confictum amico homini indulget potius, quàm cõmendat.

Præterea Poësim esse imitationem inquit Philosophus, at imitatio nulla est, nisi rerum, quæ aut existunt, aut existerunt; exemplum enim exemplar sectatur. Et quoniam de mente Aristotelis verisimile, non verum, Poetarum proprium esse prædicant aduersarij, addo Aristotelè ipsum planè decernere nihil vero similis esse, quàm verum, neq; magis fieri posse, quàm quod effectum est. Itaq; veritati bene conuenit cum Poësi. Porro quia de Imitatione, ac de verisimili necessaria contingit mentio, ut rem interiùs assequamur, eorum natura, notioq; videtur nobis inuestiganda.

Ludouicus Castelnutrus, qui se omnium maximè Aristotelis de Arte Poëtica præceptis lucem attulisse profite-

tur, imitationem inquit assimilationem esse quandam, quæ sicuti non est eadem res, cuius similitudinem gerit, sed ab ea longè diuersa, ita verisimile non est idem cum vero, cuius imaginem exprimit. Quam quidè illi disputationem suo more tractat fusiùs. Nos omisisseruacaneis dupliciter accipi posse imitationem existimamus, vel pro ipso nempe, imitandi actu, vel pro opere, quod ab huiusmodi actu productum, mansurumque proficiscitur. De postrema disceptatur, quæ quidè videtur itè esse duplex, aut enim rem, personam uè illammè exprimit singularem, indiuiduamque; aut tantummodò secundum speciem, & quandam conuenientiam, si priore ratione, imagò existit, posteriore similitudò; hoc quippè discrimen inter imaginem, & similitudinem ad faciliorem captum cõstituere libet, ut imago rē singularem ad viuum referat similitudo circa uniuersalia liberiùs versetur. A pictura, Heroumque signis, & imaginibus exempla ad perspicuitatem petenda sunt. Imago dicenda videtur illa, quæ Alexandrum Macedonum regem secundum vera ipsius lineamenta, atque oris formam imitetur; Similitudo, quæ virum bellatorem representet, & qualem Alexandrum esse deceat; ceterum à veris Alexandri lineamentis alienum. Est igitur imitatio vel imago, vel similitudo, quæ duæ res duos itè constituunt modos narrandarum rerum, alterum secundum veritatem, alterum iuxta similitudinem veri, qui sine controuersia poëticus totus est modus, qualisque  
esse



else debeat facile indicat Aristoteles cum poetam, philosophum statuit, atque vniuersitatem complectentem; persequi autem ideam quandam, & rationem perfectam, atque absolutam rei, non qualis ipsa fuerit, sed qualem esse deceat pro ipsius conditione, ac genere, prout à Xenofonte formatus est Cyrus, atque ad ideam optimi, sapientissimi, & fortissimi regis summo iudicio expressus. Si autem rei gestæ eiusmodi perfectio contigerit, an hæc quoque poetis materies idonea sit, de hoc quaeritur inter doctos: nunc satis, superque est præscribere nobis Philosophum rem, quæ fuit; cætera suo loco videbimus. Potest alia quoque ratio haberi verisimilis, qua nimirum videtur idem esse cum credibili & cum eo, quod fieri potest; nam hæc tria ea affinitate coniunguntur inter se, atque ita aliud ab alio pendet, ut ratione distinguantur, re ipsa ferè sint vnum. Etenim nihil vnquam potest esse credibile, quin sit idem verisimile, neque verisimile, quin per aliquam potentiam fieri possit. Porro ex adductis exploratum est nullum genus verisimilis aut sine vero contate posse, aut aliquam saltem ad verum relationem habere necesse esse, quippe quod omnium verisimilium est radix: tantum abest, ut falsum poetæ sit proprium; si quidem neque semper quod verum non est, continuo est falsum, prout in prima questione confirmatum est, neque poësis aut vsus, aut voluptatem affert, nisi per fidem, quæ veri fundamento innititur. Quem sanè finem laud satîs com-

pertum est mihi, quomodo poësis certiùs adipisci queat,  
 quàm si ex eodem fonte deriuet suam vim, ex quo reli-  
 quæ hauriunt facultates, quæ in huiusmodi rationem  
 credibilis coëunt, atque ipsius ductu suos fines conse-  
 quuntur. Tres enim numerantur opifices, qui in hanc  
 credibilis societatem conuenire solent, historicus, ora-  
 tor, & poeta; historico nisi fidem habeamus, ille oppi-  
 dò non docebit, oratori nisi credamus, is nullo modo  
 persuadebit; poeta si fide careat, nullo sensu auditoris  
 animum perfricabit; nam etiamsi proprium historici ar-  
 gumentum sit verum, oratoris probabile, poetæ verisimi-  
 le, atque his diuersis armis quisq; vtatur, mucro tamèn  
 omnibus communis est fides, & prius feritur auditoris  
 animus à ratione credibilis, quàm aut verisimilis, aut  
 probabilis, aut veri. Itaq; si probabile oratoriù eò magis  
 credibile videtur, atq; ad persuadendum aptius, quò est  
 verius, quidni eadem proportionem verisimile poetarum  
 maiorem oblectationem, & commodum pariet, si ve-  
 rum adhibeat, quàm si secùs fecerit, in mentem non ve-  
 nit. Frigent protectò contiùuò omnia, vbi veritatis opi-  
 nio exiit. Quòd si negauit Aristoteles à spectatoribus  
 de veritate, aut commento distingui, ille verò eò loci  
 ad ea dumtaxat poemata præcepta fortassè tradidit, quæ  
 in theatro promiscuo homini, insipienti vt plurimum  
 exhibentur: nostra ætate, cum poemata quæuis legun-  
 tur potius, quàm spectantur, non is ingenuis viris est  
 animus, deiectus, iacensq; vt laborem subire ad volu-  
 ptatem

ptatem insipientium velint; Cum ex Cicerone in Bruto  
poëmata recondita paucorum approbatione, oratio po-  
pularis ad sensum vulgi moueri debeat. Telum aucto-  
ritatis Aristotelicæ superiùs adductæ in nos retorquent  
aduersarij; negant enim verba illa (nihil vero similis  
esse, quàm verum, neq; magis fieri posse, quàm quod  
effectum est) ad vnā, eandemq; actionem referri,  
sed ad duas, alterā verā, alterā commentitiā,  
quæ ad similitudinem verè conficta sit, vt si quis patrem  
fabuletur à filio interemptum, probè faciat, quoniā  
Oedipus aliquandò repertus est, qui patrem interemit;  
atq; hanc poetæ propriam imitationem esse profitentur,  
cum ad similitudinem rerum gestarum res nouas com-  
miniscitur, & perfectiores arte confingit. Hoc profectò  
vrgere videtur argūmentum; at vel nimis superstitiosè  
Philosophum interpretantur, vel non viderunt, libellus  
ille, quamquā mutilus, atq; adeò fortasse corruptus  
ad eorum sententiam labefactandā quantū virium,  
afferre valeat, cū apertè Aristoteles pronuntiauerit in  
Tragœdijs, quarum præceptis vtitur vt plurimū Ep o-  
pœia, verā nomina conseruari, & circā paucas om ninò  
familias versari, proptereā quòd magnis illis, atq; hor-  
ribilibus euentis obnoxia fuere: quod ad sola nomina  
nequaquā referri, sed ad res ipsas, & facta reuocari  
necesse est. Est igitur verum per se ipsum, & quidem  
plurimū ad Poësim spectare, quā Platonem, si  
ficta sit, è Republica exturbat, verā tenet; magnā quip-  
pe



pè Heroum facinora , prout supra memorauimus , in occulto non sunt , & si cui defuere scriptorum calami , fama certè , memoriaq; mortalium neutiquàm defuit . Quòd si in Comœdia , & res finguntur , & nomina ad arbitrium ponuntur , humilitatem rerum gestarum , obscuritatemq; personarum causas habemus ; addo & ne cuiquam detrahatur , cum quos fugias , proponat vt plurimum ; nec praterco , quia improbi plures , quam probi , atq; ignobiles , quàm clari . Epopœia verò , cum exhibeat , quos sequaris , nomina retinet , res , quæ fuerint , carmine illustrat , quoniàm laude digni , probique viri sunt admodum pauci . De Tragœdia diuersa est ratio , prout finis non idem ; nam cum idcirco instituta sit , vt per terrorem , misericordiamque permoueat animos , & amplissimi quoque viri fortunæ vicissitudinem formidare debeant , exempla itidem amplissimorum virorum , qui , vt sæpius dixi , obscuri non sunt , ipsam oportet in scenam deducere .

Hactenus de vero prò ipsius natura locuti sumus . sequitur nunc altera pars disputationis de verò monumentis historicis consignato ; nam qui verum extrà historiam situm concesserint in poesim posse transferri , magnoperè vereor , ne à vero historico prorsus abhorreant . Videtur enim rationi consentaneum non esse idem possè tum à poeta , tum ab historico pertractari idq; Aristotelem constantissimè vetare contendunt . Nullis tamè rationibus moueri possumus , quominus verum , & quidem

dè in historia descriptum argumentum idoneum poë-  
seos Epicæ, ac Tragicæ esse posse existimemus. Pluribus  
propositum confirmatur; primum est, quod pridem,  
sæpiùsque innuimus de magnis euentis, quæ vsq; ad eò  
neglecta non fuisse, vt apud historicos penitus exoleue-  
rint. Quòd si ab historia esset poëtis abstinentum, aut  
vniuersa fingere cogerentur, quod quam præferat dif-  
ficulatem sanè docuimus, aut nimis in arcto nobilissi-  
mis artificibus labor foret. Addo historiarum plerasq;  
mutilas, plures varias, atque etiam sibi inuicem aduer-  
santes præstantibus varium ingenijs locum relinquere.  
Maximum etiàm momentum ad nostram sententiàm af-  
ferunt exempla poëtarum principum, qui omnes argu-  
mentum ex historia sumpserunt. Homero quidem Da-  
res Phrygius, & Dictys Cretensis materiam suppeditarunt,  
Virgilio Romanæ Historiæ, quæ Reipublicæ conuersione  
perierunt, Æneam ad nos migrasse tradidere. De Ennio,  
de Silio, de Lucano, de Petrarca, quos cœcutisse omnes  
putandum non est, idem dicere debemus. Inimò verò si-  
cuti qui à veteribus fundamentis ædificando non abhor-  
ret, ducitq; parietes, ac domum ex ijs angustijs nihilo-  
minùs excitat splendidissimam, maiore laude dignus  
videtur, quàm qui libero, apertoq; spatio cuncta ad arbi-  
trium disponit, & format, haud secùs vsu venire arbi-  
tror poëtis, qui historiæ quasi quibusdam limitibus co-  
hibentur; eximij quippè est animi, atq; industriæ ità ve-  
tera exornare, vt noua videantur, ità noua comminisci,

ut veteribus cohæreant, & mirum in modum antecellât,  
 ita aliena pertractare, ut fiât propria. Quod verò inquirunt,  
 idem historici, & poëtæ subiectum esse neutiquàm posse,  
 videtur profectò habere nullam vim, cum à poëta sub  
 ratione verisimilis vsurpari possit, & poëtica lege tra  
 ctari, nihilque prohibeat, quominus vna, eademq; res  
 multiplici ratione habita multiplicibus facultatibus ar  
 gumenta præbeat; nam & hominis anima, ut forma  
 corporis ad Physicam, ut substantia expers materiæ ad  
 Metaphysicam, ut capax æternæ felicitatis ad Theologi  
 cam disciplinas pertinet; ac plura id genus iuxta varias  
 sui rationes varijs scientijs sine controuersia materiam  
 suppeditant. Quò maior veri calamitas videretur, si in  
 vnus historiæ cancellis concluderetur. Qui verum hi  
 storia exutum in poësim traduci posse consentiunt, si in  
 leuis mihi est spes futurum, ut huiusmodi rationibus ad  
 ducti ne historia indutum quidè reijciant. Quæ cum  
 ita sint, videtur difficultas planè nulla, an vero poëta  
 vtatur, sed quomodò vtatur. Quas cum duas res pleriq;  
 confundant, disputando laborant plurimùm, neq; sta  
 tuere valent quicquam certi. Huc profectò spectasse vi  
 detur Aristoteles resq; adeò, quæ gestæ sunt, non qua  
 ratione gestæ, sed quales, & cuiusmodi geri potuerint  
 à poëta sensisse scribendas esse, quò ab historico distin  
 guatur. Propterea tota in hoc difficultatis ratio sita est,  
 qui sit idoneus modus. Ac pluribus quidem modis ali  
 quid narrare contingit, nam vel res gesta describitur ve  
 ris



ris cum personis, & modo, prout verè gesta fuit, narratione simplici, & nuda; vel res vera veris cum personis & modo, sed cum intermixtione actionum adinuentarum; vel res vera veris cum personis, at diuerso ab eo modo, quo gesta fuit; vel res vera, modusq;, sed personis nomina imponimus; rursùm vel res ficta, quam veris personis adscribimus, vel res item ficta, & cum personis itidem fictis. Præter sex huiusmodi nullum ulterius reperio modum. Primus ad historicum absolute pertinet, reliqui ad poetam. Quorum postremus Comædiæ est. Quartus, quintusq; in ea poesi, vbi de Heroibus, Heroumq; rebus gestis agitur, nequaquam inter doctiores probantur. Superest, vt secundus, tertiusq; ad Epopoeiam pertineant maximè, qui quidè tertius in duos rursùm subdiuiditur modos; aut enim summam, rei, finemq; ad amussim obseruamus, instrumenta, mediasq; actiones ad ideam perfectionis quandam sedulò comminiscimur, vt Maro, aut allegoricè rem veram occludimus; fictam palàm prætendimus, & fabularum in volucris mysteria celamus, cuiusmodi antiquissimi Poetæ factitarunt, qui res naturæ abditas huiusmodi velaminibus condiderunt; ex quo effectum est, vt quæ adultèria, furtaq; numinum varia naturæ opera interiorè præseferabant, vulgus, quod à cortice non discedit, prò veris acciperet. Ad hoc genus Argonautica reuocatur; neq; enim aliud volunt fuisse nauem illam, quam Academicam, vellus aureum sapientiam, virtutemque, draconem

nem superandum propriam vnicus cuiusque libidinem, seu maius laborem à tanto quæstu deterrentem. At ne Syri quidem, aut Hebræi ab hoc genere abstinuere, apud quos parabolarum vsurpatio frequens, prout cantica Salamonis inter cætera patefaciunt. Atq; hanc fortasse viam poëtæ propriam crediderim maximè, quam erudita, ingeniosaq; antiquitas institit, cùm poëticam artem cõmentata est, vt quemadmodùm cætera omnia ad vsum aliquem comparauit, ità per voluptatem mortalibus prodesset hoc loco. Assentire Lucretius videtur, qui poëtas veritatem ad commodum vitæ fabulis condensam, condiendamq; suscepisse proficitur. Sic enim in 4. de natura rerum libro sapientissimè decantauit.

Nàm veluti pueris absynthia tetra medentes  
 Cùm dare conantur, priùs oras pocula circum  
 Contingunt mellis dulci, flauoq; liquore,  
 Vt puerorum ætas improuida ludificetur.  
 Laborum tenùs, intereà perpotet amarum  
 Absynthi laticem, deceptaq; non capiatur,  
 Sed potiùs tali tactu recreata vale scat;  
 Sic ego &c. Verùm hæc missa faciamus. De  
 primo ex his duobus modo, qui communior, frequen-  
 tiorq; est, deq; secundo inter sex enumeratos disquiritur,  
 quippè qui maxima affinitate inuicèm coniunguntur.  
 Igitur (quod primum statuitur) si in historias truncas,  
 summatim compositas, pugnantes inter se, suspectasue,  
 vt Græcæ solent, quod mendax vt plurimùm est, fabulo-  
 sumq;

sumq; genus hominum, poëta incidat, tunc nulla videtur controuersia, quominus ipsi integrum sit actionem, non qualis extitit, Musis transdere, sed prout præclarius geri debuerit, ex arbitrio formare, aut quod compendio transactum est, ingenio explicare. Quodq; certissimum post allegoricum prædictum inueniendi, atq; imitandi genus esse iudico, ex actione vera, & nota affinem deducere, seu è fama personas metiri, & genio, ac moribus congruentia comminisci, hic poëtæ modus opportunissimus præsto est, prout in bellis crudelia exempla, in amoribus amentias fingere, breuissimus quippè est transitus: Æneam semper pium, Achillem semper ferum, cum vel apud Iurisperitos semel malus præsumatur semper malus in eodem genere mali, atq; in occulto scelere satis idoneum indicium faciat, si quis delinquere solitus fuerit; ac plura id genus.

Quod secūdum videtur edicendum, est, historias etiā quasq; commutare non esse absurdum; nam capitalis, quæ intercedit, quorumdam lex auctoritatem consensione doctiorum non habet, cum enim in Bruto pronunciaisset M. Tullius Coriolanum voluntaria morte occubuisse, subdidit statim. [Quoniam concessum est Rethoribus e mentiri in historijs, ut aliquid dicere possint argutiùs, quod etiam Stratocles, & Clitharchus in Themistocle præstitere. Cui quidē sententiæ subscribit etiam Quintilianus.] Quamobrem Mazzonius hoc loco exclamare cogitur. At quò magis in poësi? Hic si pla-



cet, in medium afferatur Tragici argumenti conatus noster in Agrippina, ex quo pateat, quid in hoc genere à melioribus ingenijs præstari possit.

Cæsare Germanico in Asia per summum scelus extincto, Agrippina vxor cum liberis Romam venit: Vbi seu dolore erepti coniugis, seu impotentia muliebri, & violentia ingenij apud Tyberium grauitèr offendit; nequè filij ab inuidia Principis abfuere ob beneuolentiam, magis Romani populi, quàm proprium crimen; præter Caligulam, qui senis artibus seni obsequi, & se ipsum mentiri didicerat. Illi veneficia obijciebantur, hi maiestatis postulabantur; atq; Agrippinam quidè in Insulam Pontiam, neq; procùl Neronem exules deportari, Drusum Romæ in custodia haberi mandauit. Omnium ratio victus miserima; Drusus eò deductus est, vt coacta inedia tomentum culcitæ manderet; Agrippina, Neroq; tanquàm mancipia vilissima flagris afficerentur, suffossoq; oculo foemina princeps Augusti neptis ab Censurione ludibrio haberetur. Nero quamquàm ignarus atrociorum rerum, quæ matri postremè acciderant, consuetè contumeliè intoleràs arrepta occasione alieno, cum vestitu lintrem intrauit, & clam custodibus Romam progressus omnem aditum noctu lustrauit, quò sibi ad fratrem pateret accessus, vt consilijs communibus communi malo subueniretur. Per idem tempus Drusus quòq; deceptis militibus è carcere abierat, & vagus, inopsq; animi, quò se reciperet, ignorabat. Fratres per tenebras ob-  
uij

uij fiunt, magnitudine facinoris territi, & primò, quia non agnoscebant, suspecti inuicèm, mox congressu detecti. Hic verò lachrymæ, questus, & quæ ima fortuna dictabat, donèc audito strepitu, ne deprehenderentur, digressi sunt. Agrippina Neronis fugam neq; præsenferat neq; perceperat; sed misericordia militis paterno olim stipendio obnoxij Insula excefferat. Ità pessimo omnium fato effectum est, vt diuersi omnes in vrbein eodem tempore conuenirent. Igitur quem strepitum adolescentes acceperant, ea fuit Agrippina cum milite, quæ tametsi cum eodem iniquam vicem lamentaretur, ac de modo parandæ salutis tibi, liberisq; consultaret, flexis tamen ex cõposito in obscurum sermonibus semet occulere nitèbatur. Postquam vacuus testibus locus fuit, Nero, Drususq; eodẽ reuersi de acceptis iniurijs, deq; remedijs agitare, & cum nihil idoneum videretur, tollendi Principis consilium capere. Condictus est coeundi locus antè ædem fortunæ. Miles, Agrippina in contubernio relicta, haud procùl aberat, ceterorum ignarus extrema de interficiendo Cesare ob imprudentiam adolescentium verba excepit. Rem cotinuò alienam ab se creditam ad fœminam defert, cumq; adeò reliqua omnia incommoda, difficiliauè ad salutem esse intelligerent, pietatem in Tyberium præferre, ac trucem animum ad clementiam, & gratiam flectere opportunum rati, Principem, vt caueret sibi à duobus neutiquàm notis, qui patricidium aduersus ipsum moliebantur, & custodias ad fanum Fortu-

ne in occulto collocaret, monendum statuunt. Agrippina indices litteras exarat ad Cæsarem, qui atrocitate rei trepidus militem in insidias progredi iubet. Vix fratres adfuere, cum in carcerem rapti, agniti, torti; sunt & quia inopinato euentu perculsi, flagitium confessi. Cæsar obtruncari vtrumq; præcipit. dein accitam Agrippinā, quæ iam in regiam deducta fuerat, adhuc insciam collaudat, gratias agit, bono animo esse iubet. Tum capita damnatorum specie munerum afferri imperat. Vt in aperto fuere, & mater miserabilis in atrox spectaculum oculos fixit, seq; reos ad necem prodidisse intellexit filios suos, prò quorum salute indicium ad Principem tulerat, solutis nervis defecit, nec multo post retento spiritu volens extincta est. Huc exuendæ calamitatis studium, reluctante Cælo, pertinuit.

Nunc ad tertium, quod statuendum superest, descendamus. sentiunt autem seriò viri grauissimi, Mazzonius præsertim, rem eo quoq; modo à poëta decantari posse, quo gesta fuit, si eo modo gesta fuit, quo perfectius geri debuerit, neq; ex eo tamen poetæ nomen amittere, cum historicus, poëtaq; in dicendi ratione adeò inter se diferant, vt poëtæ plurimum spatij ab historico relinquantur; quem ad omnia descendere neutiquàm decet. etenim exercituum lustrationes poësis requirit, catalogos ducum, sacrificia, & supplicationes, concilia Coelestium, atq; Inferorum, quam quidè viam nostræ intelligentiæ apprimè commodam præsci inierunt, tum  
ad



ad prouidentiam Numinis declarandam, tùm ad infestos Infernorum spirituum impetus, artesq; ob oculos proponendas. Atquì cùm perfecti Herois ideam persequi Epicus imitando debeat, nisi ea retineat, quæ sui Herois dignitati officiant, quamquàm vera, non video, quomodò suum finem consequatur: neq; illi vitio dandum, agit quippè Philosophum, non actorum scribam. Euenta ex aduerso singularia, casusq; varios comminisci, quos historicum consultò præterisse à verisimilitudine non abhorret, nefas non videtur; atq; ex his quidè Epifodia cùm ad suauitatem concinna, tùm ad structuram poëmatum vtilia conflare posse crediderim, præter veritatem sanè, contrà nequaquàm. Ordo insuper, ac dispositio ab historica longius abest; nam etsi suum principium, suus finis poëmatideesse non debet, attamen.

Ordinis hæc virtuserit, & venus, aut ego fallor,

Vt iam nunc dicat, iam nunc debentia dici,

Pleraq; differat, & præsens in tempus omittat.

Quodque maximi est momenti, plures historico actiones amplecti nō interdictum, quamquàm altera ab altera sit alienissima, poëtæ ab unitate recedere capitale est. Quòd si historiam quoque nactus fuerit, quæ unitatem actionis præferat, haud totā continuò suscipiendam monet Philosophus, ne aut in eam molem poëma Epifodij excreseat, quæ iustam magnitudinem excedat, aut, ne molem immensā afferat, ab Epifodij, poësiq; congruentibus

tibus inuentis aridus poëta abstinere cogatur; sed partē dumtaxat eligendam esse, eamquē Musarum industria amplificandam, colendamq;. Sic Homerus non vniuersum bellum Troianum, verū vnam dumtaxat partem, quæ ad Achillis iram pertinet, sic Tassus nunquam satis laudatus nostra ætate solam Hierosolymorum expugnationem complexi sunt. Atq; in hoc quidē Lucanum fefellit opinio, Trissiniq; viri alioqui eruditissimi Italiam liberatam labefactauit, quod cum actiones integras ex Aristotelis præscripto canendas suscipere cogitassent, tantæ illas magnitudinis elegerunt, vt vel poëtæ nihil conandum relinqueretur, vel ex longitudine lectoris animum defatigarent. Perstringit sanè Lucanum Petronius Arbitrator, damnatq;, non quòd historiam excerpserit, sed ferè quòd nimiam, atq; ideirco angustiore poëtæ industria tractatam, iterq; aperit, quoad poëma ex historia deductum pateat accessus; cum enim Homeri, Virgilijq; mentionem fecisset honorificentissimam, hæc subiicit. [Cæteri aut non viderunt viā, qua itur ad carmen, aut viā calcare timuerunt. Ecce belli Ciuilis ingens opus quisquis attigerit, nisi plenus litteris, sub onere labetur. Non enim res gestæ verbis comprehendendæ sunt, quod longè melius historici faciunt, sed per ambages, Deorumque ministeria, & fabulosum sententiarum tormentum præcipitandus est liber spiritus, vt potiùs furentis animi vaticinatio appareat, quam religiosæ orationis sub testibus fides.]

Hæc

Hæc ille. His legibus seruatis optima ex historijs poemata, deriuare non modò non reprehendendum, sed laudandum etiàm existimauerim, neq; si ad hanc libellam Historiæ Herodoti partem poeta tractaret, mea sententia ab Aristotele plecteretur. Immodò verò præ multitudine annalium, commentariorumq; eò iampridem deducti sumus, vt Epopœia alijs in spatijs decurrere atq; exerceri nequeat omninò, nisi (quod miserum est) ad prisca fabulas reuertatur.

Si in duabus hisce velitationibus manus aduersarij nequaquàm dederunt, ad tertiam quidem, prout mihi persuasum est, constantissimè in acie stabunt, equè sacra Bibliorum historia poemata fieri neutiquàm posse tueri contendent, tùm quia accuratiùs descripta, tùm quia impium, sacrilegumq; est aliquid addere, seu demere narrationibus à diuino spiritu dictatis, illudque ab Ecclesia sacrosancta sapientissimè prohibetur. Nunc mutata ratio est; in ea, quæ proximè antecessit, disputationis parte, quomodò historia poësi aptanda foret, quæsiuimus; in hac, quomodò ferè poësis accommodanda historiæ sit, deinceps quarendum est. Ego verò, quicquid dicant obiectores, in eam opinionem faciliè adducor; Deum immortalem Poëticam artem, cuius ipse parens fuit, vt initio nostræ defensionis attigimus, huiusmodi laude spoliare noluisse, quæ ex actionibus sacrarum oritur scripturarum; sacra quippè nulla sinè historia comminisci fas est; nam cum omnium ille disciplinarum  
fit



sit origo, & fons, omnium quoque disciplinarum: instrumentis celebrari meo quidem iudicio probat, nec non, tanquam directus ingeniorum dominus hunc à nobis censum exigit. Hebræi sanè, apud quos vetustissime, ac diuinitus acceptæ litteræ fuerunt, nullam aliam præter parabolas poësim, quam veram, historicam, sanctam agnouerunt, eamque consuetudinem pluribus seculis religiosissime coluerunt, ut post ceteros Mazzonius est *auctor*. *Ex quo fonte* fortasse Plato poësim, quam Icasticam appellauit, in suam Rempublicam deriuauit. Nequæ exempla recentiorum desunt, qui se in hac palæstræ eximia cum laude exercuerunt, Fracastorij, Sannazarij, Carmelitæ, Leonis Alberti, qui hanc Iuditham ipsam in Tragicum Theatrum inuexit, atque id genus aliorum complurium. Porro quod secus de Biblicis scripturis ab Ecclesia statui videtur, in textualibus illud translationibus locum habere constans doctorum hominum opinio est; in ijs enim, ne sacrosancta Biblicorum voluminum veritas, ut sit ab Hæreticis, corrumpatur, fidesque ipsorum, & auctoritas minuatur, à veteri, vulgata, atque usu recepta conuersione recedere nefas est. Caterum, partem sacræ Historiæ quampiam poetico stylo ornamdam suscipere quamobrem ab Ecclesia damnari putent, in mentem non venit. Bellarminum quidem Cardinalem religiosissimum, sapientissimumque, cuius memoria semper Hæreticis formidabilis, de Psalmorum præsertim paraphrasibus poeticis, quæ vulgo circumferuntur, inter-

interrogatum viri grauiſſimi reſponſiſſe perhibent nō eas ſibi videri intèr damnatas à Tridentina demùm Synodo comprehendī; neque ſecūs alij clariffimi homines de vniuerſis ſacris litteris iudicarunt. Quòd ſi tertiam ad Indicem prohibitorum librorum regulam perlegamus, nihil proſectò illuſtrius in noſtram ſententiā dici poſſe comperiemus. Cum enim de verſionibus ſcripturarum in ſacris Biblijs contentarum à prauis auctoribus editis mentionem feciſſet, ità ſubdit. [ Librorum autèm veteris Teſtamēti verſiones viris tantum doctis, & pijs iudicio Epifcopi concedi poterunt, modò huiusmodi verſionibus tanquàm elucidationibus vulgatæ editionis ad intelligendam ſacram ſcripturam, non autem tanquàm ſacro textu vtantur. ] Et paulò poſt [ Ex Biblijs Iſidori Clarij Brixiani prologus, & prolegomena præcidantur, eius verò textum nemo textum vulgatæ editionis eſſe exiſtmet. ] Quibus ex verbis ſatis liquidò colligi poteſt, ſi alias verſiones à vulgata, non tamèn pro ſacro textu, concedendas, Sacroſanctum Cōcilium decreuit, eò minus damnandas eſſe lucubrationes illas, quæ textum minimè profitentur, dummodò veritati hiſtoricæ non aduerſentur. Quæ res cū ſuſpectior, Inbriciorq; ſit, quàm cū in Hiſtoria profana verſamur, ſic impenſiorem cautionem, acrioremq; prudentiam Poetę requirere non dubitauerim, ne a recta ratione deſlectat. Illud vero in primis curandum cenſeo, ne quid noui veteribus apponatur, quod ex in-

rimis historiæ sacræ penetralibus nō sit erutum, & quasi ( ut cum schola loquamur ) de potentia materiæ educitum, interpetrariq; videamur potius; quæ Historicus vel strictim transegit, vel omisit, quod ad suum institutum minimè pertinerent, quàm inuenire. Addo etiam quædam prætermittere, quæ Historico e pus erant nobis neutiquàm idonea sunt. Quod si de nouo fingatur quidpiam, id si ad barbaros spectet, non ad Hebræos, maximum in tabula nodum vitabit artifex: omnia tamèn sobriè, & prudentèr. In disponenda verò re narrandi ordinem interuerrere, historicum fugere, poëticum sequi, ut nullum veritati detrimentum affert, ita poetæ tùm liberum, tùm necessarium. At cum meum non sit præcepta tradere, sed causæ adesse, plura cuiusque iudicio remitto. Ceterùm quomodò Iuditham nostram ad hanc libellam dimensi fuerimus, proximis disputationibus demonstrabimus. Nunc ex his omnibus ad obiecta, obijciendaq; in contrariam partem unicuique responsio patet.

## E P I S O D I A

Iudithæ Vindicis recensentur, atque ab oppugnationibus vindicantur.

**Q**UÆ præcepta ad poësim ex historia sacra deductam in præcedenti quæstione attigimus, quàm illa



illa à nobis accuratè in Iuditha Vindice observata fuerint, deinceps aperiemus, & prior erit disputatio de additamentis, seu Episodijs, in quibus tantoperè contendunt aduersatij nos fecisse contrà leges. Erat igitur primum, quod monuimus, ne in poësim quid noui inueheretur, quod ex arcano Historiæ penu, & quasi de potentia materie depromptum non scateret. Nos verò illud appositè in Iuditha præstare ingenti solertia studuimus. Bellum id fuit; igitur cum exercitibus, cum ducibus, cum armis, cum vallo, cum statuijs, cum tentorijs, cum propugnaculis, sine quibus bella administrari nequeunt. In ijs conuentus habentur, quos militaris prudentia requirit; prælia intercedunt; multa ad Politicas, multa ad Oeconomicas leges spectantia, multa ad mores, quæ omnia Iulius Cæsar Scaliger in tertio suæ Poëtices libro summa cum diligētia, & laude persequitur. Præterea quia nihil vel temerè fir in terris, quod apud Deum inconsultò fiat, diuinam prouidentiam, opemque interesse bello necesse est; atque ut bona siue Numinis ductu nulla contingunt, sic quoniam nulla mala accidunt, quibus infernorum spirituum curia ad nostram perniciem intenta semper totis viribus operam non præstet, Dæmonum quoque habenda ratio videtur; Idcirco Cælestium, Infernorumq; concilia ad captum nostræ imbecillitatis inferere, quæ huiusmodi subsidia, & machinationes ob oculos porant, consentaneum rationi, atque in primis vtile creditum.

creditum est, isq; modus videtur adhibendus, qui admirabilior sit, maioremq; excitet voluptatem. Et quoniam placandi propterea, conciliandi, sunt Superi, & præsidium aduersus Demones implorandum, idcirco supplicationes, sacrificiaq; instituta sunt. Quæ quidem omnia historicus, ut potè ad historię aut necessitatem, aut fidem minimè pertinentia, vel summis labris attingit, vel prorsum præterit. Eccè vniuersa hæc in Iuditha nostra.

De Assyriorum ingentibus copijs arctè hist. cap. 7. [Erant autem pedites bellatorum cētum viginti millia, & equites viginti duo millia, præter præparationes virorum illorum, quos occupauerat captiuitas, & adducti fuerant de prouincijs.] Ego in tertio Poëmatis libro exercitum Iustro, Catalogum præfectorum scribo, suas cuiq; genti notiones tribuo. De Hebræis sacrę litterę in eodem capite verba vix duo. [Assumentes filij Israël arma sua bellica sederunt per loca, quę angustii itineris tragem dirigunt inter montosa, custodientes ea die, ac nocte.] & c. 14. [Accepit vnusquisq; arma sua, & egressi sunt in grádi strepitu, & vlulatu.] Ipse in 5. exeuntes recensceo, & omissos ab historia secundū verisimile in lucem profero. Eadem industria auxilia ab Hierosolymis feruente ipsa hostium internecione superuenientia, Ducemq; Ionahtam, à quo Assamonēi principes prodij se memorantur, ad maiorem ornatum constituo. At ne hoc quidē finē seu ratione, seu occasione, cū c. 15. sic.

sic habeatur. [ Omnis itaq; regio, omnisq; vrbs electam iuuentutem armatam misit post eos, & persecuti sunt eos in ore gladij. ] Quò magis Hierosolyma regni caput, à qua etiam antequam de cede Holophernis audiretur, auxilia submitti laborantibus equum erat? Armorum in bellis necessitas armorum Ionathæ describendorum occasionem præbuit. Tentoriorum vsus aulæ mihi cum Hesteris historia suppeditauit. De concilijs, & conuentibus perspicua res est: pluribus locis innuit textus, quod nos in tertio libro expressè tradidimus. Vltimum prælium, fugamq; barbaræ multitudinis, quæ vno verborum impetu sacra pagina inuoluit, nos amplissimè, quia rem claudunt. Cetera leuia tùm sub aduëtu, tùm ad fontes à textu ipso non longè ablunt. Nuntius de statu rerum missus Hierosolymam ad Politiam pertinet, oportet enim principes, aut summos magistratus de vnaquaq; re commonefieri, & ea, in quibus de summa Reipublicæ agitur, amplissima capita nō latere; historia vt superuacaneum prætermisit, quòd sibi quemq; persuasurum putauit. Legatio quoque Numidarum tùm Politiam attingit, tùm sacrosanctæ narrationi innititur, prout in 3. cap. videre est. [ Tunc miserunt legatos suos vniuersarum vrbiū, ac prouinciarum reges, & principes, Syriæ scilicet, Mesopotamiæ, & Syriæ Sobal, & Lybiæ, atq; Ciliciæ, qui venientes ad Holophernem dixerunt. desinat indignatio tua circà nos. ] Ad Oeconomiam faciunt multa, dispositio familiæ, signa.

He-



Heroum in cubiculo Iudithæ, vestes, cultusque corporis, & plura id genus, quæ partim textus leuiter attingit, partim coniectura consequi possumus. Quibus quidem ingenij conatibus dum poetæ morem gero, historiæ ferè interpretem ago. Ad mores, Iudeorum principes optimi, plebs non nisi ex occasione mala; at flagitia translata in barbaros, non ad animos corrumpendos, sed ut pateat, qui extrâ legem viuunt, à vitijs temperare nequitiam posse: ea vero parcissimè, atq; ad similitudinem veri formata: Cedraïtus amans, Hormus magicarum artium faber, Dorilus è stupro genitus, quæ ab usu, & natura; nonnulla etiam ab historijs prophanis illorum temporum mutuata, ut de Bagua Ægyptio Spadone, quem ob contumeliâ Olyridi illatam Ocho Regi manus iniecisse, qui Persarum res gestas descripserunt, literis consignarunt.

Sunt nonnulla tamèn, quæ cauillentur; neque probent aduersarij, ac primo loco minimè laudant, quod initio statim primi libri de Infernali furia inductum est, quæ ad concitandam multitudinem muliebrem formam apprehendit, filium inopia ciborum in speciem interfecit, coxitque; aiunt enim illustrius in textu sacro causas patere seditionis, quàm ut commentis opus sit. Acute quidem, & religiosè: sed si rite rem expendere velimus, hanc esse quoque historiæ interpretationem potiùs quamdam, quàm figmentum cõspiciemus; etenim non in sceleribus dum-

dumtaxat, sed in malis vniuersis, quæ siuè animum feriant, siuè corpus, mortalibus nocent in vita, quin assidua humani generis hostis adsit opera, in dubium vocabitur nemo, qui vel solum librum Job leuiter atrectauerit: is nimirum cum ex propria malitia, atque odio, tum vt licetor diuinæ iustitiæ, prouidentiaque affligendis miserrimè populis acerrimam operam nauare non desinit. Huc spectant bella, incendia, seditiones, & plura id genus, quæ Regius Psalter vno versu expressit egregiè. [Misit in eos iram indignationis suæ, indignationem, & iram, & tribulationem, immisiones per angelos malos. [Porro cum clandestinè Demonum suggestiones, quibus animi concitantur, minimè appareant, & peccata conandum sit, vt res antè oculos collocentur, euentia modos inuenire, qui verò proximiores videantur, poetis liberum semper fuit. Sitim quidem, penuriamque victualium, quæ patent in textu, satis validas fuisse persequens causas, quamobrè Bethulix seditio oriretur, non inficior, at cum in ea calamitate, quæ totam turbauit, ac penè pessumdedit Ciuitatem, congressus Dæmonum interfuerit, quomodò hic è tenebris eruatur, & fulgeat admirabilius, non reperio, quàm si semel filij appareat atrocitas (exemplis enim, & spectaculis plebecula commouetur) & malum eiusmodi exhibeatur, quod ei populo solemne, & frequens fuit, cum sub Achabe rege obsidentibus Samariam,

*Toramo Achabi Filio Syris*

Syris mater filium urgente fame consumpserit, & sub Tito Hierosolymis apud Iosephum matrona nobilissima nomine eadem ex rabie filium itidem crudelissime deuorauit. Res autem à poëtis adeò religiosè non vsurpari nemo non videt, vt historicos, aut Philosophos agere debeant; non locorum, non temporum, rationem habent contractam admodum, dummodò à verisimili non aberrant. Sic Virgilius Æneam cum Didone cōgressum memorat, cum tamèn ex supputatione Chronologorum in eadem tempora noncoierint. Idem Æneæ in latio pugnāti factum tribuit, quod longo post seculorum interuallo Cæsaris fuisse scribitur, cum parcendum Ciuibus in acie Pharsalica, & voce, & manu significauit.

At pius Æneas dextram tendebat inermem, Inquient fortasse id licere in rebus profanis; in sacris nefas. at respondeo, ne in sacris quidèm videri absurdum, cum non mutatur species rei, aut noua proponitur, sed eadem dumtaxat intenditur, atq; ad perspicuitatem amplificatur. Est igitur spectrum habitu mulierculæ in filium sequentis appositè inductum, vt suggestio per huiusmodi illusionem illustrius appareat, qua Dæmon callidissimus in eam turbationem res deduxit.

Oppugnant secundo loco Fortitudinem de caelo delapsam Abræ formam induisse, sub famulæ persona dominam aggredi, suadere facinus tantæ dignitatis, ac ponderis; negant enim honestum, decorumq; esse superiorem



riorem ab inferiore commoneri. Exemplum in Angelis; minores à maioribus illuminantur, maiores à minoribus auditu nouum, absurdumq;. Id omnes Patres, omnes in schola Theologi profitentur, cumq; occultissimum Iudithæ consilium fuerit, Abraë vehementer indignantur mea opera patuisse, idq; historiæ sacræ repugnare constantè tuentur. Mihi verò etiamsi eiusmodi argumētum primo aspectu aliquid magnum minari videatur, tamēn parum negotij faceffit, quippe cuius mucro neutiquā feriat; non enim, quæ ad opus Iuditham excitat, Abra est, sed Fortitudo, quæ cœlestis, quæ superior, neque aliud est, quā diuinę inspirationis genus rei subiectæ in primis accomodatum, cui per Proserpœiam personam adscribimus; nam cum, vt suprà memorauimus, rerum euidentiam comparare, quam maximè fieri potest, poëta debeat, neq; intimæ cordium motiones, atque animorum impulsus appareant, meliorum exemplis constare satis putō licere ipsi eiusmodi euidentię modos excogitare, qui Maiestati Numinis non repugnent. Atquē vel ipsæ sacrę litteræ ab hoc genere non abhorrent explicandarum rerum, quæ spectari nequeunt, quod captui nostræ mentis æquum esse videatur. Ecce Deus in lib. Iob colloquium cum Satana, quā habuerit luculentum. Daniel, Ezechiel, Ioannes in Apocal. per confessus, perquē mandata, & legationes maiestatem, prouidentiamq; Numinis quasi referunt pennicillo, Immo verò Moyses vetustissimus

Theologorum, [ Deum inquit pœnituit fecisse hominem, & tactus dolore cordis intrinsecus; ] quasi Deo corpus adsit, & corporeis affectionibus perturbetur. Sed omnia ad nostram doctrinam scripta sunt, vt ea consequi intelligendo possimus. Quæ cum ita sint, valdè du-  
 ximus opportunum Fortitudinem illius imaginem induere, quæ ad manum, ad aurem Iudithæ ab omni reliqua consuetudine abhorrenti assiduè foret; illud quippè est adèò verisimile, vt intimi quiquè familiares plura in dies consilia, eaque optima dominis vel sapientia præditis suggerant. Pertinet etiam ad Dei gloriam in magnis rebus obeundis infirmioribus instrumentis vti, quò ipsius potentia eluceat admirabiliùs. [ Infirma enim mundi elegit Deus, vt fortia quæq; confundat ] neque fortassè magnum quidpiam patrauit vnquam, quàm viliissima ministeria adhibuerit, immò verò non nisi per hominem ipsos quoq; Angelos consequi gratiam voluit, cùm tamèn ab Angelorum dignitate humana imbecillitas magnoperè distet. Addo quod ad rem propositam plurimùm facere videtur, quid vilius rubo? Moysi tamèn in igne rubi apparuit Deus; neque quisquam in sacris littteris, vel mediocriter versatus huiusmodi veritatem in controuersiam vocabit. Quod si de Abra quoq; non de re cœlesti, vt diximus, quæstio, esset, hìc de ordine, qui inter nos est ratione humanæ societatis, querendum non videtur, cùm apud Deum, qui non est acceptor personarum, non sit seruus, neque dominus, sed

sed de ordine gratiæ, atq; animarum conditione, quæ natura liberæ, à materia remotæ, & pares, solaq; virtute differunt inter se. Quo circà non ille personas honorum gradibus, aut censu metitur, sed sanctitate viræ, & gratia apud se iuxta Matth. 18. [Quicumq; humiliaverit se sicut paruulus iste, hic maior est in regno cœlorum.] Ex quo fit, vt cùm serui pietatis studio quandoq; dominos antecellant, utiq; apud Deum prò superioribus habeantur. Superior sanè Vitalis Martyr Agricola domino, qui non nisi constantia serui confirmatus tormenta sustinuit, superauitque. Nec præteream humaniora, nam cùm de adhortatione, & consilio agatur, quæ de sui natura ad scientiam, aut moralem virtutem potius pertinent, quàm ad eam probitatem, pietatemuè, quæ line Dei ope esse non possunt, quamquàm Abra condicione inferior foret, cognitione tam en, prudentiaque superior esse nihil officit quominus posset. Ità quotidie sub oculos cadunt vilissimi homines amplissimis sapientiores; neq; exempla seruorum desunt, qui herilem virtute animum, dominorum, qui vitiis seruilem turpiter gerunt; vt propterea miraretur apud Arbitrum Polignus, atq; inter monstra numeraret se ancillam reperisse, quæ haberet matronæ superbiam, & matronam, quæ in ancillæ humilitatem degeneraret. Quamobrèm sapienter Aristoteles lib. Polit. 1. plerosq; condicione seruos esse affirmat, qui natura sunt liberi, eosq; virtute, ac vitijs, sapientia, & imperitia eximio iudicio metitur.



Immo verò ne improbis quidè̃m scientiam suam largiri  
 recusat Deus, adeò etiam nec Prophetiam, quę sanctissi-  
 mis habetur in rebus, atque vt innocentia testis maxi-  
 ma. veneratione summa vulgò colitur; prout Balaa-  
 mum, Saulem, Caypham, aliosq; huius notę complu-  
 res consulere vnicuiq; fas est. Angelorum alia est ratio;  
 non vnus speciei, non mutationi obnoxij, aut mortales  
 sunt; quę species vnus est, ea nequaquam ad alterum  
 pertinet; singuli singulam speciem constituunt, speciei  
 verò aptatur gratia, nam quos naturę superioris omni-  
 potens Conditor esse voluit, eosdem amplioris etiam  
 gratia luminibus illustrauit: quam quaestionem quidẽm  
 D. Dionysius, qui ab Areopago cognomentum tulit,  
 in eo, quem de Cęlesti, atque Ecclesiastica Hierarchia  
 commentarium scripsit, ac Diuus deinde Thomas p. p.  
 q. 50. cum interpretibus vberrimè persequuntur. Non  
 ego tamèn ex adductis Abram fuisse Iuditha meliorem,  
 prudentioremuè inferendum statuo; at mihi satis, su-  
 perque est ad rationem oppositam refellendam talem  
 esse potuisse. Porro cum summa contentione Aduer-  
 sarij negent notum fuisse Abrę consilium dominae, quo  
 innitantur fundamento, haud equidẽm video, neque  
 enim textus quidpiam affert, quod eorum sententiam  
 tueri posse videatur. Ego autẽm decere sapientem ma-  
 gnoperè arbitror magni momenti nihil aggredi sine ac-  
 cessu ad Deum mentium ducem, ac gerendarum rerum  
 praesidem, consilioque prudentium. Quò magis in re  
 pro-

proposita à verisimilitudine non abhorret Iuditham fidelissimæ mulieri summam consilij communicasse, quæ comes itineris, socia periculi futura esset, cum à dignitate, prudentiæq; fama alienum foret matronam, nobilem eximiæ pulchritudinis, ætatisq; integræ ad barbaras nationes solam prodire, & militarem licentiam impensisus ciere. Propterea Fortitudinem Abræ forma personatam feci, vt egregiam Iudithæ præberem occasionem consilij communicandi, ne cauillari posset quisquam, quòd ancillæ tanti ponderis arcanum committeretur; eandemq; non famulam, & pedissequam vulgarem institui, non quamlibet fœminam, sed annis grauem, ideò longo rerum vsu exercitam, ideò negotijs patrem; sed nutricem, ideò amantem, ideò in primis fidam atq; intimam. Quarum quidèr rationum vim in Philippa Catanèsi vilissimæ originis fœmina videre licet, quæ Neapoli antè Aragonios, Austriacosq; reges consiliorum omnium particeps, nisi mauis arbitram dicere, summam diù regni administravit. Nihil est igitur, quòd in huiusce modi accusatione tantoperè cōtrà nos laborent obiectores, nostrumq; hac in re consiliū tanto studio detestentur.

Tertium, quod obijciunt, eiusdem ferè notæ, ac generis est, inquit enim inconsultò, ac temerè à nobis factum qui superbiam Furiarum maximam in II. Poëmatris libro ad Magum in somnis admonendum misimus, ac de Iudithæ consilio certiozem faciendum, nam cum Dæmoni in animæ substantiam, atque adeò ad intimas

timas cogitationes introspectiendas non pateat aditus,  
 negant monstrum illud cognitione rem consequi, mul-  
 tò minùs reuelare potuisse. Huic obiectioni perquam  
 facilis responsio videtur esse; etenim quicquid de re, ac  
 veritate historica sit, de qua disputauimus suo loco, neq;  
 Dæmonem statuo perspectū habuisse Iudithæ cōsiliū,  
 neq; prodidisse, sed coniectura quadam in suspicionem  
 actum veritum esse, ne quid mali Iuditha moliretur,  
 quippè cui acumē ad omnia percipienda eximium sup-  
 petit, cūmq; vires suæ naturæ ad malum flexerit, non  
 amiserit, incredibili versutia, atque vsu rerum prædictus  
 interiores quantumuis hominum cogitationes sæpiùs at-  
 tingit, tametsi in animæ substantiam paratum non ha-  
 beat accessum, vt apud D. Thomam p.p.q. 57. art. 3. & 4.  
 de cognitione Angelorum videre est. idem Christum  
 Dominum Deum esse antè mortem oppidò non cogno-  
 uit, vt habetur 3.p.q.44. sed miraculis perturbatus du-  
 bitauit, & supplicio experimentum fecit: cūmq; Lucas  
 inquit [exibant Dæmonia à multis clamātia, & dicentia,  
 quia tu es filius Dei, & increpans non sinebat ea loqui;  
 sciebant enim ipsum Christum.] non absolute nouisse  
 Dæmones diuinitatem Domini, sed coniectasse interpre-  
 tandus est. Quamobrè ita comparatus est Dæmon, vt  
 aliquo modo Iudithæ propositum inuestigare potuerit,  
 & saltem confuse pertingere, prout confuse Superbia lo-  
 cuta est, neq; ad Holophernis obtruncandi consiliū  
 peruenit. Quod si constanter videtur affirmare acce-  
 dere



dere Iuditham ad inferendum malum, sciant aduersarij morem esse superbiorum scientiam sibi rerū omnium arrogare, atq; incertissimis in causis suæ assertionis auctoritati certitudinem summam tribuere; neq; à verisimilitudine procū abest, vt nosse te simules, quæ cognoscere concupiscis. Quod egere Dæmonia cum Christo fortasse frequentius, cum illum Deum appellarent, quem ignorabant, vt allicerent ad fatendum. Huic responsioni addam alteram breuiorem, simpliciorēq; : ea est; nos constitutionem nostri poematis secutos fuisse, ex qua Iudithæ consilium non adeò in occulto fuit, quominus Dæmoni innotescere potuerit, cum in primo libro de tota re sermonem cum Abra habuerit luculentum, quod etiā suo loco ab oppugnationibus vindicauimus.

Superest Lethæi fluminis mentio in quarto cui succensent delicatiores isti plurimū: nam vbi de Infernalibus, & purgatorijs locis, quæ de fide, verba fiunt, fluuium exhibere, quæ mera est fabula ab Ethnicis excogitata, incongruens, religioniq; haud consentaneum videtur ratq; adeò capitale mihi indicunt. Magnam verò scioli isti religionis vindices disputandi cupiditatē præferunt, cum illa reprehendunt, quæ in probatissimis auctoribus, nec poetis dumtaxat, passim leguntur. Mitto Dantem virum grauissimum, eundemq; à recta fide, ac pietate non aberrantem, qui non modo fabulosis Ethnicorum fluentis suum rigauit Infernum, sed quæcumq; à veteribus inuenta nactus fuit, eò amplius

plissimè contulit . At Tondali historiam apud Dion.  
 Carthusianum. Sanctissimum hominem in Nouissimo-  
 rum libris quisquis viderit, sanè facilè colligere poterit,  
 quantò liberiùs consultiùsq, istiusmodi nomina vsu  
 iamdiù recepta in Poësim trāsferantur . Sed percuncta-  
 ri libet, quidni de somno obijciant idem, cui persona  
 neutiquàm inest, nisi ex fabula, & superstitione prisco-  
 rum temporum? Damnant locum, personæ parcent.  
 Respondebunt fortè somno, qui aliquid reuera est, per  
 Protopopoeiam, vt Rethores vocant, personam salua  
 religione tribui posse, cum in commentarijs quoque sa-  
 cris huiusmodi adumbratę dicendi formæ pleræq; repe-  
 riantur. [ O mors, ero mors tua . Putredini dixi, pa-  
 ter meus es tu . ] Sapiencia præterea persona prædita,  
 & loquens exhibetur. [ Dominus possedit me in ini-  
 tio viarum suarum . Sapiencia clamat ] & plura gene-  
 ris eiusdem, cùm tamèn neq; mortis, neque putredinis,  
 neque sapientiæ ( nisi Verbum diuinum sapientiam  
 increatam significare velimus ) persona sit; sed Lethen  
 omninò nihì lesse nisi merum antiquitatis deliramen-  
 tum, & sacro opere neutiquàm dignum . Ego verò qua-  
 ratione somni personam cōcedunt, eadem lethē quoq;  
 tueri confido: nām quemadmodum Protopopoeiam sa-  
 crę litteræ admiserunt, ita metaphoricæ plerasq; locu-  
 tiones nequaquàm erubuerūt, neq; enim ornatiùs quid-  
 piam, eut florentius hoc in genere Davidis oraculis, Sa-  
 lamonis Canticis, Sapiencia, Prouerbijs, nihil affluen-  
 tius

tius sermonibus Iob, Ezechielis, Danielisq; vaticinijs; nihil affluentius Ioannis Apocalypsi; in qua præ cæteris equos, arma, phialas, Ciuitates, flumina Propheta sanctissimus, tanquam in Theatro representauit; alioqui figmenta, nisi mysterijs munirentur. Igitur in Lethe nihil peccatum, cum in tropicis, atq; allegoricis huiusmodi loquendi formis nulla ferè habeatur verborum ratio, sed interioris notæ, neq; in fabula veritati locus desit, prout initio defensionis demonstratum est: etenim quam obliuionem indicat græca vox *ληθω*, ea notari animas post excessum ex hac vita, & memoriam amittere sensitiuam præteritorum Philosophi, Theologi; consentiunt, vt in supplemento ad D. Thomam q. 70. art. 2. differitur luculentè: Abrahamus etià cum anima diuitis extincti apud D. Lucam, tanquam cum oblita, locutus scribitur. Amnis propterea Lethe fingitur, quòd nihil amnis inueniri possit ad ablundum, delendumq; comparatius. Porro somnus quam obliuionem rerum inuehat, hoc quoque nomine imago mortis, neminem latet, vt non immeritò propè fluentum obliuionis positus fuisse videatur.

Quid verò dicant aduersarij, cum è sacris ipsis litteris, si minùs Lethen, at cognatum utique fluuium, & notæ eiusdem erumpere demonstraero: etenim Iob, penès quem Pleiadas, Hyadas, Arturum, & Oriona, Ethnicis usurpata vocabula reperimus, glareas etiam Cocyticæ cap. 21. recenset. At Deus bone, quis in Inferno Cocyt-



tus est, nisi per significationem, qua luctum designat? Quod si Cocytum memorare licet, quidni Lethen? Quid autem peccamus, cum ab Ethnicis ea repetimus, quæ ipsi nobis eripuerunt?

Est alia quoque obiectio, quæ pertinet ad Episodia, cui quia ex dictis responsio suppetit, eandem in nouissimum locum reiecimus, quamquam ei ordine primus deberetur. Inuocationis versus illos magnoperè multant.

Quandoquidè tenuem, cùm tantum præterit aui,  
Rerum ipsi nunc multarum vix cernimus umbram,

Et multæ sub nocte latent.

Etenim historiæ sacræ quidpiam deesse si quis affirmer, expers sacrilegij non videtur. Quiescant verò pij viri, nec temerè infontem condemnent. Historiæ, prout historia est, nihil deesse consentio, prout poësis, exercituum catalogos, concilia, sacrificia, conatus Demorum, Coelestium auxilia, & pleraq; huiusmodi, quæ initio quæstionis recensui, desiderari consentiant ipsi necesse est. Quæ quidem cùm sine detrimento veritatis ad ornatum, institutumq; poëtarum conseruandum, temperantèr supplere minimè dubitauerimus, ad has quasi historiæ interpretationes versus antedicti sine flagitio meherculè referuntur.

Nihil perperam deminutum probatur;  
oppositiones circa dispositionem ex  
hoc capite pullulantes ob-  
truncantur.

**H** Actenus de incrementis quæsiuimus, nunc de de-  
crementis, ac diminutionibus quærendum est,  
& quia ordinis naturam contingunt, vnâ etiâ dispo-  
sitionem poëmaticis considerabimus, calumniasq; illius  
causa nobis illatas amoliri conabimur. Diximus omitte-  
re poëtam posse, quæcunq; ad vsum poëseos in historia  
redundant. Haud secus in luditha præstitimus, atq; illam  
dumtaxat historiæ partem suscepimus decantandam,  
quam poeticis quidè ornamenti, ac sine detrimento  
veritatis amplificare nobis nefas non videbatur. Princi-  
pium libri ludith vsq; ad cap. 7. finemq; itidè præter-  
misimus; ea quippè nihil faciebant ad causam no-  
stram, cùm satis fuerit nobis, qui ludithæ actionem,  
decantare proposuimus, illam tantummodò partem de-  
cerpere, quæ ad aliarum facultatum rationem non  
pertineret: in qua etiâ parte minuta quædam si-  
lentio inuoluimus, quorum nostra nihil intererat  
remque eo ferè modo transigimus, quo transigi à  
poëtis ex arte scribentibus oportere proximè osten-  
dimus.

At vero insurgunt, atq; ex hoc capite absurdum, vnum, atq; alterum disputandi fortassè studio deducunt, dispositionemq; poëmaticis in primis feriunt: in-  
 quunt enim ex Aristotelis, atq; interpretum præscripto  
 integram actionem esse oportere, suum principium,  
 suum finem habere debere. Bellum autem ab Assyrijs  
 ad Bethuliam gestum in nostro pœmate carere princi-  
 pio. Egregiè profectò philosophantur, & arguunt; por-  
 rò errore nescio quo decepti, quid nobis propositum,  
 fuerit, non perceperunt; non enim bellum ad Bethu-  
 liam gestum canendum sumpsimus, sed, vt proximè  
 innuimus, Iudithæ factum, cui satis nobis est suum  
 principium non denegasse: quod ab Homero consilium,  
 què præceptionibus Aristotelicis iter aperuit, in primis  
 didicimus, cum iram ille Achillis, non bellum Troia-  
 num scribere professus fuerit, tametsi Troiani belli scri-  
 ptorem eundem appellet Horatius. Atquè bella huius-  
 modi tum Homero, tum mihi occasionem, non mare-  
 riam suppeditarunt. Sed quos fefellit Ilias, Iuditha iti-  
 dem nostra fallere potuit. Sin autem principium belli  
 quoq; requiratur, ne ad morem gerendum molestis ho-  
 minibus quidpiam desit, eccè idem in 3. lib. Episodicè  
 relatum, ne unitatem actionis dissolueremus, quam  
 sub singulari persona illustri, vt videtur, ordine, ac mi-  
 ra varietate rerum texuimus. neq; sanè à bonorum vesti-  
 gijs, eruditorumq; præceptis absumimus in re propolita;  
 legem enim sancit Horatius.



Ordinis hæc virtus erit, & Venus, aut ego fallor,  
Ut iam nunc dicat iam nunc debentia dici.  
Pleraq; differat, & præsens in tempus omittat.  
Exemplumq; affert.  
Nec gemino bellum Troianum orditur ab ovo,  
Semper ad euentum festinat, & in medias res,  
Non secus ac notas, auditorem rapit, & quæ  
Desperat tentata nitescere posse, relinquit;  
Atq; ita mentitur, sic veris falsa remiscet,  
Primo ne medium, medio ne discrepet imum.  
Sic licet indulgere paulisper studio propulsandæ à nostro  
poëmate contumeliæ, totam quæso eiusdem dispositio-  
nem ad hanc Horatii, Homeriq; lucernam exploremus.  
Nos, ne Iudithæ cœpris causa desit, ab seditione  
obfessæ gentis narrationem ordimur. Ecce auditor con-  
tinuò haud minùs sollicitus de belli exordio, quàm de  
fine; mox rapitur, pendetq; ambiguus, ut Iudithæ deli-  
berationem intelligit; at dum succedit nuntij Hieroso-  
lymam dimissio, atq; in barbaris castris tumultus ab ex-  
pectatione supremi euentus per nouam recentium euen-  
tuum voluptatem longiùs auerhitur. Rursus secundo  
libro ad Iuditham reuertitur; abit illa, & hic quoque in-  
surgit animus, atq; ad exitum properat desiderio; sed  
suspenditur conuentu, altercatione, conatibus Demo-  
nem, & suspensus delectatur; quod amittere videtur,  
ad lucrum est. Tandem Iuditha in castris, Holopher-  
nes forma capitur. quis haud animo deuoret successum  
iam

iam iam præsentem? aulaa verò cum imaginibus, custodisq; Angeli tutela moras iniiciunt. Adest tertius liber; cum eò magis ad pristinam redit auditor spem, quò propinquior videtur, tum longissimè à Bethulia, atq; ab exitu rei abripitur, vnàque cum nuntio Hierosolymam profectus concilio interest, sacrificioque, mox recenset omissa, sentitque optatam iamdiù se protasim reperisse, cum catastrophem expectabat. iucunda verò retardatio, quæ per varias oras, per vniuersum Assyriorum exercitum mirantem manu deducit, qui auxiliorum apparatusi haud frustra adesse cunctantem iubet, quæ arma fatidica, futurarumque rerum prænuntia ob oculos ponit, ipsumque vnà cum superpetijs Bethuliam remittit. Quartus liber iterum erigit ad spem exitus. Reditur in castra; consumitur animus impendentium malorum metu, & amore euentus, quem tamèn eodem tempore spe nouarum voluptatum, quibus iamdiù assueuerat, abesse desiderat: cum cum gaudio reperit, quo quælitum tantoperè differat: legati adsunt Numidarum Regis instructissimi; In de cœnæ splendidioris occasio, apparatusque: festinat animus, & moratur, quippè aliud sperat; nec fallitur. Ecce antè Deum Cœlestium preces pro mortalibus sollicitudo; Angelus ad Inferos, ad patrum limbum, ad Lethen-fluuium; hinc somnum ducit in castra, hinc triumpho pars materiæ. Iam peracta est cœna, Holo-phernes in stratis sui impos; Iuditha in cubiculo; dum por-

portum tenet animus; adhuc hæsitat, ancepsq; cogitat, quomodo fœmina tantum audeat; periculum illi timeri, quæ sibi non metuit; falsus toties; & fallacia gavius vix gladio, vix vulnere credit, & fluente sub oculis sanguine nuntiat fides. Tandem Imperator obtruncatur. auditor magnitudine rei attonitus caput abscissum tractat, nec quiescit. Euadit Iuditha, neque hoc satis; dubitat ille, quid inde sequatur, atque ad quintum ingenti studio festinat. Hic verò quæ nequaquam somniauerat, pleraque reperit. Erecti euentu virorum animi, & pudore excitati præreptam ab imbelli fœmina sibi laudem admirantur, æmulantur. Continuo ducum recentet catalogum, ciuium eruptionem, adhortationes militares auribus ebibit, castrorum expugnationem, hostium fugam, arque in fuga præclara multa, suppetiarum aduentum ab Hierosolymis, victoriam deniquè eximia Viraginis absolutissimam intuetur, & plaudit. E' rerum contextu huiusmodi videre est, quomodo raptantur, suspendanturque animi, quomodo nec principium, nec finis desit, vnumque ab alio pendeat, primo nec medium, medio nec discrepet imum; & nihil frustra, quomodo libri quique sibi terminum quarant, & figant, quod à Iulio Cæsare Scaligero poëtis Epicis tantopere commendatur. Iudithæ factum, ut in historia, hic videas, historiam minimè videas, is enim, atq;



atq; ita implicitus est ordo euentuum, vt qui ignoraret historiam, ille nihil fortassè aptius, concinniusq; ad leges poëticas aut excogitari, aut disponi fortassè potuisset fateatur.

Audio tamèn mulctari mihi propositionem; nam cum suspensum haberi dixerim auditorem vsq; ad exitum, mendacij me accusant, quippè qui primo statim in vestibulo eadem Assyrij Ducis propono; quid enim prætereà expectet, qui summam rei initio tenet? Puerilis planè obiectio, cui respondere superuacaneum fortassè fuerit. Tenet, sed quid aliud Maro?

Arma, virumq; cano, Troiæ qui primus ab oris Italiam fato profugus, Lauinaq; venit Littora &c. Quid Homerus? quid vniuersa Poëtarum classis peregit? Tenet, sed vmbra potius rei, quàm rem ipsam; tenet finem, medias res non tenet; circa modum Auditoris suspensio versatur, exitus aut fama, aut historia notus. Atquè cur dissimules, quod non lateret? aut cur prætermittas quod, quamquàm parùm sit, tamèn in propositionibus est necessarium, si auditoris animus ducendus, captandusq; est? Equidem hoc vno reprehendendum me esse intelligo, quod huiusmodi ineptiarum rationem habuerim.

Quod alterum ex eodem imminutionis historiae crimine contra nos telum depromant, haud omninò videtur negligendum, quippè quod plurimum præstantium virorum hætenùs lacessiuit ingenia; contendunt enim  
contra

contrà leges factum cū tractio poëmaticis Epici quinque dierū spatio angustissimè concludatur: ad Epicā maiestatem pertinere, vt fabula tūm frequentia euentuum, tūm diuturnitate temporis adeò larè pateat, vt iustæ magnitudinis appellari possit; quæ quidem magnitudo de mente Aristotelis eiusmodi sit, vt exordium, medium, finem haud ægrè quisq; valeat tenere memoria. Hac de re variæ à doctis viris sententiæ feruntur: Minturnus spatium anni requirit, cū citrà hunc terminum nullam posse actionem contingere ob magna euenta præclaram putet, idq; ab Homero, & Virgilio metitur; alij longiorem postulant; nonnulli breuiore contenti sunt. Castellutrus autem sic statuit Epicam fabulam eò laudabiliorem haberi debere, quò actio infrà angustius dierum curriculum ingentibus factis ad exitum deducta fuerit. Nobis cū eo sentire fas sit, cuius opinio probabiliori videtur rationi inniti; nām cum tria sint, quibus poëmaticis longitudinem metiri possumus, tempus nimirum, quo res peracta est, spatium quo ad audiendum, seu legendum poëma requiritur, & captus humanæ mentis, atque memoriæ, cui exaquetur, primum quidem Aristoteles omisit omninò, de reliquis egit, videturq; postremum complecti potiùs, quàm secundum, necnon iustam illam esse Epici Carminis magnitudinem, quæ neq; vnicum mentis obtutum, neq; captum memoriæ superet, definire. Quod enim ait ille in tantam crescere amplitudinem opus Epicum posse, quan-

P p

ta plu-

ta plurium Tragœdiarum, quæ simul exhibeantur, æquet spectaculum, ut multis negotium facessit ex eo, quod neq; plures eodem tēpore Tragœdiæ audiri possunt; neq; vna die continenter plures exhiberi, ita nihil mihi planè affert incommodi; nam quod ad clepsydram metiuntur ipsi, ego ad animi mensuram referendum puto, hancquē adeò germanam illorum verborum interpretationem esse censeo, ut eiusmodi in Epopœia, quæ debeat magnitudo, quam plurium Tragoediarum interior animi perceptio, non auctum extrinseca consequatur. Quicquid sit, in hoc minimè laborandum videtur nobis, qui de primo genere, quod prætermisit Aristoteles, descepiamus, deq; tempore quærimus, quod res ad exitum perducta est, cuius limites angustius statuere meo quidē iudicio scriptoris laudi amplissimū est aditum referare. Quid enim cēseri potest admirabilius, quàm exiguo spatio res maximas comprehendi? id natura, id consuetudo obtinuit, ut quæ difficiliora, atq; ab usu quotidiano remotiora contingunt, ea plurimi ab omnibus fiant; & miraculo proxima videantur, cuiusmodi sunt, quæ aut temporis, aut loci, aut aliarum rerum angustioribus septis amplissima continentur. Exempla in promptu: Temporis: celeritas profectò nihil minùs, quàm magnitudo rerum gestarum Alexandri, Cæsarisq; immortalitati nomina consecrauit, quorum alter fulmini est comparatus, alter [Veni, vidi, vici] ad summam gloriam in triumpho titulum prætulit.



tulit. nam quid ad Pompeij magnitudinē fuit illustrius, quam piraticum bellum toto orbe prolatum tanta celeritate gessisse, ut prius confectum, quam susceptum fuisse videretur? frigent res, si tempore affluant. loci: Sphœtam Archimedis mirata antiquitas fuit, lusiq; in eam eleganti Epigrammate Claudianus, quod paruo globulo, eoq; vitreo immensos coeli ambitus comprehenderet. Idem Cremonę contigit ætate nostrorum patrum: Faber enim deformitatis contemptissimæ, sed cui natura, & ars certatim ingenium expoliuerant, sphœram itidē ædificauit tanta industria, & solertia, quanta vix mortalibus liceat. inerant Solis progressionēs, Ortus, Occasus, Lunæ incrementa, decrementa, defectiōnes, Stellarum tūc errantium, tūc fixarū traiectiones, & nodi, anni partes, & quicquid in Coelo est, exiguo ære circumscriptum mira diligentia, artificioq; referebatur. Itaut pro miraculo haberetur, quomodò sub tanta oris fuligine tam illustris animi, industriæq; claritas effulgeret, ut inexplicabilem tot orbium varietatem, & motum, torque astrorum concursus, & recursus, quæ omnia in Coeli amplitudine, ac maiestate acutiores oculi intueri vix possunt, in perbreui pila luminibus peragraretur, ac planè distingueretur. Id portentum ab ea Ciuitate Carolo V. dono datum, quasi nihil magis, quam Coelum deberetur Imperatori, qui terræ ambitum superauerat, auidē, lætanterq; acceptum est. Miramur itēm, si quis cū tenui militum manu im-

menſum exercitum proſtigauit; ſi quis modico penu, le-  
uiq; ſumptu lautiffimum epulum dedit, & plura id  
genus. Adeò ardua, & rara ſuſpiciuntur, planà, & con-  
ſueta contemnuntur. Quò magis mirandum videtur,  
tantas res breuiſſimo quinq; donitaxat dierum ſeſe mo-  
mento intrà ſimilitudinem veri apud Bethuliam geri  
potuiſſe, quæ iuſto poëmati materiam oppidò amplam  
& magnificam ſuppeditarunt.

### Nihil temerè immutatum defenditur.

**Q**Uæcunque in incrementis, decrementisq; me pec-  
caſſe reprehendunt, haſtenùs expoſita, & reie-  
cta ſunt; nunc quæ à me immutata, neq; hiftoricæ fidei  
conſentienter narrata fuiſſe ſuperſtitioſi iſti cauillantur,  
ſuperſunt explicanda, probandumq; à ſacro textu que-  
madmodum alienus minimè fuerim. Obijciunt primo  
loco ſitim, non famem ſeditioni Bethulientium cauſam  
ſuppeditaſſe; de ſiti apud Oziam populum queſtum, de  
fame nequaquam. Ita 3. cap. Hiſt. ſac. litteris conſigna-  
tum. Ad hoc reſpondendum puto, quicquid de Sera-  
rij, atq; aliorum ſententia ſit, qui famem in Ciuitate,  
neutiquam fuiſſe contendunt, Iudithæ fanè ipſius ad  
Holophernem verba ſecùs oſtendunt, illa enim de fa-  
me loquitur nominatim, neq; mendacij notam temerè  
inurere ſanctiſſimæ ſceminæ iuſtum videtur, prout in  
prima quaſtione ſatis commodè moſtratum eſt. Præte-  
rea

rea fames, sitisq; ita sūt affines; & correlatiue, vt sub vno, eodemq; genere comprehendī, atq; ad vnum, eundemq; sensum vtrasq; pertinere negandum non sit; altera quippe cibi, altera potus appetentia est; altera humidi, & calidi, altera humidi, & frigidi; in vno conueniunt, in reliquo discrepant. Famis vocabulum communius videtur, atq; ad sitim quoq; significandam latius patere; fortassè quia solidioris, potiorisq; rei est appetentia, immò & viuidioris, cum calor ad vitam pertineat, frigus ad necem. Volūt tamèn diutius famem tolerari, quàm sitim, quæ atrocior, vehementiorq; ac citius interimit; cum calor vires habeat actuosiores ad euolandum; & sanè sitire dicimur, cum impotentèr aliquid desideramus. Ità Medici, prout refert vt plurimùm ~~Fortunius~~ Licetus in eo, quem de illis, qui diu viuunt sine cibo, commentarium dictauit; quamquàm & de hoc posset fortassè disputari; noui enim ego Romæ virum principè Oratorem olim Gallorum Regis; cui in intestinis accepto vulnere potu interdictū perpetuò fuit. Vna dumtaxat in annū die statò tēpore semel licebat. Igitur sine potu vivebat ille, sine cibo nequaquàm; nisi fortè dicere velimus humidioribus adsueuisse, à salis, & calidioribus sitim cientibus epulis abstinuisse. Vt vt sit, aut alteram vsurpare prò altera, aut per Synechdochen speciem pro genere collocare, aut vnā prò vtraq; dicere nō videtur absurdū. Maro quidèm sapiētissimus Poëtarū famē in vestibulo inferi regni inter mala numerauit;

sitim



sitim praterijt. at non ne malum sitis? & quidè atro-  
cissimum, & quale nupèr commemorauimus; sed vir-  
tutis vtramque sub vno vocabulo comprehendere  
voluisse putandus est. Porro expostulationum populi  
cùm magistratibus, sermonisq; iudithæ apud Holo-  
phernem non eadem est ratio: iuditha cum hoste collo-  
quens, cum quancunque vellet siuè famem, siuè sitim  
vsurpare posset, communioem elegit, eamq; calami-  
tosum Ciuitatis statum quæ apertius doceret; sitim si-  
lentio inuoluit, quia fortassè necessarium non existima-  
uit rem exprimere notam homini, qui fontium vsum  
obsessis ademerat. Populus, cum apud suosmet Duces  
lamentaretur, eam causam attulit, qua atrocius confi-  
stabatur, cuiq; minor spes medelæ; plura enim ad tol-  
lendam famem industria demonstrat, ad sitim exhau-  
stis puteis, ablatis fontibus nihil supererat; ambo silue-  
runt alteram, non negarunt. Patet itaque nullam à no-  
bis veritati, & sacro textui iniuriam illatam.

Insimulant secundo loco me facti tempus prauertis-  
se, succensentq; ex hoc capite vehementer; planum  
enim esse aiunt in Historia Nabuchdonosori, non  
Ochi temporibus iudithæ victoriam contigisse. Detur  
religiosis hominibus, quod fortasse immodicè concu-  
piscunt, sed mihi quoq; obsecro, non negetur inter mul-  
tiplices opiniones poëta, cui verisimile satis est, in pote-  
state positum esse complecti quancunque velit. De  
huiusmodi quidè propositione ambigit nemo; id in  
rebus

rebus ad actionem spectantibus, ad artem, ad naturam ex arbitrio semper poeta facit. Multus est in hoc Maz-  
 zonius, exemplisq; poetarum pagina referta sunt. Esse  
 autem hac de re plures scriptorum sententias explora-  
 tum, perspicuum est. Melchior Canus l. 11. de locis  
 Theol. c. 6. & Carion. in Monarch. 2. ante captiuita-  
 tem Babylonicam fuisse tradunt, tempus ad amussim  
 non definiunt. Genebrardus lib. chronol. 2. in Sedeciae  
 Regis tempora; Ioannes Bentius, & Ziglerus in Iosiae;  
 Bellarminus Cardinalis vir doctissimus, & piissimus in  
 Manassae Regnum contulerunt. Post captiuitatem ad  
 Nabuchodonosorem magnum reuocat Zonaras. Euse-  
 bius vero, Beda, Rabanus, Glycas, Ortho Phrysingen-  
 sis, Lyranus, Hugo Cardinalis, Carthusianus, Driedo,  
 & plerique alij ad Cambysem; D. Augustinus lib. 18.  
 de Ciuitate Dei c. 26. in medium tempus à Cyro ad  
 Darium conijcit. Suidas, Iulius Africanus, Ribera ad  
 Xersis, Mercator ad Darij Hystaspis filij, Sulpitius Se-  
 uerus ad Artaxerxis ochi tempora transferre conantur.  
 Videant planè obiectores quot sententiae, quamquè inter  
 se diuersae mihi aditum aperuerint, ut etiamsi Bellar-  
 minij opinio melior serario videatur, probetq; rationi-  
 bus, & multis, & minimè contemnendis, nihilominus  
 mihi integrum fuerit Sulpitium sectari. Feci verò non  
 vna ex causa, nam & pace tantorum virorum post re-  
 ditum à captiuitate Babylonica in Iudaeam contigisse  
 huiusmodi victoriam censeo, neq; ab ipsa sacri textus in  
 quinto.

quinto capite lectione recedo disertis verbis idem oppido demonstrante; & cum Vagao, siue Baguas Spado Ochum Regem iugulauerit, Vagaonis in libro Iudithi incidat mentio, vero simile in primis videtur eundem Baguam fuisse, qui Holophernem Bethuliam usque secutus est, & qui Ochum interemit; in antiquioribus quippe successibus à communione vocabuli ad communionem rerum gestarum facilis transitus; cumque plures Hercules fuerint viri fortissimi, ad vnum tamen insignia facinora referuntur. Baguam verò nostrum eundem fuisse, qui Ochum de medio sustulit, non minimum nostro poemati ornamentum affert, ut in quinto libro videre licet. Ad Hesteris quoque Historiam intertexendam posteriorem tempore Iuditham statuere opportunissimum iudicauimus. Quodque acrius urgere videbatur indecorum Regi existimauimus Rempublicam deletere tanto in periculo constitutam, quemadmodum fatendum erat, si bellum huiusmodi sub Manasse necessario statuendum fuisset. Quod in vocabulis Nabuchodonosori Regis, Assyriique Regni fundamentum locum, si tot historicis, Patribusque qui ad fidem faciendam loquuntur, negotium non facessuit, nihil est, quod Poeta faciat, qui fidem historicam non requirit. etenim Nabuchodonosorus apud Chaldaeos, Xerxes, Artaxerxes, Assuerus apud Persas, Pharaos, Ptolemæusque apud Aegyptios, Caesar apud Romanos cognomenta ferme Regum sunt, quæ uti ex communione Regnorum comuni-



municari regibus facilè potuerunt, ità faciliùs ijs, intèr quos ex morum similitudine conueniebat. Ex quo fit, vt Ochus Nabuchdonosoro, qui magni nomen sortitus est, præter Regni titulum, superbia, immanitate, impotentia nequaquàm dissimilis, sic apud eas gentes Nabuchdonosorus appellari potuerit, quemadmodum apud nos quisquis princeps crudelitate præeminet, Neronis nomine notatur. Nihil, autem officit sacra pagina, quæ de Assyrijs vnis verba facit, cùm & plurimum Regnorum Reges in quacunque prouincia libuerit, sedem constituent, & fieri potuerit, vt Ochus Assyriæ præpositus à patre primùm, Medorum deinde Regem Arphaxadum, seu Regni potiùs inuasorem debellauerit; immò verò sub vnus nationis nomenclatura cæteras quoq; eidem Principi subditas comprehendere neq; absurdum, neq; inulitatum videtur.

Ex his ad tertiam quandam obiectionem facilis responsio patet: est autem tertia obiectio, cùm historia de Assyrijs dumtaxat sermonem habeat, contrà veritatem à me fuisse factitatum, qui hostes modò Assyrios, modò Persas, modò Chaldaeos, modò Medos promiscuè appellauerim. At profectò si Assuero Ocho rerum potente id bellum fuit, Assyrios, Persas, Medos, Chaldaeos, & complures præterea nationes eidem obtemperasse non est dubitandum. Assuerus certè Longimanus Ochi pater, de quo in libro Hester, centum viginti septem prouincijs imperasse perhibetur. Quamobrè autem de

Affyrijs tantùm in sacro textu, de cæteris nulla sit mentio, illud quidem vel ad proximè allatas rationes, vel ad scribentis characterem referendum videtur. Cæterùm tantum exercitum ex varijs nationibus conflari aut omninò necesse fuit, aut maximam saltem veri imaginem præfere atq; ad Rethorum ornatum dicendi genus in primis pertinet partem pro toto quandoq; usurpare. Idem Homerus, Virgiliusq; tactitarunt, cum Græcorum ad Ilium delectus nunc Argiuos, nunc Mirmidonas, nunc Achiuos, nunc Delopes appellarunt, qui haud secus sub vno Agamemnone, atq; hi sub vno Holopherne promiscuo agmine militarunt.

### Pro lingua, & stylo peroratur.

**E**Xpeditis rebus, ad verba, linguam, stylumq; transeamus; nam in his quoq; nonnulli reperiunt, quod reprehendant, quippe qui materno, vulgariq; idiomate malint, quam latino me scripsisse; pluresq; huiusce rei probationes afferunt, tum quia ut nostratis linguæ usus communior, ita opus à pluribus exciperetur, legereturq; tum quia æquius videtur locupletare monumentis linguam nostram, quam alienam. Ita Hebræi, Græci, Latini propriam quiq; excoluerunt. Addunt latinè scripta recentiorum vulgò explodi, tanquam exauctorata, atque ad maiestatem, & cultum veterum minimè pertingentia, quæq; tandem pædagogiam utiq; sapiant. Misera verò  
scri-

scribentium conditio, quos ita oportet comparare se se, ut nihil esse in potestate sua reliquum, & de rebus singulis rationem sibi reddendam putent. Nos hæc tamèn nihil mouent, quominus Iuditham Vindicem latinè decantasse iuuet. Enimuerò quibus ignoti non sumus, ij palàm testari possunt, quæ nam ad communem quoq; linguam nobis instrumenta suppetant: sed ad maiestatem rei sacræ pertinere rati à latino idiomate non discedere, hoc amplexi sumus, Ecclesiæq; Sacrosanctæ consuetudinem, atq; auctoritatem haud improbè secuti videmur. Atquì cum Italico sermoni equè operam dederimus, nescio tamèn, quo ducti genio, & voluptate ita ergà latinum affecti sumus, ut nihil suauius, illustrius, augustius nostris auribus illabatur: nam, & grauitate in serijs pollet, & terrorem ad arma comparatum habet, & proprietatem ad naturā tenet, & flores ad ornatum parit, & nequitiam ad nugas fouet, & mollitiem ad amores spirat, omnium rerum compos, omnibus argumētis par, tantaq; vbertate præditus est, ut vel ipsam sententiam suggerat, acutèq; dicta suppeditet mirum in modum; nam earum rerum, quas in latino admiramur idiomate, quæ non friget Deus bone in nostrū trās lata? Nolim alijs linguis iniuriam facere; at si mihi huiusmodi genij mei ductum sequi liceat, latinam cæteris facile præferam, atq; ut Romæ imperium omnium maximū princeps huiusce vniuersitatis Deus terra, mariq; tum in prophanis, tum in sacris rebus largitus est, haud secus linguā quoq;



tradidisse profitebor, quæ reliquarum ferè princeps  
 eminere debeat. Noui ego me apud quosdam commu-  
 nis linguæ assertores acerrimos grauiter offendere: par-  
 cant verò, & pulchram filiam pulcherrimæ parenti non  
 anteponi haud inuiti patiantur. Quod ad primam ra-  
 tionem contrà nos allatam attinet, quisquis à pluribus,  
 quàm à melioribus legi honorificentius existimat, suo  
 sè su gaudeat. Ego quidem sapientem lectorem malim,  
 quàm imperitum; sapientes autem pauci, imperiti oppi-  
 dō multi; neq; enim vnquàm animum induxi meum, vt  
 tōsoribus laborare, atq; humilem famam per cauponas,  
 & fornices venari operæ pretium putarē. Immodò verò cū  
 latino idiomate vsi sumus, nobis non immeritò persua-  
 sum est scripsisse nos pluribus, quàm Hetrusco fecisse-  
 mus, cū latino communius nullum, non Italiæ limiti-  
 bus, non Europæ finibus cohibeatur, sed vniuersum  
 peruagetur terrarum Orbem, & cancellis Herculeis ef-  
 fractis ad remotissimas Insulas penetrauerit. Dicant oro  
 censores isti, plures sint nec ne, qui Italicè in arcto Ita-  
 liæ sinu, aut vix vllibi exteriùs loquuntur, an verò qui  
 latinam linguam vbiq; terrarum callent? Neq; sanè in  
 hoc non liceat mihi itidē ambitiosum esse, qui, vt ve-  
 ram honorificentiam secutus sum, non eam, cui tanto-  
 perè inhiant, qui meis illam oculis non intuentur, ita  
 nullis spatijs coercitus eandem vberem, amplam, ne  
 Oceani quidē finibus comprehensam magnanimo  
 ausu quæsiuerim. Ad secundam, tertiamq; rationes af-  
 fini-

finitate coniunctas migro ; neq; Hebræos, Græcos, Latinos, suo quemq; charactere scripsisse nego: illud fastidisse omnes non concedo ; nam & Philo Hebræus græcè, & Marcus Evangelista latinè scripsere . Cicero ipse, Cæsar, Latinorū alij græco idiomate plura dictasse traduntur, quorum si monumenta extarent, nulla hîc nobis superesset necessitas disputandi; cùmq; Athenas prò gymnasio haberent, ad auctoritatem, ad elegantiam atticè plerumq; scribere, ac loqui minimè erubescabant; non enim linguæ illi, à qua suam deriuauerant, eam calumniam importandam censebant, vt ipsam contemptui haberent; matrem fatebantur, magistram venerabantur, Platonem omnia Socrati accepta referentem imitabantur. nostri verò cùm communem dicendi formam à Latinis acceperint, Latinos fastidiunt, negliguntq; non sic egere maiores nostri, quorum egregijs monumētis omnia literarum domicilia referta sunt. Quòd si antiquitùs Latini latinè scripserunt, aliarum sanè linguarum ratio dispar; non Græci, non Hebræi sermonis ea necessitas, quæ Latini; nam cùm Romanum Imperiū longè, lateq; ad remotissimas noti Orbis prouincias porrigeretur, vt latinè scriberent, Romanamq; linguam ditarent, rerum status exigebat. Quod quidē etiā vsu venit apud nos, qui in vnā conuenientes Latinam Ecclesiam, latinum sermonem ad eò vsurpamus, vt hic omniū Christianorum communis, maternusq; habendus sit. Qui explodunt, qui paedagogiam sapere latrant, ij profectò aut deli-

deliramenti remedijs indigent, aut pædago; etenim ita fit, vt pleriq; damnent, quæ ab suo pte ingenio remota, sunt. Cum autem negant ad antiquorum maiestatem, puritatemq; à recentioribus perueniri posse, magnopere quidè non aduersabor. Fracastorius tamèn popularis meus, Sannazarius, Vida, & pleriq; eiusdem ordinis clarissimi viri satis ostendunt, quàm proximè possit accedi; quod eò videtur admirabilius, quò non vnà cum lacte, sed incredibili cum labore latinus nobis sermo superest hauriendus.

Transeo ad stylum, in quo cum Virgilij puritatem, candorem, numerum pro viribus imitari studuerim, audiamq; hæc ipsa à nonnullis eidem vitio vetti, tanquàm arida, eneruiaq; vereor profectò, ne magnam cum ijs cõ-  
 rentionem susceperim. At quicquid sit, malim mihi ad-  
 esse vitia Virgilij, quàm eorum virtutes, neq; id temerè,  
 nam si quod decorum habetur, quærendum est, grauif-  
 simo poëmati grauissimus character aptandus videtur;  
 Flosculi, effœminatarumq; sententiarum lenocinia Epi-  
 grammati, & Musæ lyricæ relinquenda; neq; enim de-  
 cet eadem vestis virum grauem, quæ adolescentulum.  
 In hac verò Virgilij imitatione, cum nullius iurare in  
 verba magistri soleamus, non adeò immodicè religio-  
 si fuimus, vt aliorum quoq; poëtarum melioris notæ ra-  
 tionem non habuerimus; nam & sentētijs ad Lucanū, &  
 ornamentis ad Claudianum pro re nata propiùs accede-  
 re conati sumus, & seculo hunc pruritum exigenti, quã-  
 tum



tum expedire arbitrati fuimus, morem gessimus. Cæterum de hæresi, qua laborant ij, qui Maronem penè factæ simplicitatis damnant, nihilq; asserunt noui afferre præter narrationem, nihil videtur statuen dum, cum res in aperto sit; quod si diuini poëmatæ præclara lumina non perspiciunt, cœcitatem doleo, & si tantus essem, qui medicinam adhibere possem, non inuiderem, cum utiq; satis constet Lucanum, Claudianumq; non tam ingenij ductu, quam desperatione loci aliud iter iniisse: Quæ quidem res quemadmodum primo obtutu Lucano meruit, vt Virgilio à plerisq; præferretur, sic consultiore deinde trutina pensuata pristinam Maroni dignitatem restitui consensit; Lucanus in ordinem redactus est; neq; ij, qui Maroni aduersantur, Lucani profecto esse meo iudicio malint, quàm Marones. Porro dictionem latinam, perspicuam, non affectatam nauitè affectauimus. Hæc verò sunt, quæ pro nostra iudicia in medium afferre operæpretium existimauimus. Si rerum intima penetrasse, atq; obiectiones aptè propulsasse contigerit, non est, cur aliquis admiretur, cum nemini notiora sint ingenij monumenta, quàm ipsimet auctori, qui quid sentiat, & velit, perspectum habet; sin secus, rem integram sanioribus iudicijs vltro remittimus.

F I N I S.



# Errata sic corrigito :

Pagina	Versus	Errores	Correktionones
2	8	littora	littore
6	26	osidione	obsidione:
7	5	poramus	putamus
8	11	innutile	inutile
9	3	exibuit	exhibuit
43	21	Ducunt muros	Ducunt ad muros
49	6	Magna	Magne
53	26	tali	tuli
58	7	Quz venis	Quz ruis
59	2	diffidunt	diffidunt
69	4	viridici	veridici
78	27	deficit	defecit
82	6	preferre	perferre
82	13	Respondit	Respondit
95	22	Silicet	Scilicet
104	1	quinq;	quemque
112	7	perennem	perennem
118	24	frere	frucere
136	22	assatur	assatur
142	10	exemplò	exemplò
241	1	contendere	contendunt
245	72	opjāy	opjāy
251	19	ignauiz	ignauiz
255	6	nouos Deos, nouos reges	ut nouos Deos, ita nouos reges
262	27	narrare	narrari
267	27	custodias	custodias
268	1	monendum	monendum
276	25	Jon ahran	Jonathan
280	4	deuorauit	deuorauerit
284	13	cognomentum	cognomentum
284	21	consilium	consilium
285	1	si fidelissime	fidelissime
287	20	atq;	atq;
288	26	cut	aut

Alia leuiora Lectoris iudicio relinquimus.

PROGNE  
TRAGOEDIA,  
NVNC ITERVM  
EDITA.



ROMAE EXCVD. MASCARDVS.

MDCXXXVIII.



THE

LIBRARY

OF THE



FRANCISCO VARGAE  
CATHOLICI REGIS

A CONSILIO,

*Et eiusdem apud Pontificem Max. Oratori.*

**V**ENETAM Academiam, Francisce Varga,  
Vir Illustris, nobilem inprimis atque om-  
ni scientiarum genere florentem, in quam  
ego proximis superioribus diebus, quod quidem  
in magna felicitatis parte constituo, sum adscri-  
ptus; cum ita erga te animatam à primo meo in-  
gressu perspexissem, ut quam obseruantiam atque  
beneuolentiam principibus, ac nobilibus viris,  
eximiaq; virtute ornatis præstare consuevit, ea-  
dem te studiosissime prosequatur: cœpi ego sta-  
tim incredibili quodam ardere desiderio, facultas  
ut aliqua mihi afferretur, qua tum ipsius Acade-  
miæ nostræ amplissimum in te studium tibi pate-  
facerem, tum clarissimi in primis Federici Badua-  
rij, quem tanti boni auctorem agnoscimus, egre-  
giam ad te amandum animi propensionem indi-  
carem. ea enim est virtus tua, ita excelsa & illustri  
loco sita, non modo ut à tanto viro nobisq;, qui ab  
eius excellenti iudicio testimonioq; pendemus,  
sed plane ab omnibus, qui vbique terrarum sunt,  
mortalibus ametur, eximijq; laudibus efferatur;

ac tui quidem tum animi, tum ingenij præstantia  
iam tum nobis cœpit elucere, cum apud Venetam  
Remp. primo quidem Caroli Cæsaris augustissi-  
mi, deinde Catholici Hispaniarum Regis nomine  
summa tua cum laude legationem semel atque  
iterum obiisti. tunc enim, quantum ipse vel ma-  
ximarum rerum vſu, vel liberalium artium co-  
gnitione, vel pietate in Deum excelleres, dilucide  
perspeximus. iure igitur ad maxima tractanda,  
negocia te vnum ex omnibus Rex tuus potissi-  
mum delegit, qui apud Pontificem Max. oratoris  
munus his temporibus, ingenti motu fluctuan-  
tibus, in vrbe Roma sustineres. quo quidem in-  
munere sic te geris, vt, quod dici solet, homo  
homini quid præstet, facile omnes intelligant.  
Verum illi felices, quibus contigit præsentibus  
tua singulari virtute frui: ego meam conditionem  
nimis inique patior, quòd, quo tempore meam  
tibi quam creberrimo salutandi officio beneuo-  
lentiam incredibilem patefacere statueram, eo te  
nobis fortuna quædam abstulit, doloremq; ex  
tanta iactura susceptum vix vlla ratione lenimus.  
restis ego sum communis in hac præclara ciuitate,  
bonorum omnium molestiæ; mei vero summi  
in te studij index tibi erit Progne tragœdia: quam,  
vt ipsius facile sublimitas indicabit, vel antiquam,  
vel antiquis, quæ maxime laudantur, certe pa-  
rem,



rem, quæ multos annos in mea latuerat bibliotheca, nunc in tuo nomine apparere volui, consilio minime, ut arbitror, reprehendendo: cum poësis ipsa, ut optime nosti, cum philosophia, cuius peritissimus es, veluti quadam cognatione societur: quippe quæ humanæ vitæ mores explicet, obscuris fabularum inuolucris eadem omnia, quæ aperte solet philosophia, proponat: summam præterea delectationem pari cum utilitate coniungat. neque vero te præterit, cum eius multa sint genera, in ijs tragœdiam non postremum locum obtinere: quæ cum acerbam fortunæ mutationem complectatur, quid aliud, quàm temperantiam Regibus ostendit, omnesque in summo rerum humanarum fastigio collocatos, ne quâ corruant, aut prolabantur, alieno admonet exemplo? qui vero aut à natura, aut à disciplina hoc habent, ut virtutis ad studia contendant; mirum, legenda tragœdia quàm valde afficiantur: cum ab ijs malis, quibus alios vexari cognouerunt, se abesse procul intelligant. itaque non dubito, quin te etiam atque etiam nostra Progne delectet, vel ipsius argumento, vel poetæ ingenio, vel denique Academiae nostræ, meaque præcipue obseruantia. nam, quod attinet ad mores lectione conformandos, nihil est, cur ipse à libris quidquam haurias. lætare

po-

potius animi tui præclara conscientia , eaque  
fruere quasi vberissima recte factorum mercede,  
eorum exemplo, quorum tu virtutes & imitaris  
& assequeris. Illud postremo loco summis pre-  
cibus à Deo exposcimus, vt, quod à viro sapien-  
tissimo dictum quandoque cognouimus, grauio-  
ra tibi in dies munera simul cum ampliore digni-  
tate committat : vt tantum re ipsa Christianæ  
reip. prodesse possis, quantum animo tuo, re-  
ctissima ac laudabilia omnia maxime cupienti,  
satisfaciat.

Ioannes Riccius, legum Doctor,  
Venetus Academicus.

# ARGVMENTVM TRAGOEDIÆ,

## QVAE DICITVR PROGNE.

**T**ITVLVS huius tragoediae dicitur, Progne. Pro argumento autem pradicendum est, quòd, cum Tereus, rex Thraciae, fatigasset bello Pandionem, regem Athenarum; tandem conuenerunt, ut pax fieret inter eos; atque ut firmior foret, Tereus acciperet uxorem Prognem, maiorem natu filiam Pandionis. ex qua cum habuisset puerum, nomine Ithim; post quinquennium desiderio Philomenae sororis accensa, blanditur viro, ut eam ad se traduceret. ille impetratam à patre virginem inflammatus libidine oppressit; eiusq; comites morti dedit. quod cum agere ferret puella, & se vulgaturam affirmaret; mota est ira tyranni, linguamq; eius secuit. post hac, pauentem stabulo, quod forte propinquum erat etiam urbi, inclusit: posuitq; custodes. ita re gesta, ad Prognem redit: simulatq; Philomenam, pelagi tempestate grauata, periisse. Credidit Progne: sed diu tantum scelus latere non potuit, ad Prognemq;, uti res erat, allatum est. Illa vero furij doloris percita, simulans Orgia Bacchi, quae tertio quoque anno fiebant, ad stabulum cum turba muliebri venit: custodes necat: germanam secum trahit. postmodum autem vlcisci querens, crudelissima mater gnatum unicum interemit, patriq; epulandum apposuit. Fabulose autem dicitur, Tereum & Marte genitum fuisse, quia cruentus fuit tyrannus, & nymphea Bistonode, ab eo per vim compressa. Progne conuersa dicitur in hirundinem, Philomena in auem sui nominis, Tereus vero in upupam: cuius facies cristata est, ut indicet regium caput: viuit autem ex stercore, propter memoriam comeesti nati.



INTERLOCVTORES,

DIOMEDES,

CHORVS,

TEREVS,

PROGNE,

PISTVS,

NVTRIX,

NVNCIVS.

# TRAGŌEDIA

CVIVS TITVLVS

Progne.

DIOMEDES.

**L**VCOS & amnes defero inferni Iouis:  
Ad astra mittor supera conuexi poli.  
Neque enim inter vmbas noxius visus furor  
Est vllus æque: Thracia heu solus potest  
Explere furijs corda Diomedes: nefas  
Odisse liceat: crimini datum est satis,  
Satisq; sceleri: deprecor fontis plagas:  
Amare liceat: addite ad pœnas meas,  
Si quid potestis dira Furiarum agmina:  
Titana pubes exuat vinclis manus  
Cælo rebelles: æneis nodis premar.  
Nil iam recusō, Sisyphi premat lapis.  
Me ludat amnis Tantali, vel Ixionis  
Iaculetur orbis: crescat in pœnas iecur.  
Parum videtur? torqueat per me suas  
Phlegethon arenas, igneo torrens vado.  
Cur me innocentem facitis alterna vice  
Sceleris nefandi Thraces? agnosco scelus:

B

Pars

T R A G Œ D I A

Pars iam peracta : noster explebit nefas  
 Aduentus . unde hoc ? omnis arefcit ſeges :  
 Senſere terræ ? deficit pratis color ,  
 Quacunque gradior : fontibuſq; humor ſolitus  
 Deeſt , cauernis intimis quærens fugam .  
 En alta cerno decora natalis ſoli ,  
 Thracoſq; muros : regia eſt illic locus :  
 Atque hunc ſuperbus alta pro templo pater  
 Gradiuus ipſe limina horrendus tenet .  
 Pudet referre : facinus agnoſco meum ,  
 Stabulumq; , quo me victor Alcides feris  
 Obiecit ipſe , pabulum armentis ducem .  
 Sed ecce ſubeo regiæ limen domus ,  
 Aulaſq; Terei . quid hoc eſt ? fugiunt retro  
 Verſi penates : decidunt flores noui  
 Numinibus ipſis : miſera ne trepidat domus ?  
 Venio coactus : quis nouus cogit furor  
 Dirum profari facinus ? agnoſco nefas .  
 Nunquam vacabit ſcelere Diomedis domus :  
 Nunquam nocentes leuiter Thraces erunt :  
 Peccatur omne ſcelere quod vincat ſcelus :  
 Semperq; veteris præterit formæ modum  
 Crimen quod oritur ; obruit recens vetera :  
 Paruumq; quod fuit ſcelus , dum fit nouum .  
 Matris furorem cerno , & euerſam domum ,  
 Miſerumq; patrem : video crudeles focos ,  
 Et ſparſa pueri viſcera , & diras dapes .

Menſæ



Mensæ parentur: sacra splendescat dies:  
Abominandum, pessimum, horrendum, nouū  
Odrysia facinus prima concipiat domus,  
Suumq; vincat scelere crudeli genus.  
Vix, cum peractis seculis olim polus  
Ardebit; ignis cum mare & terram ambiet;  
Numeretur aliud; vixq; posteritas fidem  
Datura famæ. ò semper infamis domus:  
Sileatur omne veteris errati scelus:  
Stupra nefanda vile sint crimen domo.  
Satis ne dixi? iam satis: factum est opus:  
Obsedit animos impius mentis furor:  
Flagrat cupido turpis: inuenta est via:  
Scelus patebit: carbasæ extendat Zephyrus:  
Velis citatis prospero cursu natet:  
Tandem fauebo Thracio regi: redeat:  
Redisse nollet. ecce solenni prece  
Tereus vocatur: appara festum diem:  
Germana venit. ora quis quatit mea?  
Vocat flagello me ad infernos lacus  
Erinnys: onere tellus infesto diu  
Nostro leuetur: cetera explebit furor.



# T R A G Œ D I A

## C H O R V S.

**ORTE** Saturno, pelagiq; rector,  
 Qui leui curru gradiens per æquor,  
 Temperas pontum, quatiens tridentem,  
 Sterne secura pelagus quiete.  
 Tuq; ventorum domitor procellas  
 Qui regis, duro reserasq; saxo,  
 Te timent nautæ, trepidiq; adorant:  
 Tu potes actum pelagus tumultu  
 Sternere; atque idem super astra ferre:  
 Tu pater nimbos, nebulasq; torques:  
 Thraciæ plebi faueas, precamur:  
 Adsit actutum Tereus citata  
 Puppe: nec velis cadat aura, donec  
 Thracios portus teneat tyrannus.  
 Rex, victus prece coniugis  
 Reginæ, pelago caput  
 Commisit, fragili rate:  
 Venti perfidia nihil  
 Contactus, soceri domos  
 Portu Mopsopio petit.  
 O qualis pietas thori!  
 Nutritur face mutua  
 Sacrati thalami calor.  
 Orpheus Eurydicem suam

Quæsitum petijt lacus  
 Auerni, & miseræ Stygis,  
 Vectus flumina trans nouem  
 Interfusa vadis. lyra  
 Motus portitor aurea,  
 Orantum immemor hæserat.  
 Illum vt Tartareus canis  
 Ripa prospicit vltima,  
 Caudam deliniens stetit.  
 Mirantur fidibus nouis  
 Manes: nec sitiens senex  
 Curat flumina Tantalus,  
 Non ales Tityi iecur:  
 Hæsitq; Ixionis rota:  
 Saxo Sisyphus insolens  
 Infedit: stupet Æacus,  
 Et cum coniuge luridus  
 Pluton: qui quoties velit  
 Irasci, toties prece  
 Placatus, Lachesium iubet  
 Vitæ staminanectere.  
 At sit mitior Orpheo  
 Tereus, cælicolum genus:  
 Omnes, principe reddito,  
 Soluent vota calentibus  
 Aris: & tremuli senes  
 Spargent pocula Lesbij:



## 6 T R A G Œ D I A

Et cum virginibus simul  
 Infantes pueri canent.  
 Echo montibus abdita,  
 Respondet Rodopes iugis.  
 Quæcunque & Tanais rigat;  
 Qui cum frigore duruit,  
 Plaustri conteritur rotis;  
 Nuper remige percitus,  
 Duro fert equitem vado:  
 Omnis Thraca decentibus  
 Saltabit citharæ modis:  
 Tempa & Bistonij tegent  
 Sertis, & viridantibus  
 Ramis: in medio fidet  
 Festus lætitiæ deus.  
 Sed quis profecto strepitus è portu sonat?  
 Accurrit vnde hæc turba? puppi regia  
 En arma præfixa: en Tereus abest procul.

## T E R E V S.

GRADIVE, gelidis siue sub Rhodopes iugis  
 Fessos iugales pabulo recreas nouo,  
 Aut nubifer vbi verticem Hæmus exerit,  
 Aut Othrys ingens; aut vbi ilicibus nigris  
 Pangæa resonant; siue per populos agis  
 Currus cruentos; mellitum cernis pater

Gna-

Gnatum. tremiscunt vltimi vires meas  
Thraces: & omnis regio glacialis poli  
Me me tremiscit: arma Cecropidæ mea  
Timuere: gnata, vixq; Pandion focer  
Pacem impetrauit. nunc quoque è soceri solo  
Conspicius hospes remeo: tot spolijs ducum  
Præclara puppi tecta prospicio libens:  
En alta decora patriæ cerno domus,  
Gratosq; muros: iura quo reges solent,  
Agnosco templum, sceptrā gestantes dare.  
Verū minime in patriam reducis animū gero:  
Deiectus animo traherer in Syrtes velut,  
Vt exul vndis classe barbarica premerer:  
Conscia, licet nullus premat, mens premit.  
Quid anime segnes? quod fuit summum, tibi  
Dedere superi: si quid errauit furor,  
Fac ipse liceat, facile quod reges solent.  
Num cernis alta decori natalis soli?  
Gratare tandem: non decet regem timor.  
Sed ecce littora remige assiduo sonant:  
Latantur omnes: obuiam cuncti ruunt:  
Aderitq; Progne. quas misera voces dabit,  
Postquam sororem cernet absentem, sibi  
Diu expetitam: consilia tegent nefas:  
Simulabo victam turbine immensi maris,  
Demum peremptam: lacrymæ facient fidem.

## T E R E V S, P R O G N E.

O FIDA consors, multa post maris virum  
 Pericla cernis. *PRO.* Lætor incolumem: sed hæ  
 Lacrymæ loquentis (talis in patriam redis?)  
 Cur ora complent? vbinam est soror mihi,  
 Optate coniux? viuit, an morte occubat?  
 Effare aperte: mæror augescit mora.

*TER.* Pelago perempta est (hi mei reditus) soror.  
 Velis citatis prospero cursu ratem  
 Strimonius Aquilo vexit ad foci domos.  
 Egressus adij. forte tunc Rex Palladis  
 Ad templa summæ præsidem orabat deam.  
 Opima feriens colla stat comptus caput  
 Vitta sacerdos: ipse sacratis foci  
 Spargebat aræ thura solenni prece.  
 Tunc me lacertis senior affusis ait  
 Complexus: Vt vt te gener, dum spiro adhuc,  
 Iuuat videre: nunc reiuuenescō senex:  
 Valet ne Progne? superat & carus nepos?  
 Sed quid moramur plura? vix multa prece  
 Gnatam impetraui: spondeo celerem reditum  
 Ægro parenti: ast olli in amplexu vltimo  
 Singultus ora patria oppressit grauis:  
 Aprant carinas socij, & antemnas ligant.  
 Decrescit omnis terra paulatim: vndique  
 Cælum,



Cælum & mare : secat spumeum pontum ratis :  
 Ac pone placidus exultat delphin salo.  
 Et iam diei finis : in nubem cadens  
 Sol, passus oculos, mergit Oceano rotas :  
 Rubicunda Phœbe surgit : ac stellæ cadunt ,  
 Et ecce nubes densa cæruleum æthera  
 Inuoluit : altis montibus fragor sonat :  
 Et tunsa late saxa latratu gement .  
 Caligo cælum texit , & crebri micant  
 Ignes : at Eurus surgens orientem mouet .  
 Repente pluuiæ nubibus ruptis cadunt :  
 Tumescit æquor : latera nauigij tremunt  
 Collisa : pulsat sidera , & arenas ciet  
 Vis vasta pelagi : sæpe diducto freto  
 Immergit , & nunc erigit cælo trabem .  
 Conclamo : socij ponite antemnas ; labat  
 Carina . & ecce desuper turbo rapax  
 Ferit rudentes : pontus in puppim niger  
 Fertur : procella malus immani tremit .  
 Non grata nautis occidens nunquam micat  
 Glacialis arctos : fidus, Arctophylax , tuum  
 Texere nubes : omnis eripitur polus .  
 Erramus adeo cursus incerti : neque  
 Noctem diem ve digeri finit polus .  
 Hæc inter acri percita stomacho soror  
 Deuicta demum est , euomit : membra labant :  
 Nec alitur villo corpus infirmum cibo .

Non is genarum fulgor, vt quondam, decens:  
Tumor per artus abiit afflictos grauis.  
Tandem reuoluta posuit in sinu caput  
Letho grauatum: soluitur corpus gelu:  
Anima per ora flentis ad manes fugit.  
Nec dum omnis abiit fulgor: in vultu pio  
Mors quoque placebat. talis in viola nitor,  
Cui forma nondum fugit; & prato caret.  
Non hos dolores fluctus inuisi minæ,  
Sed dii dedere. testor imperij decus.  
Vix clausit oculos dextra, cum ventus minas  
Posuit; resedit omnis extemplo furor:  
Cessere nubes; vasta tempestas perit.  
Lætatur: ecce remi & antennæ cadunt:  
Optata miseris quarta cum luce astitit  
Infausta tellus: quassa diluuiο ratis  
Subsedit anchoris: latere pontes cadunt.  
Est collis altus: vltimi Thraces ferunt:  
Prærupta ponto media rupes eminet:  
Curuata vallis humida & sterilis iacet:  
Vtrinque silua claudit: ac montes tegit  
Cupressus alta funebri ramo virens.  
Hoc vbi potiti, quisque tabentes salo  
Siccavit artus: horret & littus quoque:  
Nec credit vllum grauibz ærumnis locum.  
Tunc funus egomet manibus instruxi meis:  
Ferro bipenni pinus impulsæ eruit:

Cedit

Cadit cūpressus: nemora cū filiis trahunt

Late ruinam: structa sublimis pyra

Cælo minatur: flamma per ramos sonat:

Ac fumus ater nube funerea coit:

Stridunt fauillæ: mæstus vmbratur dies.

Circum omnis astat veste funerea caput

Amicta turba: lacrymæ & planctus sonant.

Manes vocantur: turba ter rogos obit.

Postquam solutus debitus flammis honos,

Tegitur sepultus aggere excelso cinis. (nex?

*PRO.* Quid turba comitum? superat? vbi Pistus se-

*TER.* Vt carpsit ignis auidus appositam struem,

Cadauer vri cœpit vbi stratum super,

Vltra dolores ferre non potuit senex:

Irrumpit igni: seq; eodem conijcit.

Qualis securem taurus attonitus fugit,

Aut qualis acri concita Mænas iugis,

Agente Baccho fertur insano gradu;

Talis rogos petiuit afflictus senex:

Fidusq; alumnæ cineris vt foret comes,

Passus cremari: sed reor summum sibi

Fuisse, vt vnus ignis arriperet duos.

Alij reuersi nuncij diræ necis.

*PRO.* O mors acerba: ò multa frustratæ preces!

O sæua maria: ò mortis horrendum genus,

Et morte peius! quam dolor capiet viam

Crudelis? vbinam grauibus ærumnis modum



Statuam? sorore, quid enim restat mihi,  
 Morte occupata? quid queror demens? ego,  
 Ego te peremi: causa nostra hæc est soror,  
 Crimenq; nostrum. nanq; dum propero nimis  
 Vnam videre, pene dispersi duos.  
 Me me procellæ ferte in abruptum mare,  
 Scopulosq; Syrtis: ferte disiectam vndique,  
 Vbi nix alta canet æterno gelu;  
 Aut vbi propinquus pabulum feris negat  
 Sol; vbi venena, vbi herba pestifera viret.  
 Me pontus, æther, me premat dirum chaos.  
 Vtinam sororis pariter arsissem rogo:  
 Vbicunque iaceat Pistus, inuideo tibi.  
 Nec te sororis morte culparim Tereu:  
 Sors ista fati debita, vt funus tuum  
 Soror viderem: quamuis hoc vetuit deus.  
 Potuere mortis fata largiri moram  
 Breuem sorori. mæstus heu forsan pater  
 Dat thura templis: ipsa iam Lethen bibit,  
 Secura mortis. tollite ornatus mihi  
 Regalis auri: veste funerea dolor  
 Vtatur; istas ventus inuoluat comas:  
 Feriat lacertos inuicem exertos manus.  
 Sed cur monili colla Sithonio nitent?  
 Auferte famulæ.

TER. Tollite ad thalamos heram:

Potius iacentem reddat huic animum thorus.

CHO-

## C H O R V S.

NVLLA mortalis tenuit voluptas  
Longa , nec vnquam miseros tenebit;  
Læta dat nobis adimuntque Parcæ ,  
Præpeti semper rapiente fato.  
Nemo tam felix spatium senectæ  
Finit . intactus modo natus infans ,  
Inter hos vitæ miseros tumultus  
Lege pensatur : sedet atra cunis  
Clotho, venturi comes vsque fati.  
Nil fit æternum ; solidumq; nil est  
Rebus humanis . variæ voluptas  
Quota pars vitæ est ? subeunt labores ,  
Et graues curæ, miseriq; luctus.  
Nuper insigni comitata turba ,  
Thracias inter veneranda matres,  
Ibat, è collo radiante gemma :  
Mæsta nunc deflet miseranda Progne  
Fata sororis :  
Victa quæ sæuis pelagi procellis  
Virgo defecit . feriat , licebit ,  
Ipse vocali cithara que relas  
Orpheus ; nunquam superos videbunt ,  
Cum semel leues animæ natarunt ,  
Vna quas vexit feriente remo

Cymba deductis totiens lacertis.  
Tiphys, inuicti domitor profundī,  
Mortis inuenit noua fata primus.  
Ante nec pontum secuere puppes;  
Nec graues fluctus timuere nautæ.  
Quisque securus placidis in agris  
Vixerat: necdum senior marinos,  
Littus egressus patriæq; portus,  
Nouerat casus, scopulosq; sæuos  
Arte latentes.  
Ille tranquillæ placidæq; vitæ  
Ocia mouit,  
Primus è terra refecare funem  
Ausus, & ligno fragili natare:  
Iussit antemnas religare malo  
Primus; & tortos statuit rudentes;  
Ac sinus laxos, feriente Coro,  
Tradidit audax:  
Credulæ pontum secuere puppes:  
Nauta tum ventos varios notauit,  
Et minas cæli; posuitq; pictis  
Nomina stellis.  
Naufragus picta vehitur carina:  
Suppara è summo religauit audax,  
Anchoram ignota statuitq; terra.  
Hoc genus lethi miseros manebat.  
Currat hinc illinc alius per æquor:



Solis occasum videatq; & ortus :  
 Monstraq; & sæuos pelagi labores  
 Garrulus tuta referat sub vmbra .  
 Me domus dulci saturet quiete  
 Parua : nec terras numeret remotas  
 Nostra senectus .

## PISTVS SENEX, NVTRIX, PROGNE .

**QVAM** grauia passus, defero è filuis gradum ,  
 Infauftus hospes, nuncius diri mali .

O fors acerba ! vix mihi sufficiunt pedes ,  
 Retroq; ducunt tramite errantem gradum .

**NVT.** Quid portat iste trepidus è filuis senex ?  
 Ni fallor, ipse est Pistus. **PIS.** O nutrix, vbi  
 Regina ? **NVT.** Fare Pistè, quod partes malum .

**PIST.** Ad hoc malorum nuncio misero est opus :  
 Ipsaq; Progne quo sciat tantum nefas .  
 Sed ecce venit. **PRO.** Fidus extinctæ comes  
 Olim sororis, nunquid à mæsto venis  
 Phlegetonte ? namq; te quoq; extinctū Tereus  
 Edixit : iste prorsus inferni situs .

**PIST.** Me longus error, luctus & filuæ pauor  
 Deformat. illic teter increuit rigor .  
 Sparsus per humeros crinis : attractæ genæ :  
 Et crura dumis lacera . **PRO.** Quid causæ fuit;  
 Tentare latebras ? ede fortunam senex ;

Et-

Et quæ sororis cura morituræ fuerit.

*PIS.* Vtinā perēpta. *PRO* Nūquid impositū aggerē  
Erexit humeris vmbra, remeata Styge?  
Effare aperte, quidquid est: timeo omnia,  
Et te, fatebor: ista vix credo mihi:

Quæ clades ista? nunquid & peius nece?

*PIST.* Mors ipsa votum. viuit, hoc ipsum dolens.

*PRO.* Quod lucis odiū? *PIS.* Cui decus, melior fui  
Pars, perijt. vtinam corpus extinctum nece,  
Saluo pudore. corporis perijt quoque  
Pars magna. *PRO.* Mitte verba perplexe loqui;  
Quis hic stuprator virginis claræ fuit?

*PIST.* Quem si rescieris, scire pœniteat quidem.

*PRO.* Effare aperte: mæror augefcit mora.

*PIST.* Hæret palato lingua: pulmonem grauat  
Attractus aër: totus horresco memor.

Aliquò procellæ deferant merfū caput,

Dum es innocens aduc. *PRO.* Fieri nocens

Cupio nefandi sceleris; vlciscar modo.

*PIST.* Vicina tellus nobilem portum efficit:

Vnde omnis vrbs pateat aspectus, nisi

Opposta Rhodope brachium extendat mari.

Fluctu proteruo rupes exesum latus

Ostendit; hic nos ponere antemnas Tereus,

Cursu peracto, littus ad notum iubet.

Paremus omnes, sceleris ignari, ocyus.

Vix prima tellus cœpit: (heu dirum nefas)

Abomi-

Abominanda scelera molitur Tereus ;  
Instat puellæ, qualis Armenius leo  
Ceruæ pauenti, viribus vastis fremens .  
Tentata precibus restitit virgo diu :  
Coacta donec, sæpe exclamato patre ,  
Sæpe & sorore , stupra violenta pati .  
Tunc scissa crines ora pudibunda obtegens ,  
Acclamat : O crudelis ! ò verum genus  
Thracũ nefando scelere ! quid primum querar ?  
Non te parentis tenuit afflicti fides ,  
Non dextra, non cognata proximitas ? neque  
Sacrum pudoris mouit intacti decus ?  
Pellex sororis igitur amisi decus ?  
At tu superbus sceptrâ gestabis manu  
Post stupra ? nullus pro scelere tanto Deus  
Perfoluet vltor debitas grates tibi ?  
Non sic abibis : ipsa per populos loquar :  
Aut si tenebor clausa custodum manu ,  
Mouebo saxa , & conscios facti deos .  
Testor pudoris numen aduersum mihi ,  
Hac labe careo : corpus hoc tantum tulit .  
Germana , tete si parum soror mouet ,  
Contaminatis aude pro thalamis aliquid ,  
Quod ipsa laudem : stabo , & implebo nemus .  
Vix hæc . tyranno maior increuit furor .  
Vt sæuus anguis forte compressus pede ,  
Tumet veneno lubrico lapsu ferox .



Stabulum propinquæ rupis apparet cauo.  
 Seruabit hic te fida famulorum manus.  
 Istas catenas auferat soror tibi.  
 Nec plura fatus, forcipe apprehensam secat  
 Linguam puellæ. faucibus radix micat:  
 Et murmur (heu heu) voce pro solita dedit.  
 Cruenta lingua palpitat moriens, velut  
 Longæ colubræ cauda, quæ celeri rota  
 Traiecta, partem quærit ereptam sibi.  
 Post hæc pauentum cædis efferæ impetu  
 Obtruncat ipse cassâ præsidia comitum,  
 Ne quo resciscas nuncio tantum scelus.  
 Hoc vile solus (fateor) è cunctis caput  
 A tam parata morte subduxi pedibus,  
 Tentare latebras ausus ignotas mihi.  
 Montes per altos ducor ex illo vagus:  
 Siluas & amnes lustrò permixtus feris:  
 Herbæ, & rubeti poma solantur famem.  
 Rami caduci pariter & flatus mouent  
 Strepente folio: somnus in vda fuit  
 Tellure: demum huc appuli fessus malis.  
**PRO.** O machinator fraudis: ò crudelior  
 Diomede Thrace; sanguinis verus parens  
 Ille est nefandi. siccine obtendis dolo  
 Commenta mortis funera? & tantum nefas  
 Speras inultum? magna delicta diu  
 Latere nequeunt: sequitur a tergo comes  
 Vin-

Vindicta : scelere nemo lætatur diu .  
Tereu, nefanda strage turbasti domum ,  
Post stupra fletus ausus ordiri nouos .  
At nunc superbus regio luxu incubas .  
Lingua recisa , carceris duri solo  
Germana nudo recubat, vbi sueti greges .  
Non sic iacebit clara Pandionis domus  
Illusa : misera tollet aliquando caput .  
Prodesse miseri facile si nequeunt , nocent .  
Inuenit odium sæpe, quem arma nequeunt .  
Indulge quæso facinus : hoc nuper soror  
Ad nos redundat : aderit actutum tibi  
Vindicta : pœnas impius coniux luët .  
O ter quaterq; morte felicem inuoco  
Te te parentem : genitor euixit super ;  
Restaret vt hoc tempore infelix pater .  
In hunc dolorem fata seruabant senem .  
Speranda iam tum ista, cum hosti barbaro  
Sociata cessi . superat hic animus sibi .  
Vtinam dehiscens tellus hoc olim caput  
Mersisset orco, bella cum primum intulit  
Iuuenis proteruus . pacis heu pignus fui ;  
Vt hoc viderem facinus : in thalamis meis  
Cruenta Erinny's crine vipereo stetit .  
Hac , hac ministra facta sum dudum parens ;  
Vteroq; semen impiæ prolis tuli :  
Iterum sorori spargere has comas iuuat .

Quo cedis anime? num soror lacrymas petit?  
 Agedum sororem quære per montem ocyus:  
 Euerte filuas: carcerem horrendum erue.  
 Simulabo, Bacchi maior hic lateat furor.

## C H O R V S, P R O G N E.

SACRA Thyoneo repetita triennia suadent:  
 Mollia Nysæa cingamus tempora vitta.  
 Huc ades proles Iouis ætherei, matris  
 Ex utero præuiste direpte puer.  
 Te te Thracia vocat tua.  
 Huc formosè puer rite propitius,  
 Vultu virgineo dirige, nebride  
 Præcinctus virides rotas,  
 Variasq; lyncas:  
 Lucidum cæli iubar astriferi veni.  
 Tertia sacris remeauit æstas:  
 Hedera virenti ornare iuuat madidos capillos.  
 Seu iubes spargi sine lege ventis:  
 Te decet flauos religare crines  
 Floribus vernis, madidosq; mirrha  
 Tergere ferro, & cohibere mitra.  
 Te decet molli religare zona  
 Luteas vestes Tyrio colore.  
 Tu puer ludo placidæq; rixæ  
 Semper arrides: tibi mota pulsan  
 Tympana, & ferro spoliata buxus:



Naides blandæ, satyriq; molles  
Vsq; mirantur niueos lacertos,  
Et genas puras placida iuuenta, &  
Lactea colla.  
Huc adfīs formosē, vocāt nemora omnia circū,  
Vitīfator: quamuis te decolor India iacet,  
Orgiaq; in toto resonent trieterica Gange.  
Thyrſos ſpargere nunc leues,  
Intextos hederis iuuat.  
Bacchis lampade nos vocat.  
En omnis Rhodope ſonat;  
Euan Ogygie adueni.  
Mater Pantheos impij  
Non hic commaculat manus,  
Auellens humeris caput.  
Hic cum Calliope ſatū  
Fudiſſent miſeræ matres,  
Mæſtū cum gemeret nemus.  
Dignū perniciē ſcelus  
Pendunt vindice te improbæ.  
Te Rubrum timuit mare,  
Et quæ decolor India  
Cingit tempora pampino:  
Thermodontiaci chori  
Victoris genua inclyti  
Addunt ſceptiferas manus,  
Quacunq; & niueos rigat

Ganges flumine lucido.

Quidquid Sol nitidus videt,

Quodcunque Oceanus lauat,

Laudes Bacche tuas canit .

Naxon cum peteres tuam,

Dix nobilis insulæ

Solam littore virginem

Fouisti placido sinu .

Munus sarta decencia ,

Munus , Bacche , tuum tulit .

Idem perfida pectora

Fudisti pelago puer ,

Frustra brachia dum student

Lentare . in tenebras quoque ,

Te Mineides improbæ

Dum spernunt , fugiunt citæ .

Dirige pampineas circum nutante corymbo

Bacche tuas : turpi veniat Silenus asello .

Ad mare Threicio dū flumine defluet Hebrus ,

Dum Rhodope niuibz stillabit vere solutis ,

Sacra Thyoneo repetita triennia mittent .

# P R Œ G N E .

ERVITE propere carceris duri minas ;

Atque hos ministros regij iussus neci

Mandate : maior victima his cadet manibus :

Erui-

Eruite propere : iam satis Baccho datum :  
Infaniendum est nunc mihi : instigat furor.  
Huc è latebris procede soror :  
Hic dies hic est , (germana veni)  
Quo violenti stupra tyranni  
Datur vlcisci . eia comites  
Hederis frontem cingite Bacchi :  
De more caput vitta coerceat :  
Nebride sacra latus instructa  
Thyrsum vibret . soror ornatus  
Hos cape mecum .  
Quid mæsta tegis ora ? quidue lacrymas  
Fundis inanes ?  
Attolle soror pudibunda solo  
Lumina : casto libet amplexu  
Fudisse pias per colla manus .  
Hic ne genarum roseus fulgor ?  
Oculi ne hi , geminum fidus ? cur  
Hirtæ squalent per colla comæ ?  
Vnde hæc macies ? fœdoq; pedes  
Pedore graues ? vix agnosco  
Membra sororis : silet infelix ,  
Pallida vultus , etiamq; timet :  
Vocis damnum muta fatetur :  
Conscia tantum numina monstrat ;  
Cæloq; gemens spargit aperto  
Liuida duris brachia nodis .



Flete heu miseram Ciconum matres,  
 Si qua est pietas: feriatq; humeros  
 Manus exertos: sentiat æther:  
 Si qua æthereis numina regnis  
 Humana regunt, curisq; pijs  
 Aures præbent, inq; superbos  
 Acres mittunt fulguris ignes.  
 Strimonis vndæ fletu nostro  
 Crescant: gelidas visere ripas  
 Iuuat, & ventis iactare comas:  
 Decet hic habitus nostros casus.  
 Sed quid trepidas, miseranda soror,  
 Laribus nostris inferre gradum?  
 Etiam times Terea dirum?  
 Testor tenebras noctis opacæ,  
 Ditisq; domos, & Tartarei  
 Trina ora canis, Stygiosq; lacus;  
 Omnes quæram scelerum formas,  
 Scelus vlcisci cupiens: omnis  
 Fugiet pietas: per scelus omne  
 Eat in pœnas ferus hic animus.  
 Huc viperea valle sorores  
 Adeste: voco: dabit ista dies  
 Aliquid longo semper in æuo  
 Immite, ferum. vincite Diræ  
 Coniugis artes: maiusq; aliquid  
 Excute Progne: femina vincat.

*NVT.* Vultum furoris pelle : ne prodeat furor.

*PRO.* Heu, quis dolori sit satis tanto furor ?

Quæ pœna Tereo digna ? quis Regi queat

Nocere diro ? tota splendet licet

Actæa ferro tellus, & summæ parent

Arces Cecropidum bella : desertis licet

Campis colonus arma Bistonius ferat ;

Frustra hæc laceffant. Parthicas olim timuit

Cecrops pharetras, gentis effrænæ impetus.

Audaxq; belli notus est dudum Tereus,

Viresq; regni : scilicet nullus premat,

Natura fines ipsa custodit loci.

Hinc alta Rhodope nurat excelsis iugis :

Hinc vasta Syrtis Geticum incurfat mare :

Mæotis inde stringit Arctoos sinus :

Quas spes inanes voluis ? ah nescis misera,

Vindicta quo constet loco. me me est opus :

Ego vel Athenis sola sum potentior :

Ego sum timenda : desinant reges licet :

Ex hoc timere coniuges discant patres :

Ego, dum nefando coniugi reddam vices,

Pergam, & nefando scelere complebo domum.

Bene instituto fiat exemplo nocens

Vxor mariti : coniugem agnoscet suam.

*NVT.* Quò misera pergis ? quò furibunda rapis

Alumna mentem ? rebus afflictis decet

Præbere fortes. vnica est mali salus,

Nescire vinci: quoq; demissa est magis,  
Vires doloris opprimunt mentem magis.

*PRO.* Fluctu doloris obruor: non sum mea.

Talis carina fertur, amisso duce;  
Cum sæua pelagi forte tempestas rotat.  
Vos ò recentes cæde miseranda obruti  
Adeste manes: facinus explebo ocyus;  
Quocunque tantus iusserit dolor modo.  
Vindex sororis dicar: vlcisci liber.

*NVT.* Et vindicanti sæpe vindicta obfuit.

*PRO.* Quemnam timebo, fata si nihil mouent?

*NVT.* An non timebis Bistonum vires mulier?

Non hic Athenæ. patrio tutam sinu  
Fortasse credis? tellus hostilis premet.

*PRO.* Nihil morabor: perfidus luat modo.

*NVT.* Moriere. *PRO.* Moriar vlta.

*NVT.* Fama te moueat.

*PRO.* Non it ad vmbbras fama: nec curant leues  
Post fata manes, fama quid vulgi ferat.

*NVT.* Perimes cruenta morte crudeli virum? (bit.

*PRO.* Perimam:& nefando sanguine hic pœnas da-

*NVT.* Lassat sacrilegas vrna Belides: neque  
Pensatur vllò fine tam tetrum facinus.

Si nil mouet te, respice at gnatum parens.

*PRO.* At quid sororem? iam ipsa cum gnato patrem  
Cremabo flammis: ipsa iaculabor faces  
In regna Terei: tota splendescat domus

Re-



Regalis : omnis eruam stirpis notas.  
 Super ipsa iaciar . eia membratim occidat  
 Discerptus ipse : iam iuuat linguam trahere  
 Trucis tyranni : meruit hic, quidquid potest  
 Irata mulier . *NVT.* Siste vesanos, precor,  
 Regina motus . maius hoc ira malum,  
 Tuisq; maius viribus : Rex est Tereus :  
 Multum paterni roboris sæuus gerit .

*PRO.* Non si ipse clypeum genitor opponat sibi ,  
 Pœna vacabit . quisquis contemnit necem,  
 Rex est tyranni : moriar , vt mortem oppetat.

*NVT.* Horrore quatiôr : crinis erectus : pauet  
 Animus : reliquit ossa consuetus calor . (ror?  
 Quodnam hoc malû est? quis tantus instigat fu-  
 En ora torquens mater aspectu truci  
 Furibunda natum spectat, inuicem quoque  
 Vulnus sororis : superat, & crescit dolor.

*PRO.* Quid hoc furore maius accrescit malum ?  
 Libet experiri, quidquid est, quod me mouet  
 Vltrix Erinny's : ora furiarum intuior :  
 Et ipsa Alecto crine vibrato sinu  
 Iniecit anguem : lubricus venis meat .  
 Hortamur : eia , quod mare & terra horreat,  
 Inuade facinus : auctor audendi furor .  
 Quænam hæc sororum funebre versat manu  
 Ferrum? tremisco . quis matrem impellit manus  
 Meculate duras impia nati nece ?

Crudelis ille est : meruit vt facerem scelus.  
Fecisse pudeat : quò fugit cœptus furor ?  
Hoc hoc libet, quod timeo, vel si quid mali  
Est peius vsquam : non placet primus furor :  
Tereus superfit; viuat, & viuat miser,  
Optetq; mortem : peius est votum nece .  
Discede pietas : prima concipiam nefas,  
Quod omnis ætas horreat . post me pia  
Sit nulla mater : hoc sed est etiam parum .  
Medea Colchis cæde puerili manus  
Maculauit . addam maius huic sceleri scelus .  
Magnū est, quod animus fluctuat : quid sit tamē  
Ignoro . perge furor : prope est : par est scelus .  
Nil quæro supra : coniugem hoc decet meum :  
Nostrisq; thalamis dignus est tantus furor .  
Animum parentis pelle , ( si quid est tamen )  
Euerfa dudum coniugis nostri fides .  
Euicit ille, si qua sit sceleris mora ,  
Pietate matris : vinco, si propero scelus .  
Quemcumque sceleris miseret auctoris, miser  
Et ipse pariter : quidquid hic fuerit pium .  
Quid hic morabor ? crimini tantum hoc detur .  
Eia anime meditata aggredi cessas ? satis  
Tempus querelis, iam satis tempus datum :  
Parentur epulæ : sacra splendescat domus :  
Manibus parentis innocens cadat puer :  
Vt ipse genitor viscera exedat sua .

**NŮT.** Per has seniles deprecor mammas, hera,  
Per spes aniles, perq; maiores deos,  
Defilte coeptis. quæ barbara vlla immanitas  
Commisit vnquã facere, quod properas scelus?  
Factura deinceps omne femineum genus  
Nocens. recedat impius mentis furor:  
Nec tale facinus clara Pandionis domus  
Inusitatum, pessimum, horrendum pareat:  
Vindicta quouis abeat: hanc partem sine.

**PRO.** Altrix ( fatebor ) pectora attronitæ labant  
Vario tumultu: talis incerto ratis  
Trahitur fragore, bella cum venti mouent:  
Cogitq; pietas: matris hinc nomen vetat:  
Indulge soror: ah potius impune hoc ferat:  
Spes vna miseræ matris hic solus puer:  
Vteri q; nostri cara progenies Itys,  
Pignus parentis, vnicum afflictæ domus  
Leuamen: etsi genitor, inuisus mihi,  
In omne facinus excitet mentem feram:  
Quid enim tyranni liquit intactum furor?  
Oblitus ille decoris, & nostri quoque,  
Miseriq; patris, virginem oppressit comitem,  
Fideiq; pignus: nec placet tantum scelus,  
Nisi scelus addat: virginis socios necat;  
Ipse q; linguam forcipe apprehensam rapit.  
Post hæc, pauentem clausit immani specu:  
Simulatq; mortem: lacrymas struxit quoque  
Periu-



Periurus : hæc est coniugis nostri fides.  
 Post ista dubitas sceleris vlcisci misera  
 Per omne facinus ? pereat hic : non est meus :  
 Diro parenti similis ah nimirum puer.  
 Disce ex marito denique insigne facinus  
 Audere Progne : fluctuat pectus , neque  
 Meminit parentis : tota sum (fateor) soror.  
 Furor relinquat corda, si facerem scelus  
 Male sana : pareat fructus : irarum est satis :  
 Ego sum furore ei prior : emittat licet  
 Pestes Auerni dirus vmbrarum arbiter ,  
 Ipsas fugabo : non capit sedem dolor .  
 Utinam tulissem foeta natorum gregem  
 Vtero capaci ; posset vt numerus matris  
 Satiare mentem : quod tamen venter tulit ,  
 In patrem redeat : nil sit ex illo meum.

*NVT.* Mater necabis vnicum gnatum tuum ?

*PRO.* Est nempe Terei . *NVT.* Cur necem  
meruit puer ?

*PRO.* Scelere paterno gnatus emeruit mori .

*NVT.* Iniqua ratio est , crimine alieno pati .

*PRO.* Cum iusta quærit , ira paulatim cadit .

Non est furoris , capere mensuram sceleri .

Grauis ira fontem respicit , pœnam leuis .

*NVT.* Alumna , quæso , nulla te pietas mouet ?

Poteris nefanda cæde puerili manus

Maculare ? poteris ipsa per pueri caput

Vibrare ferrum? deprecor, mentem exue  
 Diri furoris: mater es. *PRO.* Soror quoque.  
*NVT.* Alias nocendi mæror inueniat vias:  
 Enses, venena, flamma vel fontem premat;  
 Animamq; secius eggerat. *PRO.* Tellus prius  
 Gestabit astra lucida, & cælum feras;  
 Priusq; luci præerit noctis dea,  
 Tenebrisq; Phœbus, quàm meus mutet dolor  
 Decreta mentis. *NV.* Facere quo properas mo-  
*PRO.* Festus propinquat Thracio Regi dies, (do?  
 Quo mos adire coniugi tantum dapes,  
 Mensasq; Regis. aggredi licet patrem  
 Dapibus nefandis: sanguinem bibet suum:  
 Huius diei faxo sit semper memor.  
 Commissa nutrix occule. *NVT.* Hoc annis mea  
 Solet senectus tarda: præstabo fidem.

## C H O R V S.

QVÆCVNQVE extat fortuna nimis,

Altoq; ferit vertice nubes,  
 Placido regnet licet in ocio,  
 Finesq; suos ambiat vnda  
 Tagus aurata, & gemmifer Ister,  
 Nullo rerum pondere pressa  
 Corruit in se, nec capit vnquam  
 Placidæ regnum limina vitæ.

Ani-

Animos Regum turbine versat  
 Fortuna suo: rapit ambitio,  
 Vulgiq; fauor: plures mergunt  
 Nimij luxus, luxusq; comes  
 Dira libido. castus vixit  
 Iuppiter olim, cum Dictæo  
 Pauper in agro patrem fugeret:  
 Ast vbi fregit sceptrâ parentis;  
 Vacuoq; sedens solus Olympo,  
 Sub se terras vidit apertas,  
 Tractusq; maris, & vaga sidera;  
 Tunc Iunonem fallere cœpit:  
 Nunc Alcmenem capit Amphithræo;  
 Cessasq; tuos lucifer ortus,  
 Iussus longam ducere noctem:  
 Nunc pharetratae virginis arma  
 Humeris sumpsit, crura cothurno  
 Stringens; tenui subligat auro  
 Per colla comas: modo litoribus  
 Niuei simulans membra inuenci,  
 Equitem dorso per freta tulit: &  
 Candida plumis brachia mouit,  
 Placido fundens gutture carmen  
 Improbus ales. pauci reges  
 Sacrata colunt iura pudoris.  
 Non vllius fœdera læti  
 Animos tardant: odere thoros:



Nec cognato sanguine virgo  
Tuta est: pronus furor in vetita:  
Vetitumq; nihil . maxima pars est,  
Quæ nullius numinis aras  
Colat; atque animæ restare nihil  
Post fata putet; nec tartareis  
Horrida flagris verbera curet.  
Magno miseri iudice causæ  
Librantur nostræ: Æacus vmbas  
Ipse fateri crimina vitæ  
Subigit: quidquid gessimus olim,  
Patimur: nulli crimina paruo:  
Nec profunt tituli ordine certo:  
Purpura damnat: mediæ turbæ  
Pauci nigro liuida fundo  
Æquora verrunt. felix pauper,  
Qui contentus modico viuit,  
Nulliq; grauis tempora ducit.  
Pauperis intrat limina nunquam  
Immunda Venus: vincere somnos  
Studio coniux rustica tentat:  
Seruat castos horrida mores  
Casa: nimis nec soluunt epulæ:  
Mox, cum placidæ fata senectæ  
Vltima cursus egere suos,  
Felix moritur: nec marmorea  
Corpus in arca balsama seruant.

Pauci Reges vltima viuunt  
 Tempora vitæ: pauci sicca  
 Morte recedunt. alius diri  
 Signa cometæ trepidet: nullis  
 Territa monstris nostra senectus  
 Spatium vitæ finiat actæ.  
 Sed quid trepido nuncius ore  
 Portat? dubios ede tumultus.

## N V N C I V S, C H O R V S.

**NVN.** Terrore quator: sceleris ante oculos trucid  
 Imago pendet: totus horresco memor:  
 Hæret palato lingua. **CHO.** Quid portas noui?  
**NVN.** O Thraca tellus, scelere perpetuo nocens,  
 Quamq; omnis ætas damnet: o dirum nefas!  
 Quæ Colchis vnquam? qui ve dispersi Scythæ?  
 Quæ regio tantum fecit, aut credet nefas?  
 Abominandus ipse Diomedes minus.  
 O sors acerba: scelere punitum scelus:  
 Euerfa cuncta. **CHO.** Mitte perplexe loqui.  
 Post prima scelera nemo mirari solet,  
 Si quod secundum maius exoritur scelus.  
**NVN.** Me me procellæ ferte disiectum vndique,  
 Vbi Charybdis Sicula disturbat freta,  
 Vbi Scylla canibus latrat accincta rabidis.  
**CHO.** Effare aperte: nos pariter, & te leua.

*N/N.* In parte regiæ vltima stabulum latet,  
 Vbi Diomedes, pectoris impij dominus,  
 Humana sæuus pabulum diris feris  
 Secabat ipse viscera; & capita sanie  
 Madida superbus alta figebat manu  
 Foribus tremendis. semper infaustus cruor  
 Vndabat. ipse donec armenti dominus  
 Suo scelere perijt, hac pœna nocens.  
 Hic nocte tota voce ferali gemunt  
 Vmbræ vagantes: strepitus horrendû intonat:  
 Tractæ catenæ: fremere crudeles ibi  
 Fama est leones: sæpe latratu specus  
 Reboat: tremiscit terra: discordes deæ  
 Quatiunt rogaes igne funesto faces.  
 Inhumata Regis sæpe despecti premit  
 Manes flagellis turba. quò postquam furens  
 Regina subijt, paruulum trahens Itym:  
 Philomena subit. spectat hanc primum soror:  
 Deinde natum mater aspectu truci  
 Paulum morata, quid, inquit, tempus iuuat  
 Conterere lacrymis? tempus vlcisci venit  
 Thala mos pudici coniugis, stupra, & scelus.  
 Germana temet excita: hunc similem patri  
 Iuuat esse; dum perficio, quod struxi nefas.  
 Sic fata, furijs concita, infantem trahit  
 De more vituli, quem aspra lactentem rapit  
 Hyrcana tigris. ille blanditur matri,



Eius lacertis colla complexus puer.  
 Dimitte matrem: fata te expectant tua:  
 Dimitte: non est mater irata mulier,  
 Ferior læna, sexta quæ catulos trahit.  
 Spes vana patriæ, deperis paruus Itys,  
 Generosa proles gentis Actææ, nepos  
 Mauortis, vnum Thracijs rebus decus:  
 Pietatis in quo plus tamen fuerat auis,  
 Animos feroces quamuis à stirpe traheres:  
 Non tu tenebis sceptræ Threicia puer:  
 Non iura populis patrio solio dabis.  
 Quòd si pararent fata tam miseram necem,  
 Dum mater amens quærit vlcisci scelus  
 Maiore scelere: fata non facient tamen  
 Te te nocentem: nescius culpæ cadis.  
 Vt cunque moritur innocens, felix moritur.  
 Vade inter ymbras innocens: forsan tibi  
 Instabat aliquid tam bono genito patre.  
*CHO.* Quis, ede, durus raptor infantis fuit?  
*NVN.* Mater citato transfilit ferro latus.  
*CHO.* Quod tam cruentum dirus admisit nefas  
 Diomedes? *NVN.* Vltro cecidit in matrè puer:  
 Ferale stabulum gemuit. *CHO.* O nouū scelus!  
*NVN.* Vtinam scelere contenta desistat truci:  
 Immota mater properat hinc aliud nouum:  
 Vt hoc prematur scelere maiori scelus.  
*CHO.* Quid vltra atrocius potuit? an pabulum  
 In-

Inhumata pueri viscera exponit feris?  
 NUN. Vtinam, feroces quod solent iræ, rogo &  
 Humo arcuisset; tradat epulandum feris:  
 Pietas vocetur illa, si quæris nefas.  
 O dira facta! nobili trunco caput  
 Tereo secatur: cetera in partes rapit:  
 Artus calentes tractat, & fibras manu;  
 Nec flexit oculos: adiuuat Prognem soror:  
 Costas trucidat: pectoris crates rapit:  
 Humeris lacertos amputat ferro leuis.  
 Pars hæc ahenò voluitur, æstu laticem  
 Miscente: at illa verubus affixa ingemit:  
 Fumus penates obsidet rotos niger:  
 Disponit ipsa lancibus diras dapes,  
 Gnatum parenti. viscera edisti tua  
 Ignarus: etiam hoc deerit: & scies miser.

## I D E M C H O R V S.

OMNES vincunt dira Promethei  
 Semina furias: iam nihil est, quod  
 Postera credant sæcula vetitum.  
 Credimus iras,  
 Quascunque ferunt Colchidos. omnes  
 Scelerum formas tellus nostra  
 Vicit. sed tu miserande puer  
 Vadis ad manes, culpæ nescius,

Diros . maneant digna parenti  
 Præmia facti . quanquam digna es  
 Tu pœna puer , impiæ matris  
 Victima cæsus : diriq; premit  
 Viscera patris .

## T E R E V S ,   P R O G N E .

FESTVM diem celebrare quis vetat mihi;  
 Animumq; turbat mobilem incerto metu?  
 Quid hæret animus? prospero regnum in statu  
 Ego quid tremiscam nescio : timeo tamen. (est:  
 Modo inter aras, sacra cum ferrem deis,  
 Repente cecidit regij capitis decus.  
 Vidi cruorem verti in obscenum pariter  
 Bacchi liquorem : fleuit in templis ebur:  
 Emicuit ara : flamma per totam domum  
 Erepsit . etsi timeo nil, piget tamen  
 Sacri nefandi . Sed quid horresco ? procul  
 Secede terror . qui que prælagit sibi  
 Vanos timores : meruit in veros eadem .  
 Potius retexere flore viridanti comam :  
 Indulge Baccho ; voce festiua cane .  
 PRO. Vide, vt superbus regio solio incubet :  
 Nec credit vllò posse deuinci malo  
 Conuiuia lætus . exple sacratis famem  
 Dapibus : cruore pelle natorum sitim .



Sic te superbe . *TER.* Solus afferre solitam

Gnati quietem posset aspectus mihi .

*PRO.* Philomena posset sola solamen mihi

Afferre . *TER.* Segnis inter exangues iacet.

*PRO.* Idem inter umbras natus exangues cubat :

*TER.* Omitte coniux ista . *PRO.* Conjugem vocas

Nefande Tereu ? *TER.* Quod malum audio ?

( *PRO.* Nequeo

Crudele gaudium ferre . per totos rigor

Artus cucurrit . iam iuuat vultus patris ( meo

Spectare primos . *TER.* Quidquid est , pereat

Gnato . *PRO.* Bene est : scelus peractū est : hunc

*TER.* Vocetur : vbi natus latet diu mihi ? ( amat.

*PRO.* In te latitat . *TER.* Vbi est Itys ? *PRO.* Scies .

*TER.* Vbi est ?

*PRO.* Stupro sororem qui violat , atque efferus

Linguam trucidat , virginis socios necat ;

Epulatus ille est impia natum dape :

Philomena pueri defer extincti caput

In ora patris . huncne cognoscis pater ?

Magis an sororem ? *TER.* Sustines rerum fator

Tam grauia scelera ? an vanus in gentes timor

Fulmen coruscas ? misce diluuio omnia :

Fluuij rapaces fontibus ruptis meent .

Dimitte habenas : merge ad infernos lacus

Animas nocentes : pondus inuisum rape :

Dehisce tellus , tartari fundo occule .

Me me trifulco fulmine inuisum pete  
 Sator deorum, quo trium moles cecidit  
 Erecta cælo montium, atque hostes feri.  
 Sum fulminandus ignibus sacris ego:  
 Ego sum cremandus. si pater natum paro  
 Mandare flammis, quas miser voces dabo?  
 En ora cerno, quodq; de toto est super  
 Caput cruentum. scelere materno occidis,  
 Culpa parentis. hanc ego merui necem.  
 Hunc te Ity genitor video? quis fleat satis  
 Meas miseras? tumulus est nati pater.  
 Qui inhospitalis Caucasus tantum nefas,  
 Aut quis Proustes, quis ve contemptor deum  
 Busiris vnquam, quæ barbara vlla immanitas  
 Commisit? in me natus innocens iacet,  
 Dextra parentis cæsus. hoc vno pater  
 Superos timebam. genitor expleui sitim  
 Gnati cruore. da pater, nostri nimium  
 Oblite, Mauors tela, vel coniux dabit:  
 Euiscerabo corpus; vt grauis redeat  
 Cibus. negatur? hoc negat Progne mihi?  
 Philomena præbe: si miser non sum, nega.  
 PRO. Iam summa voti contigit: Tereus dolet:  
 Nunc restitutum credo germanæ penitus  
 Raptum pudorem, nunc meis thalamis fidem:  
 Erepta ferro lingua: nil curo: miserum  
 Dum muta videat. virgines stupro opprime:  
 Com-

Commenta mortis funera, & fletus para :  
Dum te nequitia pigeat aliquando tuæ .  
Aduenit ecce tempus, & dies mihi ,  
Quo te superbe, dum nihil times, premerem .  
Manibus parentis cecidit his natus tuus :  
Partita pueri corpus in partes soror :  
Pars hæc ahenò voluitur, æstu laticem  
Miscente: at illa verubus affixa ingemit .  
Post hæc cruorem miscui sacro mero .  
Poterat sine vlla cæde puerili peragi  
Vindicta: poteram temet in flammæ dare ,  
Oculosq; pressis vnguibus ruere, aut aliquam  
Instruere mortem : pœna sed visa est levis,  
Quæcunque finem ponit ærumnis nece .  
Hûc cerne genitor. TER. O nouercales manus;  
Quæ Colchis vnquam tanta commisit scelera?  
Immitis, atrox illa se tantum nece  
Contaminauit: scelere vicisti scelus,  
Et morte maius ausa post mortem nefas .  
Tuum est, quod hausi, crimen, horrendas dapes  
Ignarus. PRO. Insons criminis nomen fugit.  
TER. Quò quò profanus ciuium aspectus fugiam?  
Quæ latebra misero tuta? quò præceps ferar?  
Me me procellæ trans quoque Oceanû rapite ;  
Quò nullus hominum, nec feræ, nec Sol meet :  
Aut illigato Rhodopes sub Thressiæ iugis  
Ales Promethei tundat æternum iecur.

Rho-



**PRO.** Rhodopē ne poscis? cara post stuprū est tibi.

Pete & sororem, quæ data est virgo diu,

Periure Tereu: virgines stupro opprimis?

**TER.** Tu sæua natum? **PRO.** Fateor, & iuuat, tuum.

**TER.** Quid meruit infans? **PRO.** Gnatus emeruit

Tuapte culpa. **TER.** Vindices testor deos. (mori

**PRO.** Potius pudoris numen intacti voca.

**TER.** Te te sequentur furia. **PRO.** Itys solus patrē.

F I N I S.



43

DE RATIONE VERSVVM,  
quibus hæc tragœdia conscripta est.

*LVCOS & amnes defero Inferni Iouis .*

Carmen archilochicum, trimetrum, iambicum, acatalecticum, assumit in disparibus quidem locis iambum, choreum, spondeum, dactylum, & anapæstum : in paribus autem iambum, choreum, & anapæstum . hic vero anapæstus apud comicos frequentius, apud tragicos rarius inuenitur, ita tamen, ut multarum breuium iunctura vitetur .

*ORTE Saturno, pelagiq; rector .*

In hoc choro continentur duæ metri varietates . prima enim carmina usque, REX VICTVS, dicuntur sapphica trochaica: constant enim trochæo, spondeo, & dactylo, & duobus trochæis . reliqua autem dicuntur glyconica: constant autem spondeo, choriambos, & pyrrhichio .

*NULLA mortales tenuit voluptas .*

Hic chorus continet duas metri diuersitates . prima quidem, ut in primo choro, ORTE SATVRNO. intermixtum est vero carmen Adonicum : quod constat primo dactylo, secundo spondeo, siue trochæo . Nota autem ultimam indifferenter semper in omni genere metrorum poni .

*SACRA Thioneo repetita triennia suadent .*

Hic chorus continet nouem metri diuersitates . primum genus metri heroicum, hexametrum, dactylicum, ut SACRA THIONEO . Secundum sapphicum est metrum: constat enim primo trochæo, secundo spondeo, tertio dactylo, quarto choriambos, quinto spondeo, siue trochæo, ut, HVC ADIS PROLES. Tertium constat primo dactylo, secundo amphimacro, tertio epitrito, quarto pyrrhichio, siue iambo, ut, EX VTERO. Quartum, TE TE THRACA VOCAT: ut in primo choro, REX VICTVS. Quintum asclepiadeum choriambicum : constat primo spondeo, secundo, & tertio choriambos, quarto pyrrhichio, vel iambo, ut, HVC FORMOSE PVER. Sextum constat primo pæone, secundo spondeo, ut, VARIASQUE LYNCAS: &, HEDERA VIRENTI. Septimum, ut in primo choro, ORTE SATVRNO: & in, TERTIA SACRI. Octauum constat

constat primo anapæsto, secundo iambo, tertio spondeo, quarto anapæsto, quinto pyrrhichio, sexto trochæo, septimo trochæo, vel spondeo. nonum, & vltimum, vt in secundo choro, FATA SORORIS: &, LACTEA COLLA, &c.

*HVC è latebris procede soror.*


In hoc carmine continetur vnicum genus metri, quod dicitur archilochicum: constat autem spondeo, dactylo, & anapæsto in-  
differenter.

## STVDIOSIS S.


*CVM in hac tragoedia multas elucere veterum poetarum virtutes eruditi homines iudicarent: communicandam vobis putauimus eo libentius, quòd in hoc genere, præter vnum Senecam, nihil habemus: cuius tragoedijs minimum certe Progne nostra concedit. illud æquo animo feretis, quòd aliquot in locis deformatam mendis, quæ corrigere non licuit, legetis. maiora in posterum, Deo fauente, expectabitis. IN ACADEMIA VENETA M.D.LVIII.*

ROMÆ EXCVD. MASCARDVS


CID IDC XXXVIII.
















227





IVDITHA  
VINDEK

130



+ colorchecker CLASSIC

+ calibrite



100mm